



## IESUSEN IMITAZIONEA

**Silvain Pouvreau**

Iturria: *Jesusen imitacionea*, Silvain Pouvreau (faksimilea). Hordago, 1979.

Klasikoen Gordailuan:

<http://klasikoak.armiarma.com/idazlanak/P/PouvreauImitazionea.htm>

Klasikoen Gordailuak egindako lanak oro dominio publikokoak dira, eta, Jabego Intelektualaren Legearen arabera jatorrizko idazlanak bestelako eskubiderik ez baleuka, nahi bezala erreproduzi daitezke.

# **IESUSEN IMITAZIONEA**

SILVAIN POUVREAU APEZAK ESKARAZ EMANA

PARISEN MDCLXIX



## LEHEN LIBURUA: IESUSEN IMITAZIOEAZ

## LEHEN KAPITULUA

*Munduko banaloria guzien mesprezioaz.*

1. *Nor ere baitarrait eztabilla ilhunbean, aitzitik izanen du biziaren argia* (Io. 8, 12), dio gure iaunak. Hauk dira gure Salbatzaieearen hitzak eta hetaz gonbidatzen gaitu bere biziaren eta bizitzeko antzearen irraikitza nahi badugu egiazko argiaz gozatu, eta bihotzeko ilhuntasun guzietarik libratu ibilli.

Biz bada gure artharik handiena Iesus-en bizitzea hemendik hara gogoan erabiltea.

2. Gure Salbatzailearen dotrina garaitzen zaie bertze Saindu guzien nahiz diren dotrinei, eta nork ere bailuke haren endellegua hartan barrena kausi lezake, zeruko iakia gorderik.

Bainan hala gertatzen da non hainitzek, Ebanjelioa maiz enzunagatik hari irraikitzekeo desir guti eta hala ere hotzik sentitzen baitute, zeren ez tuten Iesus-en espiritua ardietsi.

Bada nork ere nahi baititu haren hitzak osoki eta gozoki iakin, behar du bere bizitza guzia haren bizitzearen gainean ahal bezanbat moldatu.

3. Zer probetxu duzu gauza handirik ebastia Trinitate sainduaren gainean humiltasuna ezpaduzu zeinagabe higoinduko baitzaizko Trinitate sainduari?

Gertuz gauza gorez mintzatzeak ez tu nihor egiten saindu eta iustu, baina bai bizitze bertutetsuak hura egiten du Iainkoaren gogorako.

Nahiago dut urrikimendua ene baitan sentitu, ezen ez iakin zer den urrikimendua.

Bazeneaki ere Eskiritura saindu guzia gogoz eta endelleguz, bai eta filosofen erran zuhur guziak bazeneakizki, zer probetxu zenduke handik, karitatea eta grazia gabe?

*Banalarien banaloria, eta guziak banaloria* (Eccl. 1), lekat Jainkoa maite izaitea, eta hari xoilki serbitzu egitea baizen.

Guzien gaineko zuhurzia eta iakintasuna da zeruko erresumara gogoz eta obraz xedatzea, mundua mesprezaturik.



4. Beraz banaloria da galkor diren aberatstasun galkorren ondoan ibiltzea, eta hetan esperanza emaitza.

Banaloria da ohoreen ondoan kexatzea, eta gradu edo kargu handietara alxatzea.

Banaloria da haragizko guthiziei irraikitzea, eta, zeren ene gatik garratzki pensatu behar baita nihor, haren desiratzea.

Banaloria da bizitze luzearen desiratzea eta prestuki bizitzeaz axola guti izaitzea.

Hainitz dira zeinen iakite hutsak probetxu guti baitakarkeo arimari edo ez bat ere eta erho handia da nork ere buruan baitarabilla bere arimaren salbamenduko gauzez bertzerik. Hainitz hitzgileak eztu arima satiatzen, baina bizitze prestuak bozten du gogoa, eta konszientzia garbiak emaiten du Iainkoa baitako fidanza handia.

3. Zenbatenaz areago eta hobeki baitakizu hanbatenaz garratzkiago iujeaturen zare, saindukiago bizi ezpazara.

Etzaitzila beraz urguillu ikasi duzun ofizioa edo ardietsi duzun iakintasuna gatik; aitzitik zarella beldur eman izan zaitzun ezagutza gatik.

Iduri badagotzu hainitz gauza dakizula, eta ongi aski, halarik ere iakin ezazu geiago dela eztakizunik.

Ez egin zure burua iakin handi, aitzitik zinetan aitor ezazu zure iakingabea.

Zergatik nahi duzu abantailla hartu bertzeen gainean ikusirik hainitz bertzerik edireiten dela zu baino iakinsunagorik? eta legeetan frogatuagorik?

Nahi baduzu zerbait ikasi eta iakin zure probetxutan duzun atsegin zeren munduak etzaituen ezagutzen eta ez deus zadutzan.

4. Beregaineko eta probetxu guziz handitako Lekzioea eta iakintasuna da, bere burua ongi ezagutzea eta mesprezatzea.

Bere burua ezdeus idukitzea eta bertzeez bethiere iujeamendu on eta kontu handi egitea zuhurzia eta perfekzione handia da.

Nihor ikus bazeneza ere ageriz bekatutan erorten, edo zerbait gaizki handi egiten, etzenduke hargatik zure burua hobe estimatu behar, zeren ezpaitakizu noiz artean prestutasunean ahal zaudezken.

Banaloria da oraiko bizitzeari xoilki gogoa emaitza, eta etorkizunari aitzinetik ez behatzea.

Banaloria da lasterka iragaiten diren gauzei amudio ekartzea eta sekulako bozkario dagoen lekura ez lehiatzea.

5. Orhoit zaitte maiz ohiko erranaz: *eztela begia asetzen ikusteaz, ez eta beharria enzuteaz*. Eccls. 1

Duzun bada artha, zure bihotzaren atheratzeaz ikusten diren gauzetarik, eta haren eramaiteaz ikusten eztirenetera. Ezen nor ere baitarraio bere gutizien oldeari hark bere konszientzia lizuntzen du, eta Iainkoaren grazia galtzen.



## BIGARREN KAPITULUA

*Behar duela nor nahik bere buruaz sentimendu humil eduki.*

1. Badute guziek bere sorkuraz iakiteko guthizia, ordea iakiteak zer dakarke Iainkoaren beldurtasunik ezpada? Segur Iainkoa serbitzatzen duen langille humilla hobea da, zeruen itzul-inguruan bere burua largaturik miratzen hari den Filosofo urguillua baino.

Nora ere ongi ezagutzen baitu, berehala bere burua xipi daduka, eta eztu atseginik hartzen munduko laudorioez.

Baneakizki ere munduan diren gauza guziak eta ediren banendi karitatez eta graziaz billusirik zer probetxu nuke ene obrak gatik iujeatu behar nauen Iainkoaren aitzinean?

2. Larga zazu iakiteko guthizia soberaniazko hura, ezen hartan hainitz errebelamendu da eta enganamendu hainitz. Iakinsunek nahi ohi dute munduak ikus detzan, eta erran dezan hainitz iakinak direla.

Guziak erorkor, hautskor eta flako gare, bainan eztadukazula zu baino erorkoragorik eta flakoagorik badela.

## HIRURGARREN KAPITULUA

*Egaren Dotrinaz.*

1. Doatsua da, nor ere egiak dotrinatzen baitu, berak ordea, ez figurez ez eta iragaiten diren hitzez, baina bera den bezala.

Gure iduritzeak eta usteak maiz enganatzen gaitu eta guti dakusa.

Zer probetxu dakarke gauza estalirik eta gorderik nabarmenki iakin nahiz erabilteak, ezpaigara akometaturen azken iujeamenduan zeren halakorik eztugun iakin.

Gure erhokeriaren handia! Gauza premiazkoak eta probetxusak utzirik gure gogo guzia etxatzen dugu kuriosetara eta galgarrietara: begiak itugula eztugu ikusten.

2. Zer ansia dugu filosofek bere artean gauza jeneralen eta berezien gainean darabiltzaten solhasez? Nori ere baitzaio minzo Iainkoaren hitza eta zuhurzia, hainitz opinionetarik libratua da.

Gauza guziak heldu dira hitz batetarik, eta bat hura aiphatzen dute guziek, eta hura da gauza guzien ithurburua, guri ere mintzo zaikuna.

Hura gabe eztu nihork endellegatzen, ez eta ongi iujeatzen.

Nork ere gauza guziak baitadutza bat, eta guziak batetara baitakaske, eta guziak batetan baitakuski, hura ahal daite bihotzaz finko eta Jainkoa baitan bake iar diteke.

O Iainko egia, egin nazazu zurekin bat bethiereko karitatean.

Hainitzetan unhatzen naiz hainitz irakurtzeaz eta enzuteaz: zure baitan da nahi eta desiratzen dutan guzia.

Beudez ixilik iakinsun handiak, beudez kreatura guziak hitzik gabe zure aitzinean, zu xoilki, othoi minza zakizkit.

3. Zenbatenez bilduago, iuntatuago eta iarriago baita nihor bere buruarekin, bertzetara barraiatu gabe, hanbatenez guza geiago eta gora-goak aditzen tu traburik gabe, zeren argia izaiten baitu gainetik hekin endellegatzeko.

Espiritu garbia, sinplea eta fermua, lan hainitz izanagatik ezta kexatzen, ez barraiatzen, zeren gauza guziak egiten baititu Iainkoaren ohoretan, eta enseiatzen baita geldi egoitera beren baitan, deusik beretzat bilha ibilli gabe.



Zerk trabatzen eta tarritatzenago zaitu bihotzean dadukazun pasio-  
ne bildumatu gabeak baino?

Gizon prestuak eta debotak lehen bere baitan ordenatzen tu kanpo-  
an egin behar dituen lanak, eta egitekoek hura ez taramate inklinazione  
gaiztoaren guthizietara, aitzitik hark erakartzen tu arrazoinaren neurri-  
ra eta xedera.

Nork du gudu gaitzagorik bere buruari garaitzera lotzen denak  
baino?

Bizkitartean hura behar lizate gure lan handiena izan, gure buruari  
garaitzea, egun oroz gure burua baino sendoago eta bortitzago iartzea,  
eta bethi onean geiago aitzinatzea.

4. Zein ere nahi den perfekzioneri zerbaite eskas datxeka bizitze hune-  
tan, eta gure behatze guzietan lanbrotzen zaizkigu begiak eta ilhutzen.

Zure buruaren ezagutze humilla bide segurago da Iainkoa gana hel-  
tzeko, ezen ez iakintasun guzietan barrena sartzea.

Badarik iakintasuna edo nahiz diren gauzen ezagutza sinplea ezta  
gaizki erraiteko, bera den bezala konsideraturik ona baita, eta Iainkoak  
ordenatua, bainan bethiere abantaila eman behar zaio konszienzia onari  
eta Iainkoaren araberako bizitzeari.

Zeren orde hainitzak enseiatzenago baitira iakitera, ezen prestuki  
bizitzera, hargatik maiz enganatzen dira eta probetxurik bat ere edo guti  
baizen ez takarkete.

5. O! Baldin galde kuriosik egitera eta erabiltera ekartzen duten  
bezanbat neke eta ernetasun har balezate ere bekatuen atheratzeko eta  
bertuteen landatzeko, elizate hanbat gaixtakeria eta eskandalisa jendar-  
tean, ez eta horrenbat largotasun konbentuetan.

Segur azken iujeamendu eguna datorrenean, etzaiku galdeginen zer  
irakurri dugun, baina bai zer egin dugun, ez eta zein ederki minzatu garen,  
baina bai zein bertutezki bizi izan garen.

Erradazu, othoi, non dire orai zuk oraino bizirik eta kollejoetan  
nausi iarririk ezagutu dituzun Iain eta Dotor hek guziak?

Bertzeek orai dadutzate hekin lekuak, eta eztaikit hetaz orhoit diren  
ere.

Bizi zireino baziruditen zerbaite zirela, eta oraikoan ezta nihor hetaz  
minzaten.

6. O *zein* laster iragaiten den munduko loria! Ailitzaio hekin bizitzea  
ardietsi zuten iakintasunari, orduan erran liteke ongi estudiatu eta irakurri  
zuketela.

Zenbat galtzen diren munduan banaloriazko iakintasuna gatik,  
Iainkoaren serbitzuaz axola guti izanez.

Eta zeren nahiago duten handi izan, ezen ez humil, hargatik airatzen  
zaie burua ber gogoetetan.

Egiaz handi da nork ere karitate handia baitu.

Egiaz handi da nork ere baitan xipi baita, eta ohore mukuru guziak  
ez deus baitadutza.

Egiaz zuhurra da lurreko gauza guziak ongarri estimatzen dituen  
Jesus-en irabastea gatik.

Egiaz xoil iakintasuna da Iainkoaren borondatea egiten duena, berea  
utzirik.



## LAUGARREN KAPITULUA

*Egitekoei aitzinetik behatzeaz eta hetan behar den zuhurzia.*

1. Hitz guziak eztira zinetsteko, ez eta gogoratzten diren guziak, baina dena den bezala pisatu behar da begiratu, eta astiroki Iainkoaren arauera.

Ha dolorea! hainzeta errazkiago gure lagunaz gaizkia zinetsten dugu ongia baino, hain flako baigara ezen.

Ordea gizon zuhurrek eztituzte berehala berri ekarleak zinetsten: baitakite gizonaren flakotasuna gaizkira eroria, minzakorra eta hitzetan erorkorra dela.

2. Zuhurzia handia da egitekoetan ez lehiatzea, eta bere burua uste-tan ez thematzea.

Zuhurziari ere dagoka elhe berri guziak ez zinetstea, eta adituak edo zinetsiak berehala, bertzeren beharrietara ez eramaitea.

Har ezazu gizon zuhur eta konszientzia onetako baten konseillua, eta duzun artha geiago zu baino hobeagorik bilhatzeaz haren ganik ikasteko, ezen ez zure buruko asmatzen ondoan ibilteaz.

Bizitze prestuak egiten du gizona zuhur Iainkoaren aitzinean, eta hainitz gauzatan iakinduri.

Zenbatenez humillago baita gizona, eta Iainkoagana obedientago, hanbatenez izanen da zuhurrago eta bakeago ibil-bide guzietan.

## BORTZGARREN KAPITULUA

*Eskiritura sainduaren irakurtzeaz.*

1. Egia bilhatu behar da Eskiritura sainduan, ez aharantza ederra.

Eskiritura sainduan datzan guzia irakurri behar da egin izan den bezalako espirituarekin.

Eskirituretan lehen bilhatu behar dugu gure arimaren probetxua, ezen ez hitzen zotillezia.

Debozinezko liburu apalak irakurri behar ditugu gauza gorez eta barrenez minzo direnak bezain gogotik.

Ez beha ea liburua egin duenak hainitz edo guti dakien, bainan egia hutsaren amudioak gonbida zaitzala haren irakurtzera.

Eztuzula ansiarik nor minzo den baina beha zazu zer den errana.

2. Badoaz gizonak, bainan Iainkoaren Egia sekulakotz dago.

Iainkoa hainitz moldez minzo zaiku nihoren begitartera behatu gabe.

Gure iakin nahi egjak maiz paxelatzen gaitu eskiritura sainduen irakurtzean, noiz ere nahi baitugu hetan barrenegi sartu eta sinpleki iragan behar lizatekeiena sondatu.

Nahi baduzu probetxurik ardietsi, irakur ezazu humilki, sinpleki eta fidelki, eta eztakizula sekulan burura ethor iakinsun zarelako aiphamenaren nahia.

Egitzu zure galdeak emeki eta zaude ixil zuhurren hitzen enzuten.

Eztakizkitzula higoin zaharren erranak eta konparazioneak, zeren eztira alferrik eta arrazoinik gabe atheratzen.



## SEIGARREN KAPITULUA

*Afekzione desordenatuez.*

1. Noiz ere zebaitz guthiziatzen baita gizona behar ezten legez, berehala bere baitan asaldatzen da.

Superbioak eta abariziosak eztute nihoiz ere pausurik: bainan gogoz eta bihotzez pobre eta humil direnak gozaten dire.

Bere baitan osoki mortifikatua oraino ezten gizona laster tentatzen da eta benzutzen gauza aphurretan eta ezdeusetan.

Espiritu flako duena eta haragizko eta munduko gauzetara nolazpait oraino etzina dena, nekez osoki aparta diteke lurreko guthizietarik eta hargatik maiz tristetzen da hetarik apartatzeaz eta errazki haserretzen da nihor iartzen bazaio kontra.

2. Ordea behin ardietsten badu desiratzen duena, berehala konszienziaren ausikiak hura kexatzen du, eta eranzuten egiten dio, zeren iarraiki zaion bere guthiziadurari, ikusirik etzaiola deusetan heltzen bilha zebillan bakearen ardietsten.

Bada guthizien kontra iarriz aurkitzen da bihotzeko bake egiazkoa eta ez hei iarraikiz.

Beraz ezta bakerik haragiara, edo kanpoko gauzetara emana den gizonaren bihotzean, baina bai gizon espirituala eta Iainkoa gana pitstua baitan.

## ZAZPIGARREN KAPITULUA

*Esperanza falsoari eta superbiotasunari ihes egiteaz.*

1. Banaloriazkoa da bere esperanza gizonetan edo kreaturetan ezartzen duena.

Etzarella ahalke bertzeen serbitzatzera Iesus-en amorea gatik, eta mundu hunetan pobre iduritzera.

Etzaitzela fida zure buruaz, bainan ezar ezazu zure esperanza Iainkoa baitan xoilki.

Egizu egin ahala zure aldetik eta Iainkoa helduko zaio zure borondate onari.

Etzaitzela fida zure iakinaz edo nihoren arteziaz, bai ordea Iainkoaren grazia baitan: hark abantailatzen baititu humillak eta bere burua handi dadukatenak behehitzen.

2. Etzaitzela loria aberatstasunetan, balin baduzu, ez eta adiskidetan zeren handi diren, baina Iainkoa baitan, zeinak den guzia emaiten baitu eta desiratzen ere bere buruaren emaitera gauza guzien gainetik.

Etzaitzela urguillu zure gorputzeko handitasuna edo edertasuna gatik, zeren aphur bat erituz galtzen da eta itsusten.

Etzaitzela loria zure fetxotasunaz edo espiritu ederraz, beldurrez higoiz zakizkon Iainkoari, zeinarena baita zer ere onik baituzu zure izaitez.

3. Eztadukazula bertzeak baino hobea zarela, beldurrez gaixtoago ediren zaitez in Iainkoaren aitzinean, zeinak baitaki zer den gizona baitan.

Eztuzula burupenik zure obra onak gatik zeren bertzela iujeatzen du Iainkoak, eta munduak bertzela, eta hainitzetan Iainkoari itsusi zaio munduari eder zaiona.

Zerbait onik baduzu, zinets zazu bertzeek hobeagorik dutela, humiltasuna begira dezazun gatik.

Eztukezu kalterik guzien azpian iartzeaz, bainan bidegabe handi egiten diozu zure buruari bat baino gorago altxatzeaz.

Humilla gozaten da ardurako bakeaz, eta superbioaren bihotzean ostantzen dira inbidia eta bekaitsteria.



## ZORTZIGARREN KAPITULUA

*Begiratu behar dela sobera familier izaitetik.*

1. Eztiezezula zure bihotza guziei ager: bainan egitzu zure egitekoak gizon zuhur eta Iainkoaren beldur batekin.

Gazteekin eta kanpokoekin etzaitzezila maiz ibil.

Aberatsak ez lausenga, eta handien aitzinera ez ager gogotik.

Laket bekizu humillekin eta sinpleki, debotekin eta aztura onetakoekin, eta hekin artean minza zaitte gauza sailduz.

Etzaitzezila treba familier noiz den emakumerekin, bainan emazte prestu guziak orobat gomenda diotzotzu Iainkoari.

Duzun desira Iainkoarekin xoilki eta haren Angeruekin familier izaiteko, eta ihes egizu gizonen ezagutzatik.

2. Karitate behar da guzien aldera, bainan guziekin trebe izaitzea ezta on.

Batzutan gertatzen da norbait ezagutua ezteanean ongi aiphatzen dela bere omen ona gatik, eta berak jendardean sarturik lanbotzen dituela ikusten dutenen begiak.

Zenbait aldiz iduri dagoku bertzei egiten derauegula atsegin hekin artean sartzeaz, eta orduan hasten gare hei higoitzen gure aztura gaixtoak kontsideratuz.

## BEDERATZIGARREN KAPITULUA

*Obedienziaraz eta azpiko iartzeaz.*

1. Guztiz gauza handia da obedienziaren egoitea, Superior baten azpian bizitzea, eta bere burua ez izaitzea bere eskuko.

Hagitz segurago da azpiko izaitzea, Nausi eta Kargudun baino.

Hainitzak obedienziaren azpian daude borxazago karitatez baino, eta halakoek pena dute, arinki darasate, eta bihotzeko libertatea ezte ardietsiko iartzen ezpadira gogo guziaraz norbaiten meneko Iainkoa gatik.

Laster egizu huna edo horra, zoaz nora nahi, eztezu pausurik edirenen Superior baten manuaeren azpian humilki iarririk baizen.

Iduritzeak eta lekutik lekura aldatzeak hainitz ganatu dute.

2. Egia da batbedera gogotik hari dela iduri dagokanaren arauera, eta lixturtzenago dela berak bezalako sentimendu dutenen aldera; baina Iainkoa gure artean badago, premia da batzutan utz dezagun gure sentimendua bake izaitzea gatik.

Nor da hain zuhur non diren guziak ahal dakizkiyen?

Beraz etzaitzezila sobera perma zure sentimenduaren gainean, baina bertzerena ere ezazu gogotik; ezen zure sentimendua ona bada eta hura Iainkoa gatik largatzen baduzu bertzearenari iarraikitzeke, probetxu geiago handik atherako duzu.

3. Hainitzetan aditu dut segura dela enzutea eta konseillu hartzea, emaita baino.

Gerta diteke ere batoren eta bertzearen konseillua on izanen dela; baina bere ez utzte bertzeari amor egitea gatik, arrazoinak hala nahi direnean, superbioaren eta nabarmenaren seinalea da.



## HAMARGARREN KAPITULUA

*Begiratu behar dela soberazko hitzketarik.*

1. Ihes egizu munduko abarrotsetik ahal bezanbat: zeren lurreko gauzen tratuak, intenzione onez egiten bada ere, hagitx paxelatzen gaitu: zeren laster atzemaiten baigaitu banaloriak eta eramaiten.

Nahi nuke hainitz aldiz ixil egon baninz, eta konpainietan sartu ezpaninz.

Zergatik ordea hain gogotik solhastatzen dugu elkar, ikusirik gutitan bihurtzen garela ixil egoitera, non eztugun konsziencia zerbaitez zaurtu?

Hargatik hain gogo idekiz iartzen gare hitz giten, zeren elkarrekiko solhasez baigabiltza elkar ganik konsolazione bilha, eta nahi baigenduke gure bihotz nahasia eta hainitz gogoeta suertez kapatua bide hartaz arindu.

Eta atsegin handi dugu orhoitzeaz eta minzateaz hagitx maite edo desiratzen ditugun gauzez bai eta gure desgogorakoez arrankuratzeaz.

2. Ha dolorea ordea! Hainitzetan hutsik eta alferrik hari gare zeren kanpoko konsolazione hark eztio kalte guti ekartzen barreneko eta Iainkoa gainikako konsolazionean.

Hargatik erne egon behar da eta othoitz egin arren denbora eztoan alferrik.

Sori bada minzatea eta behar bada, minza zaite gauza onez eta ari-mari ukiten zaizkonez.

Gure usanza gaixtoak eta aitzinamendu espiritualaz dugun ansia apurrak hala partez egiten derauku ahoa largo eta mihia libro.

Badarik ere gauza espiritualetz elkarren artean solhas egiteak ezto ari-maren probetxua guti aitzinatzen, noiz ere behintzat borondatez eta gogoz kide direnak elkarganatzen baitira Iainkoaren ohoretan.

## HAMEKAGARREN KAPITULUA

*Bakearen ardiestean, eta aitzinamendu espiritualaren desiraz.*

1. Bake handi batez goza ahal gindeske nahi ezpagendu sartu bertzeren erranetan, eta egitekoetan zeinek ezpaigaituste ukitzen.

Nolatan luzeki dagoke bake bertzeren egitekoetan balsatzen dena? kanpoan okasione bilha dabillana? Gutu edo gutitan bere baitara biltzen dena bere buruaren ezagutzeko?

Doatsu dira sinpleak zeren bake handia izanen dute.

2. Nondik saindu batzuk hain bertze perfekzione ardiesti dute, eta hain izan dire argituak zeruko gauzetan? Zeren hekin lan guzia izan baita lurreko guthiziak osoki hiltzea bere bihotzetik, eta hargatik arimako indar guziez itxeki ahal diote Iainkoari, eta egon ahal dira traburik gabe bere barrenaren errekaizatzen.

Gu sobera gatxeste gure pasionei eta ioaiten diren gauzez sobera ansiatzen gara.

Gutitan osoki garaitzen bagaisko bizio bati, gutitan pitsten gare egunorozko aitzinamendura espiritualara, halatan gelditzen gara hotz eta epel.

3. Gure baitan osoki hillak bagine eta barrenean koropillatuak ezpagine, orduan Iainkoare gauzak dasta ahal genetzake, eta zerbait froga gini-roke zeruko ezttitasunen kontenplazionetik.

Trabu guzia eta den handiena da, zeren ezgaren pasionetarik eta guthizietarik libratuak eta zeren ezgaren enseiatzen Sainduen bidean sartzera.

Ondikorik gutiena gertatzen zaikunean lasteregi erorten gare, eta munduko konsolazionetara itzultzen.

4. Baldin gizon sendoak bezala enseia bagindez gure ahalaz guduan fermu eta finko egoitera segur ikus genezake Iainkoa zerutik heldu dela guri laguntzera.

Hura prestik baitago guduan hari direnei eta haren baitan esperanza dutenei heltzera, nola berak bilhatzen baiterauzkigu gudukatzeko okasio-neak garai gakizten gatik.



Iainkotiartasunaren aitzinamendua emaiten badugu xoilki kanpoko zerimonietan, sarri fin hartuko du gure debozionaek.

Bainan aizkora eman dezagun errora arren pasionetarik garbiturik bakezko bihotzaz goza gaitезin.

5. Urthetik urthera xoilki bizio huts bat athera bageneza errotik, laster gizon perfet egin gindezke.

Bainan orai kontra da, eta hainzeta sentitzen dugu hobeago eta garbiago ginela Iainkoaren serbitzura lehenbizi itzuli ginenean, ezenez hainitz urthez geroztiko botuaren ondoan.

Egun oroz behar genduke berokiago debozionaean aitzinatu, bainan orai badirudi gauza handia dela nihork guti bat iduki ahal baleza bere lehenbiziko bero hartarik.

Aphur bat borxa bageneza gure burua, nahiz den guzia gero bage-neidike errazki eta alegeraki.

6. Gaitz da leheneko ohitzaren utzte, baina gaitzago da bere boron-datearen kontra iartzea.

Ordea garaitzen ezpazaitze gauza aphurrei eta arinei, noiz garaituko zaitze gaitzenei?

Iar zaitte hastetik zure inklinazionaeren kontra, eta ahants bekizu zure aztura gaixtoa, beldurrez aphurka zaramatzen gauza gaitzagoetara.

O ikus bazeneza zein bake handi ardiets zenezaken, eta nola bozkario eman ziniezeken lagunei zure prestuki bizitzeaz, uste dut ansiatsuago zinatekeiela zure probetsu espiritualaz.

## HAMABIGARREN KAPITULUA

### *Afikzionetarikako probetxuaz.*

1. On da guretzat zerbait gaitz batzutan gerta dakigun, eta norbait iar dadin gure kontra, zeren bide hartaz gizona maiz bihurtzen da bere gana ezagutzeko desterruan dela eta eztuela esperanzarik ezarri behar munduko gauzetan.

On da guretzat zenbait aldiz kontra errailleak ditugun eta paira detzagun, bai eta gutaz iujeamendu gaixtorik eta makurrik eman dezaten, ongi egiten dugularik, eta intenzione onarekin.

Horrelakoak heltzen zaizkigu humiltasunaren ardietsen, eta begiratzten gaituzte banaloriatik.

Ezen orduan Iainkoa hobeki hartzen dugu gure barrenaren lekuko, munduak kanpotik deus gutizat garabiltzanean, et zinetsterik etzaikunean emaiten.

2. Halakotz behar luke gizonak Iainkoa baitan osoki permatu, men-goarik ez izaitea gatik hainitz munduko konsolazionaeren bilha ibilteko.

Noiz ere borondate onezko gizona tribulatzen baita, edo tentatzen, edo gogoramendu gaiztoz penatzen, orduan ezagutzen du Iainkoaren beharago dela, eta ikusten du hura gabe ezin daidikeiela deus ere onik.

Orduan ere tristetzen da, hatsbeherapenez, nigarrez eta othoitzez iartzen da pairatzen dituen miseriak gatik.

Orduan unhatzen da bizitze luzeaz eta desiratzen du herioa datorren haren libratzera eta Iesus-gana eramaitera.

Orduan oraino ongi dakusa munduan ezin ditekeiela seguranza betherik eta bake osorik.



## HAMAHIRURGAREN KAPITULUA

### *Tentamenduen kontra iartzeaz.*

1. Munduan bizi gareino ezin garatezke tribulamendurik eta tentamendurik gabe.

Halatan eskiribatua datza Ioben liburuan gerla eta tentazioea da gizonaren bizitza lurraren gainean.

Horren gatik behar luke batbederak ansiatsu iarri tentamenduen gainean, eta ernerik egon othoitzetan, beldurrez etsaiak aurki dezan lekurik haren enganatzeko; nola ezpaita nihoiz ere loakartzen, baina inguruz inguru baitabilla nor irets dezan bilha.

Ezta nihor ere hain konplirik eta hain saindurik, non eztuen noizait zenbait tentazioe, eta ezin gaudezke osoki gabe.

2. Guziarekin ere batzutan tentazioeak hagitz onak dira gizonarentzat gaitzak direlarik eta fastikagarriak, zeren hek direla bide humiltzen baita, garbitzen eta zuhurtzen.

Saindu guziak iragan dira tentazioeen bide pelkarretik, eta probetxu athera dute hetarik.

Tentazioeak ezin iasan dituztenak Iainkoaren umeen kontutik erori dira eta galdu.

Ezta hain ordena saindurik ez eta hain leku gorderik non ezten han tentagarriak eta pairatzekorik.

3. Ezta gizona osoki seguratu tentazionetarik bizi deino ezen gure baitan barrena datza nondik tenta gaiezin guthiziaduraren jehetiarekin sortu garenetik.

Tentazioe edo tribulazioe bat ioaiten denean, berehala heldu da bertzea eta bethi izanen dugu zer paira, zeren gure doatsutasunaren abantaila galdu baitugu.

Hainitz bilha dabilta nondik ihes egin tentazionetarik, eta gaitzagoetan barrena erortzen dire.

Ihesi ioan hutsez ezin garai gaitezke baina pazienziak eta egiazko humiltasunaz bortitzago egiten gare etsai guziak baino.

4. Kanpoko okasioei xoilki itzultzen zaienak, eta barreneko erroak atheratzen eztituenak probetxu guti eginen du: aitzitik lasterago bihurtuko zaizko tentazioea, eta gaizkiago izanen da.

Baratxeka pazienziak eta irautez (Iainkoarekin batean) hobeki garaitu, zaizte buru gogorka iarriz baino.

Har ezazu maiz konseillu axur baten ganik tentatua zarenean, eta nihor tentatua denean etzaitzila harekin hari gogorki, baina hura konsola zazu emeki, nahi zendukeien bezala nihork egin zinitzan.

5. Tentazioe gaixto guzien hastera da bihotzaren fermugabetasuna, eta Iainkoa baitako fidanza aphurra.

Ezen nola uhinek lema gabeko untzia hortik eta hemendik baitarabillate, hala gizon epela, eta bere lehen gogo ona largatzen duena hainitz maneraz tentaturik dabilla.

Suak frogatzen du burdina, eta tentazioeak gizon iustua.

Hainitzetan eztakigu zer daidigun baina tentazioeak erakusten du zer garen.

Badarik ere erne egon behar da beregainki tentamendua alxatzen denean, zeren orduan etsaiari garaitzen zaio nihor errazkienik utzten ezpadu nihola ere bihotzeko atletik sartzera, baina athalasetik kanpora ilkitzen bazaio athea bulkatzen diren bezain laster.

Halakotz erran du norbaitek: *Hastetik egizu guardia, berandurik heldu da erremedioa, zahartu denean zauria.*

Hala ere lehenbizirik heldu zaio gogoari pensamendu arin bat, gero tinkatzen da haren gainean, handik pitzten da atsegina, eta higidura gaixtoa, eta finean gogoak emaiten du konsentimendu osoa.

Hala etsai gaixtoa baratxe sartzen da barrena hastetik egiten etzaionean kontrarik, eta zenbatenez nagitzenago baita nihor haren kentzera, hanbatenez bere baitan egun oroz flakatzenago da, eta etsaia borthitzte-nago haren kontra.

6. Batzuk tentazioe gaitzagoak pairatzen tuzte Iainkoaren serbitzura lehenbizi itzuli direnean, bertzeek azkenean.

Batzuk bere mende guzian kasik gaizki erabilten dira: bertzeak emeki aski tentatzen dire, edo ez bat ere.

Hori guzia egiten da Iainkoaren zuhurziak ordenatzen diren araueran, zeinak pisatzen baititu batbederaren estatua eta merezimenduak, eta den guzia aitzinetik ordenatzen baitu bere hautatuen salbamendura.



7. Hargatik eztugu etsitu behar tentatzen garenean: aitzitik hanbate-naz berokiago othoitz egin behar diogu Iainkoari arren hel dakigula gure tribulazione guzietan, eta egin dezala Iondone Paulok dioen bezala, *probetxu athera dezagun tentazionetik*.

Humil detzagun bada gure arimak Iainkoaren esku botheretsuaren azpian tentazione suerte guzietan, zeren hark bihotz humillak salbatuko itu eta goitituko.

8. Tentazionetan eta tribulazionetan frogatzen da gizona, zenbat probetxu egin duen, eta hetan merezimendu geiago du, eta haren bertutea hobeki da ageri.

Ezta gauza handirik gizona debozitonean bero izaiteaz fastikorik eztuenean, ordea denbora gaitzean pazientzia badu hainitz probetxuren esperanza da.

Batzuk begiraten dira tentazione handietarik eta maiz erorten dira egunorozkoetan, mendreak direlarik arren horrela humildurik fida eztite-zilla bere indarretan, tentazione handirik gerta dakienean, hain aphurre-tan flakutzen direnaz geroztik.

## HAMALAU GARREN KAPITULUA

*Iujeamendu arinetik begiratzeaz.*

1. Itzul etzatu begiak zure gana eta begira zaite bertzeen eginez iujeamendu emaitetik.

Bertzerik iujeatzen duena alferrik traillaitzen da, maiz enganatzen da, eta errazki egiten du bekatu: baina bere burua iujeatzen duena eta son-datzen duena bethi probetxurekin hari da.

Nahiz den gauzaz hainitzetan iujeatzen dugu gure iduriaren arauera: zeren egiazko errazki galtzen dugu gure buruari diadukogun amudioa gatik.

Iainkoa baliz bethiere gure desiren xede hutsa, ez gindezke horrein errazki asalda eta trubla gure guthiziak gure kontra iarriak gatik.

2. Maiz ordea zerbait dugu barrenean gorderik, bai eta kanpotik heldu denik, berekin garamatzanik.

Hainitzek bere egitartetan bere oldea eta abantaila ixilik bilhatzen dute, eta berak eztakite.

Badirudite bake onean daudezila egitekoak egiten direnean bere nahiaren arauera: bainan egiten badira desira eztuten bezala laster aldartz-en dira eta tristetzen.

Bataren eta bertzearen usteak eta iujeamenduak ez izanez guziak bat, maiz asko sortzen dira guduak eta ihardukitzak adiskideen eta burjesen, fraideen eta deboten artean.

3. Usanza zaharra nekez utzten da, eta nihor ezta errazki gidatzen ikusten duen baino urrunago.

Permatzenago bazare zure arrazoinaren eta antzearen gainean Iesu Kristori zor diozun obedienciazko bertutearen gainean baino, gutitan eta hala ere berant izanen zare argitua.

Zeren Iainkoak nahi du osoki iar gaitezin haren azpian, eta amudio irazeki batez iragan gaitezin arrazoin suerte guzien gainetik.



## HAMABORTZGARREN KAPITULUA

*Obra karitatez egin.*

1. Munduan den gauza gauza gatik eta nihoren amudioa gatik ezta egin behar gaizkirik bat ere: baina norbaiten beharra gatik obra on bat batzutan zilhegiki utz diteke edo, hobeago batetara gantzia daite.

Zeren horrela eginik, obra on ezta galtzen, baina hobeagora gantziatzen.

Karitatea gabe obra onak ezta karke probetxurik: baina zer ere egiten baita karitatez, zenbat ere aphurra eta ezdeusa baita, guzia egiten da probetxugarri.

Zeren Iainkoak behatzenago du zer gozoz hari den nihor, ezenez zenbat egiten duen. Hainitz egiten du hagitz maite duenak.

2. Hainitz egiten du, obra ongi egiten duenak. Ongi egiten du komuna serbitzatzenago duenak bere borondatea baino.

Hainitzetan badirudi karitatez hari garel, eta aitzitik sensuen oldez hari gare, zeren sorkuraren inklinazioneak, bere buruko borondateak, ordainaren esperanzak eta beretzat nahizko desirak gutitzen nahi dute elkar ganik apartatu.

3. Nork ere egiazko karitatea baitu, eztabilla deusetan ere beretakorik bilha; baina desiratzen du xoilki Iainkoaren loria gauza guzietan konpli dadin.

Eztio nihori ekartzen inbidiarik ezpaitu alegrianza berezirik beretzat maite: ezta ere nahi bere baitan bozkariotu, baina duen desira da guzien gainetik Iainkoa baitan doatsu izaitea loriatzea.

Eztio nihori ongiat eta on denaz loria emaiten, baina bai Iainkoari, zeina ganik ithurburitik bezala, on den guzia heldu baita, eta zeina baitan saildu guziek bere azken xedean bezala, gozoki pausatzen baitute.

O nihork balu egiazko karitatearen inhar bat! Segur ezagut lezake lurreko gauza guziak banaloriaz betheak direla.

## HAMASEIGARREN KAPITULUA

*Bertzeren eskasak pairatzeaz.*

1. Zer ere gizonak ezin xuxen baitezake bera edo laguna baitan, hura behar du pazienziarekin utzi, Iainkoak bertzela ordena dezan artean.

Pensa zazu hori horrela naski hobe dela nor zaren ezagutzeko, eta, zure pazienziaren frogatzeko, zeina gabe gure obra onak ezpaitire hagitz prezatzeakoak.

Alabainan othoiz egin bear diozu Iainkoari halako trabuak gatik, arren hel dakizula, eta emeki pairatzeko indarrak dizkitzula.

2. Baldin zenbaiti behin edo bietan bere hutsak eskasak makurrak erakusiz geroztik, hark enzuten ezpazaitu, zuk ez iharduki harekin, baina den guzia utzazu Iainkoaren eskuetan, arren bere borondatea konpli, eta bere ohorea erakus dezala bere serbitzari guzietan: zeren hark badaki gaitzaren onera itzultzen.

Ikasazu pazienziatsu egoiten lagunaren huts eginak eta nahiz diren eskas-makurrak pairatu behar direnean: berdin zuk-ere hainitz duzu bertzeak pairatu behar dutenik.

Zure burua ezin egin badezakezu nahi zendukeien bezalako, nolatan bertzea eginen ahal duzu zure googaren arauerako.

Plazer dugu bertzeak diren eskasik gabe, eta bitartean geurok eztitugu gure makurrak xuxentzen.

3. Nahi dugu bertzeak hersiki xuxen eta sensa ditezin, eta geurok eztugu nahi deusik erran dakigun erantzuterik egin dakigun.

Bertzeen eskudanzia handia etzaiku eder, eta halarik ere nahi dugu eskatzen garen guzia eman dakigun.

Nahi dugu lege hersiak eman dakizten berzei, eta geurok eztugu nahi nihola ere lehen baino hersikiago ibilli.

Handik bada ageri da zein gutitan egiten dugun kontu gure lagunaz kontu gure buruaz bezala.

Guziak eskasgabeak balire, zer genduke gero bertzeen ganik pairatzeko?



4. Orai bada Iainkoak hala ordenatu du ikas dezaguntzat batak bertzearen kargaren iasaiten:

Berdin ezta nihor eskasik gabe, nihor kargarik gabe, nihor bere buruarentzat askidun, nihor beretzat aski zuhur.

Behar da bada elkar iasan dezagun, eta konsola dezagun, elkarri helgakizkon, elkarri irakats diozogun, eta batak bertzeari abisu eta konseillu demogun.

Zori gaitzean ageri da gizonaren bertutea hobekienik: zeren okasio-neak ezpaitu gizona egiten hautskor edo flako, baina nor eta nolako den erakusten du.

## HAMAZAZPIGARREN KAPITULUA

*Monasterioetako bizitzeaz.*

1. Behar duzu ikasi zure borondatearen hautsten hainitz gauzatan nahi baduzu zurekin eta bertzekin bakea iduki.

Ezta guti monasterioan edo kongragazionean egoitea, eta han arrenkurarik gabe bizitzea, eta fidel irautea heriotzeraino.

Doatsu da nor ere han prestuki bizi izan eta ongi hil baita.

Nahi baduzu zure eginbidean egon eta probetxurik egin, kontu egizu desterratua eta Sainduralea bezala zabiltzala lurraren gainean.

Behar duzu zure burua egin ezti Iesusen amorea gatik, nahi baduzu bizitze saindu bat eraman.

2. Habituak eta koroak guti heltzen dute probetxu egitera, baina aztare ganbiamenduak eta guthizien pasioneen mortifikazione osoak egiten dute egiazko fraidea.

Iainkoaz eta bere salbamenduaz bertzerik, bilha dabillanak eztu aurkituko tribulamendurik eta dolorerik baizen.

Eta denbora luzez ezin dagoke bakean nor ere ezpaita enseiatzen xipien izaitera, eta guzien azpiko iartzera.

3. Etorri zare serbitzatzera eta ez manatzera.

Iakin ezazu deitua zarella paraitzera eta traillaatzera, ez ordea alferrik egitera edo elhe eta solhas egitera.

Hemen bada frogatzen dire gizonak, urrea labe gorrian bezala.

Ezin dagoke nihor hemen, nahi ezpadu bere burua bihotz guziaz Iainkoa gatik humildu.



## HEMEZORTZIGARRREN KAPITULUA

*Aitzineko Sainduen exenpluez.*

1. Mira tzatzu Sainduen exenplu biziak, zeinak baitan egiazko baitute, eta ikusiko duzu zein guti eta ezdeus hurren den guk egiten dugun guzia.

Helaz! zer da gure bizitzea hekinarekin konparatzen bada?

Sainduak eta Iesus-en maitariko Iainkoa serbitzatu dute gosez eta egarriz, hotzez eta billusiz, ibilliz bijilietan eta baruretan, othoizetan eta meditazioe sainduetan egonez, munduak hainizetan gaizki eta laidozki zerabiltzala.

2. O zenbat tribulazioe eta zein garratz pairatu tuzten, Apostoluek, Martirek, Konfesoerek, Birjinek eta gure Salbatzaillaren urratsei iarraiki nahi izan zaizte gainerako guziek.

Ezen bere arimak gaitzetsi tuzte mundu hunetan, gero hekin jabe, izaiteko sekulako bizitzean.

O zein bizitze hersi pobre desertuan eraman dute lehenagoko Sainduak.

Zein tentazioe luze eta garratz pairatu dituzte.

Zein gaizki hainizetan erabilli dituen etsaiak.

Zein othoitz uzu eta bero egin dioten Iainkoari.

Zein gogorki barurtu diren.

Zein beroki hari izan diren bere probetxu espiritualaren aitzinatzen.

Zein gerla bortitz egin duten bere guthizia gaixtoen hezteko eta garaitzeko.

Zein bihotz garbi eta xuxen iduki duten Iainkoa gana.

Egunaz hari ziren traillaun, eta gauaz othoizetan zeudezin: eta lanean ere gogoz egiten zuten orazione.

3. Denbora guzia zeramaten gauza beharretan: Iainkoari eman behar zioten orena iduritzen zitizaien labor eta kontenplazionarioen eztitasuna zela kausa gorputzeko othurunza premiazkoa ere ahansten zitzairen.

Uko egiten zerauezatzen aberatstasun, ohore, gradu, adiskide eta ahaide guziei, etzuten munduko gauzarik iduki nahi; nekez bizitzeko hartzen zuten, damu zuten gorputzaren serbitzatzear beharretan ere.

Bada lurreko gauzez pobre zeudezin, baina karitatez eta bertutez betheak ziren.

Kanpotik beharrak ziren, baina barreanean Iainkoaren graziaz eta konsolazioneaz gozatzen ziren.

4. Mundutik apartatuak zeudezin, baina Iainkoaren hurrenak eta adiskide mamiak ziren.

Berek uste zuten ezdeusak eta munduko arbuia zirela, bainan Iainkoaren begietan preztatzekoak ziren eta onetsiak.

Egiazko humiltasunean zeudezin, obediencia bethean bizi ziren; bazebiltzan karitatearekin eta pazienzearekin, eta halakotz egun oroz bere probetxu espirituala aitzinatzen zuten eta grazia handiago ardiesten Iainkoaren aitzinean.

Mirailtzat eman zaizte fraide guziei eta geiago atzartu behar gaituzten onean aitzinatzeraz ezen ez epelen ozteak gibelatzeraz.

5. O zein bero eta irazekiak ziren fraide guziak bere ordena sainduen lehenbiziko hastean!

Nolako debozioe othoizetan!

Nolako pitztura bertutetan!

Nolako dotrinamendua bizi zen!

Nolako erreberentzia eta obediencia ekartzen zioten nausiari errege-lamenduari guzia guzietan!

Azkendu diren seinaleak eta ondarrak orai ere lekuko dire, hek gizon konpliak eta sainduak zirela, hain agudoki gudukatuz mundua azpira dutenaz gero.

Oraikoan handi estimatzen da nihor, bere erreglen hautste ezpada, besarkatu duen ordenanza pazienzearekin begira ahal badeza.

6. O gure estatuko epeltasuna eta ansigabetasuna! hain laster itzultzen baigare gure leheneko berotasunetik, eta unhatzen ere bizitzeaz, hain nekatu eta epeldu baigara ezen.

Iainkoak ailliotza bertuteen aitzinamendua elizen osoki loakartu zure baitan, hain bertze gizon deboten exenpluak ikusiz geroztik.



## HEMERETZIGARREN KAPITULUA

*Fraide prestuaren eserzizez.*

1. Fraide prestuaren bizitzeaz behar du bertute guziez argitu, arren nolakoa munduak ikusten baitu kanpotik, halakoa ere den barrenean bere baitan barrena.

Eta egiaz zuzenak nahi du geiago hagitzen den barrenean, kanpotik ageri den baino: Ezen Iainkoa begira dagokitu, eta beregaineko erreberentzia ekarri behar diegu non ere baigara, eta garbirik ibilli behar dugu haren begien aitzinean angeruak bezala.

Egun guziez berritu behar dugu gure deliberamendu gogo ona eta geurok atzartu behar gare berokiago haritzera, egun lehenik Iainkoaren serbitzura itzuli bagine bezala bihotzez erraiten diogula: hel zakizkit Iainko iauna ene gogo onean eta zure serbitzu sainduan; orai indazu egun behar bezalako perfekzionerekin hasteko grazia eta indarra berdin huneraino egin dudana ezta deus ere.

2. Nolakoa baita gure gogo hartua, halakoa ere da gure aitzinamenduaren korsua, eta nork ere nahi baitu hainitz probetxu egin erreki eta agudoki hari behar du.

Baldin zinetan deliberatzen duen ongi egitera maiz flakutzen bada eta erortzen zer izanen da gutitan eta ez asko tinketz deliberatzen duenaz?

Bada hainitz moldez gertatzen gare gure gogo onaren largatzen, eta zenbat ere arinki utzten baititugu gure eserzizak, mirakuillu da handik heldu ezpazaiku kalterik.

Iustuen deliberamendua permatzenago da Iainkoaren graziaren gainean, berek ahal duketen zuhurziaren gainean baino: eta zer ere egiteko-ri lotzen baitzaizko bethi haren baitan lehenik fidaturik hari dire.

Ezen deliberatzen du gizonak eta Iainkoak ordenatzen, eta gizona ezta here bidearen nausi.

3. Baldin karitatezko obra gatik edo lagunaren probetxua gatik batzutan largatzen badugu gure eserziza kostumatua, hartara gero errazki bihurtuko ahal gare.

Ordea ansigabez edo unhatuz utzten badugu, gure falta izanen da eta sarri sentituko dugu kaltea.

Dagigun egin ahala, oraino hainitz gauzatan errazki eginen dugu huts.

Badarik ere bethi dugu zerbait deliberatu eta beregainki geien trabatzen gaituten eskasen eta makurren kontra.

Gure kanpoko eta barrenaldia miratu, sondatu eta ordenatu behar dira, zeren bata eta bertzea orobat heltzen zaizkigu gure probetxu espiritualaren egiten.

Ezin bazaudezke bethi gure buruaren miratzen.

4. Bethi zure baitara ezin bil bazaitezke, batzutan bedere egin zaite, eta gutienean behin egunean goizean edo arratsean.

Goizean har ezazu gogo egin nahi duzunaren egiteko, eta arratsean mira zazu nola ibilli zaren, egun hartan nolakoa izan zaren zure hitzetan, obretan eta pensamenduetan, zeren maiz naski hetan ofensatu duzu Iainkoa eta laguna.

Iar zaite gizon gisa deabruaren gaixtakerien kontra: brida zazu gormandiza, emozu neurri zure ian-edan nahiari, eta orduan haragiaren mugidak errazkiago heziko tutzu.

Etzaudezila nihoiz ere alferrik, bainan hari zaite irakurtzen edo eskiribatzen, othoitz edo meditazioe edo zerbait onik komunarentzat egiten.

Badarik gorputzeko trabailuak neurritz, eta zuhurziarekin egin behar dire, eta guziek eztituzte berdin hartu behar.

5. Guzientzat on eztiren lanak eztira kanpoan erakusi behar, zeren partikularak peril gutiagorekin egiten dira ixilik.

Guziarekin ere begirauzu nagitzetik komunari ukitzen zaizkon gauzetan, eta partikularetan iarriago izaitetik: bainan egin beharrak eta manatuak osoki eta fidelki egin ondoan, denbora sobera baduzu, hari zaite zuretzat zure debozioeak agintzen duen arauera.

Lan her bat ezin dukete guziek; baina bata hobe da hunentzat, bertzea horrentzat.

Denborak dakarkeien bezala bertze eta bertze eserzizak ederetsten tugu, batzu bestetan eta bertzeak astelegunetan maiteago ditugu.

Batzuen beharra dugu tentazioearen denboran, eta bertzeak hobe zaizkigu bakean eta soseguan gaudenean.

Batzuetan laket dugu triste gaudenean, eta bertzetan Iainkoa baitan alegara garenean.



6. Besta buruak heldu direnean berritu behar dira eserziza onak, eta berokiago gomendatu behar gaizko sainduen arartekotasunari.

Bestatik bestara deliberatu behar dugu, orduan mundutik ilki, eta sekulako bestaren egitera ioan behar bagine bezala.

Halakotz debozinezko egunetan behar dugu gure konszientzia art-hatsukiago preparatu, zuhurkiago ibilli, eta ordenantzak hersikiago begiratu, sarri gure traillauren saria Iainkoa gatik ardietsi behar bagendu bezala.

7. Eta gibelatua bada, dagigun kontu ez garella ongi aski preparatuak, eta eztugula oraino merezi loria handi haren ardiesten, zeina erakusi baitzaiku bere muga iakinean: bizkitartean enseia gaitezin ahalik hobekiena preparatzera hemendik ilki behar orduko.

*Doatsua da, dio san Luc Ebanjelistak, Nausiak, datorrenean, ernerik aurkituko duen serbitzaria. Egaz diotsuet hura ezarriko du ordenez bere ontasun guzien gainean.*

## HOGOIGARREN KAPITULUA

*Bakarrik eta ixilik egoiteko amudioaz.*

1. Bilha zazu denbora onik zure buruaren astiroki estudiatzeko, eta Iainkoaren ongi eginak erabil tzatzu maiz gogoan.

Utzkitzu urrikimendura erakar zaitzaten liburuak, ezenez denboraren iragaitakoak.

Apartatzen bazare solhas eta ioan ethorri alferretarik eta elheberretarik denborarik aski kausituko duzu meditazioe onik egoiteko.

Saindu handienek ihes egiten zuten gizonen konpainietarik ahal bezanbat, eta hautatzen zuten Iainkoarekin bizitzea gorderik.

2. Norbaitek erran du: *Noiz ere gertatu bainaiz gizonekin, gutiago gizon bihurtu naiz.*

Hori frogatzen dugu maizenik, denbora luzezko solhaskerietan.

Errazago da, ixilik egoitea, hitz sobera ez egitea baino.

Errazago da etxean gorderik egoitea, kanpoan bere buruaren aski begiratzea baino.

Nork ere bada gogorik baitu barreneko eta espiritualezko gauzetara heltzeko behar du Iesusekin batean munduko ozpetik eta abarrotsetik apartatu.

Ezta nihor segurantzarekin kanpora atheratzen gogotik gorde dagoena baizen.

Ezta nihor seguragorik minzatzen, gogotik ixilik dagoena baino.

Eztu nihork perillik gabe manatzen, ongi obeditzen ikasi duenak baizen.

3. Ezta nihor segurantzarekin bozten, konszientzia ona ezpadu leku-ko: guziarekin ere Sainduen seguranza bethi izan da Iainkoaren beldurtasunaz bethea; eta eztira gutiago arthatsu eta humil izan hainitz bertute eta grazia bere baitan izana gatik.

Ordea gaixtoen seguranza sortzen da urguillutasunetik, eta azkenean enganatzen tu.

Eztiozozula zure buruari seguranzarik prometa bizitze hunetan, iduri dagotzularik fraide prestu edo Ermitau debozionetsu zarella.



4. Hainitzetan munduaren ustez hobe zirenak peril handiagotan sartu dire sobera bere baitan fidatuz.

Halakotz hainitzentzat hobe da eztaudezin bethi ere tentazione gabe, baina maiz akometa ditezin, beldurrez sobera fida ditezin, urguillukeriak hart detzan, eta largeki ibil ditezin kanpoko konsolazioneen ondorian.

O nihor balego ibilli gabe iragaiten den alegrianzarik bilha, munduko egitekoetan balsatu gabe, zein konszienzia on eta garbi iduki lezake.

O nihork ebaki baletza banaloriazko ansia guziak, salbagarrizko eta Iainkozko gauzarik baizen gogoan ezpalerabilla, eta bere esperanza osoa Iainkoa baitan ezar baleza, zein bake eta sosegu handiz goza liteke.

5. Eztu nihork zeruko konsolazionea merezi, zinetan iarten ezpada urrikimendu sailduaren eserizian.

Nahi baduzu urrikimendua bihotzean frogatu, sar zaite zure gelan eta egoitzkitzu munduko abarrotsak, eskiribatua den bezala: *zuen ohetan iar zaitezte urrikitzen.*

Gelan aurkituko duzu kanpoan maiz galduko duzuna.

Gela ezitzen da hartan arduraki egonez, ez egonez unhagarri.

Zure oneramenduaren hastetik hartan finkatzen bazara, eta haren begira bazaude, izanen da gero zure adiskide maitea, eta konsolazione gozoena.

6. Ixilik eta geldirik egoitean aitzinatzen du arima debotoak eta eskitoretako gauza gordeak ikasten du.

Han aurkitzen tu nigar xirripak bere buruaren gau guziez xukatzeke eta garbitzeke, bere kreatzaillearen hanbatenez hurbillago egoitea gatik, zenbatenez urruntzenago baita munduko abarrotsetarik.

Nor ere bada apartaturen baita ezagunetarik eta ahaidetarik, hari hurbilduko zaio Iainkoa bere aingeru sailduekin.

Hobe da gorderik egoitea, eta bere buruaz artha idukitzea, ezen ez hura largaturik mirakuilluak egitea.

Gauza laudatzekoa da gizon debozionetsu batentzat gutitan ilkiteko kanpora, gizonen begietarik ihes egitea, eta egoitea gizonak ikusi ere nahi gabe.

7. Zergatik nahi duzu ikusi, izaitera zilhegi etzarena?

Iragaiten da mundua, eta haren guthizia. Sensuen desirek bazaramatzate huna horra ibiltera, baina muga edo orena ioan denean, zer bihur-

tzen duzu etxera zure ioan ethorrietarik konszienziaren pisutatasunaz eta bihotzeko barraiamenduaz bertzerik?

Ilkite alegerak hainitzetan bihurtze tristea dakarke: eta arratseko bezpea arraiak biharamuneko goiza ilhun egitea du.

Halaber haragizko plazer guzia ezтики sartzen da, bainan azkenean ausikitzen du eta herioa emaiten.

Zer ikus dezakezu bertzeetan, hemen eztakusanik? Huna lurra, zerua eta elementak; hetaz gauza guziak eginak dire.

8. Zer dakuskezu nihor ere, denbora luzez ahal dagokeienik iguzkia- ren azpian?

Agian uste duzu ase zaitzkeiela, bainan zein eginen zare.

Munduan den guzia begien aitzinean bezendu ere, zer lizate ikuste alferrik eta banaloriazkorik baizen?

Alxa gora begiak Iainkoagana eta othoiz egizu zure banaloriak banalorisaleentzat; zure beha zazu Iainkoak manatueta.

Zerra zazu athea zure gainean eta deitzazu zure gana zure Iesus maitea.

Zaude harekin zure gelan, zeren eztuzu nihon ere halako bakerik edirenen.

Ilki ezpazine eta enzun ezpazendu munduko elheberririk, hobeki egonen zinen bake onean.

Ordea atsegin duzunaz gero noizpait berriak enzuteaz, hek gatik behar duzu bihotzeko asaldua pairatu.



## HOGOI ETA BATGARREN KAPITULUA

### *Bihotzeko urrikimenduaz.*

1. Nahi baduzu bertutearen bidean aitzinatu, zaude Iainkoaren beldurtasunean, eta etzarella largoegi; bainan iduki tzatzu zure sensu guziak gobernuaren azpian, eta etzaitzezila ergelki alegera.

Bilha zazu bihotzeko urrikimendua, eta debozioea edirenen duzu.

Urrikimenduak hainitz ontasun agertzen tu ohi baititu bihotzeko largotasunak.

Mirestekoa da, nolatan gizona bizitze hunetan behin ere osoki boz ahal daiten bere desterrua eta arimako peril uzuak konsideratzen eta kontatzen dituenan.

2. Gure bihotzeko arintasuna dela kausa eta gure eskasiez axolarik ez izanez, eztitugu gure arimaren doloreak sentitzen; baina maiz banaloriazko irri egiten dugu zinetan nigar egin behar gendukeienean.

Ezta egiazko libertaterik, ez eta alegrianza onik Iainkoaren beldurtasunean eta konszientzia onean baizen.

Doatsua da nork ere barraiamenduko paxelu guziak iraits baitetzake, eta bere arimako indar bil baitatzake urrikimendu saindu batetara.

Doatsua, nork ere bere ganik kentzen baitu konszientzia lizun eta karga dezaken guzia.

Guduka zazu gizon giza, ohitza ohitzari garaitzen zaio.

Baldin badakizu gizonen largatzen, hek ere utziko zaituzte zure egitekoen egitera.

3. Ez sar bertzeen egitekoetan, eta etzaitzezin korapilla zu baino handiagoen gauzetan.

Duzun bethi begia erne zure gainean lehenik, eta abisazu bereziki zure burua, zure adiskide maiteak egin detzatzun baino lehen.

Gizonak ezpadiutzu zure alde, ez trista hargatik; bainan duzun damu zeren etzabiltzan ongi eta begiratuki aski, Iainkoaren serbitzari debozionetsu batek ibilli behar lukeien bezala.

Hainitzetan gizonarentzat hobe da eta segurago bizitze hunetan hainitz konsolazione ez izaita, haragizkorik behintzat.

Ordea Iainkoaren konsolazionez gozatzen ezpagara, edo bakanago sentitzen baditugu, gurea da falta, zeren eztagun bihotzeko urrikimendua bilhatzen, eta kanpoko konsolazione banaloriazkoaz eztagun osoki egoitsten.

4. Ezagut ezazu eztuzula Iainkoaren konsolazionerik merezi, aitzitik hainitz tribulazione merezi duzula.

Gizon perfeko urrikituari mundu guzia pisu zaio eta kiratz.

Gizon prestuak bethiere kausitzen du aski zergatik damu har eta nigar egin.

Ezen konsideratzen badu bere burua edo laguna, badaki ezteela nihor hemen bizi tribulazione gabe: eta zenbatenaz ernekiago iarten baita bere buruaren miratzen, hanbatenaz tristetzen eta doloratzenago da.

Zuzenazko dolorea eta barreneko damu haren erroak dira gure bekatuak, zeinez hala baigauntza amarraturik, non gutitan begiak goiti baitetzakegu zeruko gauzen ikusteko.

5. Maizago zure heriotzea gogoan bazenerabilla bizitzearen luzetasuna baino, duda gaberik berokiago onera zindezke.

Pisa bazenetza ere Ifernuko edo Purgatorioko penak zure bihotzean, badut zinetste gogotik paira zenezakeiela trailla eta dolorea, eta etzinatekeiela beldur nahiz den gaitza gatik.

Ordea nola ezpaitzaiku halakorik sartzen bihotzean, eta balakuak maite baititugu oraino, hargatik gelditzen gare hotz eta nagi gure eginbidetan.

6. Hainitzetan adimendu eskasez gorputz ondikozkoa hain arinki arrankuratzen da.

Egiozu bada humilki othoitz Iainkoari arren dizula urrikimenduzko espiritua, eta errozu Profetarekin batean: Bazka nazazu, *launa, nigarrezko ogiz, eta neurriz indazu nigar edatera.*



## HOGOI ETA BIGARREN KAPITULUA

*Gizonaren miserien kontsiderazioneaz.*

1. Miseriazko zare, non ere baitzaude, eta nora ere itzultzen baitzare Iainkoa gana bihurtzen ezpazara.

Zergatik asaldatzen zara zeren eztoatzun nahi eta desira duzun bezala?

Nor da gauza guziak dituenik bere borondatearen arauera?

Ez ni, ez zu, ez nihor ere lurraren gainean.

Ezta nihor munduan zenbait tribulazione edo herstura gabe, Errege edo Aita saindu bada ere.

Nor dago hobekienik? Segur Iainkoa gatik zenbait paira dezakeiena.

2. Badiote hainitz flakok: Horra zein bizitze doatsu daraman gizon hark, zein aberatz, zein handi den; nolako bothere diren, nolako gradu dadukan.

Ordea beha zazu zeruko ontasunetara, eta ikusiko duzu oraiko handiresunak ez tirela deus ere, baina xoil direla segurgabeak, karga eta unharriak, zeren ezpaita nihor hetaz gozo grina eta beldurtasun gabe.

Gizonaren doatsutasuna ezta munduko ontasunak izaita gairaino, bainan aski du doa.

Gertuz miseriarik baizen ezta lurraren gainean bizitzea.

Zenbatenez espiritualago egingen baita gizona, hanbatenez presente-ko bizitzea kausituko da kiratzago, zeren ikusten eta frogatzenago baititu gizonaren naturaleza gaixatuaren eskasak.

Ezen iatea, edatea, iratzarri ibiltea, lo etzatea, pausatzea, trabailatzea, eta naturalezaren bertze gainerako beharren azpian egoitea, segur miseria eta aflikzione handian gizon debotarentzat; nahi bailuke hetarik eta bekatu guzietarik libratua baliz.

3. Zeren barreneko gizona hagitz zapatzen da eta unhatzen gorputzeko beharkiez mundu hunetan.

Hargatik profetak debozione handirekin othoitzez dagoka Iainkoari hura hetarik libra dezala, erraiten dioela: *Iauna, athera nazazu ene beharretarik.*

Baina zori gaitza bere miseria ezagutzen ez tutenentzat, eta are gaitzago bizitze ondikozko eta erorkor hau maite dutenentzat.

Zeren batzuek hain tinketz hura besarkatzen dute, non hemen bethi bizi ahal balitez ezpaillukete Iainkoaren erresumaz axolarik, nekez bere bizitzekoa dutelarik trabaillatuz edo eske ibilliz.

4. O erhoak eta bihotzez fedegabeak hain barrena lurrean sartu direnak, non gusturik ez tuten haragizko gauzetan baizen.

Bainan ondikozkoak oraino zeren azkenean ezagutuko eta frogatuko baitute, ezin guti eta ez deus zen maite izan duten guzia.

Kontrara Iainkoaren serbitzariek eta Iesus-en adiskide maiteek ez tute behatu haragiari eder eta lore zaizkonetara, baina bere esperanza eta gogoa zuten sekulako ontasunetara eramana.

Hekin desir guzia goiti zen eramana bethi dirauten eta ezin ikus ditezkeien gauzetara, beldurrez ikusten direnen amorez erakar zitezien beherekoetara.

Beraz, anaia, eztezazula gal espiritualetan aitzinatzeko esperanza, baduzu oraino denbora eta ordu.

5. Zergatik nahi duzu hartu duzun gogo ona bihar arteraino luzatu?

Iaiki zaite, eta has orai berean. Errazu: orai da ordua egiteko, orai da denbora gudukatzeko, orai da muga fetxoia oneratzeko.

Gaitzki kausitzen eta penatan zarenean, orduan denbora da merezimenduen biltzeko.

Iragan behar zare sutik eta uretik freska eta pausa lekura hel zaitezin baino lehen.

Borxa egiten ezpadiozu zure buruari etzaizko garaituko bizioari. Gorputz hautskor hori darabillagino, ezin gaudezke bekatu gabe, eta ezin bizi gaitezke grina eta dolore gabe.

Gogotik nahi genduke libratuak bagine, miseria guzietarik: baina zeren hobengabetasuna galdu baitugu bekatuaz, egiazko doatsutasuna ere galdu dugu.

Halakotz pazienza behar dugu, eta Iainkoaren miserikordiarri iguriki behar gaizko, bekatutasun hau iragan dadin eta biziak hilkizuntasuna irets dezan artean.

6. O gizonaren erorkortasunaren handia! bethi bekatutara lixurtua eta makurtua baita.



Egun konfesatzen tutzu zure bekatuak, eta bihar berriz egiten tutzu konfesatuak.

Orai deliberatzen duzu hetarik konfesatzen eta oren baten buruan egiten duzu deusik deliberatu ezpazendu bezala.

Merezi onez bada humil gaitetze, sekulan gure burua handi iduki gabe, hain flako, arin eta mudakor garenaz geroztik.

Laster ere bekatuaz gal dezakegu bekatuaz hainitz travailluz nekez finean noizpait ardietsi duguna grazia lagundurik.

7. Zer izanen da gutaz azkenean horrein goiz eta laster epelzen garenaz gero?

Zori gaitza guretzat, ibilli nahi badugu sosegu bilha, iadanik bakea eta seguranza bagendu bezala, ikusirik ezala gure ioan etorrietan egiazko saildutasunaren urratsik ageri.

Behar handia lizate norbaitek oraino berriz bertutearen bidea eta prestuki bizitzeko antzea irakats liazagun haurrei eta ikastun berriei bezala, ikusteko ea balizatekeienz gero ere onera gindezkelako eta probetxu espiritual geiago geneidikelako esperanzarik.

## HOGOI ETA HIRURGARREN KAPITULUA

### *Herioaren meditazioez.*

1. Hemengoaz laster eginen duzu, mira zazu bada nola zaudezin: Egun da gizona eta bihar ezta ageri.

Eta munduaren begietarik ioan denean, laster ere ioaiten da haren orhoitzapena gogotik.

O gizonaren bihotz tontoa eta gogorra, oraiko gauzak xoilki baitara-biltza gogoan eta ethorkizunekoei ezpaiteraue geiago aitzinetik behatzen.

Zure obra eta gogoeta guzian behar zinatezke gobernatu, egun edo berehala hil-behar bazine bezala.

Konszientzia ona bazendu etzinateke herioaren hainitz beldur.

Hobe lizate bekatuetarik begiratzea herioari ihes egitea baino.

Egun preparatu ezpazare, nolatan izanen zare bihar?

Biharko eguna ezta segura, eta nondik dakizu ea biharamunik izanen duzunz?

2. Zer probetxu luzeki bizitzeaz hain guti ontzen garenaz gero?

Ah! bizitze luzeak ezigaitu bethi ontzen, aitzitik gure faltak hainitzetan emendatzen tu.

Aigine mundu hunetan egun batez bedere prestuki ibilli.

Hainitzek kondatzen tuzte Iainkoa gana itzuli diren geroztiko urt-heak, hainitzetan ordea hekin oneramenduaren probetxua aphurra da.

Izigarria bada hiltzea, naski perillosago izanen da luzeki bizitzea.

Doatsu da bere heriotzeko orena bethi begien aitzinean dadukana, eta egun oroz preparatzen dena adelatzen dena hiltzera.

Noizpait ikusi baduzu nihor hiltzen, orhoit zaitte bide beretik iragainen zarella.

3. Goiza denean, pensa zazu eztuzula arratsa ardietsiko; eta arratsa denean eztiozozula biharamuna zure buruari prometa.

Zaude bada bethi prestik, eta hala bizi zaitte non herioak etzaitzan ediren preparatu gaberik.

Hainitz hiltzen diren berehala eta ustegabeen; zeren *nihork uste eztuen orenean ethorriko da Iainkoaren semea.*



Azken oren hura datorrenean hasia zare guziz bertze sentimendu izaiten zure bizitze iragan guziaz, eta xoil damu izanen duzu zeren hain nagî eta alfer izan zaren.

4. Zein doatsu eta zuhur den nor ere orai enseiatzen baita bizitze hunetan halakoa izaitera, nolakoa desiratzen baitu kausi dadin heriotzean.

Zeren ongi hiltzeko esperanza handi emanen du munduaren pesprezio osoak, bertutetan aitzinatzeko desir beroak, bizitze espiritualaren amudioak, penitenziaren travailluak, obedienziaren agudotasunak, bere burua ezdeus idukitzeak, eta nahiz den atsekaberen Iesus gatik pairatzeak.

Hainitz obra on daidikezu osasuna duzuino, bainan erituz gero, ezta-ki zer eginen ahal duzun.

Guti oneraten eta hobetzen dira erituz, hala ere errumerian maiz dabilzanak gutitan saildutzen dire.

5. Ez fida adiskideen eta urkoen gainean, eta ez luza salbamendua ethorkizunera, zeren lasterago ahantsiko zaizte gizonei uste duzun baino.

Hobe da orai muga denean bere egitekoei behatzea, eta zerbait onik aitzinetik igortzea, ezen ez bertzean helzakitzaren gainean esperanza emaita.

Geronek orai zutaz artharik ezpaduzu, nork izanen du gero zure orde?

Orai denbora handiro prezatzekoa da: orai dira Salbamenduko egunak: orai da ongi ethorria izaiteko ordua.

Ah dolorea orde! Eztuzu konsideratzen zer den hoberenik, zertan merezimendu geiago dukezun, ez eta nondik sekulako bizia ardiets deza-kezun.

Etorriko da denbora non egonen baitzare egun baten edo naski oren baten eske oneratzeko eta ezta-ki hura ardietsiko duzun.

6. Ea maiteena, mira zazu zein peril handitik, zein beldurtasun harri-garritik atherako eta libratuko ahal zaren, orai bizi bazara bethi beldur, eta egiten badiozu herioari guardia.

Orai enseia zaite halako moldez bizitzera, non heriotzeko orenean bozkario geiago duzun beldurtasun baino.

Ikasazu orai hiltzen mundukotz, orduan has zaitezintzat Iesusekin bizitzen.

Ikas orai gauza guzien mesprezatzen, orduan Iesus gana librokî ahal zoazkentzat.

Sensa zazu orai zure gorputza penitenziaz orduan Fianza segurik ahal dukezentzat.

7. Ah erhoa! Zergatik uste duzu biziko zarela luzeki, ikusirik eztuzu- la hemen egun segurik?

Zenbat enganatu dira eta gorputzetik athera dire gutien uste zute- nean?

Zenbatetan enzun duzu erraiten: hura hil da ezpataz, hura itho da, hari lepoa hautsi zaio gainetik eroriz: Bat hil da iaten zegoela, bertzea iokotan hari zela; bata suz, bertzea burdinaz; bata izurritez, bertzea ohoi- nek kolpaturik pikaturik.

Manera hortan guzien azken fina da herioa, eta bizia laster iragaiten da itzala bezala.

8. Nor orhoituko zutaz, zu hillez gero? nork eginen du zuretzat othoitzik?

Egizu orai, egizu maitea, ahal dagizun guzia, zeren eztakizu noiz hillen zarenez eta zer iarraikiko zaitzun hil ondoan.

Denbora duzunean bil tzatzu ezin hillezko aberatstasunak.

Ez erabil gogoan zure Salbamenduaz bertzerik, idukazu artha Iainkoari ukitzen zaizkon gauzez xoilki.

Egitzu orai Iainkoaren Sainduak adiskide, ohora tzatzu, eta zarraiste hekin obrei: arren bizitze hunetarik ilki zaitezinean sekulako egoitzetan har zaitzatzentzat.

9. Egizu kontu Saindurala eta arrotz bezala zarela lurraren gainean, eta eztela munduko egitekoetan dagotzun gauzarik.

Idukazu bihotza libro eta Iainkoa gana goititurik, berdin eztuzu hemen dirauen hiririk.

Igor tzatzu hara egun oroz zure othoitzak, hats-beherapenak, eta nigarrak zure arima ioanez gero, Iainkoa gana doatsuki iragan dadintzat.



## HOGOI ETA LAUGARREN KAPITULUA

### *Iujeamenduaz eta bekatuen penez.*

1. Gauza guzietan beha zazu azken finera, eta nola egonen ahal zaren iuje hersei eta bortitzez haren aitzinean.

Etzaio deus estaltzen, ezta emaitzez amutzen, ematzen, eztu esku-sarik hartzen; baina, nola baita zuzena, hala iujeatuko du.

O bekatu ondikozkoa eta erhoa! Zer ihardetsiko diozu zure gaixtakeria guziak dakizkien lainkoari, batzutan gizon haserre baten bekokiaren beldur zarenaz gozotik?

Zergatik eztozu zure egitekoari atzinetik behatzen azken iujeamendu eguna datorrenekotz, non batek bertzea ezin eskusatuko edo defendatuko baitu, baina batbederak beretzat aski izanen baitu zer egin?

Orai zure trailla fruitu dakarke, zure nigarrak ongi ethorriak dire, zure hats beharpenak enzutekoak dira, zure dolore eta urrikimendua da satifa eta purgarria.

2. Purgatorio handi eta sendagarri bat du gizon pazienziatsuak, zeinak bidegabeztatua denean damu geiago baitu bertzeren maliziaz bere atsekabeaz baino: gogotik othoitz egiten baitu bere gaizki egilleak gatik, eta bihotz onez barkatzen baitiotza bertzeari bere faltak.

Noiz ere ezpaitu berantzen bertzeri barkazino eskatzera, eta errazkiago egiten baitu miserikordia, haserretzen den baino.

Noiz ere bere buruari maiz egiten baitio borxa eta egin ahala egiten baitu haragiaren osoki ezartera espirituaren azpian.

Hobe da orai bekatuak garbitzea, eta bizia ebakitzea, ezen ez hek utzte gerokotz purgatzera. Egiakzi geurok enganatzen tugu gure buruak gure haragiari ekartzen diogun amudio desordenatuaz.

3. Zer iretsiko du su hark zure bekatuez bertzerik?

Zenbatenez gupidago baituzu zure burua, eta iarraikitzenago baitzaizko zure haragiari, hanbatenez sensaturenago zare gero eta erretzekorik geiago biltzen duzu.

Zertan bekatu egin baitu gizonak, hartan punituren da garratzkienik.

Han nagiei eraginen zaie esten zorrotzez eta gormantak egarsu eta gose handiz irrituko dira.

Han haragizko plazer likitzen ondoan zebiltzanak bike irakinaz eta sufre urrin gaixtoz gantzuturen dira, eta bekaitstia, ozar errabiatuak bezala, orroz eta saingaz egonen dire bere doloreak ezin iasanez.

4. Ezta bekatu bere penagarri berezia izanen ez tuenik.

Han superbioak eta hantzurrak ahalke suerte guziez kargatuko dira, eta abariziosak guziz pobrezia ondikozkoan hondatuko.

Han gaitzago izanen da oren batetako penetan egoitea, ezenez ehun urthetako penitentzia garratzik hemen egiea.

Han ezta sosegurik ez konsolazionerik damnatuentzat.

Hemen bedere badute batzutan doloreak bere aldia, eta leku eginik, adiskideen konsolazioneaz gozaten da nihor.

Duzun beraz orai artha eta damu zure bekatuez, egun handi hartan doatsuekin batean segur izaitea gatik.

Zeren orduan justuak egonen dire xutik fermutasun handi batekin, hek mundu hunetan hertstu eta beheiti egoitzi dituztenen kontra.

Orduan iaikiko da iujeatzera, orai gizonen iujeamenduen azpian humilki iarten dena.

Orduan fidanza handi izanen du pobre humillak, eta superbioa ikararatu da alde guzietarik.

5. Orduan ageriko da mundu hunetan zuhur izan dela, nork ere ikasi baitu Iesus gatik erho eta mesprezaturia izaiten.

Orduan bozkario emanen du tribulazione emeki pairatuak; eta nahiz den gaixtakeriak tapatuko du bere ahoa.

Orduan alegeratuko da debozionetsua, eta debozionegabea minduko.

Orduan arraiturenago da gorputz senaturia bethi plazeretan hazi izan baliz baino.

Orduan piltzarra eta aldagarri ihetzeak distiatuko du, eta tresna preziosak ilhunduko dire.

Orduan laudaturenago da deus gutiko xola, iauregi edo palazio urreztatua baino.

Orduan indar geiago izanen du pazientzia finkoak, munduko bothere guziak baino.

Orduan prezatzenago da obediencia hutsa, munduko artezia guziak baino.



6. Orduan konszientzia onak eta garbiak bozkarioturenago du, Filosofia iakinak baino.

Orduan geiago balioko du aberatstasunen mesprezioak, lursaleen tresor guziak baino.

Orduan konsolaturenago zare orazione debotaz othurunza gozoaz baino.

Orduan heuregiago izanen zare zure ixil egonaz, solhas luzerik eginez baino.

Orduan geiago balioko dute obra sainduak, hainitz hitz ederrek baino.

Orduan atsegin geiago emanen du bizitze hersiak eta penitentzia gogorak, lurreko atsegintasun guziak baino.

Ikazazu orai zerbait aphur pairatzen, orduan gaitzagoetarik libra ahal zaitezintzat.

Froga zazu hemen lehenik, zer ahal daidikezun gero.

Orai hain guti para badezakezu, nolatan sekulako penak pairatuko ahal tutzu?

Orai deus gutizko min batek hanbat despanziatzen bazaitu, zer eginen du orduan Ifernuko suak?

Horra, Egiaz ezin dituzketzu bi bozkario, Ezin boz zaitezke hemen mundu hunetan, eta gero Iesusekin errege iarri.

7. Egun hunetaraino bizi izan bazine bethi ohoretan eta plazeretan, zer probetxu athera zendukeien orai berehala hil behar bazine?

Beraz guziak banaloria dire, lekat Iainkoa maite izaitea eta serbitzatzea, bertzeak utzirik.

Zeren nork ere Iainkoa maite baitu bihotz guziaz, ezta herioaren, ez iujeamenduaren, ez eta Ifernuaren beldur, zeren amudio konpliak emaiten baitu Iainkoa ganako sartze segura.

Ordea nori ere laketzen baitzaio oraino bekatu egitea, ezta miretsterik hura herioaren eta iujeamenduaren beldur bada.

Badarik ere on da zuretzat, Iainkoaren amudioak gibelatzen ezpazaitu oraino gaizki egitetik, Ifernuko penen beldurrak bedere athera zaitzaten bekatuetarik.

Baina nork ere Iainkoaren beldurtasunari uko egiten baitio, hura ezin dagoke luzeki bertutearen bidean; aitzitik eroriko da sarri deabruaren sareetan.

## HOGOI ETA BORTZGARREN KAPITULUA

*Gure bizitze guziaren zinetan oneratzeez.*

1. Zaren erne eta agudo Iainkoaren serbitzuan, eta orhoit zarete maiz zertara ethorri zaren, eta zergatik mundua utzi duzun.

Ez othe Iainkoaren arauera bizitzea eta gizon espiritual izaitea gatik?

Hari zaite bada beroki zure probetxuaren egiten, zeren zure nekeen saria sarri hartuko duzu eta orduan ezta izanen beldurtzerik, ez doloratzerik zure azken epheetan.

Orai guti bat traillauren zare, eta gero sosegu handia bai eta bethiereko alegrianza edirenen duzu.

Zure obra onetan fidel eta bero bazaude, Iainkoa duda gabe izanen da fidel eta aberatz zure saristatzeko.

Esperanza behar duzu garaita ardietsiko duzula, bainan eztuzu seguranzarik hartu behar, beldurrez nagü edo urguillu zaitezin.

2. Norbaitek, maiz gogoetsu gertaturik beldurraren eta esperanzaren artean, eta behin tristeziak betherik, aldare baten aitzinean belhauniko iarririk othoitzetan zegoela, hunela minzo zen bere buruarekin.

O baneaki ea obra onetan oraino iraunen dudanz! eta berehala bere baitan enzun zuen Iainkozko errepuesta, ziotsala:

Zer? hori bazeneaki, zer nahi zenduke egin? Orai egizu orduan egin nahi zendukeiena, eta segur izanen zare.

Orduan berean konsulataturik eta baliostataturik indarstaturik, iarri zen Iainkoaren borondatearen azpian eta gogoeta dudatsua ixildu zen.

Etzuen ere sondatu eta iakin nahi izan zer gertatuko zeikan handi hara: bainan agudoki bilha ibilli zen zer zen Iainkoaren gogarenik eta konplienik, zerbait obra onik hasteko eta konplitzeko.

3. *Duzun esperanza Iainkoa baitan, dio Profetak, zaude lurrean eta gozaturen zare haren aberatstasunez.*

Gauza bat da hainitz gibelatzen dituen bertutean aitzinatzetik eta beroki oneratzetik, zein baita paxeluen beldurkunda, eta hekin kontra gudukatzekeo trailla.



Hala baina bertze guziek baino bertutetan hagitz aitzinatzenago dute, zeinak gizon gizago enseiatzen baitira garaitzera zer ere gaitzenik eta kontrakoenik suertatzen baitzaie.

Ezen zertan ere gizonak bere burua benzutzen eta espirituan mortifikatzenago baitu, hartan probetxu geiago egiten du, eta grazia handiago merezi du.

4. Bainan eztute batak bezanbat bertzeak lan eta okasione bere baitan hiltzeko.

Badarik ere agudoki nor hobeki hari dena sendokiago aitzinatzen da, hainitz eskas-makur duelarik, bertze ongi kostumatua baina bertutetara epelagoa baino.

Bi gauza beregainki heltzen zaizkigu handiro oneraten; bata eta gure buruari borxa eginik, naturalezak geienik bilhatzen dituen gauza gaixtoetarik apartatzea, bertzea eta geien eskas dugun bertuteari beroki iarraitzea.

Duzun halaber artha zinezago begiratzeaz bertzeak baitan maizenik higoitzen zaizkitzun gauzetarik, eta hekin ithotzeaz zure baitan.

5. Egizu zure probetxua alde guzietarik, erran nahi da, ikusten edo aditzen baduzu exenplu onezko gauzarik, pitz zaite haren imitatzeraz.

Gaizki erraitekorik ezagutzen baduzu, begira zaite halakorik egitetik, edo noizpait egin baduzu, duzun artha ahalik lasterrena hobeki egiteaz.

Zure begiek bertzeak konsideratzen duten bezala, bertzeek ere ordainez behatzen derautzute.

Zein gauza eder eta alegerari den ikusteaz anaia debotak eta beruak bere eginbidetan ongi daudezila, bere ordenanzen dotrinamenduaren begiratzen.

Zein damu eta unhagarri den ikusteaz desordenatuki dabiltzala, eta zertara deituak diren eztertela egiten.

Zein kaltegarri den Iainkoak eman zerauen gogo onaz ez ansiatzean, eta manatuak ez tirenetara itzultzeaz.

6. Orhoit zaite hartu duzun borondate onaz eta gurutzefikaren imajina idukazu begien aitzinean.

Merezi onez ahalka zaituzte Iesus-en bizitza miraturik, zeren etzaren oraino enseiatu zurearen moldatzeraz harenean gainetan, hainitz duelarik Iainkoaren bidean zaudela.

Iarten den Giristinoak gure Salbatzailearen bizitze sainduaren eta pasione sakratuaren erneki eta zinezko debozionerekin konsideratzen, han edirenen du franko on eta premia duen guzia, eta ezta mengoarik zerbait hobegorik bilha dezan Iesus-ganik kanpoan.

O balethor Iesus gurutzatua gure bihotzetara, zein laster eta aseki ginatetzke dotrinatuak.

7. Zinezko guristinoak ongi hartzen eta ekartzen tu iasaiten eta hartzen tu manatzen zaizkon guziak.

Nagiak eta epelak izaiten du tribuzione tribulazioneren gainean eta alde guzietarik pairatzen du herstura: zeren ezpaitu konsolazionerik, eta ezpaita zilhegi kanpokorik bilhatzera.

Giristino legez bizi eztena gaizki erorteko peril agerian da.

Nork ere bilhatzen baitu bide zabalagorik eta bizitze largoagorik, hura bethi hersturetan egonen da, zeren bethiere gauza bat edo bertzea higoinduko baitzaio.

8. Nola egiten dute hain bertze Fraidek, zeinak baitaude hersiki zerraturik kalaustretako gobernuaren azpian?

Gutitan jekiten dire, bizi dira bertzetarik apartaturik, xoil pobreki iaten dute, lodiz beztituak dire, hainitz lan eta trabailu daramate, guti minzo dira, beilla luzeak egiten tuzte, eta bere burua ordenanza guzien azpian dadukate.

Mira tzatzu Ehartrusak, Ziteauzkoak eta bertze ordenetako Fraideak eta Serorak, nola gau guziez iaikiten diren Iainkoaren laudorien kantazera.

Hargatik laidoa lizate zu hain obra Saindu batean nagitza, horrean bertze fraide hasten direnean Iainkoaren kopletan bozkariotzen.

9. O ezpagendu bertze egitekorik gure Iainko Iainaren bihotz guziaz eta aho bethez laudatze baizen.

O ezpazendu sekulan mengoarik iateko, edateko edo lo egiteko eta bethi Iainkoa lauda ahal bazeneza, eta arimako probetxuari xoilki itxeki ahal baziniozo! orduan doatsuago zinatezke orai zaren baino, non gorpuzta hain bertze beharkitan serbitzatzen baituzu.

Ailu Iainkoak nahi halako beharrik ezpaliz, bainan arimako othuruntzaterik xoilki baliz nolakorik, helas! gutitan aski dastatzen baitugu.



10. Noiz ere gizona ethorri baita halako puntura, non ezpaitabilla bere konsolazionearen bilha kreaturretan, orduan hasten da Iainkoaren gozoki dastatzen: orduan kontentik dago gertatzen zaion guziaz.

Ezta alegeratzen frankiaz, ez eta tristetzen eskasiaz, baina pernatzen da osoki eta fidanzarekin Iainkoaren gainean, eta Iainkoa du bere guzia gauza guzietan, dakiela Iainkoak eztuela deus ere utzten galtzera ez hiltzera, gauza guzietan bizia emaiten derauela, eta guziak lehenbiziko keinura prestik daudela laster haren serbitzatzera.

11. Orhoit zaite bethi azken finaz eta denbora galdua eztela bihurtzen.

Sekulan eztitutzu bertuteak ardietsiko arthatsu, erne eta agudo ezpazare.

Hasten bazara epeltzen, hasiko zare gaizki kausitzen, baina beroki hari bazara, bake handi bat aurkituko duzu, eta sentituko duzu trabaillua arinago dela Iainkoaren grazia gatik eta bertuteari ekarriko diozun amorioa gatik.

Gizon beroa eta agudoa gauza guzietara da prepartua eta adelatua.

Trabaillu handiago da bizioei eta guthizia gaixtoei buru egitea gorputzeko nekaduretan izertzea baino.

Eskas xipietarik begiratzen eztena, baratxe erortzen da handienetan.

Bethi alegera izanen zare arratsean eguna iragaiten baduzu obra onetan.

Zaude erne zure gainean, iratzar zaite zerori, zaren zerori zure abisu eta konseillu emaille, eta zer ere baita bertzeez, etzaudezila zure buruaz artha iduki gabe.

Hanbatenez aitzinaturen zare bertutetan, zenbatenez eginen bailieozu zure buruari bortxa. Biz hala!

## BIGARREN LIBURUA



## LEHEN KAPITULUA

### *Barreneko.*

1. *Iainkoaren erresuma zuen baita da*, dio gure Iaunak. Itzul zaite bihotz guziaz Iainkoa gana, eta larga zazu mundu ondiko hori, eta zure ari-mak edirenen du sosegua.

Ikazazu kanpoko gauzen mesprezatzen, eta barrenekoetan gogoa emaiten, eta ikusiko duzu Iainkoaren erresuma zure ganako dela.

Ezen Iainkoaren erresuma da Espiritu Saindua baitako bakea eta bozkarioa, gaixtoei emaiten etzaiena.

Iesus etorriko da zure gana eta erakusiko derautzu bere konsolazio-nea, behar bezalako egoitza preparatzen badiozu zure baitan.

Haren loria eta edergaillu edertasun guzia barrenetik da, eta han laketzen zaio.

Maiz dabilko barreneko gizonari solhas amolsu egiten, hura maiz arraitzen du bere konsolazioneaz, bake handi batez berretzen du, eta miragarritzko begitarreak egiten diotza.

2. Ea bada, arima fidela, prepara diozozu espos hari zure bihotza, zure gana etortzeko, eta zure baitan egoiteko grazia egin diazazun gatik.

Ezen hunela dio: nihork maite banau, begiratuko du ene hitza, eta etorriko gare haren gana, eta gure egoitza eginen dugu haren baitan.

Emozu beraz Iesus-i leku, eta herts diezezu bertze guziei athea.

Baldin Iesus baduzu, aberatz zare eta aski duzu.

Hura izanen da zure beharren bilhatzaille eta ekarle fidela gauza guzietan, hala non ezpaituzu esperanzarik eman behar gizonetan.

Zeren gizonak sarri ganbiatzen dira, eta laster huts egiten dute: baina Iesus bethi ere fidel dago, eta tinketz laguntzen hari da azken fineraino.

3. Ezta fidanza handirik ezarri behar gizon erorkorra eta hilkorra baitan, haren beharra zarelarik eta hura maite duzularik: eztuzu ere hainitz tristezia hartu behar, batzutan iartzen bada zure kontra.

Egun zure alde direnak bihar egin diazakezute kontra; eta egun zure kontra direnak bihar iar ditezke zure alde, zeren maiz itzultzen baitira dire haizea bezala.

Ezar ezazu zure fidanza osoa Iainkoa baitan, eta biz hura zure bel-durtasuna eta amudioa.

Berak ihardetsiko du zuretzat, eta eginen du hobekien den bezala.

Eztuzu hemen bethi dirauen hiririk edo egoitza segurik, eta non ere baitzaude kanpoko zare eta arrotz, eta eztuzu nihoiz ere pausurik izanen non etzaren Iesus-ekin osoki bat egina zure barrenean.

4. Zeri zagotza hemen horra huna beha, ikusirik eztela hau zure pausalekua?

Zure egoitza behar da izan zeruan gora, eta iragaitzaz bezala lurreko gauza guziak behatzekoak dire.

Guziak iragaitzen dira, eta zu ere orobat.

Begira hei lotzetik eta itxekizetik, beldurrez atzeman eta gal zaiten.

Biz zure gogoeta guzia gorena baitan, eta othoitza gelditu gbe bioa xuxen Iesus-gana.

Ezin hari bazaitezke gaineko eta zeruko gauzen konsideratzen miratzen, pausa zaitte Iesusen Pasionean, eta egon zaitte gogotik haren zauri sakratuetan.

Zeren debozionerekin egiten baduzu laster Iesusen zauri eta seinale preziosetara, konsolazione handi bat sentituko duzu tribulazionetan, eta eztuzu hainitz axola izanen munduko mesprezioak gatik, bainan errazki pairatuko tutzu gaizki errailleen hitzak.

5. Iesus bera mesprezatu izan da mundu hunetan zebillanean, eta hura bera behar handian ezagunek eta adiskideek utzi dute laidoztaturik.

Iesus-ek nahi izan du pairatu, eta mesprezaturik ibilli, eta zu atrebizten zare deusez ere arrankuratzeraz?

Iesus-ek izan tu kontrakoak eginez eta erranez; eta zuk guziak nahi tutzu adiskide eta ongi-egille?

Nondik koroaturen da zure pazienza gerta ezpadakizu kontrakorik?

Nahi ezpaduzu atsekaberik pairatu, nolatan izanen zare Iesus-en adiskide?

Paira zazu Iesusekin eta Iesus gatik, nahi baduzu Iesusekin errege iarri.

6. Behin zinetan sartu bazine Iesusen bihotzean barrena, eta guti bat dastatu bazendu haren amudiotik, etzendu gero ansiarik zure ongi edo



gaizki izanaz: aitzitik boz zindezke laidoez eta atsekabeez, zeren Iesus-en amudioak mespreza arazten baitio gizonari bere burua.

Nork ere Iesus eta egia maite baitu, eta bere baitan egiazki bildurik baitago afekzione desordenatuatarik libratu, hura errazki itzul ditekela iainkoa gana, bihotzez altxa daite bera baino gorago, eta gozoki pausa ditekela dezake.

7. Nork ere ezagutzen baititu gauzak diren bezala, ez ordea aipatzen edo diruditen arauera, hura da egiazki zutaz eta iainkoak irakasiago gizonak baino.

Nork ere baitaki bere baitan barrena ibiltzen, eta kanpoko gauzez kontu guti egiten, hura eztabilla leku bilha, eta eztago denboraren begira debozionezko eginbidetan iartzeko.

Barreneko gizona laster biltzen da bere baitara, zeren ezpaita sekulan guzia barraiatzen kanpokoetara.

Kanpoko trabailluak edo denbora batetako lan premiazkoak ez tute hura paxetatzen, baina iarraitzen zaie gertatzen diren eredurak.

Nork ere baitago bere baitan ongi ordenaturik, hark ezta axolarik gizonen erremangu gaixtoez eta miretstekoez.

Hanbatenez gizona trabatzen da eta barraiatzen, zenbatenez egitekoak bereganatzen baititu.

8. Ongi bazinunde, eta egiazki garbitua bazine, gauza guziak ongi eta probetxurekin gertha lekidizketzu.

Hargatik hainitz gauza higoitzen zaizkitzu eta maiz aldaratzen zaituzte, zeren ezpaitzare oraino zure baitan billa, eta lurreko gauzetarik apartatua.

Ezta deusik ere gizonaren bihotza hala nothatzen eta korapillatzen, nola kreatur amudio lizunak.

Kanpoko konsolazioneak arbuatzen badituzu, zeruko gauzak miratuko ahal tutzu, eta maiz boztuko ahal zare zure baitan.

## BIGARREN KAPITULUA

*Azpiko humil iartzeaz.*

1. Eztagizula kontu handirik nor den zure alde edo zure kontra; baina duzun artha iainkoa zurekin den zure obra guzietan.

Duzun konszientzia ona eta iainkoa ongi begiratuko zaitu.

Zeren nori ere iainkoa lagundu nahiko baitzaio, hari nihoren gaixtakeriak ezin eginen dio kalterik.

Baldin badakizu ixil egoiten eta pairatzen, duda gabe ikusiko duzu iainkoa lagunduko zaitzula.

Hark badaki noiz eta nola libratuko zaituen, eta hargatik apal iarri behar zare haren zuhurziaren eskuko eta meneko.

Jainkoari dagoka laguntzea, eta ahalketasun guzietarik libratzea.

Hainitzetan on da xoil gureztat humiltasun handiago izaitea gatik, bertzeak iakin dezaten gure hutsak eta eskasak eta erran diatzaguten.

2. Noiz ere humiltzen baita nihor, orduan errazki ematen tu bertzeak, eta haserretzen zaizkonak arinki satifatzen tu.

Jainkoak humill begiratzen du eta libratzen, humilla maite du eta konsolatzen, humilla gana makurtzen da, humillari emaiten dio grazia handia, eta behehitu denean hura goititzea du loriara.

Humillari bere sekeretuak agertzen diotza, eta hura ez tiki gonbidatzen du eta erakartzen bere gana.

Humilla bake handi batean dago, nihork laidorik egin badio ere, zeren Jainkoa baitan baitago eta ez munduan.

Eztadukazula probetxurik egin duzula zinetsten ezpaduzu guziak baino gutiago zarela.



## HIRURGAREN KAPITULUA

*Gizon prestuaz eta baketiarraz.*

1. Iar zaite zerori bakean lehenik, eta orduan baketuko ahal tutzu bertzeak.

Gizon baketzailleak probetxu geiago egiten du iakinsunak baino.

Gizon pasionatuak on dena ere gaitzera itzultzen du, eta gaizkia errazki zinetsten.

Gizon prestuak eta bakezaleak gauza guziak onera hartzen tu.

Bake onean dagoenak eztu nihortaz ere suspitxarik hartzen.

Ordea bere gogora eztagoenak eta aldaratua denak hainitz suspitxa darabilla buruan: berak eztu sosegurik, eta bertzeak eztitu utzten sosegatzera.

Hainitzetan eraiten du erran behar ezlukeiena, eta utzten du hobe litzaikeona egin gabe.

Konsideratzen du zer egin behar duten bertzeek, eta eztaduka konturik berak egin beharrez.

Zaude beraz erne zure gainean lehenik, eta gero begia idukiko ahal duzu zure lagunaren gainean.

2. Badakizu zuk eginak eskusutzen eta bernizatzen, eta bertzeen eskusak eztutzu hartu nahi.

Zuzenago lizate zure burua akusa, ta zure anaia eskusa bazeneza.

Nahi baduzu bertzeak iasan zaitzan, zuk ere iasan ezazu bertzea.

Mira zazu zein urrun zaren oraino egiazko karitatetik eta humiltasunetik, zeinak ezpaitaki nihori haserretzen ez gogortzen bere buruaren kontra baizen.

Ezta gauza handirik prestuekin eta mansuekin ibiltzea, zeren hori naturalezatik on eta eder zaie guziei, eta batbedera gogotik bizi ohi da bakean, eta berak bezalako sentimendu dutenak maiteago itu.

Bainan indarririk aski izaita gogorrekin eta gaixtoekin, desordentuekin eta gure kontra direnekin bakean bizitzetzeko, grazia handia da, obra guziz laudatzekoa eta gizon gizakoa.

3. Bada bakean dagoenik, eta bertzeekin ere bakea dadukanik.

Bada bakerik eztuenik, eta bertzei bakerik emaiten ezterauenik: bertzeen unhagarriak dire, baina bere buruen ere unhagarriak.

Bada halaber bere burua bakean dadukanik, eta bertzeen baketzera enseiatzen denik.

Halarik ere gure bake guzia bizitze ondikozko hunetan geiago datza, kontrakorik ez sentitzean baino.

Hobeki dakienak pairatzen bake handiago izanen du.

Hura da bere buruaren iabe eta nausi, munduko iaun, Iesus-en adiskide, eta zeruko primu.



## LAUGARREN KAPITULUA

*Gogo garbiaz eta intenzione sinpleaz.*

1. Bi hegalez alxatzen da gizona lurreko gauzetarik; sinpleziaz eta garbitasunaz.

Sinplezia behar da intenzionean, eta garbitasuna afekzionean.

Sinplezia behar dago Jainkoa gana, eta garbitasunak Jainkoa ardietsten du eta gozatzen.

Ezta obra onik tratatuko zaituenik, zure baitan libro bazare afekziona desordenatuetarik.

Jainkoaren borondateaz eta lagunaren probetxuaz bertzerik bilhatez ezpaduzu, gozatuko zare barreneko libertateaz.

Zure bihotza xuxena baliz, kreatura guziak zuretzat liratzeko bizi-zearen miraila eta dotrina sainduaren liburua.

Ezta hain kreatura xipirik eta ezdeusik non eztuen Jainkoaren ontasuna errepresentatzen.

2. Ona eta garbia bazine zure baitan, gauza guziak ikus zenetzake traburik gabe, eta diren bezala ezagut zenetzake.

Bihotz garbiak iragaiten du zerua eta ifernua.

Nolako baita nihor bera baitan, hala iujeatzen du kanpotik.

Munduan alegrianzarik bada, hartaz gozatzen da bihotz garbia duen gizonak: eta nihon ere tribulazionerik edo hersturarik bada, hura sentitzen du konsziencia gaixtoak hobekienik.

Nola burdinak, suan emanik, galtzen baitu herdoilla eta guzia gorritzen eta suztatzen baita, halaber Jainkoa gana osoki itzultzen den gizona bere toldetasunetik libratzen da, eta gizon berri batetara ganbiatzen da.

3. Noiz ere gizona hasten baita epeltzen, orduan trabailu pahurraren ere beldur da, eta gogotik hartzen du kanpoko konsolaziona.

Baina zinetan hasten denean bere buruari garaitzen, eta gizon gisa Jainkoaren bidean ibiltzen, orduan kasu guti egiten du, lehen zurth eta pisu zitzaizkon guziez.

## BORTZGARREN KAPITULUA

*Bere buruaren konsiderazioneaz.*

1. Zinetste sobera ezin demokeogu gure buruari, zeren grazia eta adimendua hainitzetan eskasten baitzaiku.

Argi guti da gure baitan, eta den aphurra ere laster galtzen dugu gure ansikabez.

Bai eta hainitzetan eztugu sentitzen horreinitsu garelazeren.

Hainitz aldiz gaizki egiten dugu, eta gure gaizki eginak gaizkiago eskusatzen tugu.

Batzutan pasioneak garamatza, eta uste dugu borondate ona dela.

Berteen falta aphurrak hitzez alxatzen tugu, eta gure handiangoak iragaiten tugu ixilik.

Laster sentitzen eta pisatzen dugu zer pairatzen dugun bertzeak ganik: baina zenbat pairatzen duten gure ganik eztugu gogoatzen.

Nihork ongi eta xuxenki mira eta pisa baletza bere obrak eluke zer iujeamendu gaiztorik eman bertzeak gatik.

2. Barreneko gizonak lehen bere buruaz artha daduka, bertzeez baino, eta bere gainean begia zinetan erne dadukana, bertzeez errazki dago ixilik.

Sekulan etzara gizon barreneko eta debot izanzen, ixilik ezpazaude berteen egitekoez, eta beregainki zure buruari behatzen ezpadiozu.

Zure barrenaldia eta Jainkoa gogoan tinketz badadukazu, kanpotik heldu zaitzun guziak guti ukituko zaitu.

Non zare zurekin zeronekin etzarenean? eta diren guziak miratu dituzunean, zure buruaz ahantzirik, zer probetxu egin duzu?

Behar baduzu bakean eta egiazko batasunaz gozatu, bertze guziak behar tutzu largatu, eta zure burua xoilki begien aitzinean iduki.

3. Halakotz hagitz aitzinatuko duzu begiratzen bazare libro munduko artha guzietarik.

Laster eskas gertatuko zare munduan den gauzarik prezatzen baduzu.

Eztadukazula deus ere handirik, gorarik, ederrik, gogarakorik badela zuretzat Jainkoa bera eta Jainkoa ganik heldu dena baizen.



Egizu kontu banalaria dela zenbait kreaturarik heldu den konsolagarri guzia.

Iainkoa maite duen arimak mesprezatzen du Iainkoa baino beherago den guzia.

Iainko eternala, ezin neurt ditekeiena, gauza guziak bethetzen dituen xoilki da arimaren konsolazioea eta bihotzaren egiazko bozkarioa.

## SEIGARREN KAPITULUA

### *Konsziencia onaren bozkarioaz.*

1. Gizon prestuaren loriamendua da konsziencia ona beretzat lekuko izaitea.

Duzun konsziencia ona eta bethi izanen duzu alegrianza.

Konsziencia onak hainitz paira dezake eta miragarri da alegera atsekabeen artean.

Konsziencia gaixtoa bethi da beldurti, eta ekurugaitz, eta eztu behin ere pausurik.

Gozoki pausatuko duzu, zure bihotzak egiten ezpaderautzu eranzuterik.

Etzaitzila alegera zerbait onik egin duzunean baizen.

Gaixtoek eztute nihoiz ere egiazko alegrianzarik, eta barreneko bakerik eztute sentitzen, zeren *ezpaita bakerik gaixtoentzat* dio gure Iaunak.

Erraiten badute, bakean gaude, ezta gaitzik etorriko gure gainera, nor ausartuko da guri bidegaberik egitera?

Eztetzatzula zinets, zeren berehala iaikiko da Iainkoaren kolera, eta hekin hekin eginak ezdeustuko dira, eta gogoan zerabillaten guzia haizatu-ko da eta galduko.

2. Tribulazionetan loriatzea etzaio gaitz Iainkoa maite duen arimari: zeren horrela loriatzea da gure Salbatzailearen gurutzea loriatzea.

Laburra da gizonek emaiten eta hartzen duten loria.

Munduko loriak bethi du tristezia lagun.

Prestuen loria hekin konszienzietan dago eta ez gizonen ahotan.

Iustuen alegrianza Iaikoaganik da eta Iainkoa baitan, eta hekin bozkarioa egiatik sortzen da.

Nork ere egiazko eta sekulako loria desiratzen baitu, eztu mundukoaz ansiarik.

Eta nor ere baitabilla denbora batetako loriaren bilha, eta hura ezpaitu bihotzez mesprezatzen, erakusten du zerukoa gutiagu duela maite.

Sosegu handia du bihotzean nork ere ezpaitu axolarik ez laudorioez ez akusuez.



3. Errazki kumentatuko du eta bakean iarriko konszienzia garbia duena.

Etzara sainduago, laudatua izana gatik, ez eta gaixtoago, gaizki aipatua izana gatik.

Zarena zare, eta ezin zaratezke Iainkoaren aitzinean zaren baino geiago.

Miratzen baduzu zer zaren zure baitan, eztuzu ansiarik izanen zer gizonen zutaz erraiten duten kanpoan.

Munduak ikusten du bekokian, eta Iainkoak bihotzean.

Munduak konsideratzen tu obrak, eta Iainkoak sondatzen du intenzioea.

Bethi ongi egitea eta bere burua xipi idukitzea da arima humillaren egitekoa.

Kreatura konsolazioneak arbuiatzea da garbitasun handiaren eta barreneko fidanzaren seinalea.

4. Nork ere kanpotik ezpaitu beretzat bilhatzen lekukorik, erakusten du osoki iarri dela Iainkoaren eskuetan.

Zeren Iondone Paulok dioen bezala: *bere burua laudatzen duena ezta bethi laudatzekoa, baina bai Iainkoak laudatzen duena.*

Iainkoarekin ibiltea bere baitan barrena, eta kanpoan libro izaitea afekzioe guzietarik da gizon barrenekoaren estatua.

## ZAZPIGARREN KAPITULUA

*Iesus-ganako amudioak gauza guzien gainetik.*

1. Doatsu da nork ere baitaki zer den Iesus maite izaitea maite, eta bere burua mesprezatzea Iesus gatik.

Maite bat utzi behar da bertze maitea gatik, zeren Iesus-ek nahi du hura xoilki dugun maite gauza guzien gainetik.

Kreaturaren amudioa enganiosa da eta bertzetarakorra, Iesusen amudioa fidel da finko eta fermu.

Nor ere baitaxeko kreaturari eroriko da erorkorarekin: baina Iesus besartzen duena doatsuki firmatuko da sekulakotz.

Duzun hura maite eta idukazu adiskide; guziek utz zaitzatenean, hark etzaitu utziko, eta eztu pairatuko azkenean gal zaitzezin.

Berdin nahi baduzu, nahi ezpaduzu ere, egun batez apartatu behar zare bertze guzietarik.

2. Zaude Iesusen aldean bizian eta hillean, eta iar zaite fidanzarekin haren gomendioan, hura xoilki hel daidikezu bertzeak falta dakizkitzunean.

Zure maitea halakoa da non ezpaitu arrotzik pairatu nahi berekin; baina zure bihotza osoki nahi du bere, eta hartan nahi du errege iarri bere tronuan bezala.

Bazeneaki kreatura guzien kentzen zure ganik, Iesus gogotik lagoke zurekin.

Zer ere emanen baituzu gizonen eskuetan, Iesus-i gomendatu gabe, guzia edirenen duzu hurren galdurik.

Ez fida eta ez perma kanabera haizetsuaren gainean, zeren haragi guzia abre belharra da, eta haren loria guzia belhar lorea bezala eroriko da.

3. Laster enganatuko zare gizonen kanpoko iduriari xoilki behatzen badiozu.

Ezen zure konsolazionea eta probetxua nihon bertzetan bilhatzen baduzu, kalte sentituko duzu maizenik.

Iesus bilhatzen baduzu gauzietan, Iesus aurkituko duzu: baina zure burua bilhatzen baduzu, zure burua ere aurkituko duzu, ordea zure kaltetan.

Zeren bere buruari kalte geiago egiten du gizonak, Iesus bilhatzen ezpadu, mundu osoak eta kontrako dituen guziek egin diozoketen baino.



## ZORTZIGARREN KAPITULUA

### *Iesusekika.*

1. Iesus lekuan denean, guzia on da eta ezta deus ere iduritzen gaitz dela: baina Iesus kanpoan denean den guzia gogorra da.

Iesus gure baitan minzo eztenean konsolazione guti dugu: baina Iesus-ek hitz huts bat emaiten badu konsolazione handia sentitzen dugu.

Ez othe da egia Maria Magdalena berehala iaiki zela nigarrez zegoen lekutik, Marthak erran zioenean, Nausia hemen da eta zure galdea du?

O ordu doatsua, noiz ere Iesus-ek deitzen baigaitu nigarretarik bihotzeko bozkariora.

Zein idor eta gogor zaren Iesus gabe.

Zein erho eta banaloriatsu zaren, desiratzen baduzu Iesus-ez bertzerik.

Ez othe da hori kalte handiagoa, mundu guzia gal bazeneza baino?

2. Zer eman daizakezu munduak Iesus gabe?

Iesus gabe izaitea Ifernu garratza da, eta Iesusekin egoitea parabisu eztea.

Iesus aurkitzen duena, tresor ona aurkitzen du, bai eta ontasun guzien gaineko ontasuna.

Iesus zurekin bada, etsaiak ezin egingen derautzu kalterik.

Iesus galtzen duenak sobera eta sobera galtzen du, eta mundu guzia gal baleza baino geiago.

Guziz pobrea da Iesus gabe bizi dena eta guziz aberatz da Jesusekin ongi dagoena.

2. Iakintasun handia da iakitea Iesusekin ibiltzen, eta iakitea Iesusen idukitzen, zuhurzia handia.

Zaren debot eta pausatua, eta Iesus egonen da zurekin.

Kasa dezakezu Iesus zure ganik, eta haren grazia gal dirozu nahi bazare kanpoko gauzetara itzuli?

Eta hura kasatzen eta galtzen baduzu, noren gana ihes egingen duzu? eta orduan nor bilhatuko duzu adiskide?

Adiskiderik gabe ezin ongi bizi zaitezke eta Iesus ezpaduzu guzien gaineko adiskide guziz triste eta deskonsolatua izanen zare.

Erhoki beraz hari zara nihoren baitan fidatzen edo bozten bazare, hura utzirik.

Lehen hautatu behar duzu mundu guzia alxa dadin zure kontra, Iesus haserra dakizun baino.

Biz bada Iesus zure maiteena eta adiskide minena maite ditutzun guzien gainetik.

4. Onets bitez guziak Iesus gatik, eta Iesus onets bedi bakoitzki bera gatik.

Iesus onetsi behar duzu bera beregain, zeren hura xoilki edireiten baita on eta fidel adiskide guzien gainetik.

Behar dituzu guziak maite izan haren gatik eta haren baitan, bai adiskideak, bai etsaiak, eta othoitz egin behar diozu guziak gatik, arren hura guziek ezagut eta onets dezaten.

Eztezazula behin ere desira bertzeek lauda eta maita zaitzaten beregainki, zeren hori zor zaio Iainkoari xoilki, zeinak ezpaitu bera bezalakorik.

Eztezazula halaber desira nihor sobera lot dakizun bihotzez, eta zeroni ere etzaitzila amarra nihoren ganako amudioaz; baina bego Iesus zure baitan eta arima prestu guzietan.

5. Zarela garbi eta barrenean libro kreaturen kurapillamenduetarik.

Behar duzu billusia, izan eta bihotz garbia Iainkoa gana ekarri, nahi baduzu astirik izan eta ikusi zein ezti eta gozo den gure Iauna.

Ordea hori eztuzu egiazki ardietsiko, haren grazia aitzintzen ezpazaitzu eta erakartzen ezpazaitu, xoilla xoillarekin bat egin zaitezintzat, bertze gauza guziak largaturik eta kanporarik.

Zeren Iainkoaren grazia heldu zaionean gizonari, indarsu eta ahaldu egiten da gauza guzietara: baiian ioaiten zaionean behar eta flako gelditzen da, eta azotetara xoilki utzia bezala.

Orduan eztuzu bihotz flakatu ez eta etsitu behar, baina pazieniaz itxeki behar diozu Jainkoaren borondateari, eta gertatuko zaitzun guzia pairatu behar duzu Iesusen laudoriotan.

Zeren neguari darraio uda, gauari eguna, eta tormentari denbora ederra.



## BEDERATZIGARREN KAPITULUA

*Konsolazione guziez gabetzeaz.*

1. Ezta gaitz munduko konsolazionearen mesprezatzea Iainkoarena dugunean.

Gauza handia eta guziz handia da indar aski izaita bai munduko bai Iainkozko konsolazione gaberik izaiteko, eta borondate onez bihotzeko desterruaren pairatzea Iainkoaren ohoretan, bere burua deusetan ere bilhatu, eta bere merezimenduei behatu gabe.

Zer da handirik alegera eta debozionetsu bazare, grazia heldu zaitzunean?

Badute guziek oren haren desira.

Plazerki aski dabilla Iainkoaren graziak ekartzen duena.

Eta zer mirakuillu sentitzen ezpadu kargarik, nor ere guziz bothere-tsuak baitarama, eta guzien gaineko gidariak gidatzen baitu?

2. Atsegin dugu zenbait konsolazione izaitiaz, eta nekez billuzten da nihor bere buruaz.

Iondone Laurendi bere Apezpiku Sainduarekin garaitu zaio munduari, eder eta gozo zirudien guzia mesprezatu.

Emeki pairatzen zuen Iesusen amorea gatik san Sixto Aita Saindua eraman lekion, hura beregainki maite zuelarik.

Kreatzailearen amudioz bada gizon baten ganako amudioari garaitu zaio, eta maiteago izan du Iainkoaren borondatea munduko konsolazionea baino.

Hala zuk ere ikazazu zerbait behar duzunik eta zenbait adiskide minduri utzten Iainkoa gatik.

Eztakizula ere gaitzi zure adiskideak utzi zaituenean berdin badaki-zu guziok finean behar gara elkar ganik apartatu.

3. Hagitz eta luzez behar du gizonak bere buruarekin iharduki eta gudukatu ikas dezan baino lehen garaia osorik ardietsten, eta bere gogo guzia Iainkoa gana ekartzen.

Bere gainean permatzen den gizona, errazki erorten da munduko konsolazionetara.

Ordea Iesus-en egiazko maitaria, eta zinezko bertute zalea ezarraie konsolazionei, eta eztabilla halako gozotasunen ondoan, aitzitik nahiago du borthizki erabili izan eta trailla gogorak pairatu Iesus gatik.

4. Noiz ere bada Jainkoak emaiten baiterautzu bihotzeko konsolazionerik, hura har ezazu esker diozula; eta iakin ezazu Jainkoaren dohaina dela eta ez zuk merezirik.

Etzaitzila alxa burupe handiz ez sobera alegera, ez fida banoki geroaren gainean; aitzitik zarella humillago eman zaitzuna gatik, zarella ere begiratuago eta beldurriago zure obra guzietan, zeren oren hura iraganen da, eta etorriko da tentazionea.

Konsolazionea eraman dakizunean, eztezazula berehala esperanza gal, baina zaude humilki eta pazienziarekin zeruko bisitaren begira: zeren Jainkoak eman diezakezu berriz ere konsolazione geiago.

Etzaie hori gauza berria eta bakarra Jainkoaren bidea frogatu dute-nei, zeren aldizkatzeko manera hura maiz gertatu zaie saindu handiei eta profeta zaharrei.

5. Halakotz hetarik batek, grazia berekin zuenean, erraiten zuen: *nik erran dut neure frankian, enaiz sekulan aldaratuko*.

Ordea grazia ioanez gero, erakustea gatik zer frogatu zuen, hunela minzo da: itzuli duzu zure begitartea ene ganik eta tribulatua egin naiz.

Bizkitartean eztu esperanza galtzen, baina usuago dagoka Jainkoari othoiez, erraiten duela: *Zure gana, Jauna, eginen dut oi, eta ene Jainkoari eginen diot othoiz*.

Azkenean bere othoitzaren fruitua ardietsten du, eta erakusten du enzun izan dela: *Enzun nau Jaunak, dio, eta urrikaldu natzaio, iauna iarri zait alde eta egin zait lagun*.

Zertan ordea? *Ganbiatu tutzu ene nigarrak bozkariotara, eta alde guzietarik inguratu nauzu alegrianzaz*.

Horrela egin bada saindu handiekin, guk pobre eta flako horiok eztugu etsitu behar, batzutan bero batzutan hotz gertatzen bagare: zeren Espiritu saindua heldu da eta badoa berak plazer eta borondate duen arauera.

Hargatik ziotzan Job sainduak: *Bisititzen duzu gizona argiaren begian, et hura berehala frogatzen duzu*.

6. Zertan beraz esperanza ahal duket, eta zertan fidatu behar dut Iainkoaren miseriordia handian eta zeruko graziaren esperanza bainen?



Ezen heldu bazaizkit ere gizon prestuak, fraide debotik, adiskide fidelik, edo ekartzen bazait ere liburu saindurik, eskiribu ederrik, edo kanta eta koplak arraik, gauza hek guziek probetxu eta gozo guti emaiten derautate grazia ez tudanean, eta ene pobrezia hutsean utzia nagoenean.

Orduan ez tut erremedio hobeagorik pazienza hartzea, eta neure burua Iainkoaren borondatearen azpian ezartzea baino.

7. Ez tut egundaino aurkitu hain debozionetsurik, non etzaion batzutan grazia edeki izan, edo non ez tuen sentitu zenbait aldiz bere debozio-nea gutitzen zela.

Ez ta saindurik hain gora Iainkoa gana eraman, eta hain argitu izan denik, non lehen edo gero ez ten tentatu izan.

Zeren zenbait tribulazione Iainkoa gatik pairatu ez tuenak ez tu merezi altxatua izan Iainkozko kontenplazionera.

Aitzineko tentazionea geroko konsolazionearen seinale ohi da; eta tentazionetan frogatu direnei agintzen zaie zeruko konsolazionea: garaituko denari, dio, emanen diot biziaren arbolako fruitutik iatera.

8. Ordu Iainkozko konsolazionea emaiten zaio gizonari bortitzago izaitea gatik gauza gaitzen eta kontrakoan pairatzeko.

Gero ondoan heldu da tentazionea, beldurrez sobera eraman dadin duen ontasuna gatik.

Deabrua ez tatz lo, eta haragia ez ta oraino hil; hargatik etzaudezila preparatu gabe gudukatzer a, zeren eskuin eta esker dabilzkitzu behin ere pausatzen ez tuten etsaiak.

## HAMARGARREN KAPITULUA

*Eskerrak emaitiaz Iainkoaren graziak gatik.*

1. Zergatik zabilta pausuren bilha, travailluko sortu zarenaz geroztik?

Lehen prepara zaite pairatzera, ezen ez konsolazione hartzera; eta soinean gurutzearen erabiltera, ez alegeratzera.

Ezen nork mundukoetarik elezake gogotik har konsolazione eta alegrianza espirituala, hura bethi ahal balu? zeren konsolazione spiritualek garaia daramate munduko plazer, eta atsegintasun guzien gainean.

Munduko plazer guziak edo banaloriazkoak dira edo lizunak: baina plazer spiritualak arraiak dira eta ohorezkoak, bertutetarik sortuak, eta Iainkoak bihotz garbietara isuriak?

Baina nihor ezin goza diteke bethi konsolazione Iainkozko hetaz nahi lukeien bezala, zeren tentazionearen aldia laster bihurtzen da; denborak ez tu hainitz luzatzen.

2. Bada arimako libertate falsoa, eta bere baitako fidanza handia hagitz dire Iainkoaren bisitaren kontra iarriak.

Ongi egiten du Iainkoak konsolazionezko graziaren emaitiaz: baina gaizki egiten du gizonak Iainkoari aitortirik ez egiteaz eta eskerrik ez bihurtzeaz.

Hargatik graziaren dohainak ezin isur ditezke gure gainera, zeren esker gabe garen emaillea gana, eta den guzia ez tugun bihurtzen bere ithur burura.

Ezen noiz ere behar bezalako eskerrik emaiten baitu lehenbiziko dohaina gatik, hari zor zaio grazia berri bat, eta humillari emaiten ohi zaiona edekiko zaio superbioari.

3. Ez tut nahi urrikimendua eramaiten derautan konsolazionea, eta enaiz guthiziatzen hantureriara naraman kontenplazioneaz.

Ezen handi eta gora den guzia ez ta saindu, ez ti den guzia ez ta on, desir guziak ez tira garbi, eta maite den guzia ez ta bethi Iainkoaren gogara.

Gogo onez hartzen dut grazia, zeinaren bidez egiten bainaiz humillago, beldursuago eta preparatuago neure borondateari uko egitera.



Nor ere graziaren dohainaz dotrinatua baita eta irakasia zer den graziaz gabetzea, ezta ausartuko buruperik hartzera, zerbait onik bere buruz duelako, baina librokiko aitortuko du pobre beharra eta billusia dela.

Emozu Iainkoari berea, eta har ezazu zurea, erran nahi da, emoitzu Iainkoari eskerrak emaiten derautzun grazia gatik, eta ezagut ezazu zurea xoilki dela bekaturia eta bekatuari dagokan bezalako pena.

4. Iar zaite bethi lekuri beherenean, eta gorena emanen zaitzu: zeren gorena ezin dagoke beherenaren gainean permaturik baizen.

Iainkoaren aitzinean handien dire sainduak, guzietarik xipienak dire bere baitan; eta zenbatenaz loriosago, hanbatenaz humillago.

Egiaz eta zeruko loriak bethe direnek ez tute guthiziarik banaloriz.

Iainkoa baitan firmaturik eta zimendaturik daudenak ezin alxa ditezke nihola ere berak baino gorago.

Aitortzen dutenek bere duten ontasun guziaz Iainkoa ganik dutela, eztabiltza bata bertzea ganikako loriaren bilha; baina Iainkoa ganik xoilki heldu den loria nahi dute, eta hekin desir guzia da Iainkoa laudatzea bere baitan eta saindu guzietan gauza guzietan gainetik laudatzea, eta hortara bethi dadukate gogoia etxaturik.

5. Zarela beraz eskerdun dohain xipiena gatik, eta mereziko duzu handiagorik hartu.

Den emaitzarik mendreana estima zazu handi eta mesprezatzekoena idukazu beregainekotzat.

Behatzen baduzu nor den emaillea ikusiko duzu ez tala dohain xipirik edo deus gutiegirik.

Ezen guzietan gainera Iainkoaren emaiten duena ezta gauza xipia.

Penak eta azoteak igortzen baderauzkigu ere plazerki hartu behar tugu: zeren bethiere gure salbamenduagatik egiten du, zer ere utzten baitu guri gertatzera.

Nork ere baitu desira Iainkoaren graziaren begiratzeko, lema esker lehen eman zaiona gatik, eta har beza pazientzia edeki zaiona ere gatik.

Bego othoitzez grazia bihur dakion begira eta humil bedi, beldurrez hura berriz gal dezan.

## HAMEKAGARREN KAPITULUA

*Zein gutik maite duten Iesus-en gurutzia.*

1. Orain Iesus-ek hainitz ditu zeruko erresuma maite dutenak, baina guti dira haren gurutzia jasaiten dutenak.

Hainitz du konsolaziora desiratzen duenik, eta guti, tribulaziora nahi duenik.

Hainitz kausitzen du lagun mahaineko, baina guti barurtzeko.

Badute guzietan harekin boztekiko desira, baina guti nahi dute haren gatik edo harekin deusik pairatu.

Hainitz darraizko Iesus-i ogia hautsteraino, baina guti Pasionearen kalitza edateraino.

Hainitzek ohoratzen tuzte haren mirakulluak; eta guti darraizko haren gurutzia loidoari.

Hainitzek dute Iesus maite gaitzik gertatzen etzaien bizkitartean, hura laudatzen eta ohorezki aiphatzen dute zenbait konsolaziora haren ganik izaiten duteino.

2. Ordea Iesus maite dutenak Iesus gatik eta ez bere konsolaziora gatik, hura benedikatzeko dute hala tribulaziora eta bihotzeko herustetan nola konsolaziora handietan.

Eta nahi ezpalerare sekulan konsolaziorerik eman, oro bat lauda lezakete eta bethi nahi liotzokete eskerrak bihurtu.

3. O zenbat daidiken Iesus ganako amudio garbiak, nahasia ez tenean bere buruaren alderako amudioaz edo probetxu partikularaz.

Ez othe dira lukurari izendatu behar, bethi konsolaziora ondoan dabilzanak?

Ez othe da segurtzat iduki behar bere irabazia eta probetxua bethi gogoan darabillatenak bere burua maiteago dutela Iesus baino?

Non edirenen da Iainkoa dohainik eta ururik serbitzatu nahi duenik?

4. Nihor guti kausitzen da hain espiritual non gauza guzietan dagoen billusirik.

Ezen nork aurkituko du egiazki bihotzeko pobre eta kreatura guzietan billusia denik?



Urrun bilhatu behar da halakoa, eta haren prezioa munduko azken kantoinetarik ekarri behar da.

Gizonak bere duen guzia pobrei eman badieze ere, oraino deus guti da ezta deusik.

Penitentzia garratz egin baleza balu ere oraino deus guti da.

Takin ditezkeien guziak baleakizki ere, oraino urrun da perfekzionetik.

Bertute handi eta debozione guziz irazeki bat balu ere oraino hainitz du eskas, eta hainitz hura da gauza bat zeinaren xoil behar handia baitu.

Zer da hainitz hura? Gauza guziak utzirik bere buruari uko dagiola, bera bere ganik ilki dadilla, bere burua ganako amudiorik iduki eztezala; eta ikus dezanean egin duela egin behar zuen guzia zinets dezala eztezala deusik egin.

5. Eztagiela kontu handirik, handiro estima ditekienaz: bainan egia den bezala erran beza zerbitzari ezdeusetako dela, Egia berak dioenaz gero: *egin dituzuean manatuak zareten guziak, errazue serbitzari ezdeusetakok gare.*

Orduan egiazki izanen ahal da gogoz pobre eta billusia, eta erranen ahal du profetarekin, *bakoitza naiz ni eta pobre.*

Badarik ere ezta nihor aberatzago, nihor handiago, nihor zilhegiago, bere buruaren eta gauza guzien utzten, eta lekurik beherenean iartzen dakiena baino.

## HAMABIGARREN KAPITULUA

*Gurutze sailduaren bide zabalaz.*

1. Hainitz gogor zaie hitz hau: uko egiozu zure buruari, har ezazu zure gurutzea, eta zarratzko Iesus-i.

Ordea hagitz gogorrako izanen da azken hitz hunen enzutea: *zoaz-kidate maradikatuak sekulako sutara.*

Zeren orai bihotz onez gurutzearen hitza enzuten dutenak eta hari gogotik darraizkonak eztire orduan beldur izanen enzun dezaten damnazioeko hitza.

Gurutzearen seinale eta bandera hura zeruan ageriko da gure Iauna datorrenean munduaren iujeatzera.

Orduan gurutzefikaren gainean bere bizia moldatu duten gurutzearen serbitzari guziak fidantza handirekin hurbilduko zaizko Iesus bere jujeari.

2. Zergatik bada beldur zare erresumara daraman gurutzearen hartzeaz?

Gurutzean da salbamendua, gurutzean da bizia, gurutzean da etsaitarik begiralekua, gurutzean da zeruko eztitasunen ithurria, gurutzean da arimaren indarra; bihotzaren bozkarioa gurutzean da, bertutearen punturik gorena gurutzean da, saindutasunaren konplimendua da gurutzean.

Hitz batez ezta arimako salbamendurik ez eta sekulako biziaren esperantzarik zeruetan baizen.

Har ezazu beraz zure gurutzea soinean, eta zarratzko Iesus-i eta sekulako bizia ardietsiko duzu.

Hura ioan da zure aitzinean bere gurutzea zeramala, eta hil da gurutzean zure gatik, zuk ere gurutzea erabil dezazun eta gurutzean hiltzeko desira har dezazun gatik.

Zeren harekin batean hiltzen bazare horrekin ere biziko zare; eta haren lagun eta partale bazare penetan, izanen zara lorian ere.

3. Horra non guzia gurutzean eta hiltzean datzan, eta nola ezten bertze biderik biziaren eta barrenako bakearen ardietsuko gurutze sailduaren eta egunoroko mortifikazioen bidean baizen.



Zabiltza non nahi, bilha zer ere nahi, eztuzu ganean bide goragorik, ez beherean seguragorik kausituko gurutze sailduaren bidea den baino.

Prepara eta ordena tzatzu gauza guziak nahi duzun eta hobeki zaitzun bezala, ikusiko duzu bethi zer bait pairatu behar duzula nahi baduzu, nahi ezpaduzu ere eta horrela bethi gurutzea aurkituko duzu.

Zeren edo gorputzean izanen duzu min eta oinhaze, edo gogoan herstura eta atsekabe.

4. Batzutan Iainkoa urrunduko da zure ganik, batzutan zureki dabil-tzanek emanen derautzute zer egin, eta zein baita geiago maiz izanen zare zeroni zure unhagarri, eta guziarekin ere ezin libratuko eta ezin arinduko zare niholatako erremedioz, baina pairatu beharko duzu Iainkoak plazer duen artean.

Ezen Iainkoak nahi du ikas dezazun tribulazionearen pairatzen kon-solazionerik bat ere gabe eta humillago egin zaitezin tribulazioneaz.

Ezta nihor bihotzean hala ukitzen Iainkoaren pasione sailduaz, nola ukitzen baita gertatu dena hark bezalakorik pairatzera.

Gurutzea bada bethi preparatua da, eta leku guzietan zure begira dago.

Laster egizu nora nahi, ezin itzul zakidizkeo, zeren non ere baitza-biltza, bethi zure burua darabillazu, eta bethi zure burua kausituko duzu.

Itzul zaite goiti, itzul beheiti, itzul kanpora, itzul barrenera, non nahi edirenen duzu gurutzea eta non nahi pazienziaren beharra duzu, nahi baduzu barreneko bakea ardietsi eta sekulako koroa irabazi.

5. Gurutzea iasaiten baduzu gogotik, hark iasanen zaitu eta erama-nen desira duzun lekura, non ezpaita pairatzekorik izanen, ezta ordea hemen halako tokirik.

Hura iasaiten baduzu bortxaz, hartaz egiten duzu zuretzat karga, eta zure burua geiago galkatzen duzu, eta halarik ere hura pairatu behar duzu.

Gurutze bat etxatzen baduzu duda gaberik edirenen duzu bertze bat eta naski pisuago.

6. Uste duzu itzuliko zaizkola nihor egundaino ezin itzuli zaion gau-zari?

Nork sailduetarik izan da munduan gurutzerik eta tribulazionerik gabe?

Iesus gure Jauna bera ezta oren bat egon dolore gaberik bizi izan deino.

*Behar zen, dio eskiriturak, kristok paira lezan gurutzean, eta hilletarik bihur ledin bizirik eta horrela sar ledin bere lorian.*

Eta zu nolatan zabiltza gurutze sailduaren errege bide hunetaz ber-tererik bilha?

7. Iesus-en bizitze guzia izan da gurutze eta martirio ardurako bat, eta zuk errepausua eta alegrianza bilhatzen duzu?

Enganutzen zara, bai enganutzen, bilhatzen baduzu tribulazioneen pairatzeaz bertzerik: zeren munduko bizitze hau guzia miseriez bethea da eta gurutzea inguratua.

Eta zenbatenez barrenago sartu baita nihor bizitze espiritualean, hanbatenez gurutze pisuagoak maiz aurkitzen tu, zeren bere desterruak emaiten dioen pena handitzenago baitan amudioaren podorez.

8. Guzia gatik ere horrela hainitz moldez penatzen dena eztago zen-bait konsolazione eta sosegu gabe; zeren frogatzen baitu hainitz probetxu heldu zaiola bere gurutzearen pairatzeaz.

Ezen haren azpian gogotik iartzen denean, tribulazionearen karga guzia ganbaitzen da Iainkozko konsolazionea baithako fidanzara.

Eta zenbatenez haragia senatzenago baita aflikzioneaz, hanbatenez espiritua bortitena da barreneko graziaz.

Eta batzutan hanbat bortitzten da tribulazioneari eta kontrako for-tunari ekartzen dioen amudioaz Iesus-en arauerako izaitea gatik, non ezpailuke egon nahi herstura eta dolore gaberik.

Zinetsten baitu hanbatenez Jainkoaren gogarago dela, zenbatenez geiagorik eta gaitzagorik pairatuko ahal baitu haren amorioa gatik.

Ezta hori gizonaren indarraren egitekoa, baina Iesus-en graziaren obra, zein hain gauza handirik egin baitezake eta egiten baitu haragi hautskorrean, non espirituan berroz besarka eta onets dezan zer ere natu-raleaz gogintzen baitzaio eta zeri ere baitoako ihesi.

9. Ezta gizonaren oldea gurutzearen iasaitea, gurutzearen oneritstea, bere gorputzaren sensatzea gastigatzea eta serbitzuaren azpian emaita, ohorei ihes egitea, afruntuak gogotik pairatzea, bere burua mesprezatzea, zer ere baita kalterik eta kontrakoenik onera hartzea, eta munduko onta-sunik bat ere ez desiratzea.

Hari bazare konsideratzen nor eta zer zaren, zure buruz eztaidikezu horrelakorik: baina fidatzen bazare Iainkoa baitan, indarra emanen zaitzu zerutik, eta mundua eta hara izanen tutzu azpiko eta zure meneko.



Etzara ere ifernuko etsaiaren beldur izanen fedez armatua, eta Iesus-en gurutzeaz seinalatua bazare.

10. Iar zaite beraz Iesus-en serbitzari agudo eta fidel bat bezala, eta lotzakizko gizon gisa zure gatik gurutzean amudio hutsez iosi izan denaz gero.

Prepara zaite hainitz bidegabe eta kalte pairatzera bizitze ondiozko hunetan, zeren horrela eginik, hura zurekin izanen da zaren leku guzietan, eta non ere gordeko baitzara hura edirenen duzu alde.

Hala bear da, eta ezta biderik gaitzetarik eta doloretarik ihes egiteko pairatzea baizen:

Edan ezazu gogotik Jainkoaren kalitza, desirik baduzu haren adiskide izaiteko, eta harekin parterik ardietsteko.

Utskitzu konsolazioneak Iainkoaren eskuetan, egin beza hetaz plazerago duen bezala.

Ordea zu iar zaite tribulamenduen pairatzen, eta estima zazu konso-lazione handi direla zuretzat.

Ezen denbora mende hunetako penak eztira baso eta ez aski etorki-zuneko loriaren merezitzeko, guziak zeronek paira ahal bazenetza ere.

11. Halako puntura zaitezinean non tribulazionea ezti eta gozo ediren dezazun Iesus gatik, orduan estima zazu ongi doatzula, zeren parabi-sua aurkitu duzu lurrean.

Noizeraino pisu baitzaitzu pairatzea eta nahi baituzu ioan ihesi, han arteraino gaizki izanen zara eta tribulazionearen beldurtasuna non nahi iarraikiko zaitzu.

12. Iarten bazara egiten behar duzunaren egiten, erran nahi da, pairatzen eta zure buruari hiltzen, sarri hobeki izanen zara eta bakea edirenen duzu.

Eraman izan bazina ere hirugarren zeruraino Iondone Paulorekin, etzinateke halakotz segur eztuzula deusik pairatuko.

*Nik, dio gure Salbatzailleak, erakusi diot, zenbat pairatu behar duen ene izena gatik.*

Beraz zuri dagotzu pairatzea plazer baduzu Iesus onetsi eta bethiere serbitzatu.

13. Aitzendu merezi zerbaiten pairatzea Iesus-en izenagatik! Zein loria handi lizate zuretzat! zer bozkario eman ziniezeke saindu guziei! zein exenplu on eta eder har lezake lagunak zure ganik.

Ezen guziek gomendatzen dute pazientzia, nihork gutik pairatu nahi duelarik.

Merezi onez zerbait aphur behar zenduke Iesus gatik pairatu, ikusirik hainitzek handiagorik pairatzen dutela mundua gatik.

Idukazu segurtzat, bizi behar duzula ardura hiltzen den biziaz; zeren zenbatenaz hiltzenago baita nihor bere baitan, hanbatenaz hastenago da Iainkoa baitan bizitzen.

Ezta nihor gai zeruko gauzen iakiteko iartzen ezpada nahiz diren gaitzen pairatzen Iesus gatik.

Ezta deus ere Iainkoaren gogarago, eta zuretzat mundu hunetan hobeago, bihotz onez Iesus gatik pairatzea baino.

Eta hautatu behar bazendu, lehen desiratu behar zenduke gaitz guzien pairatzea Iesus gatik, ezen ez hainitz konsolazionez gozatzea; zeren horrela hobeki zenduke Iesus-en iduria, eta saindu guziak bezalakoago zinateke.

Gure merezimendua eta aitzinamendua ezta hainitz konsolazione eta eztitasun izaitea, baina bai gaitz eta herstura hainitz pairatzea.

15. Berdin izan baliz bide hobeagorik eta seguragorik gizonen salbamenduko pairatzea den baino, hura gure Salbatzailleak erakusiko zeraukun hitzez eta obrez erranez eta eginez.

Zeren hari berari zerraizkon diszipuluak, eta iarraiki nahi zaizkon guziak agerriz deitzen tu zein bere gurutzearen ekartzera dioztela: *nihork nahi badu ene ondoan etorri, uko egin biozo bere buruari, berabilla bere gurutzea, eta berrait.*

Beraz gauza guziak irakurririk eta sondaturik, biz hau azken puntua: *hainitz tribulazionetik iraganez behar garela-dugula Iainkoaren erresuman sartu.* Biz hala.



## HIRURGARREN LIBURUA

## LEHEN KAPITULUA

*Jesus-en barreneko solhasaz arima fidelarekin.*

### 1. *Enzunen dut zer ene Iainko Iauna minzo den ene baitan.*

Doatsu da arima Iaunaren hitzak bere enzuten dituen, eta bere kon-solazionea hartzen haren ahotik.

Doatsu dire beharriak Iainkoaren inspirazioneko aire emea hartzen dutenak emero idekitzen direnak, eta munduko lausengurik bat ere aditzen edo hartzen ez tutenak.

Doatsu xoil dire beharriak, ez kanpotik ioiten duen soinuari, baina barrenean irabazten duen egjari zabaltzen zaizkonak.

Doatsu dire begiak kanpoko gauzetara serratutik eta barrenkoetara idekirik daudezinak.

Doatsu dira barreneko gauzetan sartzen direnak, eta egunorozko egin bideez zeruko sekeretuen geiago eta geiago endelegatzera eta hartze-ra preparatzen direnak, gaitzen.

Doatsu dira Iainkoari gogotik lotzen zaizkonak, eta munduko trabu guziak urrun bere ganik iraitsten tuztenak.

2. Zagozte horiei beha, ene arima, eta hezkitzu zure sensuetasunaren atheak enzun dezazungatik zure Iainko Iauna zer minzo den zure baitan.

Huna zer dioen zure maiteak: Ni naiz zure salbamendua, zure bakea eta zure bizia, zaude ene baitan eta bakea aurkituko duzu, utzkitzu iragaiten diren gauzak, bilha tzatzu bethierekoak.

Zer dire munduko gauzak enganamenduak baizen? Zer probetxu dukezu kreaturetarik, zure kreatzailleak utzten bazaitu.

Beraz bertze guziak largaturik, egin zaite zure kreatzaillearen gogarako eta fidel haren aldera, egiazko doatsutasuna ardiets dezakezun gatik.



## BIGARREN KAPITULUA

*Egia minzo zaikula bihotzean hitz soinurik gabe.*

1. *Minza zaitz, Jauna, zeren zure serbitzaria dago enzun nahiz.*

Zure serbitzaria naiz, indazu adimendua zure manuen ikasteko: Erakarzu ene bihotza zure ahoko hitzetara: isur ditezila zure hitzak ene gana ihintza bezala.

Israeleko umeek erraiten ohi zioten Moisi: zu minza zakizkigu, eta enzunen zaitugu; eztagigula Iainkoa minza beldurrez hil gaitezin.

Emagotzu, Iauna, emagotzu horrela othoitzez.

Ezterautzut, Iauna, ezterautzut horrelako othoitzik egiten: aitzitik Samuel profeta bezala humilki eta desir handiz nagotzu; minza zaitz, Jauna, zeren enzuten du zure serbitzariak.

Eztakidala minza Moisek ez eta bertze profetarik bat ere; zu ene Iainko Iauna profeta guzien inspiratzailea eta argitzailea zarena minza zakizkit; zeren zuk xoilki behar den bezanbat irakats diazakedazu, hek ordea zu gabe eztute probetxurik eginen.

2. *Hitzak athera detzake ta, bainan endelegua eztute emaiten.*

Zotilki xoil minzo dire, ordea zu zaudenean ixilik, eztute bihotza irazekitzen.

Irakasten dute letreiatzen baina zuk erakusten duzu barreneko sensua.

Misterioak aiphatzen tuzte, baina zuk agertzen derauzkigutzu hetan dauntzan sekeretuak.

Manamenduak emaiten derauzkigute, baina zu heltzen zaizkigu hekin konplizen.

Bidea erakusten deraukute, baina zuk emaiten deraukuzu bidean ibilteko indarra.

Kanpoan xoilki hari dira, baina zuk bihotzak dotrinatzen tutzu eta argitzen.

Ureztatzen dute kanpotik, baina zuk fruitutzea emaiten duzu.

Oiu egiten dute bere hitzez, baina zuk emaiten duraukuzu aditzera zer erraiten duten.

3. Eztakidala beraz Moisez minza, baina zu ene Jainko Jauna bethiereko egia zarena, minza zakizkit beldurrez hil nadin eta fruiturik eztezadan ekar, kanpotik xoilki abisaturik eta barrenean pitztu gabarik banago; beldurrez hitz aditzeak eta ez obratuak, ezagutuak eta ez maitatuak, zine-  
tsiak eta ez begiratuak gerta ditezin ene kondemnazionetan.

Minza zaitz bada, jauna, zeren enzuten du zure serbitzariak, berdin badituztu sekulako biziaren hitzak.

Minza zakizkit ene arimaren konsolazionetan, ene bizitze guziaren oneramendutan, eta zure sekulako laudoriotan, loriatan eta ohoretan.



## HIRURGAREN KAPITULUA

*Iainkoaren hitzak humilki enzun behar direla, eta hainitzek ezti-tuztela behar bezala pisatzen.*

1. Ene semea, enzun etzatzu ene hitzak, hitz guziz gozoak, munduko filosofo eta zuhur guzien ikintasunari garaitzen zaizkonak.

Ene hitzak dira espiritua eta bizia, eta eztira pisatu behar munduko iujeamenduaren pisuan.

Eztira banaloriazko edergaillura hartu behar baina behar dire ixilik enzun, humilki eta bihotz onez hartu.

Eta erran dut nik ere horren gainean: *Doatsu da, jauna, nor ere dotrintzen baituzu, eta nori ere irakasten baitiozu zure legea, zuk hura egun gaitzetan konsola dezazun eta bera bakarrik lurrean utzirik eztagoen gatik.*

*Nik irakasiak dire Profetak hastean danik, dio Jaunak, eta hunerainokoan enaiz ixiltzen guziei mintzatetik, bainan ene hitzetara hainitz dira gor eta gogor.*

2. Hainitzek gogotikago mundua enzuten dute, Jainkoa baino: eta errazkiago darraizko bere haragienne apheetuari, Jainkoaren plazer onari baino.

Munduak munduko gauzak eta deus gutitakoak agintzen tu, eta guziek hura serbitzatzuten dute gogo handiz: nik prometatzen tut gauza handiak eta bethierekoak, eta gizonen bihotzak loakartzen dira eta tolde-tzen.

Nork serbitzatzuten eta obeditzen nau gauza guzietan, mundua eta munduko jaunak serbitzatzuten dituen bezalako artharekin?

Ahalka zaitte, Sidon, dio itsasoak, eta galdetzen baduzu zergatik, adi zazu zergatik.

Irabazia aphurra gatik hainitz bide lasterka egiten dute, eta sekulako bizia gatik nekez behin altxatzen dute oina lurretik.

Fitzezko prezio baten ondoan dabiltza, batzutan soz bat gatik laidozki doaz hauzitara: eztira beldur ezdeusetako gauza eta agintza xipia gatik gauz eta egunaz nekatzera.

3. Bainan, ah dolorea! ezin ganbiatuzko ontasuna gatik, ezin aski prezatuzko golardoa gatik, guzien gaineko ohorea, eta fin gabeko loria gatik nagitzen dira, eta herabe dute guti bat traillaiztera.

Ahalka zaitte bada serbitzari nagia eta arrankuratia, zeren hek prestago diren beren buruaren galtzera, zu zaren baino sekulako biziaren ardiestera.

Hek bozkariotzenago dira banaloria gatik, zu egia gatik egiten zaren baino.

Guziarekin ere maiz galtzen dute bere esperanza, bainan ene promesak eztu nihor enganatzen, eta ene baitan fidatzen dena ezta hutsik igortzen.

Agindu dudana emanen dut, erran dudana konplituko dut, nihor ordea egoiten bada ene ganako amudioan fidel eta finko azken fineraino.

Ni naiz prestu guzien saristatzaillea, eta debot guzien frogatzaille bortitza.

4. Eskiriba tzatzu ene hitzak zure bihotzean eta maiz erabil gogoan, zeren hekin behar handia izanen duzu tentazioneko denboran.

Endelegatzen eztuzuna irakurtzen duzunean, hura endelegatuko duzu bisita zaitzadanean.

Ene hautatuak bisitatzen ohi tut bi maneraz, tentazioneaz eta konsolazioneaz; eta egun guziez bi lekzione irakurtzen deraustet, bata, eran-zuten derauedala bere hutsak gatik, eta bertzea, gonbidatzen ditudala bertutetan aitzinatza.

Nork ere aditzen baititu ene hitzak eta ezpaitu hetaz konturik egiten, badu nork hura iujeatuko duen azken egunean.

### *Othoitza Debozioneko graziaren eskatzeka*

1. Ene Iainko Iauna, zu zare ene ontasun guziak: eta ni nor naiz ausartzeko zuri minzatzera?

Ni naiz zure serbitzarietarik gaizoena, eta xixari ezdeusa, errumesago eta mesprezatzeko dakidan eta derrakedan baino.

Badarik ere orhoit zaitte, Jauna, ez naizela deus ere, eztudala deus ere, eta eztaidikedala deus ere.

Zu xoilki zare on, iustu eta saindu: den guzia daidikezu, den guzia emaiten duzu, den guzia bethetzen duzu, bekatorea xoilki utzten duzu hutsik.

Orhoit zaitte, Iauna, zure miserikordiez eta bethe zazu ene bihotza zure graziaz nahi eztuzunaz gero zure obrak hutsik daudezin.



2. Nolatan ekar dirot neure burua ondikozko bizitze hunetan zure miserikordiak eta graziak emaiten ezpaderaut indar.

Eztezazula zure begitartea itzul ene ganik: eztezazula berant ene bisitatzera; eztiadazula eraman zure konsolazionea, beldurrez ene arima egin dadin zure aldera urik gabeko urgaberiko lurra bezala.

Iauna, irakas diazadazu zure borondatearen egitea, irakas diazadazu zure aitzinean humilki eta bakar bezala ibilten.

Zeren ere zuhurzia zu zare, egiazki ezagutzen eta ezagutu nauzuna mundua egin zedin eta mundura sortu nintzen baino lehen.

## LAUGARREN KAPITULUA

*Iainkoaren aitzinean ibilli behar dela egiarekin eta humiltasunarekin.*

1. Semea, zabilta ene aitzinean egiarekin, eta bilha nazazu bethiere zure bihotzaren sinpletasunarekin.

Ene aitzinean egiarekin dabillana, begiraturen da inkontru gaitzeta-rik, eta egiak hura libratuko du enganarietarik eta gaixtoen gaizki erranetarik.

Egiak libratzen bazaitu, egiazki libro izanen zare, eta eztuzu konturik eginen munduko elhe alferrez.

Iauna, egia da; othoi, diozun bezala egin bekit.

Zure egiak irakas biazat, hark begira nazala eta salbamenduko xederaino gida nazala.

Libra nazala afekziona gaixto eta amudio desordenatu guzietarik, eta zurekin ibilliko naiz bihotzeko libertate handirekin.

2. Nik irakasiko derauzkitzut, dio egiak, xuxen eta ene gogara diren guziak.

Orhoit zaite zure bekatu damu eta urriki handirekin, eta eztakizula sekulan iduri zerbait zarela zure obra onak gatik.

Egiaz bekatore zara eta hainitz pasionetara eramana eta korapillatua.

Zure buruz bethi ezdeusera makurtzen zara, laster erortzen, laster benzutzen, laster asaldatzen, laster flakatzen.

Eztuzu zertaz loria zaitezken, bainan hainitz duzu zeren gatik behar baituzu zure burua xipi iduki; ezen hagitz flakoago zare zinets dezakezun baino.

3. Eztakizula beraz iduri egin behar dela kontu handirik egiten dituzun gauzez.

Eztadukazula deusik ere handi, prezatzeko, miretsteko, estimatzeko, laudatzeko edo desiratzeko dela, sekulako ontasan baizen.

Guzien gainetik laket bekizu sekulako egia baitan, eta bethi higoin bekizu zure ezdeustasun handia.



Etzarela deusen ere gatik hala beldur, nola zure faltak eta bekatuak gatik: hetaz xoilki arrankura zaitte, ihes egin hetarik zeren damu geiago egin behar derautzute munduko gauzen zein ere nahi den kaltekin baino.

Batzu eztabiltza garbiki ene aitzinean baina zenbait superbiasunek eta kuriostasunek eramanik, nahi dituzte ene sekeretuak iakin eta Iainkoaren gauza gorenetan sartu, bere buruaz eta salbamenduaz ansigabeturik.

Horrelakoak maiz erorten dire tentazione eta bekatu handietan bere urguillukeria eta kuriostasuna gatik, zeren ni hekin kontra iartean bainaiz.

4. Zarela beldur Iainkoaren iujeamenduez, ikara zaitte guziz bothere-tsuaren koleraz.

Etzaitzela sar Gorenaren Gainekoaren obretan hekin sondatzeko: aitzitik mira zazu zenbat gaixtokeria egin duzun eta zenbait obra on alferrez eta ansigabez utsi duzun egin gabe.

Batzuek emaiten dute bere debozioa liburuetan, bertzeek imajinetan, kanpoko seinaletan eta figuretan.

Batzuek maiz ahoan nadukate, gutitan ordea bihotzean.

Batzuek finean adimenduaz argituak eta afekzionetarik garbituak izanez gogo bethi dadukate sekulako gauzetara goititurik, nardatzen dira lurreko minzaten aditzeaz, damu dute gorputzaren serbitzateaz bere behar-kietan; hek sentitzen dute zer minzo den egiaren espiritua hekin baitan.

Ezen hark irakasten deraue lurrekoen mesprezatzen zerukoen oneritsten, munduaz kasurik ez egiten, eta egunaz bai gauaz zeruaren desiratzten.

## BORTZGARREN KAPITULUA

*Iainkozko amudioaren obra miragarriaz.*

1. Benedikatzen zaitut Aita zerukoa, ene Jesus Jaunaren aita, zeren nahi izan zaren orhoitu ni pobre beharrez.

O miserikordiazko Aita eta konsolazione guzien Iainkoa, eskerrak derauzkitzut, zeren batzutan zure konsolazioneaz arintzen bainauzu bertzenaz konsolazionerik bat ere merezi ez tudalarik.

Benedikatzen eta lorifikatzen zaitut orai eta bethiere zure seme bakoitzarekin eta Espiritu konsolatzaille sainduarekin sekula sekuloronekotz.

Ah! Iainko Jauna, ene maitatzaille saindua, ene bihotzera zatozinean, ene barrenaldi guziak iausika hariko dire bozkarioz.

Zu zare ene loria eta ene bihotzaren alegrianza: zu zare ene esperanza eta ihes lekua ene herstura eta tribulazioneko egunean.

2. Baina zeren oraino flako bainaiz amudioan eta eskas bertutean: hargatik beharra dut bortitz eta konsola nazazu.

Bisita nazazu bada maiz eta dotrina nazazu zure dotrina sainduz.

Libra nazazu pasione gaixtoetarik eta senda zazu ene bihotza afekziorone desordenatu guzietarik, arren barrenean sendaturik eta ongi garbiturik egin nadin gai eta baso maitatzeko, bortitz pairatzeko, finko eta fermu irauteko.

3. Gauza handia da amudioa, ontasun guztiz handia: hark bera dela egiten du arin, pizu den guzia, eta berdin ezten guzia berdin ekartzen du.

Zeren karga darama kargarik gabe, eta kiratz den guzia ezitzen du eta gozo egiten.

Jesus-en amudio nobleak ertxatzen gaitu zerbait handirik egitera, eta iratzartzen gaitu bethiere den gauzarik konplienaren desiratzen.

Amudioa goiti nahia da, eta eztagoke beherekoetan loturik bat ere.

Amudioak nahi du libro eta munduko afekziorone guzietarik urrun izan, beldurrez barreneko begia traba dakion, eta bera zerbait on denez korapill adin, edo zerbait kaltegarriaz flaka eta eror dadin.

Ezta amudioa baino deus eztiagorik, bortitzagorik, goragorik, zabalagorik, arraigorik, betheagorik eta hobeagorik zeruan eta lurrean: zeren



amudioa Iainkoa ganik sortu da, eta ezin pausa dezake Iainkoa baitan baita munduko gauza guziena gainetik.

4. Amudioduna hegaldaka, lasterka eta alegeraki dabilla: libro da, eta deusek ere eztu hura gelditzen.

Den guzia emaiten du guzia gatik eta den guziaren jabe da gauza guzietan, zeren guziena gainekoan pausatzen baitu guziena gainetik, dakie-la Guziena hartarik sortzen eta heldu dela on den guzia.

Ezta behatzen emaitzetara, bainan emaillea gana itzultzen da ontasun guziena gainetik.

Amudioak hainitzetan eztaki neurrik; baina badiraki neurri guziena gainetik.

Amudioak ezta karga sentitzen, ezta axolarik traillauek, lan geiago hartzen du egin dezakeien baino: ezta arrankuraten ezinaz, zeren uste baitu den guzia daidikeiela eta zilhegi dela nahiz denaren egitera.

Ona eta gaia da beraz gauza guzietara, eta hainitz gauza konplizen du eta obratzen non flakaten eta erortzen baita amudiogabea.

5. Amudioa erne dago, eta lo datzalarik ezta loakartzen: nekatua gatik ezta unhatzen: herstua gatik ezta hertsturik, izitua gatik ezta aldaratzen, baina kar bizia eta zuzi irazekia bezala goiti eramaiten da; eta seguraturik iragaiten da.

Nihork maite banau, zeri dagokan oiua hau Iainkoaren beharrietan oiua handia da, arimaren oldarmendu bero hau, erraiten duenean: Ene Iainkoa, ene amudioa; zu guzia ene, eta ni guzia zure.

6. Heda nazazu zure amudioan ene bethean ikas dezadantzat bihoztzean barrena dastatze zein gauza ezta den maitatzea, eta amudioa urtzea eta igerikatzea.

Itxeki biazat amudioak, neure buruaren gainera noanean beroegiz eramana.

Kanta dezadala zure amoriozko kanta iarraiki nakizula goiti, o ene maitea, flaka bedi ene arima zure laudoriotan, amorioz bozkarioturik.

Maita zaitzadala neure burua baino geiago eta eztezadala neure burua maita zure gatik baizen.

Zure baitan onets detzadala, egiazki onetsten zaituztenak, manatzen duen amudioaren legeak, zeinak baitu bere argia zure ganik.

7. Amudioa da agudoa, lasterra, garbia, bihotzbera, arraia, alegera, bortitza, pazienta, fidela zuhurra, arduratua, eta sekulan beretzat deusik bilha eztabillana.

Zeren noiz ere baitabila nihor beretakori, bilha, hura berehala erortzen da amudiotik.

Amudioa da alde guzietarik begiratua, humilla eta xuxena: ezta umua, ez arina, ez banaloriazalea; sobrea da, garbia, finkoa, pausatua eta begiratu bere sensu guzietan.

Amudioa superioren azpiko dago obediencia humillarekin, bere aldera xipi eta putruzturik.

Iainkoa gana guzia emana eta eskerduna da, bethiere fidanza eta esperanza du Iainkoa baitan, Iainkoa baitako gusturik eztuenean ere; zeren baitaki ezta nihor amudioan bizi zenbait tristezia eta dolore gabe.

8. Nor ere ezpaitago preparatua gauza guziena pairatzera bere maitea gatik, eta haren borondatearen azpiko iartzera, hark ezta merezi erran dadin maitaria dela.

Maite duenak behar ditu gauza gogor eta kiratz guzia gogotik besarkatu bere maitea gatik, eta harenganik ezta apartatu behar kontrakozko gertanzak gatik.



## SEIGARREN KAPITULUA

*Egiazko maitariaren frogaduraz.*

1. Semea, etzara oraino maitari bortitza eta zuhurra.

Zergatik ez, Iauna?

Zeren zerbait estorbu aphur gatik egiten hasi zarena utzten baituzu, eta kexaegi baitabilta konsolazione nahiz.

Finketzko maitaria zutik dago tentazionen kontra eta eztu zinetsterik emaiten etsaiaren lausengetan eta erran artezetan.

On eta eder natzaio hala zorigaitzean nola zorionean.

2. Maitari zuhurak eztiio hala behatzen maitearen emaitzari, nola emaillearen amudioari.

Gogoa prezatzenago du, gauzaren balioa baino, eta kontu geiago daduka bere maiteaz hark eman guziez baino.

Maitari noblea ez pausatzen dohainaren gainean, baina bai ene baitan gauza guzien gainetik.

Batzutan izaiten ezpaduzu nitaz edo ene sainduetz nahi zendukeien bezain sentimendu onik, eztuzula hargatik uste guzia galdu dela.

Noizpait sentitzen duzun afekziorik on eta amolsu hura presenteko graziaren obra da eta zeruratzeko gustu aitzindari bat guziarekin ere ezta sobera permatu behar haren gainean, zeren ioaiten eta heldu baita.

Ordea bihotzeko eragintza eta guthizia gaixtoen kontra ihardukitzea, eta deabruak gogora igortzen dituen pensamenduen mesprezatzea, bertute eta merezimendu handiaren seinalea da.

3. Etzaitzeila beraz asalda kanpoko fantasiak gatik, nondik ere sarzen baitzaizkitzu.

Itxeko zu finko hartu duzun gogo onari eta Iainkoa ganako intenziorik ez duzunari.

Eztuzula uste enganiorik badela batzutan ustegabez deboziorik berehala bazaramatza goiti, eta handik laster zure bihotza bihurtzen bada leheneko ergelkerietara.

Ezen halakoak bortxazago pairatzen tutzu, eta ez egiten zure oldez, eta zenbat ere denboraz higointzen baitzaizkitzu eta hekin kontra iarten baitzare merezimendua da, eta ezta kalterik zuretzat.

4. Iakin nezazu etsai zaharrak egin ahala egiten duela zure itzul arazteko desir on eta deboziorik eginbide guzietarik.

Trabatu nahi zaitu Sainduei zor zaien ohore ekartzetik, ene Pasionarean gogoan erabiltetik, zure bekatuez bide bezala orhoitzetik, zure bihotzaren begiratzetik, eta bertutean aitzinatzeke borondate fermitik.

Hainitz gogoeta gaixto ekartzen derautzu zure unhatzeko eta iziteke zure gibelatzeko oraziorik egitetik eta liburu saindurik irakurtzetik.

Gaitzetsten du konfesion humilla, eta, ahal balegi, utz araz liazake zuei komuniorik saindua.

Eztezazula hura zinets eta eztuzula hartaz axolarik hainitzetan sareak hedatzen deraukitzularik zure enganatzeko.

Gauza gaixtorik eta lizunik gogora ekartzen derautzunean, egiozu liskar eta errozu:

Oha espiritua satsua, ahalkadi dohakabea, hi hagitz likitza aiz, halakorik niri beharrietara ekartzeaz.

Aparta akit enganatzaille gaixtoa eztuk izanen ene baitan parterik: baina Jesus izanen dik enekin kapitain bortitz bat bezala eta hi geldituko aiz ahalkaturik.

Nahio du hil, eta pena suertetik guzietan sartu hire gogara deusik egin baino.

Ago ixilik eta mutualdi, ez aut geiago enzunen, nahi duan bezanbat tarritatzen banauk ere.

Ene Iainkoa da ene argia eta ene salbamendua noren beldur izanen naiz?

Ene kontra alxatzen badira ere armadak ene bihotza ezta beldur izanen. Iauna dut lagun eta libratzaille.

5. Hari zaite guduan soldadu azkar eta sendo bezala, ta batzutan erorten bazare flakoz, har ezazu lehen baino indar geiago, fidaturik grazi handiago izanen duzula ene ganik.

Guzien gainetik begira zaite banaloriatik eta urguillutzetik: zeren hargatik hainitz enganatzen dira eta batzutan erortzen ezin kasik sendatuzko itsutasunean.

Burupe erho eta sobera hartzen duten superbio hekin erortzeak iduki zaitzala zure buruaren guardian eta bethiereko humiltasunean.



## ZAZPIGARREN KAPITULUA

*Grazia estali behar dela humiltasunaren guardiaren azpian.*

1. Semea, hobe eta segurago da zuretzat debozionario grazia estaltea, haren gatik ez gora alxatzea, hartaz maiz ez minzatea, eta hainitz prezatzea; baina zeronek zure burua mesprezatzea eta beldur izaitea, orhoiturik hura eztuzula merezi.

Etzaizko afekzioe gozo hari tinketzegi lotu behar, iakinik sarri ganbia ditekeiela kontrako batetara.

Graziaz gozaten zarenean orhoit zaite zein gaizo eta errumes zaren graziaz eztuzunean.

Ordea begira zaite zinetstetik bizitze espiritualearen probetxu egin duzula graziaren konsolazioa duzunean.

Aitzitik erakusiko duzu debozionetsu zarela iarten bazare humil eta apal, hura edekiten zaitzunean: hala non nagi etzaitezin orazionarioi eta bertze kostumatu ohi tutzun obra onei irraikitera.

Beraz orduan zure ahala eginen duzu eta dakikezun manera hobere-narekin, guzien gaintetik begiratuko zare zure buruaren osoki flakatzera utztetik gogoan sentituko duzun idortsuna eta herstura gatik.

2. Zeren hainitzak despazientiatzen eta nagitzen dire, gauzak heldu eztirenean hekin gogara.

Gizonaren bideak eztira bethi haren eskuko, baina Iainkoari dagoka emaita eta noiz nahi, nahi bezanbat, eta nor nahi konsolatzea plazer duen bezala eta ez geiago.

Batzuek zuhur gabek debozionario grazia zela kausa, berek galdu dute bere burua.

Geiago egin nahi izan dute ahal zeidiketen baino, eta bere indarren aphurtasuna neurtu gabe bihotzeko afekzioari desirari, lehen irraiki zaizko ezen ez arrazoinaren iujeamenduari.

Eta zeren thematu baitira obra handiagorik egitera Iainkoak plazer zuen baino, hargatik laster galdu dute grazia.

Bere habia edo ohatzea zeruan eman zutenak pobretu dira eta ohoregaberik gelditu, arren humildurik eta billusirik ikas dezaten ez hegaldatzen bere hegalez, baina bai ene hegalean azpian esperanza ezarten.

Oraino berri direnak eta Iainkoaren bidean frogatugabeak gobernatzeko ezeptadire zuhurren konseilluz errazki engana eta gal ditezke.

3. Nahiago bazaiote bere sentimenduari irraiki frogatu ohi direnei zinetste ekarri baino, ilkitze perillosa izanen dute, nahi ezpadute bere buruko iduripena largatu.

Bere ustez zuhur direnek gutitan eta nekez pairatuko dute nihork bertzerik goberna detzan.

Hobe da guti iakitea humiltasunarekin eta endelegu gutirekin, ezen iakintasunen tresor handirik izaitea burupeko banaloriarekin.

Hobe da guti duzun hainitz baino, zeren handik urguillu baitzindezke.

Eztu zuhurki asko egiten nork ere bere burua osoki largatzen baitu alegrianzara bere pobrezia iraganaz ahantsirik eta orhoitu gabe Iainkoaren beldurtasun garbia bethi beldur dela eman zaion graziaren galtzeaz.

Eztu halaber bertuterik aski nork ere inkontru gaitzik edo atsekaberririk heldu zaionean esperanza guzia galtzen baitu eta ene baitan gutiegi fidaturik hartzen baitu nitaz behar ez bezalako sentimendurik.

4. Nork ere bakearen denboran nahi baitu seguregi egon, hainitzetan gerla denboran edirenen da sobera flakaturik eta beldurturik.

Bazeneaki bethi zura baitan humil eta xipi egoiten, eta zure espirituaren neurritz gobernatzeko, etzindezke horrein laster perrilletan eta bekatutan eror.

Konseillu ona da, espiritua bero duzunean, gogoetan jartzea zer gertatuko zaitzun argia ioanez gero.

Eta hala gerta dakizunean, pensa zazu argia berriz bihur daitekeiela, zeren hura edekiten baiterautzut noizpaitearainokotz ene loriatan eta zure begiramendutan.

5. Hobe da hainitzetan horrela frogatzea bethi zori ona zure gogara bazendu baino.

Zeren merezimenduz iujeatzekotzat ezta behatu behar ea Iainkoa hainitz gauza agerriz erakusten dioen norbaiti eta hainitz konsolazio emaiten dioenz, ea hainitz iakina den eskiritura sainduan, edo gradu handitan iarria.

Bainan ikusi behar da, ea egiazko humiltasunean zimendatua den, eta Iainkozko karitatez bethea den, ea bethi garbiki eta zinetan Iainkoaren ohorearen bilha dabillan, ea beren burua ezdeus dadukan eta egiazki mesprezatzen duen, eta ea nahiago duen bertzeek hura mespreza eta mendre ets dezaten ezen ez ohora dezaten.



## ZORTZIGARREN KAPITULUA

*Bere burua guti etsteaz Iainkoaren aitzinean.*

1. Ni hauts eta erhauts naizen hori mintzatuko othe natzaio ene Iaunari?

Uste badut erhauts baino geiago naizela, huna ene kontra iarria zare Iauna, eta ene gaixtakeria egia hunen lekuko dire, eta ezin derraket kontra deus ere.

Ordea neure burua egiten badut xipi, ezdeus, eta den bezala, erhauts, estima on guzia kentzen badut ene ganik, orduan zure grazia ene alde izanen da, zure argia hurbilduko zaio ene bihotzari, eta nitaz ahal dukedan estimarik aphurrena ene ezdeustasunean barrena hondatuko da eta galduko sekulakotz.

Hortan erakusten derautazu neure burua zer naizen, zer izan naizen, eta nora etorri naizen; ezen enaizela deus ere, eta hori eneakien.

Neroni utzten banaiz neure buruarekin horra ezdeus huts bat eta guzia miseria naiz.

Ordea behatzen baderautazu berehala azkartzen naiz eta bozkario berri batez bethetzen.

Gauza guziz mirestekoa da zuk ni horrein laster goititzea eta horrein maiteki besarkatzea, ikusirik ni neure pisuz bethi beheiti eramaiten naizela.

2. Hori egiten du zure amudioak: aitzintzen baitzait dohainik, hel-tzen baitzait hanbat beharretan, begiratzen ere bainau peril handietarik, eta, egia erraitera, ezin kondatuzko gaitzetarik atheratzen bainau.

Zere neure burua gaizki maitatuz neroni galdu naiz eta hutsik zure bilha ibilli naizenean, eta zu xoilki maite izan zaitudanean, kausitu zaitut eta neure burua ere eta amorioaren bertutez neroni barrenago ez deustu naiz.

Zeren zuk, o Iaun ezta, egiten duzu enekin merezi dudana, esperanza dukedan eta eska naiteken baino geiago.

3. Benedikatua zarela, ene Iainko Iauna, zeren ontasunik bat ere merezi ez tudalarik, zure bihotz noblea eta neurrigabeko ontasuna ezten nihoiz ere gelditzen ongi egitetik bai eskergabei, bai zure ganik urrun apartatu direnei.

Itzul gaitzatu zure gana arren eskerdun, humil eta debozionetsu gerta gaitezin zure aldera: zeren zu zare gure salbamendua, gure bertutea eta indarra.

## BEDERATZIGARREN KAPITULUA

*Gauza guziak bihurtu behar ditugula Iainkoa gana bere azken finera xedera bezala.*

1. Semea, ni behar naiz zure azken fina eta guzien gaineko xedea izan, egiazki doatsu izaiteko desirik baduzu.

Intenzione hunen bidez garbituko da zure gogoa, zeina maizenik zerorren gana eta kreatoretara gaizki itzulia eta makurtua baita.

Zeren zure olde hutsa zerbaitetan bilhatzen baduzu berehala zure baitan eskasten zare eta ihartzen.

Bihurtskitzu beraz gauza guziak ene gana, zeren ni naiz guziak eman ditudana.

Konsidera tzatzu guziak bat banaka eta xehero, eta ikusiko duzu guzien gaineko ontasunaren ithurritik ilkiak direla, eta hala guziak ni gana bere ithurburura bezala behar direla bihurtu.

2. Ene ganik xipiak eta handiak, pobreak eta aberatzak, ithur bizitik bezala ur bizia erautsten dute, eta bere oldez gogotik serbitzatzen naute-nek grazia graziaren gainean izanen dute.

Baina nork ere nahiko baitu ene gatik kanpoan loriatu eta zenbait duen ontasun partikularean atsegin hartu, hark eztu egiazko bozkariarik, ez eta bihotzeko libertaterik izanen; aitzitik hainitz maneraz izanen da trabatua eta hertstua.

Ezterrazula beraz deus onik duzula eta ez nihor lauda bertutea due-lakotz: baina den guzia emozu Iainkoari, zeina gabe ezpaitu gizonak ezpaitu deusik.

Nik eman dut guzia, nik guzia berriz nahi dut: eta nahi ere eskerrak hersiki bihur dakizkidana eman ditudan guziak gatik.

3. Hau da egia banaloria kasatzen duena.

Eta zeruko grazia sartzen bada ariman egiazko karitaterekin, ezta izanen inbidiarik, ez bihotzeko hersturarik, ez eta bere burua ganako amudiorik hura darabillanik.

Zeren grazia garaitzen zaie gauza guziei eta arimako indar guziak zabaltzen tu.



Zuhur bazare, ene baitan xoilki bozkariotuko zare, eta ene baitan xoilki esperanza hartuko: zeren ezta nihor onik Iainkoaz lekora, zeina baita guzien gainerik laudatzekoa eta guzietan benedikatzekoa.

## HAMARGARREN KAPITULUA

*Ezti dela Iainkoa serbitzatzea mundua mesprezaturik.*

1. Orain berriz minzaturen naiz, Iauna.

Ene Iainkoaren gainean dagoen, ene Iainkoaren, ene Iaunaren, eta ene erregeren beharrietan erranen dut.

O Iauna, zein handi, zein larri den zure beldur direnentzat gorde dadukazun ezintasunen mulzua.

Zer zare bada maite zaituztenen aldera? zer zare bihotz osoz serbitzaten zaituztenentzat.

Gertuz ezin erranezkoa da maiten zaituztenei emaiten derauezun zure kontenplazioneko ezintasuna.

Hunetan beragainki erakusi derautazu zure karitatearen gozotasuna, zeren enintzela egin bainauzu, zure ganik urrun errebelaturik nenbillala erakarri bainauzu zure serbitzaten eta manatu ere bai nik maita zaitzadan.

2. O bethiereko amorioaren ithurria, zer erranen dut zutaz? Nolatan ahal zaizkit ahantsiko, ikusirik nitaz orhoitu nahi izan zarela, guzia busteldua eta galdua nintzelarik?

Esperanza guziaren gaineko miseriakordia egin diozu zure serbitzariari, eta guziz merezigabeari zure grazia eta amudioa eskaini diozu eta eman.

Zer bihurtuko derautzut grazia hunen ordain?

Zeren etzaie guziei gogoa eman, munduari uko egiteko eta konbentutan sartzeko bertze guziak largaturik.

Gauza handirik othe da nik zu serbitzatzea kreatura guziak obligatuak direnaz gero zure serbitzatzera?

Etzait iduritu behar hainitz dela nik zuri serbitzu egitea: aitzitik handiro miretstekeo dut, nola zuk ni hain pobre eta merezigabe hori serbitzatzat hartu eta zure serbitzari maiteen artean iar arazi nahi nauzun.

3. Horra, zer ere baitut onik, eta zertaz ere serbitzaten baitzaitut, zure da guzia.

Bainan aitzitik zuk ni serbitzatenago nauzu nik egiten zaitudan baino.



Huna gizonaren serbitzuko kreatu dituzun zerua eta lurra prestik daude, eta zer ere manatu baituzu egun oro egiten dute.

Eta oraino hori guti da, zeren Angeruak berak ordenatu gizonaren serbitzuko.

Ordea horiok guziak baino geiago da zuk zeronek nahi izan baituzu gizona serbitzatu, eta prometatu baitiozu zure burua bera emanen diozula.

#### 4. Zer emanen derautzut nik milla ontasan horiok guziak gatik?

Aitzinizat serbitza ahal bizi naizen egun guziez! Ainiz baso zuri egun bateko bedere serbitzurik zuri egiteko dagotzun bezala.

Gertuz den serbitzu, den ohore guzia eta sekulako laudorioa merezi duzu.

Gertuz zu zare ene Iauna, eta ni naiz zure serbitzari gaizoa, obligatua indar guziez zure serbitzatera obligatua, eta sekulan zure laudoriotan unhatu behar eznaizena.

Hala dut nahia, hala dut desira, zer ere eskas baitut, zuk othoi zure ontasanaz konpli zazu.

5. Ohore handia, eta loria handia da zure serbitzatzea, eta zure gatik gauza guziak mesprezatzea.

Ezen grazia handia izanen dute borondatez zure serbitzu sainduan iarriko direnek.

Kausituko dute Espiritu sainduaren konsolazionerik gozoena bere ganik haragizko atseginak zure amarez iraitsiko dituztenek.

Bihotzeko libertate handia ardietsiko dute bide hersian zure izena gatik sartzen direnek munduko artha guziak egoitsirik.

6. O Iainkoaren serbitzutasunaren ederra eta arraia, hartaz egiten baita gizona egiazki libro eta saindu.

O fraideen estatu sakratua! hark egiten baitu gizona Angeruen pare, Iainkoarn gogarako, deabruen izigarri eta fidel guzien maite.

O serbitzu bethi desiratzekoa eta besarkatzekoa, zeina dela bide guzien gaineko ontasuna merezitzen baitugu, eta sekulakotz iraunen duen bozkarioa ardietsen.

## HAMEKAGARREN KAPITULUA

*Bihotzeko desirak sondatu behar direla eta neurritz gobernatu.*

1. Semea, oraino hainitz ikasi behar duzu behinere ongi ikasi eztuzunik. Zer da, Iauna?

Ikasi behar duzu zure desir guzien ene plazer onaren azpian osoki emaiten, eta zure buruari amudiorik ez ekartzen, bainan ene borondateari gogo bero batez iarraitzen.

Desirek maiz irazekitzen zaituzte eta bortitzki ertxatzen: baina konsidera zazu ea ene ohorea gatik zaramatzaten, ala zure munduko abantaila gatik.

Ene gatik hari bazare, atsegin hartuko duzu ordenatuko dudan guziaz, bainan azpitik bazabiltza zerbait zuretzat bilha, hori da bihotza nahastekatzan eta kargatzen derautzuna.

2. Begira zaite beraz lehenbizi heldu zaitzun desiraren gainean, soberra permatzetik, niri konseillu eskatu gabe, beldurrez urriki dakizun eta lehen on eta eder etsi duzuna hoberena bezala higoiz dakizun.

Zeren etzaio berehala iarraiki behar on iduri duen afekziorik guziari, ez eta berehala ihesi ioan behar zure gogoaren kontrako guziari.

On da batzutan geldirik egoitea desirik obeditu gabe, onak direlarik.

Beldurrez hek zuri soberra iarraiki gerta dakizun bihotzeko barraiamendurik, lagunari eskandalik eman diozozun iakin eta begiratu behar direnak egin faltaz, edo aldara eta faltetan eror zaitez nihar bertzerik zure kontra iar dadinean.

3. Batzutan ere bortxa behar da eta sensueta sunaren kontra bortitzki iarri, behatu gabe zer nahi duen haragiak edo zer eztuen nahi aitzitik artha handirekin hura erakarri behar da espirituaren azpira, nahi ezpadu ere.

Sensatu behar da eta bortxatu serbitzatera ikas dezan artean gauza guzietan prestik egoiten, gutiz kontentatzen, gauza sinpletan laketzen, eta kontrakorik kontrakozkorik hel dakionean ez erasten.



## HAMABIGARREN KAPITULUA

*Pazienziaren ikasteaz eta guthizien kontrako borrokaz.*

1. Ene Iainko Iauna, dakusadan bezala pazienziaren behar handia dut, zeren hainitz gauza gaitz heldu zait kontra, eta nola ere ordenatze baitut ene bakeaz, ene bizia ezin dirauke gerla, gudu eta dolore gabe.

Hala da semea, eztu ordea nahi bilha dezazun tentamendu edo gudugaberiko bakeri aitzitik egizu kontu bakea kausitu duzula hainitz kontrakok bilhakatu, eta hainitz tribulamenduk frogatu zaituztenean.

2. Erraiten baduzu ezin hainitz paira dirozula nolatan pairatuko ahal duzu Purgatorioko sua?

Bethi bi gaitzetarik arinena bethi hautatu behar da.

Beraz ethorkizuneko pena sekulakoetarik itzul ahal zaitezkontzat ikazazu oraiko gaitzen Iainkoa gatik gogo onez pairatzenç.

Uste othe duzu mende hunetako gizonek eztutela deus ere pairatzen edo guti baizen?

Eztuzu hori kausituko gurienen eta aberatzenen artean sartzen bazara ere.

Ordea, diozu, atsegin hainitz dute, eta plazer dutena egiten dute; hargatik bere tribulazionez kontu guti dadukate.

Biz hala, bute nahi duten guziak; baina, zure ustez, noiz arteraino hek guziak?

3. Horizu, kea bezala ioanen dire munduko aberatzak, eta alegrianza iraganez ezta orhoitzapenik ere izanen.

Bai eta oraino bizi direnean eztute hetan pausurik hartzen, samindura, tristedura eta beldurtasun gabe.

Ezen nondik ere hartzen baitute atsegin, hainitzetan handik izaiten dute min eta dolore.

Merezi onez hala gertatzen zaie, non ezin bere plazerez ezin goza baititezke kiratsturaz erdainatu gabe eta hala ere ahalkaturik zergatik desordenatuki dabiltza hekin bilha eta hei sobera darraizten.

4. O zein labur, zein gezurrezko, zein desordenatu eta itsusi diren munduko plazer guziak.

Ala baina gizonek hetaz horditurik eta itsuturik, eztute hori ezagutzen; aitzitik abre mutuak bezala guthizien arauera doaz eta hemengo biziaren atsegin aphurra gatik erorten dire arimako herioan.

Zu bada, semea, etzabiltzala zure guthizien ondoan, eta itzul tzaite zure leheneko borondatetik.

Laket bekizu Iainkoa baitan, eta hark emanen derautzu zer ere zure bihotza eske baitago.

5. Ezen nahi baduzu egiazko atseginik hartu eta konsolazione geiagorik ene ganik ardietsi: horra, zure benedizioea izanen da munduko gauza guziak mesprezatzea, behere hunetako plazer guziak enakitzea horrela eginez emanen etorriko zaitzu konsolazione franko.

Eta zenbatenaz itzulirenago baitzare munduko konsolazionetarik, hanbatenaz ene baitan edirenen duzu eztiagorik eta handiagorik.

Ordea lehenbizian eztitutzu ardietsiko zenbait tristedura eta gudukatasun gabe.

Aztura ohituak eginen derautzu kontra bainan hari garaituko zaizko usanza hobeago batez.

Haragiak erasiko du, baina bridatuko espirituaren berotasunaz.

Suge zaharrak ertxatuko zaitu eta tarritatuko bainan othoitzez hura igorriko duzu ihesi, eta lan on bati lotuz zure bihotzeko athea hersiko diozu geien aldetarik.



## HAMAHIRURGARREN KAPITULUA

*Azpiko humillaren obedienez Jesus-en enpleguaren gainean.*

1. Semea, nor ere enseiatzen baita obedienezatik ilkitera, hura bera ilkiten da graziatik.

Nork ere nahi baitu gauza berezirik izan bere galtzen tu guzianak diren ontasunak.

Nor ere ezpaita gogo eta borondate onez superioraren azpiko jar-tzen, seinale da hura bere haragiak eztuela oraino osoki obeditzen; bainan maiz hari zaiola ostikoka, eta haren kontra darasala.

Ikazazu bada zure superioraren azpian laster iartzen, nahi baduzu zure haragia azpiratu.

Zeren kanpoko etsaia lasterago benzutzen da barreneko gizona gal-dua ezteanean.

Zure arimak eztu etsai gaixtoagorik, zure haragia den baino espi-ri-tuarekin ongi heldu ezteanean.

Guziz behar duzu mesprezio handi bat egin zure buruaz, nahi badu-zu garaia eraman haragiaren eta odolaren kontra gainean.

2. Zeren zure burua oraino sobera desordenatuki maite baituzu, har-gatik ikara zare bertzeren borondatearen azpian iartzeaz.

Ordea zer da handirik, baldin zu, erhauts eta ezdeus baizen etzaren hori, gizon baten azpiko iarten bazare Iainkoa gatik, ikusirik ni guziz bot-heretsua eta guzien gainekoa naizena, diren guziak ezdeusetarik athera ditudana humilki egin naizela gizonaren azpiko zure gatik?

Egin naiz guzietako behearena eta humillena, zuk zure urguillukeria ene humiltasunaz ken zenezan gatik.

Ikazazu obeditzen, erhautsa. Ikazazu humiltzen, lurra eta istilla, eta guzien oinen azpian makurtzea.

Ikas zure borondatearen hautsten eta bertzerenaren egiten gauza guzietan.

3. Haserra zaite zeronen kontra, eta eztezazula paira hantureria zure baitan bizi dadin: bainan egin zaite hain behera eta xipi non guziak iragan ahal ditezin zure gainetik eta aurizki zaitzaten karriketako istilla bezala.

Zer duzu arrankuratzeko, gizon ezdeusa?

Bekatore itsusia, zer derrakezu urgoik egiten derautzutenen kontra; zuk hanbatetan Iainkoa ofensatu eta millatan Ifernua merezi izan duzun horrek.

Bainan ene begiak barkatu derautzu zeren zure arima preziosa baita ene aitzinean; zuk ekartzen derautzudan amudioa, ezagut dezazun egin deraukitzudan ontasunaz eskerrak bihur diatzadatzun, zinezko azpikota-sunean eta humiltasunean bethi iar zaitezin eta nihork putruzatzen zai-tuenean gogotik paira dezazun gatik.



## HAMALAU GARREN KAPITULUA

*Iainkoaren iujeamendu estalian kontsideratzeaz beldurrez urguillu  
gaitzin gure obra onak gatik.*

1. Iauna, zur iujeamenduek, ihurziriak bezala darauntsate ene gainean, ikaratzen tutzu ene hezurak beldurrez eta izialduraz, eta arima harriturik dago.

Banago espantaturik kontsideratzeaz zeruak ez tirela xahu zure aitzinean.

Baldin kausitu baduzu gaixtakeriarik Angeruetan, eta ezpaiterauezu barkatu, zer egingen da nitaz?

Izarrak erori dire zerutik et nik erhauts horrek zertaz dut burupe?

Zeinen ere obrek baitziruditen laudatzeko zirela, hek erori dire beheiti, eta Angeruen ogitik iaten zutenak ikusi tut urdeen magintxetan atsegin hartzen.

2. Beraz, Iauna, ezta Saindutasunik zure eskua hersten baduzu.

Ezta zertako den zuhurziarik, gelditzen bazare gobernatzetik.

Ezta balio duen indarrik, hari heltzen ezpazaizko.

Ezta kastitate seguraturik, hura begiratzen ezpaduzu.

Geurok gure buruz ahal dagigun guardiak eztu deus balio lagun ezpazaitugu eta gure gainean erne ezpazaude.

Ezen zuk otsirik hondatzen gara eta galtzen, baina bisitatzen gaituzunean iakiten eta bizitzen gara.

Berdin geurok ezin gaudezke zutik; baina zuk permatzen gaitutzu: epel gare, baina zuk irazekitzen gaitutzu.

3. O zein sentimendu humil eta xipi behar dudan neure buruaz! zein ezdeus estimatu behar dudan, neure iduriz ene baitan den ontasuna ongia eta bertutea.

O zein barrena sartu behar naizen, Iauna, zure ezin sondatuzko iujeamenduen azpian, non edireiten baitut enaizela bertzerik ezdeus eta ezdeus baizen.

O ezin iasanezko karga! o ezin iraganezko karga, non ezpaitut nitaz deus ere aurkitzen ezdeus hutsa baizen.

Non gorde diteke beraz ene urguillukeria?

Non da ene bertutean ezarri nuen fidanza?

Banaloriatze guzia sunsitu da eta hondatu zuk ene gainean eman ditutzun iujeamenduetan barrena.

4. Zer da haragi guzia zure aitzinean?

Lur tupina urguilluturen othe da bere egillearen kontra?

Nolatan hantuko ahal da hitz ergelez zeinaren bihotza egiazki baita Iainkoaren eskuko eta meneko?

Mundu guziak eztu superbio araziko egiak bere azpiko egin duena; eta pensa detzakeien laudorio guziek ez tute higituko bere esperanza Iainkoa baitan ezarri duena.

Zeren gutaz minzo direnak berak ere, horra, guziak ezdeus: ioanen dire bere hitz azanzarekin, baina Iainkoaren egiak sekulakotz iraunen du.



## HAMABORTZGARREN KAPITULUA

*Nola egon eta minzatu behar den desiratzeko diren gauzetan.*

1. Semea, gauza guzietan errazu hunela: Iauna, zure plazera bada, egin bedi hori horrela.

Iauna, zure ohorea bada, hori egin bedi zure izenean.

Iauna, ikusten baduzu hori on dela enetzat, eta ezagutzen baduzu probetxurik ekar daiazakedala, orduan indazu grazia hartaz serbitzatzeko zure ohoretan.

Ordea ezagut badezazu kalterik ekarriko derautala, eta eztiola emanen ene arimaren salbamenduari aitzinamendurik edeki diazadazu horrelako guthizia.

Ezen desir guzia ezta bethi Espiritu saildua ganik heldu, gizonarik iduri dagokalarik zuzena eta ona dela.

Gaitz da egiazki iujeatzea ea Espiritu onak ala gaixtoak gonbidatzen zaituen gauza hunen edo haren desiratzera, edo zure espirituak berak eramaiten zaituen.

Hainitz gertatu dire azkenean enganaturik, uste baitzuten lehenbizi ezen espiritu onak gidatzen zituela.

2. Beraz bethi Iainkoaren beldurrarekin eta bihotzeko humiltasunarekin desiratu behar duzu eta eskatu zer ere gogoak ekartzen baiterautzu desiratzekorik; eta guzien gainetik gauza desiratzekoa eta zure gogoa ere bera ene eskuetan utzi behar duzu, eta erran.

Iauna, zuk dakizu nola den hobekienik, egizu hau edo hori plazer duzun bezala.

Indazu nahi duzuna, nahi duzun bezanbat, eta nahi duzunean.

Egizu enekin dakizun bezala, hobe zaitzun bezala, eta zure ohoretan geiago den bezala.

Eman nazazu non nahi, eta libreki hari zaitte enekin gauza guzietan.

Zure eskuetan naiz, erabil nazazu eta itzul inguruz inguru.

Huna ni zure serbitzari guzietara prestik berdin eztut bizi nahi enetzat, baina zuretzat nahi dut: ainadilla bada bizi egin merezi eta behar bezala.

## OTHOITZA

Iainkoaren plazer onaren konplitzeko

1. Ene Iesu guziz maitea, indazu zure grazia: egizu enekin dagoen, enekin travailla hari dadin, eta eneki iraun dezan azken fineraino.

Indazu grazia bethi desira dezadan eta nahi dudan nahi izaiteko zer ere baita zure gogarenik eta plazerenik.

Zure borondatea biz enea, eta ene borondatea berraikio zureari, eta harekin ongi hel bedi bethiere.

Dudan nahi eta ez nahi bat zurekin, hala non ezin dukedan nahirik edo ez nahirik zuk nahi duzunaren nahi izaiteko eta nahi eztuzunaren ez nahi izaiteko baizen.

2. Indazu grazia hil nakien munduan diren gauza guziei, eta zure amorioa gatik atsegin har dezadan ene mesprezatu eta munduan hunetan ez ezagutu izanaz.

Indazu grazia zure baitan pausatzeko gauza desiratzeko guzien gainetik, eta ene bihotzaren zure baitan baketzeko.

Zu zure bihotzaren egiazko bakea, zu sosegu bakoitza zare; zure ganik kanpoan gogor dira guziak, eta pausurik ezta nihon ere.

Bake hunetan orobat, erran nahi zu guzien gaineko eta sekulako ontasuna zarena baitan pausatuko dut eta lo eginen. Biz hala.



## HAMASEIGARREN KAPITULUA

*Egjazko konsolazionea behar dela Iainkoa baitan xoilki bilhatu.*

1. Zer ere desira edo pensa baitezaket ene konsolamenduko, eznago haren begira bizitze hunetan, biana gerokoan.

Neronek banitu munduko konsolazione guziak, eta plazer guziez goza ahal banendi, gauza segura da ezin iraun lezaketela denbora luzez.

Halatan ene arima ezin betheki konsolatuko, ezin osoki bozkariotuko zare Iainkoa baitan baizen, zeina baita pobreen konsolatzaillea eta humillen besarkatzaillea.

Igurikazu aphur bat ene arima, zaude Iainkoarn promezaren begira eta zeruan izanen duzu ontasun guzien frankia eta mukurua.

Sobera desordenatuki guthiziatzen bazare presentekoez, sekulakoak eta zerukoak galduko tutzu.

Balia zaite mundukoez, eta guthizia zakizkote sekulakoei.

Ezin ase zaitezke denbora batetako ontasun zeren ezpaitzara egina hetaz gozatzeko.

2. Onhasun kreatu guziak bazinitu ere, ezin zinatezke doatsu: baina hek kreatu dituen baitan dago zure doatsutasuna.

Ez ordea munduzale erhoek uste eta bantatzen duten bezalakoa, baina bai nolakoaren begira baitaude Iesus gana fidel direnak, eta nolakoa batzutan bizitze hau danik aitzinetik dastatzen eta saporatzen baitute arima debotek, bihotz garbiek, eta zeruan gogoz dabiltzanek.

Hemengo konsolazione guzia banoa da eta laburra: baina zerutik bihotzera heldu zaitzun konsolazionea, hura da doatsua eta egjazkoa.

Gizon debotak leku guzietan berekin darabilla bere Iesus konsolatzaille maitea, eta erraiten dio:

Hel zakizkit ene Iesus Iauna, leku eta ordu guzietan. Biz ere konsolazionerik handiena gogo onez munduko konsolazione guziez gabeturik egoitea.

Eta zure konsolazionea faltatzen bazait, biz bego zure borondatea eta nitaz egiten duzun froganza ene konsolazionetarik maiteena:

Berdin etzara bethi haserre izanen, eta, ezgaitutzu bethi ere mehatxaturen.

## HAMAZAZPIGARREN KAPITULUA

*Gure artha guzia Iainkoa baitan eman behar dela.*

1. Semea, utz nazazu zurekin nahi dudanaren egitera: badakit zeren beharra duzun.

Zure gogoetak gizonaren gogoetak dire: hainitz gauzaren gainean iujeamendu emaiten duzu munduko afekzionaek gogora ekartzen derautzun arauera.

Iauna, egia da zuk diozuna, eta handiago da nitaz duzun artha, neronek har dezakedan guzia baino.

Iauna, erorteko perillean hurbillegi dago, bere buruzko artha guzia zure baitara etxatzen eztena.

Ezen borondatea xuxen eta tinkaturik badago zure baitan, egizu nitaz plazer duzun guzia.

Ezen zer ere nitaz eginen baituzu eztaiteke onik baizen.

2. Nahi baduzu ilhunbetan nagoen, zarella benedikatua: eta nahi baduzu argitan nabillan, zarella berriz benedikatua.

Semea, horrela behar duzu erran eta egin, nahi baduzu enekin ibilli.

Hain prestik egon behar duzu pairatzera, nola boztera: hain gogotik behar duzu bizi pobre eta behar nola aberatz eta onez betherik.

3. Iauna, gogo handiz pairatuko dut zure gatik zer ere nahi baituzu dathorren ene gainera.

Orobat berezimendurik gabe hartu nahi dut ona eta gaitza, ezta eta kiratza, alegrianza eta tristezia, eta nahi derauzkitzut eskerrak bihurtu gertatuko zaizkidan guzia gatik.

Begira nazazu bekatu guzietarik, eta enaiz beldur izanen ez herioaren ez ifernuaren.

Zure ganik iraitsten ezpanauzu sekulakotz eta hiltzen ezpanauzu bizitzearen liburitik, ene gainera etor ditezkeien tribulamendu eta hertura guziek ezterautate kalterik eginen.



## HEMEZORTZIGARREN KAPITULUA

*Denborak dakazken miseriak, Jesus-en exenpluz, gogo berdinez  
jasan behar direla.*

1. Semea, zure salbatzea gatik iautsi naiz zerutik, ez beharturik, baina karitateak erakarririk, zuk pazientzia ikas dezazun eta haran hunetako miseriak kontrako gogorik iabe jasan detzatzun gatik.

Ezen ene iaio ordutik gurutzean hil arteraino doloreak eta atseka-beak etzaizkit faltatu.

Eskasi handia izan dut munduko ontasunez.

Hainitz arrankura maiz enzun dut ene kontra.

Egin zaizkidan laidoak eta ahalkesunak mansoki hartu itut: ene onginak gatik, eskergabetasunak; ene mirakuilluak gatik, blasfemiak, eta ene dotrina gatik gaizki erranak eta falsokeriak izan ditut ordain.

2. Iauna, zeren pazienziatsu izan baitzare zure bizitzean, hortan beregainki konplitzen zendueta zure aitaren manamendua; arrazoin da ni bekatore ondikozko hori pazienziak bizi nadin zure borondatearen arauera, eta nahi duzun arteino bizitze galkor hunen karga darabilladan ene salbamendua gatik salbamenduko.

Zeren oraiko bizia penagarri zaitalarik, badarik ere zure graziaz merezimendu handitakoa da, eta flakoentzat errazagoa eta arraiagoa zure exenpluz eta zure sainduen urratzez.

Hagitz ere konsolagarriagoa da lege zaharrea zen baino, zeruko athea serraturik zegoenean, eta zeruratzeko bidea ilhunago zirudien, hain gutiri gogoratzen zitzaionaz gero zeruetako eresumaren bilhatzea.

Bai eta orduko iustuak eta salbatu beharrak ezin sar zitezkeien zeruko erresuman, zuk zure pasioea konpli, eta heriotze sakratuaren zorra paga artean.

3. O zenbat esker behar derautzudan eman zeren plazer izan deraukuzun niri eta fidel guziei zure sekulako erresumarako bide ona eta zuzena erakusi.

Zeren zure bizia da gure bidea eta zure pazientzia sainduan gaindi abiatzen gara zure gana: o gure koroa zarena.

Ibilli ezpazinizkigu aitzinetik, eta bidea irakasi ezpazeneraiku, nork izanen zuen axolarik zuri iarraitzeaz?

Helaz! zenbat leudezke urrun eta gibeletik, beha ezpalezate zure exenplu ederretara.

Huna, epel gaude oraino, hanbat dotrinamendu eta mirakuillu zure ganik enzunik, ikasirik eta ikusirik; zer lizate bada halako argirik ezpagendu zuri iarraitzeko?



## HEMERETZIGARREN KAPITULUA

*Bidegabeak pairatzeaz eta zein den egiazko pazienziadun frogatzeaz.*

1. Semea, zer minzo zare? Ixil tzatzu arrankurak ene pasionea eta saindu guzien penak konsideraturik.

Eztuzu oraino iharduki eta gudukatu odol isurteraino.

Guti da pairatzen duzuna, konparatzen bazare hain bertze pairatu dutenekin, hain bortitzki tentatu, hain garratzki tribulatu, hanbat moldez frogatu eta erabil izan direnekin.

Beraz behar ditutzu bertzeen gaitz handienak gogora erakarri, zure mendreenak arinkiago paira detzatzun gatik, pairatzea gatik.

Eta iduri badagotzu zure gaitzak eztirela xipienak, begirauzu horrela gerta eztakizun zure pazienzia gabez.

Badarik ere direla xipiak, direla handiak, zuk egizu zure ahala guzien iasaiteaz pazienziarekin.

2. Zenbatenaz agudotzenago baitzare pairatzera, hanbatenaz zuhurkiago egiten duzu, eta merezi geiago duzu: errazkiago ere pairatuko duzu, hartara gogoz eta usanzaz erneki preparatuz.

Ezterrazula, hori ezin paira dezaket horrelako gizona ganik, eta eztut halakorik pairatu behar: hark bidegabe handi bat egin deraut, eta nitaz erraiten du egundaino gogora etorri etzaitan gaizkia: baina bertze baten ganik pairatuko dut eta ikusiko dudana bezala pairatu beharko dudala.

Halako gogoeta erhoa da, ezpaitu konsideratzen zer den pazienziako bertutea, ez eta nork hura beharko duen koroatu, baina beha dagote bidegabei eta bidegabegillei.

3. Ezta egiazko pazienta, pairatu nahi eztuena nahi duen bezanbat eta nahi duena ganik baizen.

Egiatzko pazienta eztago beha nork hura darabillan, ea superiorak, ala kideak, ala azpikoak: ea gizon prestuak, ala gaixtoak: baina zer ere heldu baitzaio gaitzik nor nahiren ganik, nahiz bezanbat, noiz nahi guzia orobat onera hartzen du Iainkoaren eskutik bezala eta irabazia handitan daduka.

Zeren baitaki eztela Iainkoaren aitzinean hain gauza xipirik non eztuen bere saria ardietsiko, behintzat Iainkoa gatik pairatzen bada.

4. Zaude bada prestik gudukatzera nahi baduzu garaia eraman.

Gudurik gabe ezin ardiets dezakezu pazienziaren koroa.

Nahi ezpaduzu pairatu etzara nahi koroatu: baina guthiziarik baduzu koroatu izaiteko, hari zaitte gizon gisa, eta tinka zaitte pazienziatz.

Nekatu gabe eztukezu pausurik, eta gudukatu gabe eztirozu garairik ardiets.

Othoi, Iauna, zure graziaz egin bekit ahalezkoa, niri naturalezaz ezinezkoa iduritzen zaitana.

Badakizu deus guti paira dezakedala, eta errazki flakatzen naizela atsekabe arin bat egiten zaitanean.

Arren egin bekit tribulamendu suerte guzia egin bekit zure izenaren amarioa gatik meditatzekoa eta desiratzekoa.

Zeren zure gatik pairatzea eta gaizki bilhakatu izaitea ene arimaren probetxu handia da.



## HOGOIGARREN KAPITULUA

*Gure flakotasunaren aitortzeaz, eta bizitze hunetako lazerien ezagutzeaz.*

1. Aitortuko dut neure buruaren kontra ene iustugabetasuna, aitortuko derautzut, Jauna, ene flakotasuna.

Haintzetan aphurra da lurreratzen eta tristatzen nauena.

Deliberatzen dut zin zinez hariko naizela; baina tentazioe arin bat heldu zaitanean herstura handi bat egingen zait.

Batzutan gauza ezdeus batek tentazioe garratz bat ekarten deraut: eta uste dudanean aphur bat seguraturik nagoela, ohartu gabe. Zenbait aldi ni ohartu gabe aurkitzen naiz haizen arin batez hurren etxaturik.

2. Ikuzazu bada, Jauna, ene aphurkeria eta erorkortasuna, zuk alde guzietarik ezagutzen duzuna.

Urrikal nakizula, eta athera nazazu istilletik beldurrez honda nadin eta osoki plaundurik nagoen.

Dakusadanean hain erorkor naizela eta hain flako pasionei buru egiteko, hori da maiz penatzen eta zure aitzinean ahalkatzen nauena.

Eta osoki eramaiten eznautelarik konsentitzeraino badarik ere hekin ertxamenduak nekatzen nau, eta xoil unhatzen naiz horrela bethi guduaren bizitzeaz.

Handik ezagutzen dut ene flakotasuna zeren gogoramendu hastiogarri hek errazkiago hagitz sartzen baitira ioaiten diren baino.

3. O Israeleko Iainko guziz bortitza eta arima fidelen maitatzaille jelozkorra, beha diozozu zure serbitzariaren nekeari eta doloreari, eta lagun zakizko bere ioan etorri guzietan.

Bortitz nazazu zeruko indarraz, beldurrez nausi dakidan gizon zaharra, eta oraino espirituaren osoki azpiko ezten miseriazko haragia, zeinaren kontra beharko baitut guduka hari guduka bizitze ondikoeko hunetan hatzik dudaino.

Helaz! nolakoa da hemengo bizia, non ezpaitu lazeri eta miseri eskasik non gauza guziak sarek eta etsaiz betheak baitira.

Ezen tribulazioe eta tentazioe bat ioaiten denean, heldu da bertzea bai eta leheneko guduak dirauela ere, haintz bertzerik heldu da gainera eta ustegabeen.

4. Nolatan maita diteken bizia hain kiratstasun handiz bethea, halako ondikoetara eta lazerietara eroria?

Nolatan deitzen da bizia, ikusirik hain bertze heriotze eta isurrite ekartzen duela?

Badarik maitatzen da eta haintzak bere ahalaz enseiatzen dire hartan laketzera.

Haintzetan erraiten da mundua falso eta enganatzaillea dela, halarik ere nekez largatzen da, zeren haragiaren guthiziak sobera nausitzen baitzaizkigu.

Gauza batzuek hura maita arazten deraukute, eta bertze batzuek mespreza arazitzen.

Haragiaren guthiziak, begien desirak, eta biziaren superbiotasunak munduaren amoriora garamatzate; bainan hei umerei onez derraisten penak eta lazeriak gatik hartaz unhatzen gara eta gaitzeristez gogozka nardaturik.

5. Helaz ordea! atsegin gaixtoa eramaiten du arima mundura etzina, eta bitartean uste du badela plazer handirik sensuen azpian bizitzea.

Gaizoak ezpaitu ikusi eta ez frogatu Iainkoa baitako eztitasuna eta bertutearen barreneko edertasuna.

Baina mundua osoki putruztatzen dutenek eta Iainkoaren arauera lege saindu baten azpian bizitzera enseiatzen direnek ongi dakite zer den Iainkoaren eztitasuna munduari uko egiten diotenei agindua, eta klarkia-go ikusten dute zein erhoki eta zenbat moldez errebelatzen den eta engatzen.



## HOGOI ETA BATGARREN KAPITULUA

*Pausatu behar dela Iainkoa baitan ontasun eta dohain guzien gainetik.*

1. Pausatuko duzu, ene arima, Iainkoa baitan guzien gainetik eta guzietan, ezen hura da sainduen sekulako pausua.

Ene Iesus guziz ezitia eta guziz maitea indazu grazia zure baitan pausatzeko kreatura guzien gainetik, osasun eta edertasun guzien gainetik, ohore eta loria guzien gainetik, bothere eta gradu guzien gainetik, iakintasan eta sotillezia guzien gainetik, aberatstasun eta ofizio guzien gainetik, fama eta laudorio guzien gainetik, eztitasun eta konsolazione guzien gainetik, esperanza eta agintza guzien gainetik, merita eta desir guzien gainetik, eman eta isur detzaketzun dohain eta present guzien gainetik, gizonaren bihotzak har eta froga detzaken alegrianza eta bozkariomendu guzien gainetik: hitz batez Angeru, Arkanjelu eta zeruko soldadutze guzien gainetik, ikusten diren eta eztiren, eta zu, ene Iainkoa, etzaren guzien gainetik.

2. Zeren zu, ene Iainkoa Iauna, zu guziz ona zare guzien gainetik, zu xoilki gorena, zu xoilki botheretsua, zu xoilki askidunena, zu xoilki ezti-ena eta konsolagarriena, zu xoilki ederrena eta maitatzekoena, zu xoilki nobleena eta loriosena guzien gainetik.

Zure baitan ontasun guziak batetan eta mukuruki dira, bethi izan eta izanen.

Hargatik gutiegi da eta ez aski nihola ere zutaz lekora emaiten, zure izaiteaz erakusten, zure ontasunaz prometatzen derautazun guzia gutiegi da eta ez aski nihola ere, zu zeroni ikusten eta ene betherik gozatzen ezpazaitut.

Zeren ene bihotzak ezin egiazki pausa dezake, eta ezin ase diteke pausatzen ezpada zure baitan eta iragaiten ezpada dohain eta kreatura guzien gainera.

3. Ene Iesus, ene espos guziz amolsua, maitatzaille guziz garbia, kreatura guzien Iauna, nork emanen derauzkit egiazko libertatearen hegala zure gana hegaldatzeko, eta zure baitan pausatzeko?

O noiz osoki libraturik emanen zait leku eta esku neure buruarekin iarteko eta ikusteko zein gozo eta ezti zaren ene Iainkoa Iauna?

Noiz, o noiz, naizen guzia bilduko naiz zure baitara hala non ezna-  
din orhoit neure buruaz zure ganako amorioz bertutez podorez: baina zu  
xoilki buruan zadutzadan guziek ezagutzen ez tuten sentimendu eta mane-  
ra batez?

Orai uzu nago hatz beherapenez eta ene dohakabetasuna dolorez daramat.

Zeren hainitz lazeria eta ondiko gertatzen dira nigarrezko haran hunetan, eta hainitzetan bihotza nahasten, tristatzen eta ilhuntzen derau-  
tate, maiz trabatzen naute eta errebelatzen, bereganatzen eta korapilla-  
tzen; hala non ezpaitut bide idekirik zure gana hurbiltzeko eta sainduei  
emaiten deraustetzun besarka estiez gozatzeko.

Uki zaitzatala ene hats beherapenek eta lurrean den hainitz mane-  
razko desterramenduak.

4. O Iesus sekulako loriaren argia, arima sainduaren sosegua, zure aitzinean ahoa dagot hitzik gabe, eta ene ixil egona minzo zaitzu.

Noiz arteraino berantzen du ene Iaunak etortzera, etorri gabe?

Datorla bere serbitzari gaiz horren gana eta alegera nazala.

Heda bezala eskua eta athera nazala ni ondikozko hori herstura guzietarik.

Zato, zato: zeren zu gabe ez tute izanen ez egun ez oren alegerarik, zu zate ene alegrianza, eta zu gabe hutsik dago ene bihotzeko mahaina.

Ondikozkoa naiz eta nolazpait presondegian amarratua burdinez kargaturik, zuk zure presenziaren argiaz pitz nazazun, libertatean ezar nazazun, eta zure begitarte amolsua erakus diazadazun artean.

5. Bertzeak bilha bezate zutaz bertzerik nahi duten bezanbat: niri bizkitartean etzait deus ere on edo eder, eta ez izanen ere, zu baizen, o ene Iainkoa, ene esperanza ene sekulako salbamendua.

Enaiz ixilduko, enaiz geldituko zure othoitzetik, zure grazia bihur dakidan eta berrenean minza zakizkidan artean, eta erran diazadazun:

Huna ni hemen, hunan zure gana, zuren deitu bainauzu: zure nigarrek, zure arimaren desirere zure humiltasunak eta bihotzeko urrikimen-  
duak beheiti ekarri naute zure gana.

Orduan erranen dut: Iauna, deitu zaitut, eta desideratu dut zutaz gozate prestik nagoela zure gatik gauza guzien arbuizatzen; zeren zuk lehenik atzartu bainauzu zure bilhatzera.



Zarela bada benedikatua, Iauna, halako ontasuna erakusi eta egin baitiozu zure serbitzariari zure beregaineko miseriardiaren arauera.

6. Zer geiago derrake zure serbitzariak zer daidike zure aitzinean handiro humiltzeaz bertzerik, bethi orhoitzen dela bere gaixtasunaz eta deus guti izanaz.

Ezen ezta zure parerik kiderik zeruko eta lurreko miragarri guzietan.

Zure obrak xoil dire onak eta konpliak, egiak dire zure iujeamen-  
duak, eta zure zuhurziaz gobernatzen dire gauza guziak.

Zuri beraz laudorio eta loria, o aitaren zuhurzia: ene ahoak, ene ari-  
mak eta gauza kreatu guziak lauda eta benedika zaitzatela sekulakotz. Biz-  
hala.

## HOGOI ETA BIGARREN KAPITULUA

*Iainkoaren ezin kondatuzko ongi eginez orhoitzeaz.*

1. Idekazu, Iauna, ene bihotza zure legean, eta irakas diazadazu zure manamenduetan ibiltan.

Indazu grazia zure borondatearen ezagutzeko eta erreberentzia handi eta konsiderazione finko batekin zure ongi eginez, bai jeneralaz, bai partikularez orhoitzeko; hekin gatik bide bezalako eskerrik bihur ahal diazakezudan gatik.

Badakit ordea eta aithortzen dut den punturik xipiena gatik ezin demakezudala zor zaitzun laudariozko eskerrik.

Eskasegi naiz egin derauzkidatzun ontasunen guzien alde eta iarten naizenean zure nobleziaren konsideratzen ene espiritua flakutzen eta hondatzen da zure handitasunetan.

2. Guk ariman eta gorputzean, kanpoan edo barrenean, naturalezatik edo naturaleza gainetik ditugun guziak zure ongi eginak dire, eta erraiten deraukute zu zarela ongi egille handia, begitartetsua, urrikalmendutsua, eta zure ganik ontasun guziak heldu zaizkigula.

Eta batak geiago, bertzeak gutiago izan badu zureak dire guziak, eta nihork eztuke den gauzarik xipiena zureganik baizen.

Ontasun handiagorik izan duena ezin loria diteke bere mereziatz, ezin alxa dezake burua, bertzeak baino gorago, ezin trufa diteke bere baino mendreagoez.

Zeren nork ere bere burua prezatzen baitu gutienik, nork ere debozione eta humiltasun geiagorekin eskerrak emaiten baititu, hura da handiena eta hoberena.

Nork ere bere burua deus gutiago baitaduka eta iujeatzen baitu gutiago merezi duela bertzeek baino, hura da gaiago grazia geiagorik ardiesteko.

3. Gutiago izan duenak ezta tristeziarik ez damurik hartu behar, etzaio bera baino aberatzagorik bekaitzu behar, aitzitik behar du zure gana behatu eta zure ontasuna handiro laudatu, zeren zure dohainak hain bizarki, hain merke, hain gogotik partitzen tutzun, nihoren ere begitartera behatu gabe.



Gauza guziak heldu dire zure ganik, eta hargatik guzietan laudatze-koa zare.

Badakizu zer behar zaion batbederari eman, eta zergatik hunek gutiago horrek geiago duen, eztagoen jujeatzea baina bai zuri dagotzu, nola batbederaren mereziak zure baitan neurtuak eta ordenatuak baitira.

4. Halakotz, ene Iainkoa Iauna, ontasun handitan dadukat ez hainitz izaitea kanpoko laudorio eta loria gizonen begietan dakarketen gauzetarik.

Eta nork ere erneki konsideratuko baitu bere pobrezia, nekezia eta deus gutitasuna, ez xoilki ezta hargatik tristatuko, unhatuko edo flakatu-ko; aitzitik handik hartuko du konsolamendu eta alegrianza handi bat, zeren zuk, ene Iainkoa, zure adiskide familiertzat eta etxekotzat hautatu baitutzu pobreak, humilduak, beherenak eta munduaz mespreszatuak.

Lekuko dira zure Apostoluak, zuk munduko kantoin guzietan Prinze ordenatu ditutzunak.

Badarik ere ibilli dira jendartean arrankura gabe, hain humil eta sinple, maleziarik eta enganiorik gabe, non atsegin baitzuten zure izena gatik laidoak eta bidegabeak pairatzeaz: eta gogo handiz besarkatzen baitzituzten munduari higoitzen zaizkon gauzak.

5. Eztu beraz deusek ere hala alegeratu behar maite zaituena eta zure ongi eginak ezagutzen dituena, nola ikusteak zure borondatea haren baitan konplitzen dela, eta zure egundainoko plazer onaren ordenanzari darraiola.

Zure borondate saindu hartaz hala behar da konsolatu eta kontentatu non bertze batek handien izaiteko desira duen bezain gogotik berak desira dezan guzietako xipienik egoitera; eta hain bakez eta kontentik dagoen azken lekuan nola lehenean, eta bertzeek munduan ohoratuenak eta handienak izaiteaz hartzen duten bezanbat atsegin har dezan mesprezaturik, arbuiaturik, izenik eta famarik gabe egoiteaz.

Zeren zure borondatea eta ohorea ganako amorioa garaitu behar zaie gauza guziei hark hura geiago behar du konsolatu, plazer geiago eman behar dio, izan dituen eta ahal dituzkeien ontasun guzietan baino.

## HOGOI ETA HIRURGARREN KAPITULUA

*Bake handia dakarketen lau gauzez.*

1. Semea, orai irakasiko derautzut bakearen eta egiazko libertatearen bidea.

Jauna, egizu zuk diozuna, zeren hori enzunen dut gogotik.

Maitea, duzun artha lehen bertzeren ezen ez zure borondatearen egiteaz.

Lehen hauta zazu gutiago izaitea, ezen ez geiago.

Bilha zazu bethi azken lekua eta guzien azpikoa.

Desira zazu bethi eta othoitz egizu Iainkoaren borondatea zure baitan osoki konpli dadin.

Huna, nor ere halakoa baita bakearen eta soseguren mugarrietan eta tartetan sartzen da.

2. Iauna, zure erran labur horrek perfekzio handi bat daduka.

Hitz guti du, baina sensuz bethea da, eta hainitz fruitu eta probetxu dakarke.

Zeren hura fidelki begira ahal baneza eliteke horrein errazki ene baitan asaldurik gertatu behar.

Zeren noiz ere sentitzen baitut aldaratua eta kargatua naizela, eza-gutzen dut zure dotrina hunetarik apartatua naizela.

Baina zuk, nola nahi den guzia baitaindikezu, eta arimaren probetxua bethi maite baituzu, indazu grazia geiago, arren zure hitza konpli eta ene salbamendua ardiets dezakedan gatik.

### OTHOITZA

Gogoramendu gaixtoen kontra

3. Ene Iainko Iauna, etzaitzezila urrun ene ganik. Ene Iainkoa hel zakizkit.

Zeren hainitz gogoramendu alxatu dira ene baitan, eta beldur handiek bilhakutzen dute ene arima. Bilhakutzen derautate arima.

Nolatan itzuliko natzaie zaurtu gabarik? nola garaituko natzaie?



Ni, dio Iaunak, ibilliko naiz zure aitzin eta lurreko urguilluak sapatuko itut.

Idekiko tut presondegiaren atheak, eta erakusiko derautzut gauza estalien sekeretua.

Egizu, Iauna, diozun bezala, eta gogoramendu gaixto guziak bioaz ihesi zure begietarik.

Hau da ene esperanza eta konsolazione bakoitza, zure gana laster egitea ene herstura guzietan, zure baitan fidatzea zuri bihotz barrenetik oi egitea eta pazienziarekin zure konsolazionearen begira egoitea.

## OTHOITZA

### Arimako argiaren eskatzeko

4. Argi nazazu, o Iesus ona, barreneko argiaz, eta ken etzatzu ilhunbe guziak ene bihotzetik.

Esteka tzatzu ene arimako errebelamenduak eta porroka tzatzu bor-txa egiten derautaten tentazioneak.

Iar zaitte bortitzki ene alde, eta kasa tzatzu bestia gaixto hek, erran nahi dut, bere balakuez bereganatzen nauten guthiziak: arren bakea egin dadin zure bertutez, eta zure laudarioen frankia adi dadin palazio sainduan, erran nahi da, konsziencia garbian.

Mana tzatzu haizeak eta tormentak; errozu itsasoari geldi dadilla, eta ipharrari eztagiela haize, eta orduan izanen da kalma handia.

5. Igorzu zure argia eta egia lurraren gainean argitzera: zeren ni naiz lur hutsa eta alferra, argi nazazun artean.

Isurre zazu zure grazia gainetik: busti zazu ene bihotza zeruko ihinzaz: egitzu debozinezko urak uriteak ene bihotzeko larraren pelatzeko fruitu onik eta guziz onik ekar dezantzat.

Alxa zazu ene arima bekatuen kargaz pizuz sapatua, eta ene desir guzia eraxeke diezezu zeruko gauzei; arren gaineko doatsutasunaren ezit-tasuna dastaturik higoïn dakidan lurreko gauzez orhoitzea.

6. Eraman eta athera nazazu kreaturen ezin iraunezko konsolazione guzietarik: berdin ezta kreaturarik ene desira osoki sosega eta konsola dezakeienik.

Iratxeke nazazu zurekin amorioaren ezin urratuzko amarraz: zeren zu xoilki aski zare maite, zaituen arimarentzat, eta zu gabe fitzak dire bertze guziak.



## HOGOI ETA LAUGARREN KAPITULUA

*Begratu behar dela bertzeren bizitzeaz kurioski galdegitetik.*

1. Semea, etzarella kurios, eztarabillazula artha alferrik: zer doatzu zuri hunez edo horrez? zarraizkit.

Zer axola duzu hau hunelako ezpa horrelako izaiteaz, edo hura hunela ezpa horrela haritzeaz edo minzatzeaz?

Eztuzu mengoarik bertzeentzat ihardetsteko, baina zure buruaz emaiteko duzu kontu.

Zertako beraz nahasten eta korapillatzen? zara hekin egitekoetan?

Huna, nik ezagutzen tut guziak: Iguzkiaren azpian den guzia ikusten dut, eta badakit nor nola dabillan, zer darabillan bihotzean, zer nahi duen, eta zertara hedatzen duen bere gogo.

Guziak beraz utzi behar dira ene eskuetan, zuk zure burua idukazu bake onean, eta utzazu, nahastaria nahastera nahi duen bezanbat.

Zer ere eginen edo erranen baitu, guzia bihurtuko da haren gainera, zeren ezin engana nazake.

2. Eztuzula ansiarik izen edo fama handiaren itzalpeaz, hainitzekiko familiertasunez, edo gizonen adiskidetasun partikularez.

Zeren gauza hek errebelamenduak dakazkete, eta ilhuntasun handiak emaiten tuzte bihotzean.

Gogotik minza nenkidikezu guardia arthatsuki egin bazeneza, noiz heldu naizen zure gana, eta zure bihotzeko athea ideki baziniatzat.

Begira aitzinetik, eta zaude ernerik othoitzetan, eta humil zaite gauza guzietan.

## HOGOI ETA BORTZGARREN KAPITULUA

*Zertan datzan bihotzeko bakea eta egjazko probetxua.*

1. Semea, nik erran dut: bakea utzten derautzuet; ene bakea emaiten derautzuet; ezterautzuet hura emaiten munduak erraiten duen bezala.

Bakea desiratzen dute guziek baina guziek eztute axola egjazko bakeari ukitzen zaizkon gauzez.

Ene bakea humillekin eta bihotzez eme direnekin dago.

Hainitz pazientzia baduzu, bakea izanen duzu.

Enzuten banauzu eta ene hitzari bazarraizko, bake handi batez gozaturen ahal zare, zaratezke.

Zer eginen dut bada?

Gauza guzietan beha zazu zer hari eta zer minzo zaren, eta zure gogo guzia heda zazu niri xoilki plazer egitera, nitaz bertzerik ez desiratzera edo bilhatzera.

Eztemazula jujeamendu arinik bertzeren erranez edo eginez, eta etzaitzezila sar zure karguan eztiren egitekoetan; eta hala gertatuko ahal da, non ezpaitzare nahasiko guti edo gutitan baizen.

2. Ordea nahasmendurik behin ere ez sentitzea, bihotzean edo gorputzean penarik ez pairatzea, hori eztagoka mende hunetako bizitzeari, baina sekulako pausua errepausua dagoen lekuari.

Eztezazula bada pensa egjazko bakea ediren duzula grinatzen zaituen gauzarik eta gauza guzietan ongi doatzula kontrakorik eztuzunean; ez eta perfekzioean zaudela guziak zure nahiaren arauera egiten direnean.

Eztadukazula nor zerbait handi zarela, eta Iainkoak bereziki zaituela maite, baldin debozione et eztitasun handi batzuez gozatzen bazare.

Ezen ezta handik ezagutzen egjazko bertutezalea ezta handik ezagutzen, eta horrelakoetan eztatza gizonaren aitzinamendua eta perfekzioea.

3. Zertan bada, Iauna?

Zure bihotz guziaz ofrenda zakizkola Iainkoaren borondateari, deus ere zuretzat bilhatu gabe ez gauza xipietan, ez handietan, ez orai, ez nihoiz ere, hala non begitarte ber batez bethi eskerrak eman diotzatzen Iainkoari, hala zorigaitzean, nola onean, gauza guziak pisu berdinez pisatzen tutzula.



Esperanza bazea hain fermu eta finko iaria, non barreneko konsolazioneaz gabetua gatik, zure bihotza prepara dezazun geiagorik ere pairatzera, zure burua iustu egiten eztuzula halakorik eta hain gaitzik pairatu behar ezpazendu bezala, baina laudatzen banauzu erraiten duzula ni naizela iustu eta saindu ene ordenanza guzietan, orduan bakearen egiazko bidean xuxen zabiltza, eta duda gabeko esperanza ahal dukezu berriz ere ene begitartea ikusiko duzula bozkariotarik.

Baldin hil bazaitezke zure buruaren osoki mesprezatzeko puntura, iakin ezazu bakearen frankiaz gozaturen zarela zure mundu hunetako egoiteak egin dezakeien bezanbat.

## HOGOI ETA SEIGARREN KAPITULUA

*Bihotzeko libertatearen ekzellenziaz eta lehen ardiesten dela orazione humillaz ezen ez liburuak irakurriz.*

1. Iauna, hori gizon konplaren obra, sekulan gogoia ez largatzea zeruko konsiderazionetarik, eta buruko hainitz egitekoren artean iragaitea egitekori ezpalu bezala, ez tonto edo torpe baten gisa, bainan arima libro eta ideki baten abantailaz munduan den gauzari itxeki gabe legezko ezten afekziona.

2. Othoi, ene Iainko guziz pietatetsua, begira nazazu bizitze hunetako gogoetarik, sobera korapilla ez nadin: gorputzeko behar hainiztarik, beldurrez plazerek eraman nezaten arimako trabu guzietarik, beldurrez sobera penatuz eta unhatuegiz flaka eta eror nadin.

Eztut erraiten begira nazazula munduko banaloria gogo guziaz inguruz inguru bilha dabillan gauzetarik; baina bai zure serbitzariaren arima hiltzeko lege jeneralaz penagarritzki kargatzen duten miserietarik; hala bihotza gibelatzen baitute eta zapatzen non ezin sar baititeke barreneko libertatean nahi duen bezanbat orduz.

3. O ene Iainkoa, ezin erranezko eztitasun itzul diazadazu kiratstasunera sekula gauzetarik errebelatzen nauen eta presenteko atsegingarri baten ikuste laburrak gaizki bereganatzen nauen haragizko konsolazione guzia.

Eztakidala garai, ene Iainkoa, eztakidala garai haragia eta odola: enazala munduak eta haren loria laburrak engana: enazala deabruak eta haren arteziak bere azpira egoitz.

Indazu indarra kontra egiteko, pazientzia pairatzeko, fermutasuna bethi onean iartzeko eta irauteko.

Indazu zure espirituaren oliadura guziz eztia munduko konsolazione guzien orde, eta zure izen sainduaren amorioa isur ezazu ene baitara haragizko amorioaren orde.

4. Huna, iateak, edateak, bestitzeak, eta gorputzaren mantenuko behar handiek karga lodi eta pisu emaiten diote beroki maite zaituen arimari. Bihotzari.



Egidazu grazia premiazkoetz neurritz serbitzatzeko, eta hetan ed amaretzeko desir infiniaz.

Ezta sori guziak etxatzea, zeren mantenatu behar da gorputza; baina lege sainduak debekatzen du gauza soberazko gauzak eta plazergarrienen ondoan ibiltetik bilhatzetik: zeren bertzela altxa liteke haragia espirituaren kontra.

Othoi, Iauna, zure eskuak irakas eta gida nazala halako gauzen artean, deus soberarik egin dezadan beldurrez.

## HOGOI ETA ZAZPIGARREN KAPITULUA

*Gure burua ganako amorioak gibelatzen gaituela guzien gaineko ontasunetik.*

1. Semea, guzia eman behar duzu guzia gatik, eta eztuzu deus ere iduki behar zurerik.

Iakin ezazu zure buruari ekartzen, diozun amudioak kalte geiago egiten derautzula munduko gauzetarik batek ere baino.

Gauza bat gutiago edo geiago datxetzu zuk hura maite duzun eta ederetsten duzun eredura.

Zure amorioa garbia bada, sinplea eta ongi ordenatua, etzaitu deusek ere gathibatuko.

Etzaitzila guthizia izaitera zilhegi etzaren gauzaz.

Eztadukazula traba zaitzaken eta barreneko libertatea eraman diazakezun gauzarik.

Miretsteke da nolatan zeroni bihotz barrenetik etzaren osoki iartzen eta desiraz edo obraz ahal dituzketzun guziak ezitutzun utzten ene gomendioan.

2. Zergatik tristezia alferrak iaten zaitu? Zergatik nekhatzen zaregrina eta ansia soberaz?

Zaude ere plazer onaren azpian, eta eztuzu kalterik bat ere pairatuko.

Hau edo ala, hori bilhatzen baduzu, eta hemen ezpa hor egon nahi baduzu, xoilki zure probetxua eta aisia gatik, eta plazer zaitzunaren hobeki egitea gatik, sekulan eztukezu sosegurik eta etzare libratuko ansietarik eta grinetarik.

Zeren gauza guzietan aurkituko duzu zerbait eskas, eta leku guzietan izanen da kontra egin diazazunik.

3. Eztuzu bada probetxurik hainitz onhasun irabasteaz eta kanpotik mulzuka biltzeaz, baina bai guziak mesprezatzeaz eta errotik atheratzeaz zure bihotzetik.

Eztuzula uste hori aditzen dela xoilki diruzko errentez eta aberatasunez, aditzen da era ohoreen ondoan inguruz inguru ibiltzeaz, eta banaloriozko laudoriomendurik desiratzeaz, zeren hek guziak iragaiten dira bere munduarekin.



Guti segurutzen zaitu lekuak espirituko berotasuna faltatzen bazaitzu, eta kanpotik bilhatu duzun bake hark guti iraunen du zure bihotzeko estatua permatua ezpada egiazko zimenduaren gainean, erran nahi da, ene baitan egoiten eta finkatzen ezpazaude.

Lekuz alda dezakezu, ezin ordea hobe zaitezke hargatik: zeren okasionea gertaturik eta hura zu harturik aurkituko duzu ihesi zindoazkon guzia eta geiago.

Quiero dezir que si non estuvieres en mi bien te puedes mudar mas no mejor por que venida la ocasion hallaras lo que huyas y mas adelante.

## OTHOITZA

### Bihotzeko garbitasunaren eta zeruko zuhurziaren ardietseko

4. Bortitz nazazu, ene lainkoa, zure espiritu sainduaren graziaz: indazu indarra finka nadin barreneko gizona baitan, eta ene bihotzetik athera dezadan artha alfer eta grina guzia, eta zein ere nahi den gauza edo apurraren edo baliosaren desira enazaten eraman, baina beha diezedan gauza guziei beha diezedan iragaiten direnei bezala, eta neure burua ere mira dezadan, guziekin iraganen den gauza bezala.

Berdin ezta Iguzkiaren azpian dirauen gauzarik: aitzitik guziak dira banaloria eta espirituko nekadura. O zein zuhur den nork ere baitu horrelako konsiderazionerik.

5. Indazu, Iauna, zeruko zuhurzia, arren ikas dezadan zure bilha ibiltzen eta aurkitzen, zure dastatzen eta onetsten gauza guzien gaintetik, eta bertze gainerakoen ezagutzen, bere baitan diren eta zure zuhurziak ordenatu dituen ararera.

Indazu grazia zuhurki itzul nakion lausenguz dagotanari, eta emeki paira dezadan kontrarik egiten derautana: zeren hau da zuhurziarik handiena, hitz haize guziak gatik ez higitzea, eta gaizki lausengatzen hari zirenari beharra ez zabaltzea. Zeren horrela eginik abiatu garen bidean seguraturik gabiltza.

## HOGOI ETA ZORTZIGARREN KAPITULUA

### *Gaizki errailleen mihien kontra.*

1. Semea, eztakizula gaitsi, baldin batzuek zutaz iduripen gaixtorik badute, eta erraiten badute gogotik aditzen eztuzun gauzarik.

Zeronek sentimendu gaixtoago behar duzu zure buruaz, eta zinets-teko duzu eztela bat ere zu baino flakoagorik.

Baldin bazabiltza zure barrenaldien miratzen, eztuzu kontu handirik eginen airean dabiltzan hitzez.

Ezta zuhurzia xipia ixilik egoitea ordu gaitzetan, eta bihotz barrenetik ene gana itzultzea, eta munduko iujeamendua gatik ez aldaratzea.

2. Eztemazula zure bakea gizonen ahotan: zeren ongi edo gaizki hartzen badituzte zure eginak edo erranak, etzare hargatik zarena baizen.

Non dago egiazko bakea eta egiazko loria? Ez othe ene baitan?

Nork ere ezpaitu guthiziarik munduari plazer egiteko, eta ezpaita beldur haren desgogarako gauzarik egin gatik, hura bake handiaz gozatu da.

Behar ezlegezko amoriotik eta beldurtasun alferretik heldu da bihotzaren aldaramendu eta sensuen barraiamendu guzia.



## HOGOI ETA BEDERATZIGARREN KAPITULUA

*Nola gomendatu behar gaizkon Iainkoari eta nola hura benedikatu behar dugun tribulazioneak akometatzen gaituenean.*

1. Iauna, sekulakotz benedikatua dela zure izena, zeren nahi izan duzun tentazione eta tribulazione hau ethor zekidan.

Ezin noakeo ihesi baina badut beharra zure gana laster egiteko, arren hel zakizkidan eta hura onera itzul diazadazun gatik.

Iauna, orai tribulazionean nago, eta ene bihotza eztago ongi, baina presenteko pasioneak hagitz travaillatzen nau.

Aita maitea, zer erranen dut orai? Hersturetan atzemana naiz: salba nazazu orai berean.

Bainan hargatik etorri naiz oren hunetara zuri loria eman dakizun gatik ni hagitz humildua eta zure ontasanaz libratua izanez.

Plazer nauzula, Iauna, libratu zeren nik pobre horrek zer daidiken, eta zu gabe norako naiz?

Indazu, Iauna, orai ene pazienza. Hel zakizkit ene Iainkoa, eta enaiz beldur izanen, zenbat ere kargatua izanen bainaiz.

2. Orai bitartean zer erranen dut? Iauna egin bedi zure borondatea. Egiaz merezi dut tribulatua eta zapatua izaita.

Berdin pairatu behar dut, eta aidezadan emeki paira, ekaitza eta tenpesta ioan dadin eta hobeki gerta dakidan artean.

Zure esku guziz boheretsuak tentazione hau ere eraman dezake ene ganik, eta ema dezake haren oldarzarrea osoki eror enadintzat.

Zeren zuk, o ene Iainkoa, ene miserikordia, lehen hainitzetan horrela egin duzu enekin ene aldera.

Eta zenbatenez hori gaitzago baita enetzat hanbatenez errazago da zuretzat guziz gainekoaren eskuko obra izanez.

## HOGOI ETA HAMARGARREN KAPITULUA

*Iainkoari bere laguntzaren eskatzeaz eta haren grazia bihurturen zaikulako fidanza.*

1. Semea, ni naiz jauna, tribulazioneko tribula egunean indar emaiten dudana. Zato nigana gaizki zarenean.

Zeren berantegi bihurtzen zaren orazione egitera, hori da zeruko konsolazionea geienik tratatzen duena.

Ezen finki eta gogotik iar zaitezin baino lehen niri othoitz egiten iar zakizkidan baino lehen othoitz egiten, bazabiltza bitartean hainitz konsolazioneren bilha, eta kanpoko gauzetan atsegin hartzen.

Handik heldu da probetxu guti atheratzen duzula nahiz diren gauzetarik ezagut dezazun artean ni naizela ene baitako esperanza dutenak libratzen ditudana, eta ene ganik kanpoan eztela balio duen laguntzarik, ez probetxurik dakarkeien konseillurik, ez eta diraukeien erremediorik.

Ordea tormentaren ondoan hats berria harturik, har ezazu ere indar berria ene miserikordietako argian.

Zeren hurbil nago, dio Iaunak, gauza guzien ez xoilki osoki, baina bai frankoki, neurri mukurrus eta gaindi berriz konplitzeko.

2. Othe da nekez daidikedan gauzarik? Edo izanen othe naiz erraiten duena eta egiten eztuena bezalakoa?

Non da zure fedea zinetstea? Zaude fermu, fermuki eta tinkaturik ene serbitzuan.

Zarela bihotzdun eta bortitz konsolazionea etorriko zaitzu bere ephean.

Iguriki diazadazu, igurik, etorriko naiz eta sendatuko zaitut.

Tentazione da penatzen zaituena, eta beldurtasun alferra izitzen zaituena.

Naskiz etorriko diren gauzez ansiatzeak zer diakarkezu tristura tristuraren gainean baizen? Aski du egunak bere eguneko gaitza.

Gauza alferra da eta probetxugabea, etorkizunekoek atsekabe edo atsegin hartzea, ezpaitira naski sekulan gertatuko.



3. Baina gizonaren naturalezari datxekon kutsua da halako iduripe-nez enganaturik ibiltzea, eta bihotz oraino xumearen seinalea da, nihor arinki eramaiten denean etsaiak gogora ekartzen diotzan itxurez.

Zeren gaixto hark eztu axolarik zertaz lillura eta engana zaitzan, ea egiak ala gezurrak diren gauzez, ez eta zertaz eror araziko zaituen, ea presentekoen amorioaz ala etorkizuneko beldurraz.

Eztadilla bada zure bihotza nahas, eta eztuela beldurrik. Zine tzazu ene baitan eta fida ene miserikordiaren gainean.

Uste duzunean urrun zaudela ene ganik, hainitzetan hurbillago nauzu: eta iduri zaitzunean gauza guziak hurren galduak direla, hainitzetan geiagorik irautseko eta merezitzeko ordua da.

Ezta ez guzia galdu zerbait nahi eztuzun bezalakorik gertatzen zaitzunean.

Eztuzu iujeamendu eman behar, zure oraiko sentimenduaren arauaz.

Atsekaberik heldu bazaitzu nondik ere heldu baita, hura eztuzu hartu behar eta buruan sartu, hartarik ilkitzeko esperanza guzia ioan balitzaitzu bezala.

4. Eztuzula uste alde guziz utzia zarela, batzutan igorten baderautzut zenbait tribulazione edo desiratzen duzun konsolazionea edekiten baderautzut, zeren handik da zeruko erresumara bidea.

Eta dudagaberik hobe da zuretzat eta ene bertze serbitzarientzat, munduko gaitzek horrela erabil zaitzaten, ezen ez gauza guziez goza zaitzten zuen gogoaren arauera.

Badazaguzkit gogo eta gordeak, eta badakit hagitz on dela zure salbamenduko batzutan egon zaitezin barreneko gozorik gabe, beldurrez sobera alxa zaitezin gauzak heldu direnen zure nahiaren eredura, eta zure buruarekin ifini zaitezin etzaren bezalako bazine bezala.

Eman dudana eraman dezaket eta bihur ere dirot plazer dudanean.

5. Nik emaiten derautzudana, enea da; eta hura edekiten derautzudanean ez tut zurerik eramaiten: ezen zer ere emaiten baitan onik, eta zein ere dohain konplirik baita, guzia ene ganik da.

Igorten baderautzut atsekaberik edo kontrarakorik, etzaitezila asalda, eta eztakizula bihotza flaka: zeren laster alxa zaitzaketa zure tristura alegrianzara itzul dirot.

Badarik ere iustua naiz, eta hagitz laudatzekoa hala egiten dudanean gauza guzietan.

6. Zuhur aski bazare, eta direnak diren bezala badakuskitzu, etzare nihoiz ere hain tontoki tristatu behar munduko atsekabeak gatik.

Aitzitik alegeratu behar zare, eta eskerrak eman behar derauzkidatzu, bai eta kontutan iduki zure bozkario bakoitza dela, zeren dolorez kargatzen zaitudan, eta etzaitudan guphida.

Erran derauet ene diszipulu maitei, Ene aitak maite izan nauen bezala, nik maite zaitzudet.

Bada hek igorri tut ez segur munduko alegrianzeta, baina gudu handietara: ez ohoretara, baina mesprezioetara; ez alferrik egoitera, baina trabailatzera: ez pausatza, baina fruitu hainitz ekartzera bere pazienziatz.

Semea orhoit zaite hitz horietaz. Hautaz.



## HOGOI ETA HAMEKAGARREN KAPITULUA

*Mesprezatu behar direla kreatura guziak Kreatzaillea aurki ahal dadintzat.*

1. Ene jauna, gertuz badut oraino grazia handiago baten premia, behar badut ardietsi nihork eta deusek ere ezin traba nazakeien lekura.

Ezen zerbaitek nadukaino, ezin hegaldan naite zure gana neure gogara.

Libraturik hegaldatzeko desira zuen erraiten ohi zuenak: nork emanen derauzkit uso tortoillaren hegala bezalakoak eta hegaldatuko naiz, eta pausatuko dut?

Zer da emeagorik begi sinplea baino? eta zer da zilhegiagorik deus ere lurrean desiratzen ez den bihotza baino.

Behar dugu beraz iragan kreatura guzien gainetik, eta gure burua osoki utzi, bai eta egon gogoz gainera eramanik, eta ikusi zuk guzien kreatzaille horrek eztuzula kreaturak bezalako den gauzarik.

Eta nor ere ezpaitago kreatoretarik libraturik, ezin iarriko da trebeki Iainkozko gauzetan.

Hargatik nihor guti edireiten da jarria denik zeruko gauzen kontsideratzen, zeren gutik baitakite bere gogoa osoki apartatzen kreatura galkorretarik.

2. Halakotz grazia handia behar da arimaren goititzeko eta bera baino gorago eramaiteko.

Eta baldin gizonak ezpadaduka espiritua goititurik, libratua ezpada kreatoretarik, Iainkoari ezpadatzeko harekin bat eginik, zer ere baitaki, eta zer ere baitu ezta kontu handitako.

Nork ere estimatzen baitu badela gauza handirik, neurri eta fingabe-kontasunaz bakoitzaz landan, hura denbora luzez egonen da xume, eta lurrean behera etzana.

Ezen zer ere ezpaita Iainko, ezdeus da, eta ezdeustat iduki behar da.

Gizon argituaren eta debotaren zuhurziak, eta letratu edo estudiatu baten iakintasunak diferentzia handia dute bere artean.

Hagitz nobleago da gainetik Iainko gana gure baitara isurtzen den dotrina, gizonaren spirituaren neke trailla ardiesten dena baino.

3. Hainitz edireiten da zeruko gauzen kontsideratzeko desira duenik, bainan eztira enseiatzen hartarakotz behar direna egitera.

Trabu handia da seinaletan eta sentitzen diren gauzetan trikatzea, eta bere buruari osoki ez garaitzea.

Eztakit zer den, eta zer espirituk garamatzen, ez eta zeren ondoan gabiltzan, gu espiritualak garelako iduria dugunok; ikusirik hain trailla handirik, eta are artha geiago hartzen dugula gauza iragaiten direnak eta ezdeusak gatik, eta gure barreneko egitekoez nekez edo gutitan egiten dugula gogoeta gure buruko sensuak zinki eta osoki gure baitara bildurik.

4. Ah! dolorea! Gure baitara aphur bat bihurtu garenean, berehala ilkiten gare kanporat, eta gure obrak eztitugu pisu zuzenaz pisatzen.

Eztugu behatzen zeri datxezkon gure afekzioak, eta eztugu nigarririk egiten, zeren gure akziorik hain diren nothatuak.

Ezen haragiz ziren guziak lizundu eta galdu zuten bere bidea, eta hargatik uholde handia hekin ondoan etorri zen.

Bada gure barreneko afekzioea hain lizundua denaz gero, behar da hartarik heldu den akzioea, zein baita barreneko indarraren eskasaren seinalea, orobat den lizundua.

Bihotz garbitik sortzen da bizitze onaren fruitua.

5. Galdez gaude zenbat egiteko erabili duen nihork, bainan eztugu hain hersiki pisatzen nolako bertutez hari den.

Bilha gabiltza ea sendo, aberatz, eder, agudo den, ea fetxo den eskeribuetan, kantetan, lanetan; geienak ordea ixilik daude galdegin gabe zein pobre den bihotzez, zein pazienziatsu eta manso den, zein debozionetsu eta barreneko.

Naturaleza beha dago gizonaren kanpoko gauzetara, baina grazia barrenekoetara hedatzen da.

Hainitzetan naturaleza enganatzen da, baina grazia Jainkoa baitan esperantzatzen da engana eztdintzat.



## HOGOI ETA HAMABIGARREN KAPITULUA

*Bere buruari uko egiteaz, eta guthiziadura guzien arbujitzeaz.*

1. Semea, ezin goza zaitezke libertate konpliaz, zeronek uko oso bat egiten ezpadiozu zure buruari.

Gathibu estekatuak ohi dira deusik beretzat beregan dadukatenak, bere burua maite dutenak, guthiziosak, kuriosak, hainitz egitekotan sartu nahiak, bethi gauza guriak eta malguak bilhatzen dituztenak Iesu Kristorenak utzirik: finean hari direnak iraunen eztuen gauzarik pentsatzen, ametsten eta deliberatzen; zeren galduko da Iainkoa ganik heldu ezten guzia.

Itxexozu hitz labur eta handi huni: utzazu nahiz den guzia, eta den guzia aurkituko duzu: larga zazu guthiziadura eta edirenen duzu sosegua.

Hori maiz erabil ezazu gogoan, eta obrez konpli dezazunean, iakinen duzu zer erran nahi duen eta gauza guziak ezagutuko tutzu.

2. Jauna, ezta hori egun baten lana, ez eta haurren iokoa; aitzitik hitz labur hunetan serratzen da Girstinoaren perfekzione guzia.

Semea, etzara bertzea aldera itzuli behar, bihotza etzaitzu berehala erori behar, gizon perfetek dadukaten darraizkon bidea aditurik: kontrara atzartu behar zare gauza goragoetara, edo ezpere ardurako desirez hats-beherapenak aurtiki behar tutzu hek bezala sailduki bizi nahiz.

Aitzine halakoa, aitzine etorri zeronek zure buruaren ez maitatzeko, bainan ere keinura xoilki behatzeko, eta ordenatu derautzudan aita espiritalaren borondatearen egiteko puntura, orduan zinatezke ene gogarakoa, orduan zure bizitze guzia bozkarioz eta bakez iragan zenezake.

Hainitz gauza duzu oraino utzi beharrik, eta guziak osoki emaiten ezpaditutzu ene eskuetan, eskatzen zarena eztuzu ardietsiko.

Konseillu emaiten derautzut urre suztaturik erosteaz ene ganik, laster aberatz zaitezintzat.

Urre hura da zeruko zuhurzia hemen behereko gauza guziak oinen azpian aurizkitzen eta ostikatzen dituen.

Arbuia zazu lurreko zuhurzia bai eta mundua eta zure burua ganako gogalgintasun guzia.

3. Erran derautzut munduaren begietan deus guti diren gauzak erosi behar ditutzula hark handiro prezatzen dituenak emanez.

Ezen badirudi zeruko egjazko zuhurzia xoil aphurra eta hurren ahantzia dela; hark ezpaitu bere buruaz kontu handirik egiten ez eta lurreko handiresunik bilhatzen: hura hainitzek ahoz laudoriotzen baitute, baina bere ganik urrun igortzen bere bizitze tailluaz. Badarik ere hura da harri preziatua hainitzentzat estalia.



## HOGOI ETA HAMAHIRURGARREN KAPITULUA

*Gure bihotzaren nihon ezin egonaz, eta gure intenzioea Jainkoa  
gana bere azken xedera bezala xuxen idukitea.*

1. Semea, eztezazula zure gogoaz zinets: orai duzuna laster ganbiatuko da bertze batetara.

Bizi zaitezkeino mudakorra zare nahi eztuzularik: hala non ikusiko baituzu batean alegera, bertzean triste, batean sosegatua, bertzean asaldatua, batean debozionetsu, bertzean debizionegabeko, batzutan ikastera iarria, bertzetan nagia, batzutan pausatua, eta bertze batzutan arina zarela.

Ordea gizon zuhurra eta gauza espiritualetan ongi ikasia mudanza hekin gainean nausi dago behatu gabe zer sentitzen duen bere baitan, eta nondik heldu den mudakortasunaren haizea; baina kontu daduka bere ari-mako intenzioe guzia xuxen doan behar den xede hoberenera.

Zeren horrela eginez bethi egonen ahal da bat eta bera, eta inharrosigabea, bere intenzioearen begi sinplea ni gana xuxendurik dadukala, bat ere aldaratu gabe hain bertze kasuren artean.

2. Ezen zenbatenaz garbiago izanen baita norbaiten intenzioearen begia, hanbatenaz segurago iraganen da aldizkatzen duten tenpestetarik.

Ordea hainitz gauzatan lilluratzen da intenzioe garbiaren begia, zeren laketgarri bat presentatzen denean laster sartzen da haren miratzen, eta gutitan aurkitzen da nihor osoki libratu bere munduko probetxua-  
ren ondoan ibilteko kutsutik.

Hala Juduak etorri ohi ziren Bethaniara Martha eta Maria ganik ez xoilki Iesus gatik, bainan eta Lazaro ere ikustea gatik.

Beraz intenzioearen begia garbitu behar da, arren sinple eta xuxen dagoela, hain bertze suertetako inkontruen artean niri xoilki beha diezadanzat.

## HOGOI ETA HAMALAUGARREN KAPITULUA

*Maite duenari gozo zaiola Jainkoa  
gauza guzietan eta guzien gainetik.*

1. Huna ene Jainko eta gauza guziak. Zer nahi dut geiago, eta zer desira dezaket dotsuagorik?

O hitzaren ezta eta gozoa! Bai ordea maite duenarentzat horrelako hitza, ez mundua ez eta munduan den bertze gauzarik. Ene Jainkoa da ene gauza guziak.

Endellegatzen duenarentzat aski errana da, eta haren maiz erraitea gozo zaio maite duenari.

Eta egiaz zu, ene Jainkoa gurekin zaudenean, aitzinean zaitugunean alerak dire guziak, kanpoan zarenean unha eta nardagarriak dira guziak.

Zuk bihotza sosegatzen, zuk bake handia emaiten, zuk bestako alegrianza egiten duzu.

Zure graziaz gizonak sentimendu ona du guziez eta laudatzen zaitu gauza guzietan.

Zu gabe eztaiteke iraupe handizko plazerik deusetan ere, eta zerbait izaitekotzat gogorakorik eta saporosorik behar du zure grazia lagun, eta premia da zure zuhurziaren errekitu gozoaz aphain dadin.

2. Nori ere zu gozo baitzaizko, zer etzaio gozo izanen? Eta nork ere ezpaitu zure baitan saporerik edireiten, zertan aurkituko ahal du atseginik?

Ordea zure zuhurzian eskasten dira munduko zuhurrak, eta haragi-zaleak, zeren batean hainitz banaloria da, eta bertzean heriotzea kausitzen da.

Baina nor ere baitarraitzu munduko gauzak mesprezaturik eta haragia hildumaturik, ezagun da egiazki zuhurra dela, zeren iragaiten baita banaloriatik egiara, eta haragitik espiritura.

Horrelakoei gozo zaie Jainkoa, eta zer ere onik aurkitzen baita kreaturan hura bihurtzen dute bere kreatzailearen laudoriora.

Badarik ere diferentzia handia eta xoil handia dute bere artean Kreatzailearen gozotasunak eta kreaturarenak, eternitatearen saporeak



eta denborarenak kreatu gaberiko argiaren arraitasunak eta argi kreatura-  
renak.

3. O egundainoko argi kreatu guzia iragaiten tutzuna, aurtiki zazu gainetik ene bihotzeko barren aldi guziak iragan detzan zizmintat bat.

Garbi, alegera, argi eta pitzazu ene arima bera indar guziekin, arren neurrigabeko bozkariomenduz itxeki diazazun arren.

O noiz etorriko da oren doatsu eta ordu desiratzeko hura, non satiatuko bainauzu zure begitarateaz, eta izanen baitzara ene guzia gauza guzietan.

Hori eman diazadazun artean, ene bozkarioa ezta bethea izanen.

Ah doloreal bizi da oraino gizon zaharra ene baitan, ezta gurutzean osoki iratxekia, ezta osoki hilla.

Orai ene haragia hagituz guthiziatzen da espirituaren kontra, barrenean pitzten tu gerlak, eta bakerik eztiotzuten arimaren erresumari.

4. Baina zu itsasoaren bothereari bortitzturari jauntzen zaizkona, uhinen higizarea eta muthiritasuna, hel zakizkit.

Barraia tzatzu gerla nahi duten jendeak, eta porroka tzatzu zure eskuaren indarrak.

Erakuskitzu, othoi, zure eskuineko eskuari:

Berdin ezta enetzat esperanzarik, ez eta nora ihes egin lekuri zure baitan baizen, o ene Jainko jauna.

## HOGOI ETA HAMABOTZGARREN KAPITULUA

*Eztela bizitza hunetan seguranzarik Tentamenduen kontra.*

1. Semea, sekulan eztukezu seguranzarik bizitze hunetan, baina bizi zareino bethi ere arma espiritualen beharra duzu.

Etsaien artean zabilta, eta eskuin esper akometatua zare.

Bada alde guzietarik baliatzen ezpazare pazienziatzko arrondelaz etzara luzeki egonen zaurtu gaberik.

Are geiago, zure bihotza tinkatzen ezpaduzu ene baitan gauza guzien ene gatik pairatzeko borondate hutsez, ezin eginen diozu hain gudu beroari buru, eta ezin ardietsiko duzu doatsuen golardoa.

Behar duzu beraz gizon gisa iragan kontrako guzien gainetik, eta guzien kontra beso sendo batez gudukatu eta peleatu.

Ezen garaia duenari emaiten zaio mana erran nahi da zeruko eztitasuna eta nagitze denari hainitz miseria gelditzen zaio.

2. Bilhatzen baduzu sosegurik bizitze hunetan, nolatan orduan ardietsiko duzu sekulako sosegua?

Eztaitezila prepara hainitz deskansuz gozatzera, baina bai pazienza handiaren ardietsiera.

Bilha zazu egiazko bakea, ez lurrean, baina zeruan, ez gizonen artean edo bertze kreaturretan, baina Jainkoa baitan xoilki.

Jainkoaren amorioa gatik behar ditutzu nahiz diren guziak gogotik pairatu, nolakoak baitira nekeak, travailluak, doloreak, tentazioneak, bidegabeak, atsekabeak, hersturak, beharrak, erbaltasunak, eritasunak, hitz gaixtoak, aitzin gibekeko gaizki erranak, urgoiak, eranzuteak, liskarrak, beheramenduak, ahalkeak, sensamenduak eta mesprezioak.

Horrelako gauzak heltzen zaizko gizonari bertutearen ardietsien, frogatzen dute Iesus-en soldadu berria, zeruko koroa egiten dute eta arrimatzen.

Nik sekulako saria emanen dut neke labur baten gatik, eta fingabeko loria laster iragaiten den ahalke baten orde.

3. Uste othe duzu izanen ditutzula konsolazione espiritualak zure nahiaren arauera?



Ene sainduak eztute izan zuk nahi duzun bezalakorik; aitzitik hainitz atsekabe, tarritamendu eta deskonsolamendu handi iasan dute.

Ordea guziak hartu ituzte pazienziak, eta geiago fidatu dira Jainkoa baitan, berak baitan baino; zeakitela eztela mundu hunetan pairamendurik etorkizuneko loriaren ardiesteko aski denik.

Nahi othe duzu berehala eman dakizun, hainitzek hain nigar isuriz eta hainitz travaillu iraganez gero nekez ardietsi dutena?

Iguriki diozozu Jainkoari, hari zaite gizon gisa egizu buru, eztezazula esperanza gal, etzoazila, baina gorputza eta arima para tzatzu fermuki Jainkoaren loria gatik.

Nik hagitz geiago bihurtuko derautzut; ni zurekin izanen naiz zure herstura eta tribulamendu guzietan.

## HOGOI ETA HAMASEIGARREN KAPITULUA

*Gizonen iujeamendu alferren kontra.*

1. Semea, tinka zazu zure bihotza Jainkoa baitan eta etzarella nihoren iujeamenduen beldur, konszientzia lekuko duzunean eztuzula hobenik borondate onik baizen.

Gauza ona eta doatsua horrela pairatzea, eta hori etzaio gaitz izanen bihotzez humil denari, eta Jainkoa baitan fidatzenago denari, bere baitan baino.

Hainitzek hainitz darasate, eta hargatik zinetste guti eman behar zaie, berdin ezin bat da guzien gogara egitea.

Jondone Paulok egin ahala egin duelarik Jainkoaren arauera guziei amor egiteko, eta guzientzat bere burua gauza guzietara itzuli duelarik, halarik ere kontu guti egin du hartaz munduak emaiten ohi zuen iujeamenduaz.

2. Aski den bezanbat nekatu da guziei salbamenduko bidearen erakusteko ber ahalaren eredura; bainan ezin egin du hala non hura batzutan eztuten iujeatu edo mesprezatu.

Halakotz guzia gomendatzen zioen guziak dakizkien Jainkoari, eta bera defendatzen zen pazienziak eta humiltasunaz mihi gaixtoen kontra gezurrezko gauzarik pensatzen ziotenean, eta hartaz nahi zuten guzia bere gogoaren arauera zerabillaten eta barraiatzen zutenean.

Guziarekin ere noizpat ihardetsi du, beldurrez haren ixil egoiteaz eskandalik gerta lekien arima flakoei.

3. Nor zare zu gizon hilkor baten beldur izaiteko? Egun bizi da, eta bihar ezta ageriko.

Zarela Jainkoaren beldur, eta etzara izituren gizonen izigarridurez.

Zer egin diazakezu nihork bere hitzez eta gaizki erranez? Kalte geiago egiten dio bere buruari, zuri baino; eta nor ere baita ezin itzuliko zaio Jainkoaren iujeamenduri.

Duzun Jainkoa begien aitzinean, eta eztezazula iharduki liskar hitzez.



Iduri badagotzu azpiratzen zarela, eta merezi eztuzun ahalkerik edo laidorik pairatzen duzula, etzaitzila hargatik tarrita, bedurrez zure koroa guti xipi dezazun zure pazienza gabez.

Aitzitik beha diazadazu zerura: badut nik ahala eta indarra zure libratzeko ahalkesun eta erran gaixto guzietarik, eta batbederari bihurtzeko bere obren eredura.

## HOGOI ETA HAMAZAZPIGARREN KAPITULUA

*Behar dela garbiki eta osoki Jainkoaren eskuetan iarri bihotzeko  
libertatearen ardiesteko.*

1. Semea, utzazu zure burua, eta edirenen nauzu.

Zaude deusere zuretzat hautatu, nahi eta iduki gabe, eta bethiere irabaziko duzu.

Zeren zure burua utzi bezain laster hura berriz hartzen eztuzula, grazia geiago eta handiago emanen zaitzu.

Jauna, zenbatetan utziko dut neure burua, eta zertaz hutstuko naiz?

Bethiere eta oren guziez, gauza aphurrez bezala handiez ere. Eztut deus ere lekatzen, baina nahi zaitut kausitu gauza guziez billusirik.

Bertzela nolatan izanen ahal gara zu ene, eta ni zure billusia ezpazare zure borondateaz hala barrenean nola kanpoan?

Zenbatenez hori lasterago eginen baituzu, hanbatenez hobeki kausituren zare, eta zenbatenez osokiago eta garbikiago horrela iarriko baitzare, hanbatenez izanenago zara ene gogorakoa, eta geiago irabaziko duzu.

2. Batzuek utzten dute bere burua, baina zerbait lekatirik; eta zeren ezpaitira osoki Jainkoa baitan fidatzen, hargatik beer buruaz oraino kargua dadukate.

Batzuek ere lehenbizian bere burua osoki ofrendatzen dute, ordea gero zenbait tentazionek bulkatzen dituenean, beretara bihurtzen dire, hargatik eztute bertutean aitzinamendurik egiten.

Halakoek eztute ardietsiko bihotz garbiaren libertatea, ez eta ene familiertasan arraiaren grazia, bere burua lehen osoki utzirik eta egunerozko sakrifiziotan emanik baizen. Hori egin gabe batasun gozogarrria eztago, eta eztagoke.

3. Maiz erran derautzut eta berriz ere erraiten: utzazu zure burua, eta barreneko bake handi batez gozaturen zara.

Guzia emazu guzia gatik, eztezazula deus bilha, ez berriz har deus ere; zaude garbiki ene baitan, dudatan iarri gabe, eta izanen nauzu. Libro egonen zara zure bihotzean eta ilhunbeek etzaitzute estaliko.



Zure ahalaz, othoitzez, desirez enseia zaite zure dituzun gauza guziez billustera, eta Jesus billusiari billusirik iarraikitera, zure buruaren-tzat hillez gero sekulakotz ene baitan bizi enetzat bizi zaitezintzat.

Orduan joanen dira gogoeta alferrak, izialdura muthiriak, eta sobe-razko artha eta grina guziak.

Orduan ene neurrigabeko beldurrak utziko zaitu, eta behar ez legez-ko amorioa hillen da.

## HOGOI ETA HEMEZORTZIGARREN KAPITULUA

*Kanpoko gauzetan ongi gobernatzeaz, eta perilletan Iainkoa gana  
laster egiteaz.*

1. Semea, hau da zeintara xedatu behar duzun xuria. Behar duzu leku, obra eta kanpoko egiteko guzietan zure barrenaldian libro egon, zure burua zure eskuko izan, gauza guziak zure azpian iduki, eta hekin azpian ez iarri.

Behar zare zure obra guzien nausi eta xuxentzaille, ez gathibu, ez mutil errosia, bainan egiazko Israeltar bezala, iragaiten zarela Jainkoaren umeen estatura eta libertatera.

Hek baitaude presenteko gauzen gainean iarririk daudezila sekula-koen miratzen eta miretsten.

Ioaiten diren gauzak ikusten tuzte eskerreko begiaz, eta zerukoak eskuinekoaz.

Eztira eramaiten munduko gauzetara, hei lotzeko aitzitik erakartzen tuzte serbitzu onik egitera. Iainko guzien gaineko egilleak ordenatu dituen arauera, zeinek ezpaitu deus ere eskasik edo makurrik utzi bere obretan.

2. Geiago, gertatzen diren guzietan behatzen ezpaduzu kanpoko idu-rira, eta ikusten edo aditzen duzuna konsideratzen ezpaduzu haragizko begiaz, baina berehala, zer ere okasionetan nahi den, sartzen bazare Moisez bezala leku sainduan sartzen bazare hari konseillu eske, noizbait enzunen duzu Jainkoaren ihardetspena, eta bihurtuko zare presenteko eta etorkineko gauza hainitzik ikasirik.

Ezen Moisek bethiere laster egin du Jainkoaren leku saindura ikas-tea gatik nola ihardets egiten zeizkon duden eta galdeen gainean, eta bethi orazioneaz baliatu da bere perillen eta gizonen gaixtakerien kontrako erremediorik aurkitzeko.

Hala zuk ere lasterka sartu behar zare zure bihotzeko gela gordean Jainkoaren helzakitzaren ahalik berokiena eskatzeko.

Ezen hargatik irakurtzen dugu Gabaonitek enganatu zituztela Josue profeta eta Israeleko umeak, zeren Jainkoari konseillu ezpaitzaizkon lehen eskatu, baina bere etsaien hitz ezteiei zinetste sobera emanez pietate falsoz lilluratu baitziren.



## HOGOI ETA HEMERETZIGARREN KAPITULUA

*Eztuela gizonak eztuela sobera kexatu behar ekitekoetan.*

1. Semea, emazu bethi ere zure egitekoa ene eskuetan, nik ongi erre-kaitatuko dut bere denboran.

Iguriko zu ene ordenanzari, eta handik sentituko duzu probetxu.

Jauna, bihotz onez utzten derauzkitzute ene ekiteko guziak, zeren gogoan dudan antzeak eta arthak guti aitzina dezake.

Ailiotsa zure ontasunak nahi sobera hagitz kexa enendin etorkizuneko kasuak gatik, aitzitik bethi prestik egon nendin zure borondate sainduaren egiteko.

2. Semea, hainitzetan artha handiz kexu dabilla gizona desiratzen duen gauzaren ondoan, bainan hura ardietsi duenean, hasten da bertze sentimendurik hartzen.

Ezen gauza ber batetarako afekzioeak eztute iraupe luzerik, aitzitik bihotza darabillate batetik bertzeri.

Ezta beraz guti, gauza gutienetan era bere buruari uko egitea.

Gizonaren egiazko probetxua da bere buruari uko egitea, eta puntu hartara etorri denean hagitz da libro eta seguratua.

Ordea etsai zaharra, nola prestu guzien kontra iarria baita, ezta nihoiz ere gelditzen tentatsetik baina gauaz eta egunaz erorgarizko arteak asmatzen eta hedatzen tu ea suertez bere sareetara iraitz deza-keienz bere buruari guardia emaiten eztoena.

Zaudete erne eta othoitzetan, dio gure Salbatzailleak, tentamendutan eror zaitezten beldurrez.

## LAU HOGOIGARREN KAPITULUA

*Gizonak bere buruz eztuela deus onik eta ezin loria ditekeiela deusez ere.*

1. Jauna, zer da gizona, zu hartaz orhoitzekotz? edo zer da gizonaren semea, zuk hura bisitatzekotz? Zer merezi izan du gizonak, zuk hari zure grazia emaitekotz?

Jauna, zertaz arrankura naiteke utzten banauzu? Zer arrazoin dut zure kontra ihardukitzeko, ni eskatzen naizena egiten ezpaduzu?

Segurki hau pensa dezaket eta egiaz erran: Jauna, ez naiz deus ere, deusik ezin daidit, eztut neure buruz deusere onik; baina guzietan eskasten naiz, eta bethi ezdeusera eramaiten naiz.

Heltzen ezpazaizkit, eta ene barrenean irakasten ezpaderautazu, naizen guzia epeltzen naiz eta flakutzen.

2. Ordea zu, Jauna, bethiere orobat zare, sekulakotz zarena zaude, bethi on, iustu eta saindu: bethi ongi, iustuki eta sainduki gauza guziak egiten tutzu, eta zure zuhurziak ordenatzen.

Baina ni, nola erorkorago bainaiz errazago bainaiz huts egiten, aitzinatzen baino, ez nago bethi estante batean, zeren zazpi denbora aldatzen dira ene gainean.

Badarik ere plazer duzunean, eta zure esku maitea hedatzen derautazun bezain sarri, hobeki kausitzen naiz.

Berdin zu xoilki hel zakidizket gizonen arartekotasunik gabe, eta halako indar eman diazakedazu, non ene bekokia ezpaita geiago hainitz aldetarako, eta non ene bihotza zu gana itzuliko baita eta zure baitan, pausatuko baitu. Deskansatuko baita.

3. Halakotz ongi baneaki munduko konsolazione guzien arbuiatzen, dela debozioearen ardietsiteko dela zure bilhatzeko mengoaz eta beharrez, dakidala eztela nihor konsola nazakeienik, orduan arrazoinez ahal nuke esperanza zure graziaren ardietsiteko, eta konsolazione berri baten dohainaz bozteko esperanza.

4. Eskerrak zuri, Jauna, nola zure ganik heldu baita ongi heldu zaitan guzia.



Nitaz bezanbatean banitatea naiz eta ezdeusa zure aitzinean, gizon flakoa eta ezin nagokeiena naiz.

Nondik bada loria naiteke, eta zergatik guthizia dut estimatua izaiteko? Ene ezdeusagatik othe? bainan hau da gauzarik erhoena.

Gerthuz loria alferra da, izurri gaixtoa, xori burutasunik handiena apartatzen baigaitu egiazko loriatik eta zeruko loriaz billusten.

Ezen gizonari bere baitan laket zaionean, higointzen zaitzu, hura higoin duzu: eta noiz ere ahoa zabaldurik munduko laudorioen ondoan baitabilla, egiazko bertuteez gabetzen da.

5. Bada egiazko loria eta bozkariotasun saindua da zure baitan boztea, ez bere burua baitan; zure izenean atsegin hartzea, ez bere bertutean, eta kreaturetan plazerik ez hartzea zure gatik baizen.

Lauda bedi zure izena, ez enea: laudoriozki aipha bedi zure obra, ez enea: benedika bedi zure izen saindua, eta eztakidala niri eman munduko laudoriorik bat ere.

Zu zare ene loria, zu ene bihotzeko bozkariomendua: zure baitan loriatuko eta bozkariotuko naiz egunak diraueino; nitaz bezanbatean eztut atseginik bilhatuko ene flakotasunetan baizen.

6. Iuduek bilha bezate elkarganikako loria, nik Jainkoa ganik heldu dena xoilki bilhatuko dut.

Gizonaren loria guzia, mende hunetako ohore guziak, munduko gradu eta estatu handiak zure sekulako loriarekin komunztaturik eztira banaloria eta erhokeria baizen.

O ene egia eta ene miserikordia. Ene Jainkoa, Trinitate saindua, zuri xoilki laudorio, ohore, bothere eta loria sekula sekuloronekotz.

## BERROGOI ETA BATGARREN KAPITULUA

*Denborazko ohore guzien mesprezioaz.*

1. Semea, eztakizula gaitzi ikusten baditutzu bertzeak ohoraturik eta goititurik, zu ordea mesprezaturik eta beheititurik.

Goiti zazu bihotza ni gana zerura, eta gizonek lurtean egiten duten mesprezioak etzaitu damutuko.

Jauna itsuturik gaude, eta banitateak laster enganatzen gaitu.

Ongi miratzen badut neure burua, ezta kreaturarik egundaino bidegaberik egin derautanik eta halatan eztut zertaz zure kontra arrankuratzetik.

2. Ordea nola maiz eta handiro ofensatu baitzaitu zuzenez kreatura guziak armatzen dira ene kontra.

Hargatik arrazoinenez emaiten zait ahalkea eta mesprezioa *egiten*, eta zuri *dagotzun* laudorioa, ohorea, eta loria.

Eta ni hartara iarten ezpanaiz, non gogo onez nahi dudan guziek utz nazaten mesprezaturik, eta ez deustzat iduki nazaten, ezin duket barrenek bakerik eta dagokeien bihotzeko finkamendurik, ez eta espirituzko argimendurik ez eta zurekiko batasun osorik.



## BERROGOI ETA BIGARREN KAPITULUA

*Eztela bakea ezarri behar gizonetan.*

1. Semea, zure bakea ezarten duzu nihor baitan, zeren zure gogorakoa den, edo zeren elkarrekin zabiltzaten, nahasiko zare, eta eztuzu sosegurik izanen.

Baldin ordea ihesi bazoaz bethi bizi den eta bethi dirauen egia gana, eztare damutuko zure adiskidea zure ganik apartatua edo hillagatik.

Zure adiskideari diadukozun amorioa ene baitan finkatu behar da, eta nor ere prestu baitadukazu bizitze hunetan prestu eta hagitz maitatzeko baitadukazu, hura onetsi behar duzu ene gatik.

Adiskidetasunak eztu deus balio eta eztu iraunen ni gabe: ezta egiazko amoriorik ez garbirik, nik hura egiten ezpadut.

Hala behar duzu hilla egon maite ditutzunen afekzionetan, non (zutaz den bezanbatean) prestik zaudezin eta desira dezazun munduko konpainiarik gabe bizitzera.

Hanbatenez gizona hurbiltzenago zaio Jainkoari, zenbatenez urruntenago baita lurreko konsolazionetarik.

Hanbatenez ere gorago ikaiten da Jainkoa gana, zenbatenez barrengo iausten baita bere baitara, eta bere burua xipiago baitaduka.

2. Baina nork ere biatio zerbait onik baduela bere burutarik, trabatzen du Jainkoaren grazia haren gana etortzetik, zeren Espiritu sainduaren grazia bethi baitabilla bihotz humillaren bilha.

Baldin bazeneaki zure buruaren osoki ezdeus egitea, eta amudio kreatu guziez hutsten, orduan behar nuke zure baitan hainitz graziarekin sartu.

Kreaturetan behatzen duzunean Kreatzaillearen lista eramaiten zaitzu.

Ikazazu gauza guzietan zure buruari garaitzen Kreatzaillearen amorioa gatik, eta orduan helduko ahal zare Jainkoaren ezagutzara.

Zenbat ere xipi baita gauza bat, behar ez bezala onetsten eta begiztatzen bada, gibelatzen du gizona guzien gaineko ontasunetik eta arima pozoatzen du.

## BERROGOI ETA HIRURGAREN KAPITULUA

*Banaloriazko eta munduko iakintasunaren kontra.*

1. Semea, etzaitezila uki gizonen hitz ederrez eta sotillez, zeren Jainkoaren erresuma eztago hitzetan, baina bertutean.

Beha zazu ene hitzetara: irazekitzen dute bihotza eta arima argitzen, erakartzen dute urrikimendua eta hainitz konsolazione emaiten.

Eztezazula sekulan hitzik irakur iakinsunago edo zuhurrago iduritzea gatik: bainan ikazazu bizioen bildumatzen, zeren handik probetxu geiago atherako duzu, bazeneaki baino hainitz puntu eta galde gaitzi ihar-detsten.

2. Hainitz gauza irakurri eta ikasi dukezunean bethi behar da ithurburu batetara bihurtu.

Ni naiz gizonari iakintasuna irakasten diodana, eta ezagutza klarago humillei emaiten derauedana, nihork bertzek irakas dezaken baino.

Nori ere mintzo bainatzaio, hura laster izanen da zuhur eta hainitz probetxu eginen du espirituan.

Zori gaitza gizonetara dabilzantentzat hainitz sotilleziaren ikasten, eta niri serbitzu egiteko bidez axola guti dutenentzat.

Etorriko da denbora non agertuko baita Iesus nausien nausia, Angeruen jauna, guziei bere lekzioneak erran arazitzeke, erran nahi da, batbedearen konszienziaren miratzeko.

Orduan Jerusalemeko soko-moko guziak miratuko dira argiak pitzturik; orduan zer ere estalirik eta gorderik baitzegoen ilhunbetan, agertuko da eta hitzen arrazoinak ixilduko dira.

3. Ni naiz begi keinu batez adimendu humilla alxaxen dudana, eta sekulako egiaren ganean arrazoin geiago emaiten diot aditzera, nihork hamar urthez eskoletan ibilliz iakin dezakeien baino.

Nik irakasten dut hitz azanzik gabe batari eta bertzeari zer iduri zaion behatu gabe, ohorezko buruperik gabe, eta arrazoinamenduzko ihardukimendurik gabe.

Nik bai nik irakasten dut lurreko gauzen mesprezatzen, presenteko- ez nardatzen, bethierekoen bilhatzen eta saporatzen, ohoretarik ihes egi-



ten, eskandaluen pairatzen, ene baitan esperanza guziaren ezartzen, nitaz kanpoan deusez ere ez guthiziatzen, eta guzien gainetik niri beroki amorioz itxekitzen.

4. Urliak niri amorioz lotuz barrenalde guziez Jainkoaren gauza gordeak ikasi zituen, eta hetaz miragarritzki minzo zen.

Probetxu geiago egin zuen gauza guzien utzteaz sutillen estudiatzeaz baino.

Ordea batzuei mintzo natzaie gauza arruntenez eta bertzei bereziez. Emeki agertzen natzaie batzuei seinaletan eta figuretan, eta bertzei misterioak klaratzen derauztet argidura handi batez.

Libururen hitzkuntza orobat da guzientzat; eztitu ordea guziak berdinzki dotrinatzen.

Zeren ni naiz barrenean egia irakasten dudana, bihotzak sondatzen, gogoak ezagutzen, obrak aitzinatzen ditudana, eta diren guziei partitzen derauedana gaiak iujeatzen ditudan arauera.

## HOGOI ETA HAMALAU GARREN KAPITULUA

*Kanpoko gauzak ez bereganatzeaz.*

1. Semea hainitz gauzatan behar duzu iakin gabea egon, eta kontu egin hilla bezala zaudela lurraren gainean, eta mundu guzia zuretzat gurutzatua dela dagoela.

Behar duzu halaber hainitz gauza iragan beharriak gorturik, eta lehenik gogoeta egin zure bihotzeko bakeari dagozkenez.

Hobe da begiak itzultzea desgogarazko gauzetarik, eta batbedera utzteza bere sentimenduarekin, ezen ez ihardukitzeko hitzetan iartzea.

Ongi bazaude Jainkoarekin, eta behatzen baduzu haren iujeamendura, errazkiago pairatuko duzu garaitua izaitea.

2. O Jauna, nora gare? Huna denborazko kalte baten gatik nigarrez iartzen gara, nekatzen gara irabazia aphurra gatik nekatzen gara, eta laster gabiltza haren ondoan; bizkitartean kalte espirituala ahantsten zaiku, eta nekez, beranduan ere, bihurtzen gare gure gana.

Gogo dadukagu probetxu guti baizen, edo bat ere ez takazketen gauzen gainean, eta den premiazkoena ansiagabez iragaiten dugu.

Zeren gizona bihotz guziaz largatzen da kanpokoetara, eta laster bihurtzen ezpada bere gana, hetan gogotik etzaten da gathibaturik.



## BERROGOI ETA BORTZGARREN KAPITULUA

*Etzaiela guziei zinetste eman behar, eta maiz huts egiten dela hitzetan.*

1. Jauna hel zakizkit ene tribulazionetan, zeren alferrik beha nago nork libratuko nauen.

Zenbatetan eztut federik ediren federik uste nuen lekuan? eta zenbatetan ediren du fedea gutien uste nuenean?

Alferrik bada esperanza emaiten da gizonetan, baina iustuen salbamendua zure baitan da, o ene Jainkoa.

Zarela benedikatua, ene Jainko Jauna, gertatzen zaizkigun guzietan. Flako gara eta ezin gaudezke, laster enganatzen gara eta ganbiatzen.

2. Nor da bere burua halako artharekin eta zuhurziarekin begira dezakeienik, non ezta din batzutan eror zenbait enganamendutan eta garritan?

Ordea zure baitan fidatzen dena, eta bihotz sinpleaz zure bilha dabilana, ezta hain errazki behaztopatzen.

Zenbait tribulamendutan erortzen bada, nola ere izanen baita korapillatua, zuk hura laster bai laster atherako duzu eta konsolatuko, berdin zure baitan esperanzatua eztuzu bethikotz utziko.

Adiskide guti da, leialik, bere adiskidearen herstura guzietan bethi leial eta finko dagoenik.

Zu, Jauna, zu xoilki zare guziz leiala inkontru guzietan, eta zutaz lekora ezta zu bezalakorik.

3. O zein zuhur zen arima saindu hura, erraiten zuenean: Ene bihotza, ene gogo finkatua eta zimendatua dago Iesus baitan.

Hura bezalakoa baninz, munduko beldurrak enenzake hain errazki asalda, ez eta hitzen tragazez hala uki. Enenzakete hala uki.

Nork dakuskike guziak hel baino lehen? nor begira daite etorkizuneko gaitzetarik?

Baldin aitzin-ikusiez maiz ere zaurtzen badute, zer eginen dute ustegabe koek garratzki iasartziaz bertzerik?

Ordea zergatik nik miseriatsu horrek eztiot hobeki neure buruari aitzinetik behatu?

Zergatik ere horrein errazki zinetse tut bertzeak?

Baina gizon gare, eta gizon erorkorrak, bertzerik ez, hainitzek uste dutelarik Angeru garela, eta Angeru deitzen gaituztelarik.

Nor zinetseko dut, Jauna? nor, zu baizen? Zu zare nihor enganatzen eztuzun, eta ezin engana ditekeien egia.

Bertze alde, nahiz den gizona gezurtia da, flakoa, nihon ezin egona, leun eta erorkorra hitzetan behintzat geienik; hala non nekez berehala zinetse behar baitira egia diruditen gauzak.

4. Zein zuhurki aitzinetik abisatu gaituzun begiratu behar dela gizonetarik! gizonaren etsaiak direla haren etxe koak, eta eztela zinetse behar nihork erraiten badu; huna hemen da, edo horra non den.

Ene kalteak egin nau iakinsun, eta Jainkoak aillotsa zure ontasanak nahi hala gertatu lizen nik neure buruari hobeki guardia, eta erhokeriarik ez geiago egitea gatik.

Begirauzu, dio urliak, begirauzu, idukazu, zure baitan nik erran hitza. Eta ni ixil nagoenean, eta zinetsten dudanean haren errana gorderik dagoela, berak ezin estal dezake nahi zuen nik estal nezan gauza; aitzitik berehala salhatu nau saldu nau eta bere burua ere salhatu, eta ioan da.

Begira nazazu, Jauna, halako elhetarik, eta zuhurgabeko gizonetarik, beldurrez hekin eskuetan eror nadin, eta hek bezalako hutsik dagidan.

Emadazu ahoan egiazko eta zinezko hitza, eta ezti azadazula utz bi aldetako mihirik. Eta lekora zazu ene ganik mihi.

Bada eta ezipada begiratu behar naiz pairatu nahi eztudanetik.

5. O zein gauza ona eta bakegarria den bertzeez ixil egoitea, guziak orobat ez zinetstea, eta enzunak arinki ez kanporatzea, gutiri bere burua agertzea, zu bihotz jakile bethi bilhatzea, eta huna horrako hitz haize guziez ez itzultea; baina bai desiratzea barreneko eta kanpoko guziak egin ditezila zure borondate onaren arauera.

Zein gauza gerthua eta segura den zeruko graziaren idukitzekotzat munduko itxurapenari ihes egitea, ez guthiziatzea kanpotik miragarri diruditen gauzez, baina deboziona berotzen, eta bizitza oneratzan dute nei artha handiz irraikitzea.

Zenbaiti kalte egin deraue bere bertute iakinak eta lasteregi laudatuak! Zenbaiti probetxu ekarri deraue bere grazia gorderik idukiak bizitza hautskor hunetan, zeintaz erraiten baita, guzia dela tentazione eta gerla dela.



## LAUR HOGOI ETA SEIGARREN KAPITULUA

*Jainkoa baitako fidanzaz hitzen tragaza aurtikien kontra.*

1. Semea, zaude gizon gisa finko, eta duzun esperanza ene baitan.

Ezen hitzak zer dira hitzak baizen? Airean dabilta, bainan eztute harririk zaurtzen eztiote harriari kalterik egiten.

Hobenduri bazare, orhoit zaite oneratzeko borondate hartzeaz.

Hobenik ezagutzen ezpaduzu zure baitan, orhoit zaite zure kontra hitzunkeria gogotik pairatu behar duzula Jainkoa gatik.

Guti da zuk hitzak batzutan pairatzea, azote bortitzik ezin oraino paira dezakezunaz geroztik.

Zergatik hain gauza aphurak iragaiten derautzu bihotza, zeren oraino haragizkoa zaren, eta munduaz behar den baino kontu geiago egiten duzun baizen.

Ezen nola beldur baitzare mespreza zaitzez, eztuzu nahi nihork erakus diatzatzun zure hutsak eta zure buruaren edeki atheratzeko aitzakien eta desenkusen itzalpeak bilhatzen tutzu.

2. Ordea mira zaite hobeki, eta ezagutuko duzu oraino zure baitan bizi dela mundua eta gizonen gogalgin izaiteko amudio ergela.

Ezen ihesi zoazkonean beheitimenduari, eta zure eskasak gatik merezi duzun ahalkedurari, segur ageri da etzarella oraino egiazki humilla, eta mundukotz osoki hilla, eta mundua zure bihotzean eztela gurutzatua.

Baina adi zazu, ene hitza, eta eztuzu axolarik izanen munduko erranez hamar milla balira ere.

Horra zure kontra erran balitez gaixtakeriarik handienaz asma eta pensa ditezken guziak zer kalte egin liazakezute, utz bazenetza iragaitera, eta fitzkeria bat baino geiago ezpazenedutza? Ille izpi huts bat athera othe liazakezute burutik?

3. Ala baina bere bihotzean barrena eztagoena, eta Jainkoa begien aitzinean eztadukana errazki asaldatzen da bere hutsen kontrako hitzik erraiten zaionean.

Kontrara ene baitan fidatzen dena, eta bere buruko zuhurziaren gainean thematzeko eta nabarnentzeko guthiziarik eztuena, ezta munduaren beldur izanen.

Zeren ni naiz iujea eta sekeretu guzien iakilea ezagutlea: nik dakit nola egin den egitekoa: nik ezagutzen tut bidegabegillea eta bidegabetzatua.

Hitz hori ilki da ene ganik, nik egitera utzirik hori gertatzen da hainitz bihotzetako gogoeta ager ditezin gatik.

Nik hobendurik eta hobengabea iujeatuko itut bainan arrazoin estali batez nahi izan dut bata eta bertzea lehenik frogatu.

4. Gizonen lekukotasunak hainitzetan enganatzen du, baina ene iujeamendua bethi da egia, bethi iraunen du, eta nihork eztu hura gezurtatuko.

Hainitzetan gorderik dago, eta nihork gutik hura ezagutzen du bere parte guzietan: halarik ezta nihoiz errebelatzen, eta ezin errebela diteke, batzutan zuhurgabeen begiei iduri zaielarik eztela xuxena.

Ni gana beraz etorri behar da iujeatzeko diren gauza guzietan, eta ezta bere ustearen gainean permatu behar.

Ezen zer ere iustuari gertatuko baitzaio Jainkoa ganik, ezta hargatik aldaratuko, eta zuzen ezten gauzarik haren kontra errana gatik eztu ansia hainitz izanen.

Ezta ere loriatuko bertzeak haren alde iarriak gatik haren arrazoinaren balia arazitzeke: Ezen orhoitzen da nik miratzen ditudala bihotzak eta barrenaldeak sondatzen ditudala, eta eztudala iujeatzen nihoren begitar-tearen edo munduko iduriaren arauera.

Zeren gizonen iujeamendura laudatzeko den gauza, hainitzetan ene begietan da baiatzekoa.

5. Ene Jainko Jauna, Juje iustua, bothez eta pazienziar bethea, gizonen erorkortasuna eta gaixtarasuna ezagutzen duzuna, zarella zu ene indarra eta fidanza guzia, zeren ene konszienzia eztut etzait aski.

Zuk dakizu nik eztakidana, eta hargatik ene hutsak erakusi izan zaizkidanean behar izan dut humil iarri eta emeki pairatu.

Ene iuje emea, arren barka diazadazu humil eta manso egon enaizen ordu guziak gatik, eta indazu berriz ere grazia bertze aldi batez geiagorik pairatzeko.

Zeren zure neurrigabeko miserikordia hobe zait barkamenduaren ardietsteko, ezen ez nik neure ustez dudan iustutasuna eta hobengabetasuna ene konszienzian estalirik dauntzan hutsen defendatzeko ederki atheratzeko.



Eta hobenik sentitzen eztudalarik neure baitan, guziarekin ere ezin derraket iustu naizela; zeren zure miseriak kanporarik, ezta bizien artean iustu aurkituko denik zure begien aitzinean.

## BERROGOI ETA ZAZPIGARREN KAPITULUA

*Gaitz guziak pairatu behar direla sekulako bizitzea gatik.*

1. Semea, ene ganik hartu dituzun trabailluek etzaitzatela hauts, eta tribulazioneak etzaitzatela alde guziz beherera egoitz: bainan ene promezak azkar, bortitz eta konsola zaitzala heldu zaizkitzun guzietan.

Aski naiz zure saristatzeko neurri mukuruz eta nahiz bezala baino geiago.

Etzare denbora handiz hemen nekatuko, ez eta bethiere doloz kargatuko.

Igurikazu aphur bat, eta sarri ikusiko duzu zure gaitzen finamendua. Etorriko da orena non trabailluak eta abarrotsak geldituko baitira. Aphurra eta laburra da denborarekin iragaiten den guzia.

2. Egizu egiten duzuna, hari zaitze fidelki ene mahaztian, ni izanen zure saria.

Eskiriba zazu, irakur, kanta, zaude hatsberapenez, ixilik, othoitzez, kontrako guziak paira tzatzu gizon gisa, sekulako biziak balio itu gudu hek guziak eta handiagorik ere.

Jainkoak dakien egunean etorriko da bakea, eta egun hura ezta izanen mende hunetako ez eguna, ez gaua, baina bai bethiko eta fingabeko argia, bake fermua eta sosegu segura.

Orduan eztuzu erranen; nor libratuko nau gorputz hil beharrezko hunetarik? Eztuzu oiuz erranen: Ha zer da nitaz, ene hemen egoiteko ephea luzatu baita.

Zeren herria iraitsiko da ilhunbetara, salbamendua izanen da ezin ahituzkoa, ezta grinarik bat ere izanen, baina bai alegrianza doatsua, bilzarre arraia, konpainia amolsua.

3. O zeruan ikusi bazinitu sainduen koro ederrak, zein loria handiz orai gozatzen diren lehen munduko iduriz mesprezatzekoak eta kasik bizitzea merezi etzuten hek berak.

Gerthuz humil eta apal zindezke lurreraino, eta lehen hauta zenezake guzien azpian iartzea, ezen ez baten ere gainean esku izaitzea, etzindezke guthizia bizitze hunetako egun ederrez; aitzitik laket lekidikezu Jainkoa



gatik pairatzea, eta irabazia guziz handitan har zenezake gizonen artean ezdeustzat kondatua izaita.

4. O baldin gauza horiok zure gustura balire, eta zure bihotzean barrena iragan balitez, nolatan ausart zindezke behin ere arrankuratz.

Nekagarri guziak ez othe dira pairatzekoak sekulako bizia gatik?

Ezta gutia Jainkoaren erresumaren galtzea edo irabaztea.

Alxa bada begiak zerura. Huna ni eta ene saildu guziak enekin: hainitz gudu eta handiak izan tuzte munduan, orai bozkariotzen dira eta konsolatzen, orai segurean eta soseguan daude, eta sekulakotz enekin egonen dira ene aitaren erresuman.

## BERROGOI ETA ZORTZIGARREN KAPITULUA

*Sekulako egunaren edertasunaz eta bizitze hunetako hersturez.*

1. O gaineko hiriko egoitzaren doatsua! O sekulako egunaren argia, gauak ilhutzen ezteua, baina guzien gaineko egiak bethi bere argi izpiez alde guzietarik inguratz duena.

Egun bethi arraia, bethi segura, eta nihoiz ere bertzetara aldatzen ganbiatzen eztena.

Ailitzaiku egun hura ilki! ailute hemengo kauza guziek fin hartu.

Egia da argi egiten derauela sailduei ardurako distiagarridura batez; baina lurreko sailduraleek eztute hura ikusten urrutitik eta miraillean baiden.

2. Badakite zeruko burgezek zein alegera den hango egoitza; bainan Evaren seme desterratuak hatsbeherapenez daude ikusteaz zein kiratz, samin eta unhagarri den hemengo.

Bizitze hunetako egunak laburrak dire eta gaitzak, dolerez eta hersturez betheak: hemen hainitz bekatuk lizuntzen dute gizona, hainitz pasionek korapillatzen, hainitz beldurrek hersten, hainitz ausiak eta grinak barraiatzen, hainitz kuriostasunek erabilten, hainitz banaloriak amarrazten, hainitz enganamenduk eta falseriak inguratz, hainitz neke-trabailuk porrokatzen, tentamenduk kargatzen, plazerek malgutzen eta flakatz, pobrezia tristetzen eta lazeriatzen.

3. O noiz etorriko da gaitz horien finamendua? noiz libratuko naiz bizioen gathibusun ondikozko hunetarik? Noiz, Jauna, zutaz xoilki orhoituko naiz? noiz neure bethean boztuko naiz zure baitan? Noiz izanen naiz egiazko libertatean traburik gabe, gorputzeko eta arimako garririk gabe?

Noiz izanen dut bake konpli hura, bake segurata, eta ezin hautsizkoa, barreneko eta kanpoko bakea, bake alde guzietarik finkatua?

Jesus ona! noiz agertuko naiz zure aitzinera zure ikusteko? noiz miratuko dut zure erresumako loria? noiz izanen zaizkit gauza guziak gauza guzietan?



O noiz zurekin izanen naiz zure maitei egundainoz geroztik preparatu derauezun erresuman?

Gelditu naiz pobrerik eta desterraturik etsaien lurrean, non ezpaita egunorozko gerlarik eta inkontru gaixtorik baizen.

4. Arren konsola nazazu ene desterruan, ema zazu ene dolorea, zeren ene bihotz guzia hatsbeherapenez dagotzu, eta zer ere konsolagarri munduak hemen eskaintzen baiteraut hura guzia karga zait.

Badut desira zutaz ene baitan barrena gozatzeko, bainan ezin lot nakidikezu.

Guthizia handia dut zeruko gauzei itxekitzeko baina mundukoek eta hildugabeko pasioneek beheiti egoitzen naute.

Nahi dut gogoz eta arimaz ikan gauza guzien gainera, bainan haragiak bortxaxen nau hekien azpian iartzera nahi ez tudalarik.

Hala ni ondikoeko hori guduan hari nau neure buruarekin, eta nero ni egin naiz neure unharri; nahi baitu espirituak ikan goiti, eta haragiak beherean egon.

5. O zer pairatzen dudan ene baitan noiz ere zeruko gauzak gogoan darabiltzadanean, haragizko gogoetak berehala tropelaka heldu baitzaizkit othoitzetan nagoela.

Ene Jainkoa, etzaitzila urrun ene ganik, etzaitzila koleraturik itzul zure serbitzaria ganik.

Aurtiki zazu zure zizmixtetarik bat ene bihotzera, eta hedoi goibel hek barraia tzatzu. Darda tzatzu zure tragazak, eta haiza bitez etsaiaren gogoramendu gogoragarri guziak.

Bil etzatzu ene sensuak gorputzeko eta arimako ahalak zure gana, ahants diatzakidatzu munduan diren guziak, indazu indarra bizioen itxurapenen orhoitzapenen egoitzeko eta mesprezatzeko.

O egundainoko egia hel zakizkit, beldurrez banitateak eraman nazan. Zatozkit, zeruko ezintasuna, eta lizunkeria guzia bihoa ihesi zure aitzinetik.

Barka diazadazu halaber zure miseriak noiz ere orazionean zutaz bertzerik baitarabilla gogoan: egiaz aithortzen baitut hagitz ohitua naizela gogor barraiatzen eta errebelatzen.

Hainitzetan eznago ene gorputza xutik edo iarririk dagoen lekuan: aitzitik nora neure gogoetek bainaramate, han naiz geienik. Non baita ene gogoa, han naiz, eta ene gogoa maiz da maite dudan gauza den lekuan.

Zertan ere naturalezaz edo usanzaz laket baitut, hura laster heldu zait burura.

6. Hargatik zuk, o egia bera zarena, ageriki erran duzu; non ere baita zure tresora, han da zure bihotza.

Zerua maite badut, zeruko gauzak plazerki darabiltzat gogoan.

Mundua maite badut, alegeratzen naiz munduko zori onaz eta gaitzaz tristetzen.

Haragia maite badut, haragizko plazerak gogoratzen zaizkit.

Espiritua maite badut, atsegin hartzen dut gauza espiritualetan pensatzeaz.

Hitz batez, zer ere maite baitut, hartaz gogotik minzo naiz eta bozten ere minzaten aditzeaz, bai eta maite ditudan gauzen figurak eta iduriak enekin daramatzat etxera.

Alabaina, doatsua da, Jauna, zure gatik kreatura guziak bere ganik igortzen dituen gizona, eta naturalezari borxa eginik haragiaren guthiziak espirituko beroduraz gurutzatzen dituena, arren konsziencia kalmaturik orazione garbirik ofrenda diazazun, eta lurreko gauzak kanpotik eta barrenetik etxaturik Angeruen biltzarrean sartzeko gai gertha dadintzat gatik.



## BERROGOI ETA BEDERATZIGARREN KAPITULUA

*Sekulako biziaren desiraz, eta zein handi diren haren gatik  
guduan hari direnei agindurikako ontasunak.*

1. Semea, noiz ere sentitzen baituzu sekulako doatsutasunaren zure baitara gainetik isurtzen dela, eta gorputzeko herstegetik ilkiteko guthizia baituzu ene argia eta loria aitzin ondoko itzala gabe ikus dezakezuntzat: zabal ezazu bihotza eta har ezazu inspirazione saindu hura afeziona oso batez.

Emoitzu gaineko ontasunari ahalik esker handienak, zeren horrela zurekin hari den, begitartetsuki bisitatzen zaituen, beroki atzartzen, bot-heretsuki alxatzen, beldurrez zure pisuz lurreko gauzetara eror zaitezin.

Ezen inspirazione saindu hura etzaitzu heldu zure burutik, asmutik edo enseiutik, baina xoilki gaineko graziatik eta Jainkoak egiten derautzun begitartetik, bertutetan aitzina zaitezin, humiltasun handiagoan iar zaitezin, etorkizuneko gduetara prepara zaitezin, niri zure bihotz osoz itxeki diazadazun, eta ene serbitzatera borondate bero batez enseia zaitezin gatik.

2. Semea, hainitzetan suak erretzen du baina karra eztoa goti kea gabe.

Halaber batzuen desirak zeruko gauzetara eramaiten dira, eta guziarekin ere eztira libratuak haragizko pasionearen tentamendutik.

Hargatik Jainkoari hain beroki eske dagozkan hura bera eztute hutsik eta garbiki egiten haren ohoretan.

Halakoa da hainitzetan zure desira, zeinagatik erran baituzu hanbat kexatuko nenduzula.

Ezen ezta garbia eta konplia, nihork bere beharrez egiten duen serbitzua.

3. Eska zaite ez zuri atsegin eta probetxu ekartzen derautzuna, baina niri plazer eta ohore egiten derautana: zeren zuzenki iujeatzen baduzu, iarrai ki behar zaizko ene ordenanzari, eta hartaz kontu geiago egin behar duzu zure desirez eta desiratuez baino.

Ezagutzen dut zure desira, eta zure hatsbeherapen uzuak enzun tut.

Nahi zenduke iadanik Jainkoaren umeen loriako libertatean bazi-nunde: iadanik sekulako palazioak eta zeruko herri bozkarioz betheak alegeratzen zaitu, ordea oren hura ezta oraino etorri: bertze denbora da oraino, erran nahi da, gerla denbora, travaillatzeko, eskuei eragiteko eta frogatzeko denbora da.

Baduzu desira guzien gaineko ontasunaz betheki gozatzeko, bainan hura ezin orai ardiets dezakezu.

Ni naiz ontasun hura, dio Jaunak, iguriki diazadazu Jainkoaren erresumak datorren artean.

4. Frogatu behar zare oraino lurrean eta hainitz gauzatan erabili.

Batzutan izanen duzu konsolazione, baina satiamendu osorik etzaitzu emanen.

Indarsta zaite beraz eta bortitz naturalezak nahi eztituen gauzen egi-tera eta pairatzera ere.

Jauntsi behar duzu gizon berria bat, eta bertan batetara ganbiatu aldatu behar zare.

Hainitzetan egin behar duzu nahi eztuzuna, eta nahi duzuna utzi.

Bertzeek plazer dutena aitzinatuko da, eta zuk plazer duzuna gibela-tuko.

Bertzeen erranak enzunen dira, zuk erraiten duzunak ezta konturik izanen.

Eskatuko dire bertzeak, eta emanen zaie, zu eskatuko zare, eta eztuzu deus ardietsiko.

5. Bertzeak izanen dira handi gizonen ahotan, eta zutaz ezta hitzik erranen.

Bertzei hainitz enplegu eta egiteko fidatu zaie, eta zu etzare deusetara gai idurituko.

Hargatik batzutan naturaleza tristatuko da eta hainitz eginen duzu hitzik erran gabe pairatzen baduzu.

Jainkoaren serbitzari fidela frogatzen ohi da gauza hautan eta hauk bezalakoetan, ikustea gatik nola egin diozokeon bere buruari uko, eta nola bere borondatea hauts dezaken.

Nekez aurkituko da gauzarik zertan hanbat premia duzun zure buruari hiltzeko, nola baita zure nahiaren kontrako gauzak ikustea eta pairatzea: beregainki ordea mana zaitezinean arrazoin gabeko eta probetxu gutiagoko iduritzen zaitzun gauzarik egitera.



Eta zeren bertzeren eskuaren azpian iarriz geroztik ezin ausart baitzaitezke zure Nausiari buru egitera, hargatik iduri dagotzu gogor dela bertzeren borondateari irraikitzea zure buruko sentimendua utzirik.

6. Ordea, maitea, gogoan idukazu hain bertze neke traillauren fruitua, orhoit zaite laster ioaiten direla eta hekinsaria neurrigabekoa dela, eta ezterautzute garririk emanen, aitzitik konsolazione handi bat atherako duzu zure pairutik.

Ezen orai hemen gogo onez utzten duzun borondate aphur hura gatik, zeruan izanen duzu zure borondatea sekulakotz konpliturik.

Han edirenen duzu nahi duzun eta desira dezakezun guzia. Han izanen duzu eskuetan nahiz diren ontasunen frankia, galtzeko beldurrik gabe.

Han zure borondateak, enearekin bat eginik, eztu desiratuko kanpoko gauzarik ez eta deus ere beretzat berezirik.

Han ezta nihor zure kontra iarriko, nihor zutaz arrankuratuko, nihork etzaitu trabatuko, nihork ezterautzute bidea hersiko: baina desiratu-ko dituzun guziak batetan izanen tutzu begien aitzinean eta eskuetan, eta zure gogoa aseko dute eta gaineraino betheko.

Han ohore emanen derautzut pairatu dukezun laidoa gatik, laudoriozko mantua hartu duzun tristura gatik, eta sekulako kadira ene erresuman, zeren hemen azken lekuan iarri zaren.

Han ageriko da obedienziaren fruitua, boztuko da penitenziaren trailla, eta loriozki koroatuko da azpikotasun humilla.

7. Orai beraz iar zaite humilki guzien meneko, eta eztuzula axolarik nork hori erran edo manatu duen.

Baina Nausiak, edo zu baino gazteagoak edo zure adinekoak zerbait nahi badu zure ganik edo manatzen bazaitu, duzun artha handia den guzia onera hartzeaz, eta egizu zure ahala hark nahiaren borondate garbi batez konplitzeko.

Bilha beza batak gauza bat, bertzeak bertzea, loria bedi bata hunetan, bertzea hortan, lauda bedi millatan eta millatan, zuk har ezazu atsegin ez batean, ez bertzean, baina xoilki zure buruaren mesprezioan, ene borondatean eta ohorean.

Desiratzeko duzun guzia da, dela bizian, dela hillean, bethi zure baitan Jainkoari loria eman dakion.

## BERROGOI ETA HAMARGARREN KAPITULUA

*Nola gizon deskonsolatuak behar duen bere burua Jainkoaren eskuetara ofrendatu.*

1. Ene Jainko Jauna, Aita guziz saildua, zarella orai eta bethierekotz benedikatua, zeren enekin egin den nahi duzun bezala, eta zeren egiten duzun guzia ona den.

Alegera bedi zure serbitzaria zure baitan, ez bere baitan, ez eta nihor bertzeren baitan.

Ezen zu xoilki, Jauna, egiazko alegrianza zare, zu ene esperanza eta koroa, ene bozkarioa eta ohorea.

Zer du zure serbitzariak zure ganik hartu duenaz bertzerik, hala ere merezi gaberik?

Zureak dire eman eta egin dituzun guziak.

Pobre beharra naiz eta neketan nago ene gazte danik: batzutan tristetzen da ene arima nigarretaraino, batzutan ere nahasten da bere baitan hura akometatzen duten pasioneak gatik.

2. Nik desiratzen dut bakearen alegrianza konsolazioneko argian bazkatzen dituzun zure umeen bakearen eske nago.

Bakea emaite eta, alegrianza saildua isurtzen baderautazu zure serbitzariaren arima betheko da kanta eztiz eta zure laudoriotan iarriko da.

Ordea apartatzen bazare hainitzetan egiten zaren bezala, ezin ibilliko da lasterka zure manamenduen bidean: baina iarriko da belhauniko bere bulharrari erauntsteko, zeren eztagoen atzo eta herenegun bezala, non zure argiak argitzen baitzuen haren gainean, eta non zure hegalean itzalaren azpian begiratzen baitzen oldartzen zaizkon tentamenduetarik.

3. Aita iustua eta bethi laudatzekoa, etorri da orena zure serbitzariaren frogatzeko.

Aita maitatzekoa, arrazoin da zure serbitzariak zerbait orai paira dezan zure amorioa gatik.

Aita sekulakotz ohoratzekoa, etorri da egundainotik etorteko zela zeneakien orena, non zure serbitzaria denbora gutitako kanpotik zapatuko baita, non ordea berrenean bethi biziko baita zure begietan.



Aphur bat mespreza bedi, humil, beheiti eta flaka bedi gizonen aitzinean, porroka bedi pairuz eta langiadurez, berriz ere zurekin argi berriaren begian pitz dadin eta zeruan loriaz goza dadin gatik.

Aita saildua hala ordenatu duzu, eta hala nahi izan duzu, eta zer ere manatu baituzu, hura egin da.

4. Ezen maite duzunari egiten diozun grazia, hau da, paira dezala mundu hunetan zure amorioa gatik, noiz ere eta noren ere ganik hura utziten baituzu pairatzera.

Ezta lurrean deus egiten zure konseillua gabe, zuk aitzinatik ikusi gabe, ez eta arrazoin gabeki.

Jauna, on da enetzat zeren humildu nauzun, arren zure legeak ikas detzadan bihotzeko alxadurak eta soberaniazko burupeak egoitz detzadan gatik.

Probetxu dut zeren ahalkeak estali derautan bekokia, arren ene konsoletzeko lehen zuhe bilha noan ezen ez gizonen.

Handik ere ikasi dut zure ezin sondatuzko iujeamenduen beldur izaiten beldurtzen, ikusirik gaixtoa bezala iustua ere penatzen duzula ez zuzen eta arrazoin gabe.

5. Eskerrak, Jauna, zeren ezterauzkidatzun ene gaixtakeria barkatu, eta sensatu nauzun azote garratzez, dolore kolpeka iasarriz, eta herstuz inguratuz kanpotik eta barrenetik.

Ezta zeruaren azpian konsola nazakeienik zu baizen, ene Jainko Jauna, arimen zeruko midikua; zuk zaurtzen baituzu eta sendatzen Ifernuetaraino eramaiten eta atheratzen.

Bego zure gastigamendua ene gainean, eta zure azoteak dotrinatuko eta zuhurtuko nau.

6. Huna, aita maitea, zure eskuetan naiz, kurtzen naiz zure zigorra azpian, eraunts diazadazu bizkarretik eta lepotik ene makurtasuna zure borondatearen eredura xuxen dezadantzat.

Egin nazazu diszipulu humil eta debozionetsu, egiten ohi duzun bezala, zure keinu guzietara prestik ibil nadintzat.

Neure burua eta neure ditudan guziak utzten derauzkitzut xuxentzera: hobe da mende hunetan sensa nadin, ezen ez bertzean.

Badakizkitzu diren guziak batetan eta xeheroki, eta gizonaren konsenzian ezta deus ere zure begietarik estalirik.

Badakuskitzu etorkizunekoak egin ditezin baino lehen, eta eztuzu mengoarik nihork irakas diazazun edo orhoit zaitzan lurrean egiten direnez.

Badazaguzu zer den hoberenik ene aitzinamenduko, eta zenbat balio duen tribulazioneak bizioen herdoilduraren garbitzeko.

Egizu ene baitan zure plazer onak desiratzen duen guzia, eta begiak eztetzatula itzul ene bizitze bekatutsutik: ezpaitu nihork hura zuk baino hobeki eta klarkiago ezagutzen.

7. Egizu, Jauna, iakin dezadan iakin behar dena, onetsi dezadan onetsi behar dena, lauda dezadan prezatzeke zaitzuna, puxta dezadan zure begien aitzinean lizun eta itsusi dena.

Enazazula utz kanpoko begien ikustearen arauera iujeatzera, ez eta sententzia emaitera gizon frogatugabeen aditzearen arauera; aitzitik indazu grazia egiazko iujeamendu batez ikusten diren gauzen ezagutzeko eta beresteko espiritualen artetik, eta guzien gainetik zur plazer onaren borondatearen gauaz eta egunaz bilhatzeko.

8. Hainitzetan enganatzen dire gizonen sensuak iujeamendu emaitan, enganatzen dire halaber munduzaleak, ikusten direnak xoilki maitatuz.

Zertaz da gizona hobe, bertzeek hura handi idukia gatik?

Enganariak enganaria, ergelak ergela, itsuak itsua, eriak eria enganatzen du batak bertzea laudatuz, eta egiaz ahalke geiago egiten dio hari merezi eztuen laudoriorik emaitiaz.

Zeren San Francez humillak dioen bezala, zure begien aitzinean garena gare, eta ez geiago.



## BERROGOI ETA HAMEKAGARREN KAPITULUA

*Obra humilletan iarri behar dela, ezinez handienetan ezinez.*

1. Semea, ezin zaudezke bethi bertutearen desir beroan, eta meditazioeko gradurik gorenean: bainan ethorkizko bekatuare kutsua gatik premia duzu batzutan beherekoetara iautsteko, eta bizitze galkor hunen kargaren isaiteko, nahi eztuzularik eta hartaz unhatua zarelarik.

Gorputz hilkizuna darabillakuino, bihotzean izanen duzu grina eta min.

Behar duzu beraz haragian zareino haragiaren pisuaz arrankuratu, zeren arduraki ezin zaudezken zeruko gauzen estudiatzen eta miratzen.

2. On da zuretzat lot zakizten orduan obra humillei eta kanpokoei, lan onetan zure burua arin dezazun, fidanza fermu batekin begira zaudezin noiz etorriko naizen, gainerik zuri bisita egitera, pazientzia har dezazun zure desterrua, eta gogoaren idortasuna, nik berriz beha diazazudan eta grina guzietarik libra zaitzadan artean.

Zeren hala eginen dut non ahantsiko baitzaizkitzu zure penak, eta gozatuko baitzare barreneko bake soil batez gozatuko baitzare.

Zure aitzinean hedatuko itut Eskiritura sainduen errepiradi ederrak, arren bihotza zabaldurik lasterka abia zaitezin ene menamenduen bidean.

Orduan erranen duzu bizitze hunetako pairuak eztirela konparatze-koak gure baitan agertuko den ethorkizuneko loriarekin.

## BERROGOI ETA HAMABIGARREN KAPITULUA

*Gizonak eztuela uste behar merezi duela konsolazionerik gastigurik eta azoterik baizen.*

1. Jauna, eztut zure konsolazionerik ez eta zeruko bisitarik merezi; hargatik zuzenki enekin hari zare utzten nauzunean pobrerik eta desterraturik.

Ezen itsasoak ur xort bezanbat nigar isur ahal baneza, enuke hala ere merezi konsola nezazun.

Hargatik eztut merezi azoteaz eta gastiguaz bertzerik, zeren hainitzetan ofensatu baitzaitut, eta hainitz moldez eta oldez egin baitut bekatu; beraz kontuak eginik eta egiazko arrazoinak pisaturik eztut den konsolazionerik arinena merezi.

Ordea zu, o Jainko bihotzbera eta urrikalsua, zure obretarik bat ere galtzera nahi eztuzuna, zure ontasunaren aberatstasunak erakustea gatik miserikordiaren beharra dutenen gainen, merezirik bat ere bere buruz eztutelarik, konsolatu nahi nauzu ni zure serbitzari hori nihork ezin egin nazakeien maneraz.

Ezen zure konsolazioneak eztira gizonen elkarrekiko solhasak beza-lakoak.

2. Zer egin dut, Jauna, zuk niri zeruko konsolazionerik emaitetkotz? Enaiz orhoit deus nik egin dudala, bainan bai bethi gaixtakeriara lixurtua eta oneratzera nagi izan naizela.

Egia da eta ezin uka dezaket. Bertzela erran baneza, iar zindezke ene kontra, eta elizate ene alde minzo litekeienik.

Zer merezi dut ene bekatuak gatik, Ifernuaz suak eta sekulako suaz bertzerik.

Egia aitortzen dut den trufamendurik, laidorik eta mespreziorik handiena merezi dudala eta eztagotala zure serbitzari deboten kontutan sartzea.

Eta hori damurekin enzuten dudalarik, badarik ere egiazen amorioz, nahi naiz neroni akusatatu egin ditudan bekatuez, arren zure miserikordia errazkiago ardiets dezakedan.



### 3. Zer erranen dut nik hobenduri eta ahalke guziez bethehorrek?

Ahorik eztut hitzik erraiteko, hunen baizen bekatu egin dut, Jauna, bekatu egin dut: urrikal nakizula, barka diazadazu. Utz nazazu aphur bat ene dolorearen plainatzera, lur ilhunera, lur herioko beltzturaz estali hartara noan baino lehen.

Zer nahi duzu geiago hobenduria eta bekatore esteiara ganik, lekat bere bekatuak gatik bere bihotza urrikimenduz porroka dezan eta humil dadin baizen?

Egiazko urrikimenduan, eta bihotzeko humiltasunean iaiotzen da barkazinoaren esperanza, konszientzia asaldatu sosegatzen da, grazia galdua bihurtzen da, gizona begiratzen da etorkizuneko iujearen koloraren kontra, eta elkarrilkitzen zaizko musu saindu bat emaitera Jainkoa eta arima penitenta.

4. Jauna, bekatuez urrikitze humilla da zure gogarako sakrifizioa, zure aitzinean usain hobeago emaiten duena inzensuaren keak baino.

Bai eta urrikimendua da unguenta on hura nahi izan duzuna isur ledin zure oin sakratuetara; zeren bihotz damuz porrokatua eta humildua eztuzu egundaino arbuia.

Han da ihes lekua etsaiaren begietarik: han xuxentzen eta garbitzen da, zer ere bertzenaz eta nondik nahi makurtu eta lizundu baitzen.

## BERROGOI ETA HAMAHIRURGAREN KAPITULUA

*Jainkoaren grazia eztela balsatzen gogoa lurreko gauzetan dadukatenekin.*

1. Semea, ene grazia preziosa da, eztu nahi balsatu kanpoko gauzetan ez eta lurreko konsolazionetan.

Behar ditutzu beraz graziari bidea hersten dioten guziak kendu zure ganik, nahi baduzu isur dadin zure ariman barrena.

Bilha zazu leku gorde bat zuretzat; laket bekizu zure buruarekin bakarrik egoitea:

Etzabiltzala nihorekin solas egiten; bainan egiozu Jainkoari othoitz debotik, zure bihotza urrikimendutsu eta konszientzia garbi idukiteko.

Eztagizula munduaz konturik zenbat ere handia baita.

Preza zazu Jainkoari behatzen dioten gauzetan estudiatzea eta egoitea kanpoko ibilte guziak baino.

Zeren ezin bat da niri itxeke diazadazun eta bertan iragaiten diren plazerei zarraizten.

Urrundu behar zare zure ezagunetarik eta adiskidetarik, eta munduko konsolazione guziak edeki behar diotzatzu zure espirituari.

Hau da Jondone Petri Apostolu doatsuak egiten duen othoitz: Jesusen adiskide fidelak mundu hunetan egon ditezin kanpoko eta saindurale bezala munduko guthizietarik apartaturik.

2. O zein findanza handi izanen duen hiltzerakoan, nor ere mundu hunetan deusi ezpaitatxeko afekzioez.

Baina espiritu eriak eztaki oraino zer den bihotza horrela idukitea guzietarik apartaturik eta sensuetara emanikako gizonak eztu gizon barrekoaren libertatea ezagutzen.

Halarik ere nahi badu egiazki espiritual izan, uko egin behar deraue hala hurbil, nola urrun diren guziei; eta nihoren ere ganik ezta geiago begiratu behar bere burua ganik baino.

Zeroni zure buruari osoki garaitzen bazaizko, bertze gainerakoak errazkiago azpirako tutzu.

Garaitirik handiena da bere buruaren jaun eta errege iartzea.



Ezen nork ere bere burua baitaduka bere azpiko eta meneko, hala nor guthiziak amor egin diozon arrazoinari eta arrazoinak Jainkoa guzietan obedi dezan, hura egjazki da bere buruaren nausi eta munduko jaun.

3. Baldin perfekzioneko gradu hunetara heltzeko desirik baduzu, bihotz handiz hasi behar zare, eta aizkora errora eman behar duzu, zure burua gana eta ontasun partikular eta materiazko guzietara ditutzun inklinazione gordeen, estalien eta desordenatuen ebakitzeko eta atheratzeko.

Zeren gizonak sobera desordenatuki bere burua maite baitu, handik sortzen da eta han dago errotik athera behar den guzia hurre eta halako gaitzari garaituz gero, berehala bake eta kalma handia egingen du.

Ordea zeren gutiak enseiatzen baitira bere buruari hiltzera eta ezpaitire bere ganik kanpora osoki ilkiten, hargatik bere baithan korapillatuak daude, eta espirituz arimaz ezin alxa ditezke berak baino gorago.

Baina nork ere desira baitu enekin trebeki ibilteko, behar ditu bere afekzione gaixto eta desordenatu guziak bildumatu, eta nahiz den kreaturari amudio partikular batez lotzeko ahal lukeien guthizia ebaki behar du eta iraitzi.

## BERROGOI ETA HAMALAUAREN KAPITULUA

*Natureleza bertzela eta grazia bertzela hari direla.*

1. Semea, beha zazu erneki nola hari diren natureleza eta grazia, zeren xoil sotilki hari dira bata hunela eta bertzea horrela, eta nekez nihork ezagut dezake bata bertzerik, guziz espiritual eta bere baitan argitua ezpada.

Egiaz badute guziek onaren desira, eta hitzetan eta obretan erakusten dute zerbait onik nahiz hari direla, hargatik on-iduriak hainitzak engatzen dire.

Natureleza arteza da, hainitzak bereganatzen tu, sareetan atzemaiten eta engatzen, eta bethi beretzat azkenik hari da.

Grazia ordea sinpleki dabilla, gaixto iduri guzietarik apartatzen da, eztu nihoren aitzinean enganiozkorik hedatzea, gauza guziak egiten tu Jainkoaren amorio hutsez, eta haren baitan pausatzen du bere azken xedean bezala.

2. Natureleza nekez hil nahia da, ezin paira dezake nihork hura herts dezan, nihor garai dakion, nihork aspira eta hez dezan.

Graziak gogoa daduka mortifikazionera etxatua, iartzen da sensuetarasunaren kontra, bilha dabilla nork hura azpirako duen, desiratzen du norbait nausi dakion, ezta bere libertateaz gozatu nahi, atsegin du nausiaren gobernuaren azpian egoiteaz, eztu desirik nihoren iaun izaiteko, baina bai Jainkoaren azpiko bethi bizitzeko, ibilteko eta egoiteko, eta Jainkoagatik prestik dago guzien meneko ahalik apalkiena iartera.

Natureleza bere probetxua hari da, eta beha dago zer irabazia heldu zaion bertzetarik.

Graziak eztu konsideratzen zer zaion berari on, eta zeren premia duen baina behatzenago du zerk egiten derauen hainitz bertzerik probetxu.

Naturelezak gogotik hartzen du egiten zaion ohorea eta erreberenzia. Graziak fidelki emaiten dio Jainkoari den ohore eta loria guzia.

3. Natureleza ahalkearen eta mesprezioaren beldur da.

Grazia atsegin du Jesusen izena gatik laidoak pairatzeaz.

Naturelezari on zaio alfer egoitea, eta maite du gorputzeko pausua.



Grazia ezin dagoke zerbait egin gabe, eta lanari lotzen zaio besarka. Naturelezak nahi tu gauza kuriosak eta ederzalea da, arunterak eta lodiak arbuiatzen tu.

Graziari laketzen zaio sinpletan eta mendretan, latzak eztitu mesprezitzen eta aldagarri ihetzerik iauntsteaz ezta nardatzean.

Naturelezak behatzen du oraiko gauzetara, bozkariotzen da lurreko irabaziez, damutzen da galtzeaz eta gaizki erran arin batez tarritatzen da.

Graziak behatzen du sekulakoetara, eztxete mundukoei, deus galdua gatik ezta aldaratzen, hitz gaitzez ezta haserretzen, zeren eman baitu zeruan bere tresora eta bozkarioa non ezpaita deus ere galtzen.

4. Natureleza guthiziosa da, gogotikago hartzen du emaiten duen baino, bereziki bere dituenak maite itu.

Grazia bihotzbera da, trebe eta largo guziekin, ihesi doako beretakotasunari beretzatasunari, gutiz kontetatzen da, eta badaduka hobeago dela emaita, ezen ez hartzea.

Natureleza eramaiten da kreaturera, bere haragira, banaloriara eta solhaskerietara.

Graziak erakartzen gaitu Jainkoa gana eta bertutetara, uko egiten deraue creaturei, ihes egiten dio munduari, gaitz daritste haragiko guthiziei, horra-harako ibilteak hertsten tu, ahalkatzen da jendeen artera agertzeaz.

Naturelezak desiratzen du kanpoko konsolazionea, sensuen auerako atseginik jartzeko.

Graziak bilhatzen du Jainkoa baitako konsolazionea, xoilki eta guzien gaineko ontasunean nahi du bere plazera hartu ikusten diren gauza guziak largaturik.

5. Naturelezak egiten duen guzia egiten du irabazia eta bere probetxu partikulara-gatik, deus eztaidike dohainik, bainan esperantzaten da bere ongi eginak gatik hain bertze edo geiago, laudorio edo fabore ardie-tsiko duela, eta haren desira da handiro preza dadin egiten edo emaiten duen guzia.

Grazia ordeza eztabilla munduko gauzarik bilha, eztu Jainkoaz bertzerik nahi saritzat, eta bizitzeko beharrez bezanbatean eztu geiago desiratzeko sekulako ontasunen ardiesteko premia duen baino.

6. Natureleza bozten da hainitz ahaide, adiskide eta urko izaitzez: loriatzen da bere nobleziaz eta etorkiaz, gogalgintzen da handiekin, aberatsak lausengatzen tu, eta bera bezalakoak balakutzen.

Graziak bere etsaiak berak maite itu, ezta burupetzen hainitz adiskide izana gatik, ezta duka konturik bere iaialekuaz eta aitzineko burasoez, hetan bertute geiago edireiten ezpada bertze abantailik baino: faboratzenago du pobrea, aberatza baino, urrikariago du jende xehea, bothere dutenak baino: lakutzen zaio egiatiekin eta ez enganariekin. Prestuak bethi gonbidatzen tu hoberatzeko ieloskortasun saildu batetara, eta bere bizitzetailluaren bertutez moldatzera Jainkoaren Semearen gainean.

*Aholkatzea gonbidatzea.*

Natureleza laster arrankuratzen da zerbait eskas duenean, edo zerbait hura grinatzen duenean.

Graziak bihotz sail batez iasaiten du pobrezia eta haren ondoreak.

7. Naturelezak bereganatzen tu gauza guziak, berezat gudukatzen hari da, beretzat minzo da.

Graziak bihurtzen tu guziak Jainkoa gana, zeinaganik heldu baitira bere sortzetik: eztu erraiten baduela deus onik bere buruz, eztu urgulluzko buruperik hartzen, eztiharduka, eztu bere ustea prezatzenago bertzeenak baino, baina bere uste, sentimendu eta ezagutza iakintasun guzietan iarten da egundainoko zuhurziaren eta Jainkoaren iujeamenduaren azpian.

Naturelezak nahi ditu sekeretuak iakin eta berriak enzun: nahi du kanpora zerbait handi iduritu eta bere sensuez hainitz gauza frogatu: nahi du ezagutua izan, eztu egin nahi laudoriozkorik eta miragarrikorik baiden.

Graziak eztu ansiarik elheberririk eta kuriosik enzuteaz, zeren hori guzia sortzen baita naturelezaren kutsu zaharretik, iakinik ezte laurrean deus berririk eta diraukeienik. Irakasten du sensuen hersten, bere buruaren ez ederetsten eta bantatzen, obra laudatzekoan eta miretstekeoan humilki estaltzen, gauza eta iakintasun guzietarik arimako probetxuaren, Jainkoaren laudorioaren eta ohorearen atheratzen.

Eztu nahi nihork hura edo haren den gauzarik lauda dezan, bainan haren desira da gauza guziak bere karitate hutsez partitzen dituen Jainkoa benedikadin bere dohainetan.

8. Grazia hau natureleza gaineko argia da, Jainkoaren dohain berezibat, eta, ongi minzaten hautatuen sigillua, eta sekulako salbamenduaren seinalea, bahia gizona lurreko gauzetarik zerukoan amudiora alxatzen duena, eta haragiaren arauera zebillana espiritual eta debozionetsu egiten duena.



Zenbatenez bada naturaleza zapatzenago baita eta hezten, hanbatenez grazia handiagorik isurtzen da ariman barrena, eta egunetik egunera barreneko gizona bisita berriez Jainkoaren imajinaren arauerako bihurtzen da.

## BERROGOI ETA HAMABORTZGARREN KAPITULUA

*Naturelezaren gaixtaduraz eta Jainkoaren graziaren indarraz.*

1. Ene Jainko Jauna, zure imajinara eta idurira kreatu nauzuna, indazu grazia hura, zeina erakusi baituzu hain handia eta premiazkoa dela ene salbamenduko, arren bekatutara eta galtzera naraman ene naturaleza gaixtoari garait ahal nakion.

Zeren ene haragian sentitzen dut bekatuaren legeak ene espiritua-  
ren legeri gerla egiten dioela, eta gathibu naramala hainitz gauzetan sen-  
suen obeditzera, eta haren pasionei ezin egin diezeket buru, zure grazia  
guziz saildua heltzen ezpazait, eta ene bihotzean barrena beroki sartzen  
ezpada.

2. Zure graziaren eta are grazia handiaren beharra da, bethiere gaix-  
tarasunera bere gazte danik isuria den naturalezari garaitzeko.

Ezen hura eroriz geroztik Adam lehen gizonaren faltaz, eta bekatuak  
hura lizundu zuen bezain sarri, notha eta kutsu haren pena iausti zen  
gizon guzien gainera.

Hala non zuk eder, on eta xuxen kreatu zenduen naturaleza hura  
bera orai hartzen baita naturaleza nothatuaren biziotzat eta flakaduratzat,  
zeren azkendu zaion inklinazioneak hura baitarama gaizkira eta behereko  
gauzetara.

Ezen gelditu zaion indar aphurra hautsaren azpian estalirik datzan  
su inhar bat bezalakoa da.

Huna da arrazoin naturala bera hagitz ilhundua eta lanbo handiz  
inguratua, oraino onaren ongiaren eta gaixkiaren artean iujeamendu emai-  
teko bothere duena, eta ezagutzeko zein urrun diren bata bertzetik egia  
eta gezurra, indarrik eztuelarik on zaionaren konplitzeko, eta gozatzen  
eztelarik argi betheaz, ez eta bere afekzioon osasunaz.

3. Hargatik, ene Jainkoa, neure barreneko gizonaz bezanbatean lake-  
tzen zait zure legean, dakidala zure manamendua ona, iustua eta saildua  
dela, eta irakasten derautala gaizkitik eta bekatutik ihes egitea.

Bainan haragiaz serbitzatzen dut bekatuaren legea, sensuak geiago  
obeditzen ditudala arrazoina baino.



Halakotz borondate ona datxet, bainan eztut edireiten haren konplizteko indarrrik.

Hainitzetan deliberatzen dut hainitz ongiren egitera, baina zeren grazia eskas baitut ene flakotasunari heltzeko, kontrako aphurra gatik gibelat itzultzen naiz eta flakutzen.

Handik heldu da ezagutzen dudala perfekzione bidea eta klarki asko ikusten dudala nola egin behar dudana, bainan ene gaixtaduraren pisuaz kargaturik eta zapaturik enaiz alxatzen hoberenetara.

4. O Jauna, zein premia handia dudana zure grazia hel dakidan, ongi egiten hasteko aitzinatzeke eta konplizteke.

Zure grazia gabe deusik eztaidiket: bainan hura laguntzen bazait eta bortitzten banau, badaidiket den guzia zure baitan.

O grazia egjazki zerukoa, zeina gabe ezpaitukegu merezimendurik, eta ezpaita kasurik egin behar naturalezako dohain eta abantail guziez.

Ofizioek, aberatstasunek, edertasunak, indarrak, espirituak, ederki minzatzek ezte deus balio zure aitzinean, Jauna, zure grazia gabe.

Ezen naturalezako donuak orobat dire prestuentzat eta gaixtoentzat, baina grazia edo karitatea da hautatuen abantail eta dohain berezia, estimatzen baitira sekulako biziak gozatzeko gai eta merezient hartaz seinatuak direnean.

Grazia hura hain da beregainekoa, non hura gabe deus ere ezpaita prezatzen, ez profeziako donua, ez, mirakuillu egitea, ez eta zer ere kontemplazione handi eta gora nahi den.

Are geiago, eztira zure gogarakoak, ez fedea, ez esperanza, ez eta bertze bertute guziak karitatea eta grazia gabe.

5. O grazia guziz doatsua, gogoz pobre dena bertuteez aberatsten duzuna, eta hainitz untasunez aberatstua bihotzez humil egiten duzuna.

Zato, iaute zaite ni gana, bethe nazazu goizean zure konsolazioneaz, beldurrez goga unhatirik eta idorturik flaka dadin ene arima.

Othoitzez nagotzu, Jauna, ediren dezadan grazia zure aitzinean, zeren aski dut zure grazia, izaiten ezpadut ene naturalezak desiratzen duen bertze gainerako gauzarik.

Hainitz tribulazionez tentatzen eta penatzen banaute ere enaiz gaitzen beldur izanen zure grazia enekin badago.

Hura da ene indarra, hark konseillu ematen deraut, hura heltzen zait eta laguntzen.

Hura etsai guziak baino boheretsuago da eta zuhur guziak baino zuhurrago.

6. Hark egia erakusten du, dotrina irakasten, bihotza argitzen, hersturetan konsolatzen, tristezia kentzen, beldurra kanporatzen, deboziona azten eta nigar sainduak erakartzen.

Zer naiz ni hura, egun ihar, tronko, sokil ezdeusetako eta etxatzeko bat baizen?

Beraz, Jauna, aitzin bekit zure grazia, iarraiki bekit, eta bethi idukinzala obra onetan ererik Iesu khristo zure seme maitearen amorez. Biz hala.



## BERROGOI ETA HAMASEIGARREN KAPITULUA

*Behar diogula gure buruari uko egin eta gure Salbatzaileari  
iarraiki gurutzeko bidetik.*

1. Semea, zenbatenez geiago ilki ahal baitzaitezke zure ganik hanbatenez barrenago ene baitara iraganen ahal zare.

Nola deus ere kanpotik ez desiratzeak egiten baitu barreneko bakea, hala barrenetik bere buruaz billusteak juntatzen du arima Jainkoarekin.

Nahi dut ikas dezazun zure buruaren osoki utzten ene borondatearen eskuetan, deusik kontra erran eta arrankuratu gabe.

Zarraizkit: Ni naiz bidea, egia gabe ezta ezagutzerik, bizia gabe ezta bizitzerik.

Ni naiz iarraiki behar zaizkon bidea, zinetsi behar duzun egia, esperanzatu behar zaituen bizia.

Ni naiz ezin errebela diteken bidea, ezin engana dezaken eta ezin engana diteken egia eta mugarri gabeko bizia.

Ni naiz bide xuxenena, guzien gaineko egia, egiazko bizia, bizi doatsua hasten gabeko bizia.

Ene bidea bazaude, ezagutuko duzu egia, eta egia libratuko zaitu, eta sekulako bizia ardietsiko duzu.

2. Nahi baduzu bizian sartu, begira tzatzu ene manamenduak.

Nahi baduzu egia ezagutu, zinets nazazu.

Nahi baduzu ene diszipulua iarri, uko egiozu zure buruari.

Nahi bazaizko bizitze doatsuari iabetu, mespreza zazu presenteko bizia.

Nahi baduzu zeruan gradu handirik, humil zaite munduan.

Nahi baduzu enekin errege iarri, iasan ezazu gurutzea enekin.

Ezen gurutzearen serbitzariak xoilki kausitzen dute doatsutasunaren eta egiazko argiaren bidea.

3. Ene Jesus Jauna, zeren zure bizia hersia baita eta munduak mesprezatua, indazu grazia zuri iarraiki nakizun mundua mesprezaturik.

Ezen ezta serbitzaria bere Jauna baino handiago, ez eta diszipulu nausiaren gaineko.

Mania bedi zure serbitzaria zure bizitzean, zeren han dago ene salbamendua eta egiazko saindutasuna.

Zer ere hartaz kanpoan irakurtzen edo enzuten baitut, ezteraut bihotza alxatzen ez eta plazer osorik emaiten.

4. Semea, gauza hauk guziak ezagutzen eta irakurri dituzunaz gero, doatsu izanen zare konplitzen badituztu.

Nork er baitakizki ene manamenduak eta begiratzen baititu, hark maite nau, eta nik hura izanen dut maite, hari agertuko natzaio eta iararaziko dut enekin ene aitaren erresuman.

Jesus Jauna erran eta prometatu duzun bezala, egin ere bedi hala, eta ainadin merezidun gertha.

Hartu dut, hartu gurutzea zure eskutik hura jasanen dut eta jasanen heriotzeraino, soinean eman derautazun bezala.

Egiazki Gristino prestuaren bizitza da gurutzea, baina parabisura gidatzen duen gurutzea.

Hasi naiz, enaiz zilhegi gibelat itzultera, ezta gurutzeko bidea utzi behar.

5. Ea anaiak, goazen elkarrekin, Jesus izanen da gurekin: Jesusen amorioz gurutze hau hartu dugu, gaudezin gurutzean Jesusen amorioz.

Hura da gure Kapitaina eta aitzin gidaria, helduko eta lagunduko zaiku.

Horra gure erregea aitzin dabilku, hura gure alde iarriko da gure etsaien kontra.

Garraizkon gizon gisa, eztela nihor beldur izialdurak gatik: gaudezin prestik gerlan bihotz dun hiltzera, eta eztagiogula, gurutzeari ihes egiteaz.



## BERROGOI ETA HAMAZAZPIGARREN KAPITULUA

*Eztuela gizonak bihotza galdu behar zenbait hutsetan erortzen denean.*

1. Semea, plazerago dut nihork inkontru gaitzetan hartzen duen konsolazioneaz, ezen ez zori onean duen konsolazioneaz eta debozioneaz.

Zergatik tristatzen zare zerbait makur egin duzulako eranzuteaz?

Handiagorik baliz ere, etzinen hargatik higitu beharko.

Bainan orai utzazu iragaitera: ezta lehena, ez berria, ez azkena ere izanen, hainitz bizi bazare.

Gizon aski zare deus kontrakorik bidera etzaitzunean ilkiten.

Emaiten duzu ere konseillu onik, eta badakizu bertzei bihotzaren alxatzen hitz ederrez: baina ustegabeko tribulazionerik hurbiltzen denean zure athetara eskasten zara konseilluz eta indarrez.

Konsidera zazu gauza xipietan maiz frogatzen duzun zure erorkotasun handia.

Badarik ere hori guzia egiten ohi da zure salbamenduko, horrelakorik eta bertzerik gertatzen denean.

2. Athera zazu hori guzia bihotzetik ahalik hobekiena, eta ukitu bazaitu etzezazula hargatik bihotza gal, eta etzaitzala hainitz denboraz iduki nahasirik eta korapillaturik.

Ezpere paira zazu emeki ezin badezakezu alegeraki.

Halakorik ezin enzun badezakezu gogotik, eta zure baitan tarritatzen bazare, itxeko zu zure buruari eta etzezazula zure ahotik ilkitera utz flakoei eskandalurik eman diezeken hitz desordenaturik.

Buelta alxatu den hura laster kalmatuko da, eta grazia bihur dadinean barreneko dolorea eztituko da.

Bizi naiz oraino, dio Jauna, prestik zuri heltzera, eta ohi danik geiago konsolatzera, ene baitan fidatzen bazara, eta debotki deitzen banauzu zure gana.

3. Garela bihotzdun, eta para zaite gehiagorik pairatzera.

Ezta guzia galdu, maiz sentitzen baduzu ere tribulatua eta garratzki tentatua zarella.

Gizon zara eta ez Jainko: haragiz zara, ez Angeru.

Nolatan ahal zinundezke bertuteko estatu ber-batetan, hori Angeruari zeruan eta lehen gizonari lur parabisuan faltatu zaienaz geroztik?

Ni naiz tristerik nigarrez daudenak libratzen eta sendatzen ditudana, eta bere flakotasuna ezagutzen dutenak ene Jainkotasunera goititzen ditudana.

Jauna, benedikatua dela zure hitza, hitz ezta, ene ahoan ezti ber eska eta ezta baino eztiago.

Zer neidike hain bertze tribulazionetan eta hersturetan borthitzen ezpanenduzu zure hitz sailduez?

Baldin noizpait finean heltzen banaiz salbamenduko portura, zer ansia dut zer eta zenbat pairatu dukedan?

Jauna, indazu fin ona, indazu grazia mundu hunetarik doatsuki ilkitzeko.

Zarella nitaz orhoit, ene Jainkoa, eta bide xuxena gida nezazu zure erresumara. Biz hala.



## BERROGOI ETA HEMEZORTZIGARREN KAPITULUA

*Gaineko gauzak eta Jainkoaren iujeamendu gordeak  
eztirela sondatu behar.*

1. Semea, begirauzu gaineko gauzez eta Jainkoaren iujeamendu gordeez minzatzetik eta ihardukitzetik: zergatik hau hunela utzten den, eta hura halako gradura alxatzen den?

Zergatik bata horreinbat ondikatzen den, eta bertzea hain beregain goititzen den.

Horrelakoek iragaiten dute gizonaren indar guzia, eta ezta arrazoi-nik, edo eskolako disputaturik Jainkoaren iujeamendua sonda dezakenik.

Abantaillatzen den.

Noiz ere bada etsaiak halakorik ekartzen baiterautzu gogora, edo are iakin nahi lilibiri batzu galdez baitagozkizun, ihardets diekezu profetaren hitz hunez:

*Justua zare, Jauna, eta zure iujeamendua zuzena da. Edo bertze hunez: Jaunaren iujeamenduak egjak dira eta orobat iustuak bata bertzearekin.*

Ene iujeamenduen beldur behar da, eta eztira sondatu behar, ezen gizonaren adimendua ezin sar diteke hetan barrena.

2. Ez egin ere galderik, eta ez solhastu sailduen abantaillez, zein den bertzea sailduago, edo zer den handiago zeruetako erresuman.

Halako solhasak maiz pitzten tuzte liskarrak, eta probetxu gabeko hitzmitzkeriak: superbiasuna ere, eta banaloria emendatzen dute.

Handik heldu dira inbidia eta elkarren arteko guduak, batak saildu bat eta bertzeak bertzea superbioki abantaillatu nahi duenean.

Horrelakorik iakin eta sondatu nahiak eztakarke probetxurik, aitzitik saildui desplazer egiten deraue.

Zeren enaiz ni guduko Jainkoa, baina bakearen Jainkoa naiz, eta ene bakea geiago datza egiazko humiltasunean, buru handi nahitasunean baino.

3. Batzu amorioaren beroz eramaiten dire saildu bat gana bertzea gana baino: ordea afekzioe hura gizonaren burutikakoago da Jainkoa ganik baino.

Ni naiz saildu guziak egin ditudana, nik eman derauet grazia: nik ezarri tut lorian.

Nik ezagutzen tut bataren eta bertzearen merituak: ni aitzitu aitzindu natzaie neure dulzuraren benedizinoez.

Nik iakin dut zein diren ene maiteak, menderik zen baino lehen, nik hek hautatu itut munduaren artetik, eta hek enaute ni lehenik hautatu.

Nik deitu itut ene graziaz, erakarri ene miserikordiaz, eta hainitz tentazione suertez erabili.

Nik konsolazione beregaineko konsolazioneak isuri tut hekin baitara, onean irauteko indarra eman derauet, eta hekin pazienza koroatu dut.

4. Nik lehena eta azkena ezagutzen dut: nik besarkatzen tut guziak ezin estimatuzko amorioz.

Ni naiz laudatzekoa ene saildu guzietan, ni naiz guzien gainetik benedikatzekoa eta ohoratzekoa hetarik batbedera baitan, zeren hain lorioski handitu eta aitzinetik hautatu ditudan, bere buruz etzutelarik aitzinetiko meriturik bat ere.

Nork ere beraz mesprezitzen baitu ene sailduetarik xipiena, eztu handiena ere ohoratzen, zeren nik xipia eta handia egin baitut.

Eta nor ere minzo baita zenbait sailduaren kontra, ene kontra ere eta zeruko erresuman diren guzien kontra minzo da.

Guziak dire bat karitatearen amarraz, guziek gogo bat, guziek nahi bat, eta guziek orobat elkar maite dute.

5. Bai eta (zein baita hainitzez geiago) maiteago naute bere burua eta bere merituak baino.

Zeren bere gainera eramanik, eta bere burua ganako amudiotik kanpora erautsirik, guziak bere indar guziez abiatzen dira ene amoriora, eta hartan gozoki pausatzen dute.

Ezta deus ere hek ene ganik itzul edo behera detzakeienik, zeren nola egundainoko egiaz betheak baitira ezin iraungizko karitatearen suaz erretzen dire.

Beraz haragiaren eta sensuen arauerako gizonak, nola ezpaitakite bere atsegin partikularez bertzerik onetsten, beudez ixilik ene sailduen estatuaz eta graduaz minzatu gabe.

Batari edekiten diote eta bertzeari geiago emaiten bere buruko nahiaren arauera, ez ordea sekulako egari laket zaion bezala.



6. Hainitz baitan hori egiten du iakingabeak, beregainki ordea nihork guti argitua izanez nekez dakienean amudio osoki espiritualaz oneritsten norbaiten oneritsten.

Horrelakoak bere gogo naturalaz eta munduko maitarasunaz oraino hagitx eramaiten dira saildu baten edo bertzearen amoriora, eta beheerako gauzetan iarriak diren arauera iduri dagote orobat dela zerukoetz.

Bainan ezin erranezko tartea eta diferentzia da bertute eta perfekzio-ne aphuretako gizonetx pensatzen tuzten eta argituek gaineko argiak erakusirik miratzen eta konsideratzen dituzten gauzen artean.

7. Begirauzu bada, Semea, zure iakinari garaitzen zaizkon gauzetx kurioski minzatzetik: baina duzun artha eta hala egizu nor den xipiena ediren ahal zaitezain Jainkoaren erresuman.

Nihork baleaki ere zein lizen bertzeak baino sailduago eta handiago zeruetako erresuman, zer probetxu luke ezagutza hartarik, hura gatik humil ezpaledi barrenago ene aitzinean eta etzartzen ezpaliz ene izenari laudorio geiagi emaiten?

Jainkoaren gogorago egiten du, norx ere bere bekatuen handitasuna eta bertuteen aphurtasuna gogoan baitaduka, eta zein urrun den sailduen perfekzionetik gogoan baitaduka, ezen ez darasanak eta dihardukanak zein den hekin artean handiena edo xipiena.

Hobe da othoitz eta nigar beroz sailduei gomendatzea eta hekin helzakitza gogo humillaz eskatzea, ezen ez hekin sekeretuak galde alferrez iakin nahiz ibiltea eta sondatzea.

8. Sailduak bereaz bere baitan kontentik eta ederki xoil kontentik daude, baldin gizonetx ere baleakite kontentik egoiten eta bere banaloriazko solhasetarik eta elhetarik ixiltzen.

Eztira loriatzen bere merituez, zeren eztadukate deus onik dutela bere buruz; bainan aitortzen dute ontasun guzia ene ganik dela, zeren duten guzia nik eman baiterauen ene neurrigabeko karitatez.

Hain bethe dira ene Jainkotasunerako amudioz eta gaindiranoko bozkarioz non ezpaitute eta ezpaitukete loriaren eta doatsunaren eskasik.

Saildu guziak zenbatenaz gorago baitira lorian, hanbatenaz bere baitan humillago, enekin hurbillago eta nik onetsiago dire.

Halakotz badio eskiriturak, bere koroak erauntsten eta Jainkoaren aitzinean pausatzen zituztela, ahozpez iarri zirela bildotzaren aitzinean, eta sekula sekuloronekotz bizi dena adoratu zutela.

9. Hainitzek galdegiten dute zein den Jainkoaren erresuman handiena, eta eztakite, ea gaiak edirenen direnz xipiaren artean kondatuak izaiteko.

Gauza handia da zeruan xipiena ere izaitea non guziak baitira handi, zeren guziak deitzen eta izanen ere baitira Jainkoaren ume.

Xipiena helduko da milletara, eta ehun urthetako bekatorea hillen da.

Zeren diszipuluek galdegin zutenean, zein izanen zen handiena zeruetako erresuman, humelako ihardetspena enzun zuten.

Itzultzen ezpazarete onera, eta haur xume bezalakoak egiten ezpazarete, etzarete sartuko zeruetako erresuman.

Nor ere bada bera humilduko baita haurxo hau bezala, hura da zeruetako erresuman handiena.

10. Zori gaitza bere burua xumeekin gogotik behehitu nahi eztutentzat, zeren zeruko erresumako athe xumeak hek eztitu utziko sartzera.

Zori gaitza halaber hemen bere konsolazioneak dituzten aberatzen-tzat, zere pobreak sar ditezinean Jainkoaren erresuman, hek kanpoan egonen dira marraskaz.

Alegera zaitezte humillak, bozkario zaitezte pobreak, zeren Jainkoaren erresuma zuena da, baldin ordea egian leialki bazabiltzate.



## BERROGOI ETA HEMERETZIGARREN KAPITULUA

*Jainkoa baitan xoilki finkatu behar dela esperanza  
eta fidanza guzia.*

1. Jauna, zer da bizitze hunetan dudan fidanza? edo zein da ene konsolazionerik handiena zeruaren azpian ageri diren guzitarik?

Ez othe zu, ene Jainko Jauna, nola zure miseriak ezpaitu neurririk?

Non ongi kausitu naiz zu gabe? Non gaizki kausitu ahal naiz zu presentean zinela?

Nahiago dut zure gatik errumez egon, ezen ez aberatz zu gabe.

Lehen hautatzen dut lurrean zurekin saindurale ibiltea, ezen ez zu gabe zeruko jaun eta iabe iartzea.

Non ere baitzara, han da zerua; non ere ezpaitzara, han da herioa eta ifernua.

Zu zare ene desira, eta halakotz premia eta beharra dut zure gana hatsbeherapen, nigar, oi u eta othoitz egiteko.

Finean ezin osoki fida naiteke nihor behar orduko helduko zaitala ene beharkietan, zu baizen ene Jainkoa.

Zu zare ene esperanza eta fidanza; zu zare ene konsolatzaillea eta fidelena guzietan.

2. Guziak dabilta bere probetxuaren ondoan zuk ene salbamendua eta aitzinamendua xoilki gogoan dadukazu, eta gauza guziak itzultzen derauzkidatzu onera.

Largatzen nauzularik hainitz moldezko tentazionetara eta gaitzetara, hura guzia ordenatzen duzu ene probetxuko, dakidala zure maiteak milla moldez frogatzen tutzula.

Horrela frogatzen nauzunean etzaitut gutiago onetsi eta laudatu behar, zeruko konsolazioneez bethe banenzazu baino.

3. Beraz zure baitan, ene Jainko Jauna, emaiten dut ene esperanza eta ihes lekua: zure baitan ezartzen dut ene tribulamendu eta herstura guzia, / Zeren nora ere begiak hedatzen baititut, ez tut aurkitzen zure ganik kanpoan gauza flakorik eta eztagokeienik baizen.

Ezen hainitz adiskide izanak ezteraut probetxurik ekarriko, defentsari balentak ezin helduko zaizkit, konseillari zuhurrek ezin emanen derautate balio duen ihardetsterik, Dotoren liburuek ezin konsolatuko naute, ezta gauza preziosik libra nazakeienik, ezta leku gorderik, azkarrik, eta plazersurik begira nazakeienik; zeroni heltzen, alde iartzen eta laguntzen ezpazaizkit, zuk bortitzten, konsolatzen, gidatzen eta begiratzen ezpauzazu.

4. Ezen zerk ere baitirudi on dela bakearen eta doatsutasunaren ardi-detstekoa, hura, zu kanpoan zarenean, ezta deus ere, eta egiazki ezin demake doatsutasunik bat ere.

Zu zare bada ontasun guzien xedea eta fina, zu zare biziaren punturik gorena, minzotasunen ondorik barrenera, eta zure baitan guzien gainetik esperanza izaitea da zure serbitzarien konsolazionerik handiena.

Zure gana daude ene begiak alxaturik, zure baitan fidatzen naiz, ene Jainkoa, miseriakordien aita.

Benedika eta santifika zazu ene arima zeruko benedizinoaz, egin dadintzat zure egoitza saindua, zure sekulako loriaren iarlekua, eta zure handitasunaren tenpluan kausi ezadintzat zure maiestatearen begiak ofensa detzan gauzarik.

Beha diazadazu zure ontasun handia eta neurrigabeko miseriakordia gatik, eta enzun ezazu herioko itzalaren herrian urrun desterraturik dabilan zure serbitzari gaizorren othoitz.

Begira eta salba zazu zure mutilkoaren arima hil beharrezko bizitze hunetako perillen artean, eta zure grazia lagundurik hura gida zazu bakearen bidetik bethiereko argiaren herrira. Biz hala.



## LAUGARREN LIBURUA

*Iesus-en Imitazioneaz Laugarren liburua.*

*Aldareko Sakramendu guziz adoratzekoaz, eta hartara behar bezala preparatzeko antzeaz.*

### Iesus-en amoriozko deia

*Zatozte ene gana nekaturik eta kargaturik zaudeten guziak, eta nik pausu eta indar berri emanen derautzuet, dio Jainkoaren Semeak. Matt. 11.28*

*Nik emanen dudan ogia, da ene haragia munduaren bizitzeko. Io. 6.51*

*Har ezazue eta ian ezazue: hau da ene gorputza, zuen gatik eta zuentzat salduren eta emanen dena. Hori egzue ene orhoitzapenetan. Matt.6. I. cor. II.*

*Nork ere iaten baitu ene haragia, eta ene odola edaten, hura ene baitan dago, eta ni ere haren baitan nago. Io. 6.56.*

*Erran eta erraiten derauzkitzuedan hitzak, espiritu eta bizia dire. Io.6.63*

## LEHEN KAPITULUA

*Zer erreberenziarekin Iesus-en gorputz preziosa errezibitu behar den.*

### Arima debotaren ihardetspena

1. Hauk dire zure hitzak, o ene Iesus, egundainoko egia zarena; hek behingo aldian berean erran eztitutzularik, eta leku ber-batetan eskiribatuak ez tirelarik.

Zeren bada zureak, eta egiak baitire, behar ditut guziak hartu, zuri eskerrak emanik, eta zinetste ekarririk.

Zureak dire, eta zuk erranak; eta eneak ere dira, zeren hek athera batituztu ene salbamenduko.

Gogo onez hartzen tut zure ahotik, arren barrenago sar ditezin ene bihotzean, eta hersikiago itxeki diozoten gatik.

Bihotzten naute horrelako bihotz beratasunezko hitz ez tiek eta amoriozkoek: ordea ene bekatuek izitzen naute, eta ene konszientzia lizunak gibelatzen nau zure sakramendu handi hortara hurbiltzetik.

Zure hitzen amolsurak erakartzen nau, ordea ene gaixtakeriek zapatzen naute bere hainitz izanez.

2. Manatzen nauzu fidanzarekin hurbil nakizula, nahi badut zurekin izan parterik eta har dezadala hiltzearen kontrako ianharia, nahi badut sekulako bizia eta loria ardietsi.

*Zatozte, diozu, ni gana nekatuak eta kargatuak zareten guziak, eta nik arinduko zaituztet. Matt. 11.*

O hitzaren ez tia eta amolsua bekhatorearen beharran! Zuk, ene Jainko Jauna, pobrea eta errumeza gonbidatzen baituztu zure gorputz guziz sailduaren mahainera eta partaletasunerari!

Ordea, nor naiz ni, Jauna, zure gana ausartzeko hurbiltzera?

(3 reg. 8.27) *Huna, zeru guziak ez tire aski zure idukitzeko, eta badiozu, zatozte nigana guziak.*

3. Zer erran nahi du ohora begitartetsu, eta gonbidatze amolsu horrek?



Nolatan ausartuko naiz zure gana ethortzera; ezpaitut ene baitan deus onik ikusten halako buruperik hartzeko?

Nolatan sararaziko zaitut ene etxera, dakusadala maiz eta maiz zure begitarte begitartetsua ofensatu dudala?

Angeruak eta Arkanjeluak ikara dire, beldur dira Sainduak eta iustuak, eta zuk dioskuzu: *zatozte ene gana guziak*.

Zuk, Jauna, hori erran ezpazeneza, nork zinets liro egia lizela? zuk manatzen ezpazendu, nor lizate ausart hurbiltzera?

Huna, Noe gizon iustuak ehun urthetako trabailua eman du lege zaharreko *Arka*. Arka zeritzon untzi famatu haren egiten bera buruaren salbatzeko jende gutirekin: eta ni nolatan oren batez prepara naiteke munduko kreatzailearen ene baitara debozionerekin hartzera?

4. Moises zure serbitzari, zure adiskide handi eta berezi hark arka bat egin zuen ezin busteleko zurez, hura ere urreztatu zuen urrerik garbienaz, hartan barrena Legearen taulak ekartzeko; — eta ni kreatura bustela ausartuko othe naiz zu lege egille, eta bizia emaille horren hain errazki errezibitzera?

3reg.6. Salomon Israeleko erregetarik zuhurrenak zazpi urthe eman itu tenplu miragarri baten egiten zure izenaren laudoriotan; zortzi egunez egin du haren konsekratzeko besta; milla bakezko hostia ofrendatu itu, eta lege zaharreko Untzia baketierra tronpeta soinuaz, eta aleluiekien ezarri du preparatu zioen lekuan.

Eta nik munduan direnetarik ondikozkoen eta dohakabeen horrek nolatan sar araziko zaitut ene etxean; nekez baitakit oren erdi baten iragaiten debozionean? hala ere aineza oren erditsu hura bedere behar bezala iragan.

5. O ene Jainkoa, zenbat artha zedukaten aitzineko hek zuri zure gogorako serbitzurik egiteaz.

He! zein guti den nik egiten dudana! zein denbora labur emaiten dudana, preparatzen naizenean zure sakramendu sainduaz othurunzatzera.

Gutitan gertatzen naiz osoki ene baitan bildurik, are gutitanago fuinteko errebelamendu guzietarik libratu.

Eta egiaz zure Iainkotasunaren salbagarrizko presentzian elitzaiket ethorri behar eder ezten gauzarik, enenduke deusek ere trahatu behar, orduan ostatatu behar dudana gero, ez Angeru bat, baina bai Angeruen Jauna.

6. Badarik ere hagitz bertze eta bertze dira Bakezko untzia bere erreliekin eta zure gorputz guziz garbia bere ezin erranezko bertutekin.

Xoil bertze eta bertze dira Lege-zaharreko sakrifizioak, zeinak baitziren gerokoan aitzin-seinaleak, eta zure gorputz preziosaren sakrifizioa, zeina baita sakrifizio zahar guzien konplimendua.

Zergatik bada enaiz geiago irazekitzen zure ohorezko presentziaren aitzinean?

Zergatik enaiz artha handiagorekin preparatzen zure sakramendu sainduaren hartzera; halaz eta Patriarka, Profeta, Errege are eta leheneko Prinze saindu hek bere azpiko jende guziarekin halako debozionezko seinalerik zure Maiestate sainduaren serbitzuan erakusi dutenaz geroztik?

Reg. 7.7. David Errege debozionez bethea bere indar guziez dansan hari izan da Jainkoaren *Arkaren* aitzinean bere lehenagoko Burhasoei egin zitzaizten ontasunen orhoitzapenetan: hainitz moldezko organoak egin tu, Salmoak eskiribatu itu, eta ordenatu du kanta ditezin alegrianzarekin, berak ere maiz kantatu itu gitarren gainean, Espiritu Sainduaren graziak hura zeraman arauera: irakasi dio Israeleko jendeari bihotz guziaz Iainkoaren laudoriotzen, aho batez egunoroz handi etsten, benedikatzin eta ozpatzen.

Orduan halako debozionerik eta Jainkoaren laudoriozko orhoitzapenik egiten bazen lege zaharreko Aitaren presentzian: nolako erreberentzia eta debozione orai nik, eta Gristino guziak behar dugu Sakramendu sainduaren aitzinean Iesus maitearen gorputz adoratzekoa hartzen dugunean?

8. Hainitzek laster egiten dute hainitz leku urrunetara Sainduen erreliekiak bisitatzea gatik.

Espantuz iarten dira hekin mirakuilluzko obrak enzuteaz, Elizetako obradura handiak miratzen tuzte, hekin hezur sainduak muzuztatzen tuzte, sirikuz eta urrez estaliak direlarik.

Eta huna, zu hemen presentean enekin zare aldarean, o ene Iainkoa, sainduen saindua, guzien kreatzailea, eta Aingeruen Jauna.

Hainitzetan kuriostasunak, eta lehen ez ikusiak ikusi nahiak daramatza gizonak halakorik ikustera, eta handik probetxu eta oneramendu guti dakarkete, noiz ere behintzat horra hara baitabilza egiazko urrikimendurik gabe.

Hemen ordea Aldareko sakramenduan osorik eta bizirik zaude, ene Iesus Jauna, egiazko Jainkoa, et gizon egiazkoa: eta nor nahik sekulakotz



salbatua izaiteko probetxu hainitz atheratzen du, noiz ere behar bezalako debozionerekin errezibitzen baitzaitu.

Baina zure gana ez du nihor ekartzen edozein arintasunek, ez kurios-tasunak, ez eta sensuetarasunak; baina bai fede fermuak, esperanza debotak, eta karitate garbiak.

**9.** O Iainkoa, munduko ezin ikusizko Kreatzaille, zein miragarriki hari zaren gurekin! zein eztiki eta graziozki ordenatan duzun zure hautatuekin! zeroni presentatzen baitzaizte sakramendu hunetan har zaitzaten gatik.

Hori segur garaitzen zaie adimendu guziei, horrek manera beregain batez arima deboten gogoak eta bihotzak bereganatzen tu eta irazekiten.

Ezen bere bizitze guzia oneramendura ordenatzen duten zure egiazko fidelek hainitzetan debozionezko grazia, eta bertuterako amudio handi bat ardiesten eta ekartzen dute Sakramendu saindu hunetarik.

**10.** O Sakramenduaren grazia miretstekoa, estalia eta gordea, Gristino fidelek xoilki ezagutzen dutena, fedegabekoa eta bekatuaren sehiek ezin froga dezaketena.

Sakramendu hunetan emaiten da grazia ispirituala, arimara bihurtzen da bertute galdua, eta bekatuak itsustu zuen edertasuna berritzen da eta berregintzen.

Grazia hura batzutan hain da handia, non, emaiten duen debozio-nea, bethe izanez, ez xoilki arimak, bainan eta gorputz flakoak sentitzen baitu indarrak emendatzen zaizkola.

**11.** Halakotz damugarri eta urrikalkizun gare gure epeltasuna eta ansigabetasuna gatik, zeren ezgoazen gogo handiagorekin gure Iesus-en errezebitzera, dakigula haren baitan datzala Salbatzeko diren guzieren esperanza eta meritua.

Zeren hura da gure Saindugarria, libranza, eta libratze saria: hura da mundu mundu dabilzanan konsolazionea, eta sainduen sekulako gozamenena.

Beraz hagitz damutzeko gauza da, zeren geienek hain kontu guti dadukaten zerua arraitzen, eta mundu guzia mantenatzen duen misterio salbagarrizko hunetaz.

O gure bihotzaren itsua eta gogorra! ezpaitugu hain ezin erranezko dohaina prezatzen, eta egunorozko usanza dela kausa, erori et isuri baigare hari ez behatzeko ere kontura.

**12.** Zeren Sakramendu guziz saindu hau leku batetan xoilki egiten baliz, eta Apez bakoitz batek hura munduan konsekratu baleza, zein desir handiz uste duzu jendeak lioaskeiela leku hartara halako Apezaren ikusteko, eta meza sainduaren enzuteko?

Bainan orai hainitz Apez egin da, eta gure Salbatzaillea hainitz leku-tan ofrendatzen da, erakustea Iainkoaren gizona ganako amorioa eta grazia hanbatenez dela handiagoa, zenbatenez Sakramendu saindua leku geiagotan barriatua baita.

Eskerrak derauzkitzut, o ene Iesus maitea, arimen egundainoko Arzaina, zeren gu pobre eta desterratu hau nahi izan gaituzun zure gorputz eta odol preziosaz othuruntzatu, eta zure aho bereko hitzez zure misterioen hartzera gonbidatu, erraiten deraukuzuean: *zatozte ene gana nekaturik eta kargaturik zaudeten guziak, et nik pausu eta indar berri emanen derautzuet.* Matt. 11.



## BIGARREN KAPITULUA

*Iainkoaren ontasun eta karitate handia erakusten zaiola gizonari  
Sakramendu Sainduan.*

### Arimaren hitzak

1. Jauna, zure ontasun eta miseriak handiaren gainean fidaturik eta permaturik, hurbiltzen natzaitzu, ni eria naizela ene sendatzaileari, gose eta egarria, biziaren ithurriari, errumeza zeruko erregeari, serbitzaria guzien Jaunari, zure kreatura ene kreatzaileari, deskonsolatua ene konso-latzaile urrikalsuari.

Ordea nondik heldu zait ontasun hura, zu zatozin ene gana?

Nor naiz ni, zu zeroni eman zakizkidan?

Nolatan ausartzen da bekatorea zure aitzinean agertzera? Eta zuk nolatan nahi duzu bekatorea gana etorri?

Badazaguzu zure serbitzaria, eta badakizu eztuela bere baitan deus merezi duenik zuk ontasun hura dagiozun.

Aitortzen dut beraz neure deus gutitasuna, ezagutzen dut zure ontasuna, laudatzen dut zure bihotz beratasuna, eta eskerrak derauzkitzut zure karitate handiegia gatik.

Ezen zure loria gatik hori egiten duzu, ez ene mereziak gatik, arren zure ontasuna ezagutuko dezadan, karitate handiagoa sar dagidan, eta humiltasunari iarraikitzeaz kontu geiago egin dezadan gatik.

Zeren bada halakoa baita zure borondatea, eta manatzen baituzu hala egia dadin, plazer duzuna plazer dut nik ere, eta nahi nuke ene gaix-totasunak traburik ekar ezpaleza.

2. O Iesus guziz ezta, guziz amolsua, zein erreberentzia eta esker handiak bethiereko laudorioekin zor zaizkitzun zure gorputz sakratuaren hartzekotzat! ezpaita gizonik aurkitzen haren handiresunak deklaratu detza-keienik.

Ordea zer gogorako dut komunione hunetan, ene Jaunari hurbil nakionean: hura behar bezala ezin ohora baitezaket eta halarik ere desira baitut haren errezebitzeko debozionerekin?

Zer pensa dezaket hoberekin ene salbagarrienik, neure burua zure aitzinean osoki humildu, eta zure neurrigabeko ontasuna laudorioz ene gainera alxatu behar dudala baizen?

Laudatzen zaitut, ene Iainkoa, eta gauza guzien gainetik sekulakotz handi etsten.

Neure burua mesprezatzen dut, eta ene deus gutitasunean barrena zure azpian hondatzen.

3. Huna zu sainduen saindua eta ni ene bekatuen istilla.

Huna zu makurtzen zare ni gana, nik merezi eztudalarik zuri behatzea.

Huna, zu heldu zara ene gana, nahi duzu enekin egon, gonbidatzen nauzu zure baraskaritarra.

Ps.77. Eman nahi derautazu zeruko ianharia, eta *Aingeruen ogia* ixte-  
ra, zeina, egia erraitera, ezpaita bertzerik zu zeroni baizen; *zu baitzare ogi  
bizia, zerutik iausti zarena, eta munduari bizitza emaiten diozuna*. Io. 6.

4. Huna nondik sortzen den zure amudioa, nondik ageri den zer kontu egiten duzun gutaz, zein esker eta laudorio handiak zor zaizkitzun grazia haukin ordain.

O zein salba eta probetxagarri izan den zure konseillua, Sakramendu hori ordenatu duzunean! zein othurunza gozo eta alegera, zu zeroni ian-haritzat eman zaizkigunean.

Iauna, zein miragarri den zuk obratzen duzuna, zein botheretsu den, zure bertutea, zein ezin erranezko den zure egia.

Gen. 1., ps. 148. Ezen *hitz bat erran duzu, eta gauza guziak egin dira*, eta manatu duzuna berehala konplitu da.

5. Gauza miretstekoa, gure zinetstea merezi duena, eta gizonaren adimenduari garaitzen zaiona, zu ene Iainko Iauna, egiazko Iainkoa, eta gizon egiazkoa, ogiaren eta arnoaren iduri eta itxura mehe batzuen azpian osorik egoitea, hartzen zaituztenek ehotzen edo ahitzen etzaituztela!

Zuk, o guzien Iauna, nihoren beharrik eztuzuna, zure Sakramendua dela bide gure baitan ostantatu nahi izan zarena, begira zazu ene bihotza eta gorputza kutsu guzietarik; arren konszientzia alegera eta garbi batez maizago zure misterioak egin, uki eta erabil ahal detzadan, eta beregainki zure ohoretan, eta zure Pasionearen bethiereko orhoitzapenetan ordenatu eta formatu duzun Sakramendua ene Sekulako Salbamendutan har dezadan gatik.



6. Bozkario zaite, ene arima, eta eskerrak emoitzu Iainkoari, zuri nigarrezko haran hunetan utzi derautzun hain donu nobla eta konsolazione berezia gatik.

Zeren noiz ere misterio hura gogoan baitarabillazu, eta Iesus-en gorputz preziosa hartzen baituzu, orduan zure salbamenduko obra egiten duzu, eta partale egiten zara zure Salbatzailearen merezimendu guzietan.

Ezen Iesus-en karitatea ezta nihoiz ere gutitzen, eta haren miseri-kordia handia ezta sekulan ahituko.

Hargatik bethi behar zare bihotz berri batez hartara preparatu, eta zure salbamenduko misterio handi hura konsiderazione erne eta finko batez pisatu behar duzu.

Noiz ere meza erraiten, edo enzuten baituzu, iduritu behar zaitzu hain gauza handi, berri eta alegeragarri maitatzekoa dela, nola bailizate Iesu Khristo egun hartan berean lehenik Birjina sainduaren sabelera iautsirik gizon egin baliz, edo gurutzean iosirik paira baleza eta hil baledi munduko salbamendua gatik.

## HIRURGARREN KAPITULUA

*On dela maiz komunitatzea.*

### **Arima debotaren hitzak**

1. Huna ni, Iauna, zure gana heldu naiz; arren zure dohainetik ongi gertha dakidan, eta pobreaki zure ontasunaz, o Iainkoa, aphaindu diozun baraskari sainduan alegera nadintzat.

Huna, zure baitan da desira dezakedan, eta desiratu ere behar dudan guzia, zu zare ene salbamendua, eta libranza, ene esperanza eta indarra, ene ohorea eta loria.

Alegera zazu bada egun zure serbitzarien bihotza, zeren zure gana, ene Iesus maitea, alxatu dut ene arima.

Badut desira orai zure errebitzeko ahalik deboziora eta erreberentzia handienarekin: nahi zaitut ene etxean sar arazi, ni ere Zacheo bezala benedikata dezazun, eta Abrahamen umeen artean konda nadin gatik.

Ene arima guthiziatzen da zure gorputz sainduaz, eta ene bihotzak desiratzen du zurekiko bat izaitera.

2. Eman zakizkit, Iauna, eta aski dut, berdin zutaz kanpoan ezta balio duen konsolazionerik.

Zu gabe ezin naiteke, eta ene gana heldu ezpazare, ezin nagoke bizi-rik.

Halakotz behar natzaitzu maiz hurbildu, eta behar zaitut maiz errebitu ene salbamenduko erremediotzat, beldurrez munduko bide hunetan flaka nadin, gertatzen banaiz zeruko iakiaz gabeturik.

Zeren, zeronek, o ene Iesus guziz miserikordiosa, jendei predikatzen zenerauean, eta hainitz moldezko eritasunak sendatzen zinituenean, hunela noizpait erran duzu: Eztitut igorri nahi bere etxetara barurik, bidean flaka ditezin beldurrez.

Hori bada egizu orai enekin, zure burua sakramendu sainduen utzi duzunaz gero fidelen konsolamenduko.

Ezen zu zare arimaren othurunza gozoa, eta nork ere behar bezala ianen baitzaitut, hura izanen da sekulako lorian partale eta primu.

Egiaz nola hunein uzu erorten bainaiz eta egiten baitut bekatu, nola hunein laster nagitzen eta flakutzen bainaiz, behar naiz ere maizko ora-



zionez, konfesionez, eta zure gorputz sakratua maiz errezipituz berriztatu, garbitu eta irazeki beldurrez, sobera banago erremedio saindu hura hartu gabe, eror nadin neure leheneko borondate saindutik.

3. Ezen gizonaren gogo gaizkira isuria da bere gazte danik, eta Iainkozko miritzina heltzen ezpazaio, berehala gaixkiagotan erorten da.

Beraz komunione saindua gibelatzen du gaizkitik, eta ongian bortxatzen du.

Zeren orai huneinbat nagitzen eta epeltzen banaiz komuniatzen edo meza erraiten dudanean, zer lizateke erremediorik hartzen ezpanu, eta horrelako indargarri bilha ezpaneza?

Eta enaizelarik ongi preparatua eta iarria egun oroz meza sainduaren erraiteko, badarik ere ahal guzia eginen dut egun iakinetan Iainkozko misterioen errezipituzeko.

Ezen arima fidelaren konsolazione prinzipaletarik bat hau da, gorputz hilkorrean zu ikusi gabe dabillano bere Iainkoaz orhoiturik bere maitea bihotz debotaz errezipi dezala.

4. O zure gure ganako bihotz beratasunaren obra miragarria! Zuk, o Iainko Iauna, espiritu guzien kreatzaillea eta bizitzaillea, nahi baituzu arima gaiztoa gana etorri, eta haren gosea zure Iainkotasun eta gizontasun osaz gizendu.

O zori onezko espiritua, o arima doatsua, zeinok ere merezi baitu zu bere Iainko iauna debozionerekin errezipitzea, eta errezipitzen zaituenean bozkario ispiritualaz bethetzea.

O zein Iaun handi errezipitzen duen, zein arrotz maite etxeraten duen, zein lagun arrai hartzen, zein adiskide fidel bereganatzen, zein espos eder, zen noble, zein guzien artean eta guzien gaintik maitatzeko besarkatzen duen.

O ene maitearik maiteena! Zerua, lurra, eta hekin edergaillu guziak beudez ixilik zure aitzinean.

Ezen zer ere baitute ederrik eta laudatzekorik, hura dute zure ontasunaren bizartasunetik, eta sekulan eztira helduko zure izenaren edertasunera, zeinaren zuhurziak ezpaitu neurrik.

## LAUGARREN KAPITULUA

*Hainitz ontasun emaiten zaiola debozionerekin errezipitzen duenari.*

### **Arimaren hitza.**

1. Ene Iainko Iauna, aitzin zakizko zure serbitzariari zure ez-titasuneko benedizinoez, arren gai egin nadin zure beregaineko sakramendura behar bezalako debozionerekin hurbiltzeko.

Irtazar ezazu ene bihotza zure gana, eta billus nazazu ene nagitasun toldiaz.

Bisita nazazu zure salbagarriaz, ispiritualki dasta dezadantzat sakramendu hunetan bere bethetz ithurburuan bezala gorderik dadukazun ez-titasuna.

Argi diatzadatzu ene begiak hain misterio handiaren ikusteko, eta indazu indarririk aski haren zinetsteko fede-dudagabeko batez.

Zeren obra hori zure ganik da, eta ez gizonaren indarretarik: zuk sailduki ordenatua da, ez gizonek pensatua.

Eta egiaz nihor ezta gai edireiten misterio horien bere indarrez endellagatzeko, Aingeruen sutilleziari ere garaitzen baitzaizko.

Zer bada nik bekatore, lur, eta hauts baizen enaizen horrek pensa eta endellega dezaket hain sekeretu barrena eta sakratu hunetaz?

2. Iauna, ene bihotzeko sinplezian fide on eta finko batekin, zuk ere manaturik, hurbiltzen natzaitzu esperanzaz eta erreberenziaz betherik, eta zin zinez dadukat zu Iainkoa eta gizon hemen presentean zarela Sakramendu hunetan.

Nahi duzu bada har zaitzadan, eta zurekin bat egin nadin amorioz.

Halakotz banagozu zure ontasunari othoitzez, arren indazu grazia beregain bat, ni naizen guzia zure baitara karitatez urt eta isur nadin, eta nahiz diren konsolazionez geiago axola ez-nadin.

Zeren jainkozko sakramendu hau da arimaren eta gorputzaren osasuna, gogoko langadura guzien miritzina: hortan ene gaizkiak erremediatzen dire, pasioneak estekatzen, tentazioneak azpiratzen eta gutitzen: hortan grazia geiago emaiten da, bertute sortu berria handitzen, fedea bor-



titzten, esperanza finkatzen, karitatea sutzen, irazekitzen, hedatzen eta zabaltzen.

3. Egiaz, ene Iainkoa, ene arimaren besarkatzaillea, gizona bere flakotasunetik alkatzen duzuna, barreneko konsolazione guziak emaiten ditutzuna, sakramendu sainduan hainitz ontasun eman derauezu zure maitei, eta geiago ere, eta maizago emaiten deboziorik on batez errezi-bitzen zaituztenean.

Hainitz moldezko konsolaziorik isurtzen duzu hekin baitara, hainitz moldezko tribulaziorik kontra;

Zure maiteak bere bihotz-gabetasuneko putzutik zure gomendioko esperanzara alkatzen tutzu, grazia berri batez bethetzen eta barrenean argitzen; hala non errezi-bitu baino lehen gogoetatu eta afekzio gabe zeudenak, gero zeruko ianhariaz eta edariak aserik hagitz hobeki eta sendoago kausitzen baitira.

Horrela hargatik hari zare zure hautatuekin, arren segurki ezagut, eta klarki frogatzen, zein flako diren bere buruz, eta zer ontasun eta grazia izaiten duten zure ganik.

Zeren bere buruz hotz, gogor, eta deboziorik gabeko dira zure ganik ordea merezi dute bero, agudo, eta deboziorik izaitea.

Ezen nork ez-titasuneko ithurrira humilki hurbildurik ez-tu hartarik ez-titasun guti bat bederen ekartzen?

Edo nork su handi baten aldean egonik, ez-tu hartarik bero aphur bat hartzen?

Eta zu zare bethi betherik dagoen, eta gainez egiten duen ithurria, zu zare ardurari irazekirik dirauen eta, nihoiz ere iraugitzen ezten sua.

4. Halakotz zilhegi ezpanaiz ithurri bethetik erautster, eta ase arte-raino edatera, guziarekin ere ahoa pasatuko diot zeruko ithaizur haren zilhoari, arren handik xortaxo bat bederen har dezadan ene egarsuaren hiltzeko, guzia ihar ez-nadintzat.

Eta baldin guzia ezin banaitake oraino zeruko eta suakartua, Kherubinak eta Serafinak bezala; badarik egin ahala eginen dut deboziorik neri itxekitzeko, eta ene bihotzaren preparatzeko; arren sakramendu bizigarria ahalik humilkiena hartzen dudala, Iainkozko su handi hartarik inhar bat ezperre bil dezadan gatik.

Zer ere baitut eskas, ene Iesus ona, Salbatzaille guziz saindua, zuk ene orde hura konpli zazu zure ohiko begitartearen ez-titasunaz, guziak

zure gana deitu nahi izan ditutzunaz gero, dioskuzula: zatozte ni gana nekaten eta kargatuak zaiten guziak, eta nik arinduko zaituztet.

5. Ni segur traillaitzen naiz ene kopetaren izerditan, bihotzetik minez nago, bekatuz kargatua nabilla, tentaziorik narabillate, hainitz pasiorik gaixtok korapillaizen eta zapatzen naute; bizkitartean ezta hel dakidanik, ezta libra eta salba nazanik zu baizen, ene Iainkoa, ene Iauna eta Salbatzaillea.

Zure eskuetan utziten dut neure burua, neure ditudan guziakin, zuk begira eta sekulako bizitzera gida nazazun gatik.

O niri zure gorputza ianharizat, eta odola edarizat aphaindu derautazuna, har nazazu zure izen laudoriotan eta lorietan.

Othoi, ene Iainko jauna, eta Salbatzaillea indazu grazia emenda dakidan deboziorik afekzioea, noiz ere zure misterio sakratua hartzen baitut.



## BORTZGARREN KAPITULUA

*Sakramentu Sainduaren handiresunez, eta Apezen abantailaz.*

### Iaunaren hitzak

1. Angeruen garbitasuna eta Iondone Ioannis Batistaren saindutasuna bazendu ere, etzinateke gai sakramendu hunen hartzeko edo ukitzeko.

Zeren eztagoka nihoren merezimenduari Iesus'en Sakramendua konsekrutzea, bertzei emaitea, eta Angeruen ogia iatea.

Misterioaren handia! eta zein gradu handitan iarriak diren Apezak: hei eman baitzaie Aingeruei eman etzaian ohorea.

Ezen Apezek xoilki, Elizan behar legez ordenatuak direnean, esku dute meza erraiteko, eta Iesus-en gorputzaren konsakratzeko.

Egia da Apeza dela Iainkoaren ordea eta lankidea Iainko beraren hitzez serbitzatzen denean, Iainkoak berak ordenaturik eta manaturik; ala bainan hortan Iainkoa da egille nausia eta ezin ikusizko obratzailea; nahi duen guzia haren borondatearen azpian baitago, eta manatzen duen guziaz obeditzen baita.

2. Geiago beraz zinetsi behar diozu Iainko guziz botheretsuari sakramendu beregaineko hunetan, ezen ez zure gustuari edo zenbait ikusten duzun seinaleri eta iduriri.

Halakotz beldurrarekin eta erreberenziaz betherik obra huni hurbildu behar zaizko.

Zagotza zure buruari beha, eta mira zazu noren obraren egiteko botherea eman zaitzun Apezpikuak zure gainean eskuak pausatu dituenean.

Huna, Apez egin zare, eta konsekratua zara meza erraiteko: duzun bada orai artha fidelki eta debozionerekin behar den orduan Iainkoari sakrifizio ofrezitzeaz, eta beha zazu nola jendartean ibilliko zaren nihork zuri tillerik eman gabe.

Zure karga eztuzu arindu, aitzitik amarra hersiago batez loturik zaude zure eginbideari itxekitzeko, eta saindutasun handiago batetara obligatua zare.

Behar da bertute guziek argi dezaten Apeza baitan, eta bertzei bizi-tze prestu baten moldea eta mirailla erakus diezen.

Apezak ibilli behar du ez jende komunaren erremanguetan, ez mundukoan ohiko trazan arauera, bainan edo Aingeruekin zeruan edo gizon Iainkotiarrekin lurtean.

3. Apeza, tresna sakratuaz iauntsiz gero, da Iesus-en ordea Iainkoari othoitz humillak egiteko beretzat eta guzientzat.

Badu aitzinetik eta gibeletik gure Salbatzaillaren gurutzearen Seinalea, haren Pasione sainduaz arduraki othoitzeagatik.

Gurutze aitzinetik darabilla kasulan, Iesus-en urratsei erneki behatze-ko, eta agudoki iarraikiteko.

Gurutzeaz sinalatua da gibeletik, bertzeek egiten diotzaten gaitz guziak emero paira detzatzentzat Iainkoaren amorioagatik.

Aitzinetik da gurutzea, bere bekatuez nigar egin dezantzat.

Finean gurutzea darrabilla gibeletik, bertzeen ere gaixtakeriez urrikarizko damu har dezan gatik, eta iakin dezan ordenatua dela ararteko Iainkoaren eta bekatorearen artean, eta eztuela nagitu behar othoitz egitera, eta sakrifizio sainduaren ofrendatzera, Iainkoa ganik grazia eta miserikordia ardiets dezan artean.

Noiz ere Apezak erraiten baitu meza, Iainkoari ohore, Angeruei bozkario, fidel guziei exenplu, bizi direnei indar, arima ioanei sosegu emaiten deraue, eta bera egiten da Elizako grazia eta ontasun guzian partale.



## SEIGARREN KAPITULUA

*Galdea, zer den egin behar den errezibitu baino lehen.*

### Arima debotaren hitzak

1. Iarten naizenean, Iauna, zure handiresunean, eta neure deus guti-tasunaren kontsideratzen, xoil ikaratzen naiz, eta ene baitan ahalketzen.

Zeren hurbiltzen ezpanaitzaitzu, ihesi noako biziari, eta iarten banaiz ure mahainean kutsaturik, huts egiten dut zure kontra.

Zer eginen dut beraz, ene Iainkoa, ene laguntzaillea, eta konseillaria neure beharkietan?

2. Zuk irakas diazadazu bide zuzena, emadazu zenbait antze labur, behar bezala errezibitzeko.

Zeren on da iakitea nolako debozionerekin eta erreberenziarekin behar derautzudan ene bihotza preparatu zure sakramenduaren hartzeko eta hain sakrifizio handiaren eta Iainkozkoaren egiteko ene arimaren salbamendutan.

## ZAZPIGARREN KAPITULUA

*Bere konszientiaren examinatzeaz, eta oneratzeko deliberazioneaz.*

### Iesus-en hitzak

1. Bertze guziak baino lehen, bihotzeko humiltasun eta erreberenzia handi, fede oso eta jainkoaren ohoratzeko intenzione debozionetsu batekin Iainkoaren Apeza hurbildu behar da sakramendu hunen egitera, erabiltera eta hartzera.

Mira zazu erneki zure konszientzia, eta zure ahalaren arauaz hura garbi eta argi zazu egiazko urrikimendu eta konfesione humil batez, hala non zure baitan ezta dukazun, edo ezagut ezte zazu ausiki zaitzan, eta zil-hegiki hurbiltzetik gibela zaitzaken narriorik.

Higo in bekizkitzu zure bekatu guziak jeneralki, duzun ere damu partikular bat eta urriki geiago zure egunorozko soberaniez: eta denborak agitzen badu zure arimako miseria guziak konfesa diotzotzu Iainkoari bihotzeko gorda-lekuan.

2. Iar zaite hatsbeherapenez, eta duzun dolore, zeren oraino hain zaren haragizkoa eta mundukoa, zeren pasioneak dituzun hain hildumagutabeak, zeren zure guthiziek hala zarabiltzaten, zeren zure kanpoko sensuak hain guti begiratzen tutzun, zeren gogoeta alferrez hain maiz nahasten zaituzten.

Zeren hain zaren kanpoko gauzetara isuria, hain nagia barrenekotara, hain arina irri egitera eta ergeltzera, hain gogorra nigarretara eta urrikimendura.

Zeren hain agudo zaren gauza largoetara eta haragiaren plazeretara; hain nagi hertskailluetan, eta beroki hari behar denean.

Hain erne berriok enzuteko, eta gauza ederrik ikusteko; hain flako gauza komun arunteren eta humilgarrien besarkatzeko.

Hain guthizios hainitz biltzeko, hain zeken emaitako, hain hersi itxekitzeko.

Hain nabarmen hitzketea, hain ixilgaitz konpainietan.

Hain desordenatua zure azturetan, hain ergel zure erremanguetan.

Hain emana iatera ian edanera; hain gor Jainkoaren hitzetara.

Hain lasterkatsu pausatzer, hain berantkor traillaizter.



Hain erne elhetara, hain logale beilla sainduetara.

Hain kexatua akabatzer; hain airatua zinetan hari behar bidean.

Hain tonto zure orenen irakurtzean, hain epel meza erraitean, hain idor eta agor errezibitzean, hain laster errebelatua, hain gutitan zure baita osoki bildua.

Zeren hain usu kolerak zaramatzen, hain errazki bertzean higoitzen zaizkitzun, hain arinki iujeatzen tutzun, eta hain zorrotzki eranzuten derauezun.

Zeren hain zaren alegera ongi doatzunean, hain flako gaizki gertatzen zaitzunean.

Finean zeren hain bertzetan deliberatzen duzun hainitz ontasun egiteko, eta hain guti egiten duzun.

3. Zure eskas makur horiok, eta bertze horrelakoak konfesaturik, damu handi bat harturik zeren hain flako zaren, har ezazu gogo eta borondate sail bat beti zure bizitzearen oneratzeko, eta hoberenetik hobereana ekartzeko.

Gero obediencia bethe, eta bihotz oso batez zeroni ene izenaren ohoretan ofrenda zakizkit bethiereko sakrifiziotzat zure bihotzeko alda-rearen gainean, zure gorputza eta arima fidelki utzten ditutzula ene gomendioan; arren manera eta bide hartaz merezimendurekin hurbil ahal zaitezken Iainkoari Sakrifizio egitera, eta ene gorputzaren sakramendua zure Salbamendutan hartzera.

4. Ezen ezta ofrenda hobeagorik, ez eta bekatuak gatik satisfazione handiagorik, bere burua garbiki eta osoki Iesus-en gorputz preziosarekin batean Iainkoari ofrendatzea baino meza erraitean, edo errezibitzean.

Nihork egiten badu bere baitan dena, eta egiazko urrikimendutan badago, noiz ere hurbilduko baitzait barkamenduaren eta graziaren ardietsateko, bizi naiz dio Iaunek, nola ezpaitut nahi bekatorea hil dadin, aitzitik nahiago baitut bihur dadin ere gana, eta bizi dadin, enaiz geiago orhoituko haren bekatuez, baina guziak barkaturen zaizko.

## ZORTZIGARREN KAPITULUA

*Nola gure Salbatzaileak bere burua ofrendatu duen gurutzean,  
eta nola behar garen iarri haren borodatearen azpian.*

### Iesus-en hitzak

1. Nola neroni, eskuak gurutzean hedaturik eta gorputza billusgorriturik, borondate onez zure bekatuak gatik ofrendatu bainatzaio ene aitari, hala non ezpaita deus ere ene baitan azkendu eman eztudanik sakrifiziotzat haren baketzeko: molde berean zu ere egun oroz borondatezki ofrendatu behar zaizkit meza sainduan zure bihotzeko ahal eta afekzione ofrenda garbitzat eta saindutat.

Zer nahiago dut zure ganik, ene borondatearen azpian osoki iartera enseia zaitezin baino?

Zer ere emaiten baiterautazu, zeroni emaiten ezpazaizkit, eztadukat deus; zeren enabilla zure emaitzaren, baina bai zu zerorren bilha.

2. Ezen, nola gauza guziak izana gatik, ezpaitzenduke aski, ni neroni ezpanauzu; orobat eman diazakedazun guzia eztuket on, zu zeroni emaiten ezpazaizkit.

Zaren guzia ofrezki eta eman zakizkit Iainkoa gatik, eta zure ofrenda izanen da ene gogarakoa.

Huna, ni naizen guzia ofrendatu natzaio ene aitari, eman derautzut ere ene gorputza ianharitzat, eta ene odola edaritzat, arren ni guzia naizen zure, eta zu guzia geldi zaitezin neure.

Ordea zure baitan egoiten bazara, eta zure burua gogotik ekartzen ezpaduzu ene borondatera, ofrenda ezta bethea izanen, eta gure artean ezta batasun osorik eginen.

Beraz deusik dagizun baino lehen, aitzinetik behar duzu zure burua borondate osoz Iainkoaren eskuetan ezarri, nahi baduzu libertaterik eta graziaz ardietsi.

Ezen hargatik hain gutiak argitzen dira, eta bere baitan libro egiten, zeren bere burua ezin osoki utz dezaketen.

Nik eman sententzia tink eta fermu dago: baldin nihork uko egiten ezpaderae —bere dituen gauza guziei, hura ezin daiteke ene— diszipulu.

Bada nahi baduzu ene diszipuluetarik bat iarri, ofrenda zakizkit zeroni zure afekzione guziekin.



## BEDERATZIGARREN KAPITULUA

*Gure buruak eta ditugun guziak behar diotzagula Jainkoari  
ofrendatu, eta guzientzat othoitz egin.*

### Arima prestuaren hitzak

1. Jauna, zureak dire zeruan eta lurtean diren guziak.

Badut desira zuri neure buruaren emaitako borondatezko ofrendatzat, eta bethiere egoiteko zure.

Jauna, ene bihotzaren sinpletasunean egun iartzen naiz zure sekulako serbitzari, zure obeditzeko, eta bethi neure buruaren sakrifiziatzeko zure laudoriotan.

Har nazazu othoi zure odol preziosaz egiten derautzudan ofrenda hunekin batean: hura egun presentatzen derautzut hemen daudezin Angeruen aitzinean ikusten eztitudalarik, ene eta fidel guzien salbamendutan gerta dadin gatik.

2. Jauna, zure bakezko aldare hunen gainera ekartzen derauzkitzut bekatu egiten hasi nintzen lehenbiziko egunetik oren hunetaraino zure eta Angeru sainduen begietan egin ditudan huts eta bekatu guziak: arren zuk zure karitatearen suaz erre detzatzun, ene gaizkiak borra eta hil detzatzun, ene koszienzia bere kutsu guzietarik garbi dezazun, eta bekatu eginez galdu dudun grazia bihur diazadzun gatik; guziak oro barkatzen derauzkitzudula, eta miserikordiozki hartzen nauzula zuri bakezko muzu emaitera.

3. Zer daidiket ene humiltzeaz bertzerik ene bekatuak gatik, hek konfesatzen eta nigar uzur hiltzen ditudala, eta ixilgabeko othoitz ez nagotzula miserikordia eske?

Othoi, ene Jainkoa, enzun nazazu, eta urrikal nakizula zure aitzinean nagoen bezala.

Handiro higointzen zaizkit neure bekatuak, eztut bat ere geiago sekulan egin nahi: hetaz dut damu eta izanen ere bizi naizeino, prestik nagoela penitentzia, eta ahal bezanbat satisfazione egitera.

Barka diatzadatzu, ene Jainkoa, barka diatzadatzu egin ditudan bekatuak zure izenaren amorioa gatik: salba diazadazu zure odol preziosaz berrerosi duzun arima.

Huna, ni gomendatzen natzaio zure miserikordiari, zure eskuetan iarten naiz.

Egizu enekin zure ontasunaren arauera, ez ene gaixtotasunaren eta eskegabetsunaren eredura.

4. Ofrendatzen derauzkitzut halaber nik ongi egin guziak, xoil aphurak eta eskasak direlarik, arren zuk begitarte onez har detzatzun, zure gogara xuxen, santifika, eta bethi hoberena ekar detzatzun, eta azkenean ni alfer eta ezdeusetako hori fin doatsu eta laudatzeko batetara gida nazatzun gatik.

5. Ofrendatzen derauzkitzut oraino jende deboten desir on guziak, ene burasoen, ahaideen, urkoen, adiskideen, haurrideen, minduri guzien, niri edo bertzeri zure amorioz ontasunik egin deraukutenen, beretzat edo bertzeentzat othoitzik edo mezarik ene gatik desiratu duten, edo eskatu zaizkidan guzien beharrak, oraino bizi edo iadanik hil badire; arren guziak senti dezaten zu heltzen zaizkotela zure graziaz, faboratzen tutzula zure konsolazioneaz, perilletarik begiratzen, eta penetarik libratzen ditutzula, eta finean gaitz guzietarik atherarik atheraz gero hainitz esker on eta eder bozkariorekin eman diazazuten amorioa gatik.

6. Ofrendatzen derauzkitzut ere bakezko othoitzak eta sakrifizioak, beregainki zerbaitean ofensatu, tristetu, gaizki aiphatu, dainatu eta bidegabertzatu nautenak gatik: bai ere nik batzutan hitzez, eginez, neakiela edo eneakiela haserretu, asaldatu, damuztatu, edo eskandolisatu ditudan guziak gatik guziori orobat gure bekatuak eta elkarren arteko ofensak barka diatzagutzun amorea gatik.

Athera zazu, Jauna, gure bihotzetarik iduripen gaixto guziak, bekaitsteria, beltzuria, muturtasuna, haserredura, gudua, liskarra, eta zerk ere karitatea eta anaien arteko bakea zaurt, huts, guti, eta gibela baitezake.

Miserikordia Jauna, miserikordia egiezu miserikordia eske dagotzuteinei, emezu beharrei grazia; eta egin gaitzatzu halakoak, non gerta gaitzatzin gai zure graziaz gozatzeko, eta sekulako biziaren ardietsteko. Biz hala.



## HAMARGARREN KAPITULUA

*Eztela errazki gibelatu behar errezibitetik.*

### Iesus maitearen hitzak

1. Maiz eta laster bihurtu behar zare graziaren eta jainkozko miseri-kordiaren ithurburura, ontasun eta bihotz berotasun guziko ithurrira, zure pasione eta bizio guzietarik senda ahal zaitezken, eta deabruaren tentazio eta enganio guzien kontra bortitzago eta erneago egin zaitezgin gatik.

Etsaia, iakinik probetxu eta erremedio guziz handia dagoela sakramendu sainduan, manera eta okasione ahal guziz enseiatzen da fidelen eta jainkotiarren gibelatzera eta tratatzera haren errezibitetik.

2. Ezen batzuk iarten direnean bere bihotzaren preparatzen komunione sakratuaren hartzera, orduan Satanen akometamendu gaitzenak pairatzen tuzte.

Espiritu gaixto hura (Ioben liburuan datzan bezala) sartzen da Jainkoaren umeen artean, hekin nahasteko bere gaixtakeria usatuaz.

Hek egiten tu beldurtiegi eta dudatsu, hekin afekzioe saindua gutitu, edo duten zinetstea gal arazi nahi bere gerlatiaz; ea aldiz edo moldez osoki utziko dutenz komunione saindua, edo ea epeldurik hurbilduko zaizkonz.

Ordea eztu nihork ansiarik behar haren artezia edo gogoetagarri guziez, zenbat ere itsusiak eta higoitzekoak baitire: aitzitik burutara bihurtu eta aurtiki behar zaizko pitsten dituen fuinerakeriak.

Dohakabe hura mesprezatzekoa da eta trufatzekoa: alxatzen dituen bueltak eta eragintzak gatik ezta nihoiz ere gelditu behar gure Iesus maitearen gorputz preziosaren hartzetik.

3. Hainitzetan ere debozionerik izaiteko artha soberak, eta grina dudagarri iakin batek nola konfesatu behar den trabu emaiten dute.

Egizu zuhurren konseilluaren arabera, eta egoitzazu dudakeria eta narrio guzia, zeren Jainkoaren grazia tratatzen du, eta bihotzeko debozioea ithotzen.

Etzaitezila gibela komunione sakratutik edozein tribulamendu, edo atsekabe aphurgatik: aitzitik zoaz ahalik lasterrena konfesatzera, eta berzei barka diezezu gogotik.

Baina zuk nihor ofensatu baduzu, eska zaite humilki barkazino, eta Iainkoak ere gogotik barkatuko derautzu.

4. Zer probetxu duzu berant konfesatzeaz, eta komunione sainduaren gibelatzeaz?

Garbi zaite lehen bai lehen, laster etxa zazu pozoina, lehia zaite erremedioaren hartzera, eta hobeki kausituko zare, denbora handiz luza bazeneza baino.

Egun gelditzen bazare aitzakia baten gatik, bihar naski estakuru handiago bat etorriko zaitzu, eta horrela egonez luzaro traba zindezke errezibitetik, eta hartara gutiago gai egin zindezke.

Ahalik lasterrena iraitzazu presenteko pisutasuna eta nagitasuna; berdin ezta probetxurik luzeki egoitzeaz narriotan eta garritan, eta egunorozko paxeluak gatik Iainkoaren misterioetarik apartatzeaz.

Aitzitik hainitz luzatzeak errezibitu gabe kalte handia egiten du, zeren loarkatasun pisu bat ekartzen ohi baitu.

Ah dolorea! Epel eta largo batzuk konfesatzeko, luzamenduak gogotik hartzen tuzte, eta nahi dute komunione saindua gerotik gerora gibelatu, beldurrez obligatuz ditezin bere buruen hobeki begiratuz.

5. He! zein karitate aphurra eta debozioe erbala duten hain errazki komunione sakratua utzten dutenek!

Zein doatsu eta Jainkoaren gogarako estimatzen den, nor ere hala bizi baita, eta halako garbitasunean bere konszientzia baitaduka, non presetik bailegoke egun oroz errezibitzera, eta gogotik ere errezibi bailezake, zilhegi baliz, eta ahal baleidi, nihork deusik kontra erraiten ezluela.

Batzutan nihor gelditzen bada errezibitetik humiltasunaz, edo zenbait legezko traburen gatik, hura da laudatzekoa Sakramenduari ekartzen dioen ohoriaz.

Ordea nagitasuna sartzen bazaio, berak atzartu behar du bere bihotza, bere baitan dena eginez, eta Jainkoa helduko zaio haren desirari dadukan borondate ona gatik, zeintara beregainki behatzen baitu.

6. Baina noiz ere beharrez tratatua baita, bethi iduki beza gogo ona eta intenzione saindua errezibitzeko, eta horrela eginik ezta sakramenduaren fruituaz gabetuko.



Ezen nahiz den arima debota egun eta oren guziez hurbil diteke bere Salbatzailearen espiritualki hartzera probetxurekin, eta nihork tratu paxelatu gabetik.

Guziarekin ere egun iakineta eta manatueta bere jaunaren gorputz maitea behar da bihotzeko erreberentzia batekin sakramenduan errezebitu, eta geiago behatu behar du Jainkoaren laudiora eta ohorera bere konsolazionera baino.

Zeren arima debotak espiritualki errezebitzen du, eta ikusten ezten maneraz othuruntzatzen da, sakramendu sainduaz, noiz ere bere Salbatzailearen Inkarnazioeko misterioa eta Pasionea gogoan baitarabilla debozionerekin, eta haren amudioan irazekitzen baita.

7. Nor ere ezpaita preparatzen Besta etorri denean, edo kostumak ertxatzen duenean baizen, hura geienean preparatu gabe izanen da.

Doatsua, nork ere Jainkoari bere burua sakrifizio osotzat ekartzen baitio, meza erraiten, edo errezebitzen duen ordu guzietan.

Etzarela luze edo kexuegi meza erraiten duzunean, baina zarraizko bizi zarenekikoek dadukaten ohiko antze onari.

Eztitutzu bertzeak unhatu edo kexatu behar: aitzitik iarraiki behar zaizko bide arunteari, aitzinekoak ordenatu duten bezala, eta lehen behatu behar diozu bertzeen probetxuari, ezen ez zure debozioneari eta goguari.

## HAMEKAGARREN KAPITULUA

*Aldareko sakramendua, eta eskiritura saindua  
xoil direla preniazkoak arima fidelarentzat.*

### Iesustiarraren hitzak

1. O Iesus ene jaun guziz ezta, zein handi den zurekin zure barakaritan othuruntzatzen den arima debotaren ez-titasuna, non ezpaitzaio bertzerik emaiten iatera, zu baizen, o haren maite bakoitza, eta haren bihotzak desira detzakeien guzien gainetik maitatzekoa.

Niri ere segur konsolazione litzaiket zure presenzian barreneko afekzioez nigar isurtzea, eta Madalena debotarekin zure oinak nigarrez arregatzea.

Ordea non da halako debozionerik? non da nigar urite saindu hura?

Gerthuz zure begien, eta Angeru sainduen aitzinean ene bihotz guzia behar liteke erre eta ustu bozkarioz.

Ezen zu zeroni zaitut egiazki presentean hemen zure sakramenduan, iduri arrotzez estalia zaudelarik.

2. Berdin ene begiek ezin paira lezakete zuri zure Iainkotasuneko argitasunean behatzea mundu guzia bera elegoke zure maiestatearen loriazko distiaduraren aitzinean.

Hortan bada behatzen diozu ene flakotasunari, zeren gerizatzen zaren sakramenduaren azpian.

Badut egiazki, eta adoratzan ere dut, Angeruek zeruan adoratzan dutena bera, nik ordea fedez oraino, eta hek hura den bezala ikusten dute begitartez begitarte, eta estalki gabetik.

Huneraino kontentik egon behar naiz egiazko fedearan zuziaz, eta hark gidaturik ibilli behar dut sekulako argiaren eguna ilki dadin, eta figuren itzalak ioan ditezin artean.

Baina doatsutasuneko estatu konplia datorrenean, geldituko da sakramenduen usanza eta beharra.

Zeren doatsuek zeruko lorian eztute sakramenduzko erremedioaren mengoarik: fingabeki bozten dira Jainkoaren presenzian, haren loria begiz begi ikusten dute; hondogabeko Jainkotasunaren argitik argira aldaturik



dastatzen dute Jainkoaren semea haragi egina harte danik izan den, eta sekulakotz dagoen bezala.

3. Miragarri hautaz orhoiturik, nahiz den konsolazione espirituala pisu eta unhagarri ekiten zait; zeren zenbat ere bainago ene Jauna bere lorian ikusi gabe, ezdeustzat dadukat munduan ikusten eta enzuten dudan guzia.

Zu zaitut lekuko, ene Jainkoa, eztela nihor ere konsola eta sosega nazakeien gauzarik zu baizen, o sekulakotz miratzera, desiratzen dudan Jainkoa: hori ordea ezin daiteke gorputz hilkor hunetan nabillano.

Halakotz pazientzia handitan, eta zure borondate sailduaren azpian iarri behar naiz ene desir guzietan.

Ezen, Jauna, zeruetako erresuman zurekin orai bozten diren sailduak ere, bizi zirenean fede eta pazientzia handirekin begira zeudezin noiz etorriko zen zure loria.

Hek zinetsi dutena, nik zinetsten dut, hek izan duten esperantza nik badut, eta fidanza ere bai hek ardietsi duten lekura nik zure graziarekin batean ardietsiko dudala.

Bizkitartean ibilliko naiz fedeak argiturik, eta sailduen exenpluz bihotzturik.

Baditut oraino liburu sailduak konsolazionetzat eta bizitzeko mirailtatzat eta guzien gainetik badut zure gorputz sakratua erremedio eta ihesleku beregainekotzat.

4. Zeren ezagutzen dut bi gauzaz premia handi dudala mundu hunetan, eta hek gabe ondikozko bizitze hau ezin neramakeiela.

Gorputzeko presondegiak nadukaino aitortzen dut behar dudala iatekoa eta argia.

Niri bada eri hori eman derautazu zur gorputz sakratua ene arimaren eta gorputzaren baskatzeko eta zure hitz saildua ene oinei argitzeko.

Bi gauza hauk ezpanitu ongi bizi nindeke, zeren zure hitza da arimako ogia, eta zure sakramendua da bizitzeko ogia.

Erran diteke halaber bi mahainak direla Eliza Sailduaren tresordegian alde batetik eta bertzetik ezarriak.

Bata da aldare sailduko mahaina, ogi sakratua, erran nahi da, Iesus-en gorputz preziosa dadukana.

Bertzea da lege sailduaren mahaina, dotrina saildua dadukana, fede zuzena irakasten deraukuna, eta seguraturik gidatzen gaituena Beloaren barreneraino, zeinetan baitago sailduen saildua.

Eskerrak derauzkitzut, ene Iesus Jauna, egundainoko argiaren argia zarena, zeren Profeta, Apostolu, eta bertze dotor zure serbitzari leialen eskuez zure dotrina sailduaren mahaina hedatu eta partitu deraukuzun.

5. Eskerrak derauzkitzut gizonen Kreatzaillea eta Libratzaillea, zeren zure karitatea guziei erakustea gatik, afari handi hura aphaindu duzun, zeinetan emaiten baituzu, ez figurazko bildotza, baina bai zure gorputz eta odol sakratua.

Alageratzen tutzu, Jauna, fidel guziak lankezia saildu hartaz, eta horditzen tutzu sendagarritzko kalitzaz, zeinetan barrena baitaude parabisuko plazer guziak, eta non gurekin batean Angeru sailduak iaten eta edaten baitute, baina guk baino gozo doatsuago batez.

6. O zein handi eta ohorezko den Apezan ofizioa! Hei eman baitzaie esku guzien gaineko Jaunaren hitz sakratuez konsekratzeko, espainez benedikatzeko, eskuez erabilteko, ahoz hartzeko, eta bertzei ere partitzeko.

O zein xahu behar diren Apezaren eskuak, ahoa ain garbi gorputza zein aratz, bihotza zein argi, hartan barrena garbitasun guziko ithurria hain maiz sartzen denaz gero.

Iesus-en sakramendua hain bertzetan hartzen duen Apezaren ahotik ezta ilki behar hitz ederrik eta onik baizen.

7. Iesus-en gorputzari behatzen ohi dioten begiak behar dira garbi, zuhur, eta ohorezko egon: zeruaren eta lurraren kreatzaillea maiz ukitzen duten eskuak behar dire xahuak eta zerura alxatuak izan.

Apezei beregainki erraiten zaie lege sailduan: zaretela saildu, zeren ni zuen Jainko Jauna bainaz saildu.

8. Hel bekigu zure grazia, ene Jainko guziz botheretsua, arren apeztasuneko ofizioa hartu dugunok behar bezalako debozionez, garbitasun oso eta konszientzia on batekin serbitzu egin diazazugun.

Eta ezin ibil bagaitzke behar dugun bezain bizitze garbirekin, guziarekin ere iguzu grazia merezi bezala nigar egiteko egin ditugun bekatuak gatik, eta hemendik hara zure serbitzatzeko humilkiago, berokiago eta borondate hobeagorekin.



## HAMABIGARREN KAPITULUA

*Artha handirekin preparatu behar dela Sakramendu Sainduaren hartzera.*

### Iesus maitearen hitzak

1. Ni naiz garbitasunaren maitaria, eta saindutasun guziaren emaillea. Ni nabilla bihotz garbiaren bilha, eta hartan da ene pausagunea.

Prepara diazadazu afal leku handi bat hedaturik, eta zure baitan eginen dut ene Baskoko afaria ene diszipuluekin.

Nahi baduzu zure gana natorren, eta zure baitan nagoen, ken ezazu lemami zaharrak zure arimatik, eta garbi zazu zure bihotzeko ostatalekua.

Kanpora zazu mundu guzia eta bizioen abarrotza: iar zaite zure gelan, Eliza xoria teillatuan bakarrik dagoen bezala, eta han gogora tzatzu zure eskasiak eta soberaniak zure arimaren damutan.

Ezen nork ere maite baitu, ahalik lekurik hoberena eta ederrena preparamen dio bere maiteari, eta hortan ezagutzen da bere maitea etxera hartzen duenaren egiazko amorioa.

2. Badarik ere iakin ezazu ezin asko prepara zaitezkeiela zure obren bertutez, urthe oso bat eman bazeneza ere zure preparamen, eta bertzerik gogoan ezpazendu ere.

Bainan orhoit zaite ene biotzberatasun eta grazia hutsez zilhegitzen zarela ene mahainera hurbiltzera, eskale bat irakar baledi bezala aberatzaren baraskaritara, deusik eluela hari ordain emaiteko, haren aitzinean humiltzea eta esker emaitze baizen.

Egizu zure baitan dena, ordea egizu gogotik eta erneki, ez kostumaz edo beharrez; baina beldurtasun, erreberenzia, eta gogo pitztu batekin, har ezazu zure gana bere ontasunaz etorri nahi duen zure Iainko jaun maitearen gorputza.

Ni naiz deitu zaitudana, nik manatu dut horrela egin dadin, nik askituko dut eskas zarena, zato eta har nazazu.

3. Debozionario grazia emaiten derautzudanean emoitzu eskerrak zure Iainkoari, ez zeren hura merezi duzun, baina zeren niri urrikaldu zaizkidan.

Debozionerik ezpaduzu, aitzitik sentitzen baduzu idorra zarela, iar zaite othoizetan, zaude hatsbeherapenez, bulka zazu athea, eta etzaitezila ixil zenbait xort edo papor Iainkozko mahain harturik ardiets dezakezun artean.

Ene beharra duzu, eta nik eztut zure beharrik.

Etzara heldu niri saindutasun berririk emaitera, bai ordea ni heldu naiz zure hobetzera eta saindutzera.

Heldu zara ene ganik saindutasunaren ardiestera, zure buruaren enekin bat egitera, grazia berri baten hartzera, eta berrirozki oneratzeko gogoaren pitstera.

Eztezazula hunelako grazia mespreza; aitzitik prepara zazu zure bihotza artha ahal guziaz, eta erakarzu zure maitea zure baitara.

4. Ordea etzara errezibitu baino lehen xoilki debozionarioan iarri behar, bainan hartan egon behar duzu errezibitu ondoan ere.

Ezta guardia gutiago eman behar gerokotz, lehen ongi preparamen behar zen baino.

Ezen errezibitu ondoko guardia ona da preparamen erik hoberena grazia handiago baten berriz ardiesteko.

Zeren hagitz barriatzen da nihor berehala isurtzenegi bada kanpoko konsolazionetara.

Begira zaite hitz sobera egitetik, zaude ixilean eta goza zaite zure Jainkoaz.

Berdin zure baitan duzu mundu guziak ezin edeki edo eraman diazakezuna.

Horrelakoa ni naiz, non zaren guzia eman behar baitzaizkit, hala non etzaitezin geiago bizi zure baitan, baina bai ene baitan deusez ere grinnatu edo axolatu gabe.



## HAMAHIRURGARREN KAPITULUA

*Arima debotak bihotz guziaz desiratu behar duela  
Jesus maitearekin bat izaitea sakramendu sainduan.*

### Arimaren hitzak

1. Ene Jauna, nork eginen deraut grazia zure aurkitzeko bakarrik, zuri neure bihotz guziaren zabaltzeko eta zutan gozatzeko ene arimak desira duen bezala?

Hala non gaurgero nihork enazan mespreza, geiago kreatoretarik batek ere enazan geiago uki edo ikus, baina zu xoilki minza zakizkidan, eta ni ere minza nakizun, maitea maitearekin solhasetan, eta adiskidea adiskidearekin baraskaritan hari diren bezala.

Horren eske nago, hortaz dut desira: ene nahia da zurekin osoki bat izaitea, neure bihotzaren apartatzea kreatura guzietarik, eta maiz erreze-bituz, edo meza erranez ikastea zeruko eta sekulako gauzen dastatzen.

Ah! ene Jainko jauna, noiz izanen naiz guzia zurekin bat egina, zure baitan hondatua, eta neure buruaz osoki ahantsia?

Zu ene baitan zare, ni ere zure baitan naiz. Egizu arren horrela bate-tan egon gaitezin.

2. Gertuz zu zare ene maitea, milletarik hautatua; ene arimaren gut-hizia eta atsegina da zurekin egoitea biziko den egun guziez.

Egiaz zu zare ene bakegilea, zure baitan da bakerik handiena, eta egiazko sosegua, zure ganik kanpoan den guzia da neke-trabaillu, eta fin-gabeko lazeria.

Egiazki zu zare Jainko estalia; zure konseillua ezta gaixtoekin, bainan humillekin eta simplekin da zure solhasa.

O Jauna, zein ezti den zure espiritua! plazer baititutzu zure umeak othurunzatu zerutik iautsirikako ogi miragarriki gozok, zure hekin gana-ko eztitasunaren irazuzteko.

Gertuz ezta nihor bertzetan hain jende handirik, non duen hurbil dakion Jainkorik, zu gure Jainkoa zure fidel guziei heltzen eta laguntzen zaizkoten bezala; zeroni emaiten baitzaizkote iatera eta gozatzera, hekin bihotzaren egun oroz konsolatzeko eta zerura goititzeko.

3. Zeren zein da munduko jendeen artean Giristinoa bezain noblerik.

Edo zein da zeruaren azpiko kreatura guzietarik arima debota bezain maiterik? haren gana heldu baita Jainkoa, haren baskatzeko bere haragi loriosaz.

O zein erranezko grazia! o miragarriko ontasuna eta ohorea! o neurrigabeko amorioa gizonari bereziki emaiten zaiona.

Ordea zer bihurtuko diot nik Iainkoari hain grazia eta karitate handi hunen ordain?

Ezin demokeot haren gogarako den gauzarik ene bihotza baino, hura osoki emaiten diodala, eta harekin ahalik barrenera iuntatzen dudala.

Orduan neure barrenalde guziak iausiko dire bozkarioz ene arima Jainkoarekin alde guzietarik iunta dadinean.

Orduan erranen deraut: nahi baduzu izan enekin, nik ere nahi dut izan zurekin.

Eta ihardetsiko diot: plazer duzula, Jauna, enekin egon, nik gogotik nahi dut izan zurekin. Hau da ene desir guzia, ene bihotza dagoen zure-kin bat egina.



## HAMALAU GARREN KAPITULUA

*Arima debot batzuen guthizia irakinaz  
Jesus-en gorputz sailduaren aldera.*

### **Arimaren hitzak**

1. Zenbat eta zein handi diren, Jauna zure beldur direnentzat gorde-rik dadutzatzun eztitasunak.

Zure sakramenduari debozione eta afekzione handirekin hurbiltzen zaizkon batzu gogora heldu zaizkidanean maizenik tontoturik nago.

Ahalkez gorritzen bainaiz ikusteaz hain epelik eta hotzik heldu naitzela zure aldarera eta gorputz sailduaren mahainera: hain agorturik eta bihotzeko afekzione gaberik nagoela, enaizela osoki irazekia eta suakartua zure aitzinean, ene Jainkoa, eta enaizela gogo guziaz hainitz arima prestu bezain bortitzki zure gana eramana.

Orhoit naizenean hek zure errezebitzeko guthizia handiegiz, eta bihotzeko amorio sentikor batez ezin geldi zitezkeiela nigar minik egitetik; baina zure gana, o ithurri bizia, bihotzeko eta are gorputzeko ahoa zabaldurik zeudezila, bere gosea eta egarsua bertzela ezin apazegatuz eta asez zure gorputz preziosa ahalik alegrianza eta gosete espiritualenaz errezebituz baizen.

2. O zein egiazko, zein bizia, eta irazekia den horrelakoen fedea! Seinale ageria da, zu, Jauna, bere bihotzaren erdian zaitutzela.

Ezen egiazki ezagutzen dute bere Jauna ogi hautstean, zeinen ere bihotza hain biziro suakartzen baita, Jesus maitea hekin artean bidean ibilliz.

Horrelako afekzioea eta debozionea, hain amorio bizia eta irazekia hainitzetan urrun dira eneganik.

Urrikal nakizula, ene Jesus ona, bihotzbera eta amolsua: emozu zure eskale gaizoari zenbait aldiz bedere zure bihotzeko amoriotik guti bat dasatzera zure mahain sakratuan; arren zure baitan dadukadan fedea geiago bortitz dadin ene esperanza zure ontasunaren gainean aitzina eta finka dadin, ene karitatea alde guztiz irazekirik eta zeruko ianharia gozaturik nihoiz ere iraungi eztaadin.

3. Bada zure miserikordiak eman diazaket hanbat desiratzen dudan grazia eta zure plazer oneko eguna datorrenean begitarte amolsuaz bisita nazake bere amorioaren beroduran.

Ezen ez tirakidalarik zure serbitzari bereziek dirakiten bezain desir handiz, badarik ere zure grazia lagundurik, hek duten desir irazekiaz guthizia dut nik ere, othoitzez nagotzula eta desiratzen dudala gai egin nazazun zure horrelako maitari bero guziekin partale gertatzeko, eta hekin konpainia sailduan sartzeko.



## HAMABORTZGARREN KAPITULUA

*Debozione grazia ardiesten dela humiltasunez,  
eta bere buruari uko eginez.*

1. Behar duzu debozionario grazia arduraki bilhatu, beroki eskatu, haren begira egon pazienziarekin eta fidanzarekin.

Grazia behar duzu eskerrekin errezibitu, humiltasunarekin begiratu.

Graziarekin batean hari behar duzu artha handirekin eta Jainkoa utzi behar duzu egitera noiz eta nola bisitatuko zaituen gainetik, bera datorren artean.

Guzien gainetik humildu behar zare eta apaldu, noiz ere baitakusazu debozione guti duzula, edo bat ere eztuzula; bainan etzare sobera bihotz flakatu behar, ez eta neurri gabeki tristetu.

Hainitzetan Jainkoak begi ideki batean emaiten du, denbora handiz ukatu zuena:

Batzutan ere othoitzaren ondoan emaiten du othoitz hastean eman nahi etzuen.

2. Grazia bethi berehala emaiten baliz, eta noiz nahi hel baledi, nekez hura iasan lezake gizonaren flakotasunak.

Hargatik esperanza on, eta pazienza humil batekin egon behar duzu debozionario graziaren begira.

Bizkitartean emazu falta zerorren, eta zure bekatuen gainean noiz ere grazia ezpaitzaitu emaiten, edo zergatik eztakizula edekiten baitzaitzu.

Batzutan gauza aphurra da grazia trabatzen, eta gordetzen duena; erran behar bada aphurra dela, aitzitik erran behar ezpada handia dela zerk ere hain ontasun handia kentzen eta kanporatzen baitu.

Baldin ordea zure ganik kentzen baduzu trabu hura, dela aphurra dela handia, eta osoki gelditzen bazare nausi, ardietsiko duzu zeren ere eske baitzinunde.

3. Ezen noiz ere bihotz guziaz emanen baitzaizko Jainkoari, eta horrelakorik edo halakorik ezpaituzu bilhatuko zure plazeraren eta nahia-  
ren arauera; bainan osoki iarriko baitzare haren baitan, berehala edirenen  
zare harekin bat eginik eta baketurik.

Berdin eztuzu nihon ere halako gozorik eta plazerik aurkituko, nola-  
koa hartuko baituzu Jainkoaren borondatea plazer duen bezala konpli  
dadinian.

Nork ere bada bihotz simple batez bere desira goiti Jainkoagana alxa-  
tuko baitu, eta hutstuko baita nahiz de gauza kreatuaren alderako amudio  
eta higoindura desordenatuaz, hura xoil izanen da gai eta baso graziaren  
eta debozionario dohainaren ardiesteko.

Ezen gure jaunak emaiten du bere bendizinoa, non ere kausitzen  
baitu utzi hutsturik.

Eta zenbatenaz zinkiago nihork eginen baiteraue behereko gauzei  
uko, eta bere baitan hiltzenago baita bere burua mesprezatuz, hanbatenaz  
lasterago heldu da grazia, usuago sartzen da, eta bihotza gorago alxatzen  
da librorik.

4. Orduan ikusiko, frankia izanen du, miretsiko du bere baitan zabal-  
duko zaio bihotza, zeren Jainkoaren eskua berekin duen, eta bera den  
guzia sekulakotz iarr den Jainkoaren eskuetan.

Horra nola benedikatuko den bihotz guziaz Jainkoaren bilha dabi-  
llana, eta bere arima eztadukana ezdeusetako.

Hunelako batek Sakramendu saindua hartzen duenean gai eta baso  
egiten da grazia berezi batez bat izaiteko Jainkoarekin, zeren ezpaitu kon-  
turik egiten bere oldezko debozionarioaz eta konsolazionarioaz, baina beha-  
tzen baitu Jainkoaren loriara eta ohorera debozionario eta konsolazionario  
guzien gainetik.



## HAMASEIGARREN KAPITULUA

*Gure beharrak behar diotzagula agertu eta bere grazia eskatu  
behar gaizkola.*

### Arima debotaren hitzak

1. O ene Jauna guziz ezia, guziz maitatzekoa, orai debozionerekin desiratzen dudana hartzera baduzaguzu ene flakotasuna, eta pairatzen dudan beharkia, zenbat gaitzetan eta bekatutan natzan eroririk, zenbatean zapatzen, tintatzen, aldaratzen eta lizuntzen naizen: zure gana heldu naiz erremedio bilha, konsolazione eta arintza eske nagotzu.

Mintzo natzaio diren guziak dakizkienari, ene bihotz barreneko guziak dakuskienari, eta bera xoilki bere konsolazionez hel dakidanari.

Badakizu zer ontasunen beharra dudan guzien gainetik, eta zer pobre naizen bertutez.

2. Huna ni zure aitzinean nago pobre billusirik grazia eta miseriordia eske.

Baska zazu zure eskalegosea, irazeki zazu ene hotzetasuna zure amorioaren suaz, argi zazu ene itsutasuna zure preziazaren argiaz.

Kirats diatzadatu larriko atsegin guziak, indazu pazientzia bizitze hunetako gaitz eta kontrako guzietan; egizu behereko gauza kreatu guziak mespreza detzadan eta ahants dakizkidan.

Goiti diazadazu bihotza zure gana zerura, eta enazazula utz horra hara lurrean errebelatzera.

Zu xoilki orai danik ezti zakizkit sekulakotz; berdin zu xoilki zara ene jatekoa eta edatekoa, ene amorioa eta bozkarioa, ene dulzedura eta ontasun guzia.

3. Ai nazazun guzia zure preziaz irazeki, erre; eta zu baitara itzul, zurekin espirtu bat egin nadintzat barreneko batasunaren graziaz, eta amorio berroz urturik.

Enazazula utz zure ganik ioaitera barurik eta iharturik, bainan hari zaite enekin miseriordioski, maiz eta maiz zure sainduekin miragarritzki hari izan zaren bezala.

Zer miretsteko lizate guzia sutzen baninz zuk eginik, eta ene baitan eskas banendi, dakidala zu zarela bethi bizi den eta behinere iraungitzen ezten sua, zu zarela bihotzak garbitzen dituen, eta adimendua argitzen duen amorioa?



## HAMAZAZPIGARREN KAPITULUA

*Iesus-en errezibitzeko amorio irakinaz, eta afekzione bortitzaz.*

### Iesustiarraren hitzak

1. O Jauna, beregaineko debozione, eta erretzen nauen amorio batez, ene bihotzeko afekzione eta indar guziez desiratzen dut zure errezibitzera hainitz arima sainduak eta debozionetsuk errezibitzen zinituztanean desiratu zaituzten bezala, zeinak bere bizitze sainduaz zure gogarakoak izan baitira, eta xoil debozione beroa ekarri baiterautzute.

O ene Jainkoa, egundainoko amorioa, ene ontasan guzia, mugarri gabeko doatsutasuna, badut guthizia zure errezibitzeko egundaino zure sainduetarik nihork izan duen eta huneraino sentitu eta frogatu ahal duen desir handienaz eta erreberenzia humillenaz.

2. Eta debozionezko sentimendu hek guziak merezi eztitudalarik badarik ere presentatzen derauzkitzut ene bihotzeko afekzioneak, arima prestuen desir suakartu zure gogarako hek guziak neronek banitu bezala.

Bai eta zer ere bihotz debot batek gogora, endellega, eta desira baitezake, hura guzia erreberenzia guziz handi, eta berodura xoil barreneko batez ekartzen derautzut eta ofrendatzen.

Eztut deus ere enetzat lekatu, ez soberatu nahi, aitzitik nahi derauzkitzut, bai neure burua, bai neure diren guziak gogotik eta borondatez sakrifiziatu.

Ene Jainko jauna, ene Kreatzaillea eta Salbatzaillea desiratzen dut egun zure errezibitzera Andre Dona Maria Birjina loriosa, zure ama guziz sainduak desiratu eta errezebitu zaituen bezalako afekzione, erreberenzia, laudorio, ohore, esker, merezimendu, amorio, fede, esperanza, eta garbitasun guziekin, zu gizon eginen zinelako misterioaren berria ekarri zioen Angeruari humilki eta debotki ihardetsi zioenean: Huna ni Jaunaren neskatoa egin bekit zure hitzaren arauera.

3. Eta nola Jondone Joanni Batista, zure aitzindari doatsu, sainduen beregainekoa, zure presenzian bozkarioturik jausika hari izan baitzen Espiritu Sainduak emanikako graziaz, oraino bere amaren sabelean zegoelarik; eta gero ikusi zuenean bere Iesus maiteak gizonen artean zebillala

ibiltzen, hagitz humildurik gogo debotaz erraiten baitzuen: Esposaren adiskidea, xutik dagoena, eta hura enzuten duena, bozkarioz bozten da esposaren mintzoa eta hitzak aditurik hala nik ere guthizia saindua, eta desir handia dut amoriozko kar biziez erretzeko, eta zuri bihotz osoz neure buruaren presentatzeko.

Halakotz ofrendatzen derauzkitzut arima debot guzien alegrianzak, afekzione pitstuak, espirituzko eramaitzak, gainetikako argidunak, zerutik agertzen eta heldu zaizten ezagutza guziak, bai eta zeruan edo lurrean egundainoko kreatura guzien partez kantatu eta kantatuko zaizkitzun bertute eta laudorio guziak, ene salbamendua gatik, eta ene othoitzetan gomendatu diren guziak gatik, arren guziok bide bezalako laudorio eta loria eman diazazugun sekula sekuloronekotz.

4. Ene Jainko jauna, har etzatu ene botuak, eta zure ezin erranezko handitasuna gatik zuzen onez zor zaizkitzun fingabeki zure laudatzeko eta neurrigabeki benedikatzeko desirak.

Ene botu horiok bihurtzen derauzkitzut, eta bai egun, bai puntu oroz zuri hekin bihurtzeko desira dut, othoitzez nagotela hitzez eta bihoitzez zeruko espiritu eta munduko fidel guziei enekin batean zuri esker eta laudorio emaitiaz.

5. Lauda zaitzabela kantoin, komarka, jende, hitzkuntza, eta erdara guziek.

Barraia bezate laudorioz zure izen saindua, eta ezia dariona ahalik boztasun, eta debozione beroenaz.

Bai eta zeinek ere zure sakramendu handia erreberenziarekin eta debozionerekin ukitzen, edo fede oso batekin errezebitzen baitute, arren egin bitez bire gai zure aitzinean graziaren eta miserikoridaren edireiteko, eta begite othoitz ni bekatore horren gatik.

Finen debozione desiratu batasun gozogarriarekin ardiets dezate-nean, ongi konsolaturik eta miragarriki othurunzaturik zeruko mahain saindutik ilki ditezinean plazer dutela ni pobre eta gaizo horrez orhoitu.



## HEMEZORTZIGARREN KAPITULUA

*Eztuela nihork Sakramendu saindua kurioski sondatu behar,  
baina iarri behar dela Jesus-en imitatzaille humil bere sentimendua  
fede sakratuaren azpian emanik.*

### Iesus maitearen hitzak

1. Begiratu behar zare sakramendu hondar gabeko hunen kurioski sondatzetik, eta hartaz galde alferrik egitetik, nahi ezpazare guzia dudetan ehorzi.

Nork ere sondatzen baitu Jainkoaren maiestatea, hura lilluratuko du haren loriak.

Jainkoak geiago daidike, gizonak endellega dezakeien baino.

Paira diteke nihork egiten duen galde debota eta humilla, zein den egia iakin nahiz: bethi prestik dagoenean ikastera, eta dotor sailduen sentimendu garbien ondoan ibilli nahi duenean.

2. Doatsua da sinpletasun galdeen bidegaitzak utzten dituen simpletasuna, eta Jainkoaren manamenduen bide xidor ordokian, zelhaian, eta fermuan dabillana.

Hainitzek galdu dute debozioea, gauza goraegiak sondatu nahi izan dituztenean.

Galdegiten zaitzu ea fedea duzun, eta bizitze garbia deramazun, ez ordea ea Jainkoaren misterio gorak eta barrenak endellegatzen tutzun.

Baldin zu baino beherago diren gauzak endellegatzen ezpaditutzu, nolatan iakinen tutzu zu baino gorago direnak?

Jar zaite Jainkoaren azpian eta humil diozozu fedeari zure sentimendua, orduan emanen zaitzu iakintasuneko argia, on eta behar izanen duzun arauera.

3. Batzuek tentamendu gaitzak izaiten tuzte fedeari eta sakramendu sailduari ukitzen zaizkon gauzen gainean, bainan ezta hekin, bai ordea etsaiaren falta egin behar.

Eztuzula ansiarik ez iharduki zure gogoetekin, ez ihardets deabruak igortzen derauzkitzun duden gainean, bainan emezu zinetste Jainkoaren

hitzei, haren sainduei, eta profetei, gero etsai gaixtoa ioanen da zure ganik ihesi.

Hainitzetan hagitz on da Jainkoaren serbitzariak halako tentazionerik paira dezan.

Ezen deabruak eztitu tentatzen fedegabekoak eta bekatoreak; dakie-la hek bere eskuetan dadutzala, baina fidelak eta debotak hainitz moldez tentatzen tu eta penatzen.

4. Zabilta beraz fede simple eta dudagabeko batekin, hurbil zakizko sakramenduari erreberentzia humillarekin, eta zer ere ezin endellega baitezakezu, hura utzazu fidanzarekin Jainko guziz botheretsuaren eskuetan.

Jainkoak etzaitu enganatzen, bere buruaz sobera fida dena enganatzen ohi da.

Jainkoa dabilla humillekin, bere burua erakusten deraue humillei, adimendua emaiten deraue xipiei, endellegua, egia, barreneko mamia agertzen deraue arima garbiei, baina grazia estaltzen deraue kuriosei eta urguilluei.

Gizonaren arrazoina flakoa da, eta errebelateke, ordea egiazko fedea ezin engana diteke.

5. Arrazoin guzia, bilhatze edo galdegite naturala behar zaio fedeari iarraiki, ez aitzindu, ez eta kontra iarri.

Ezen fedeak eta amorioak hemen dute garaia, eta bide estali batzuek obratzen hari dire sakramendu saildu eta guzien gaineko hunetan.

Sekulako Jainkoak, neurrigabekoa, eta fingabeki botheretsuak egiten tu gauza handiak eta ezin sondatuzkoak zeruan eta lurrean, eta haren obra miragarrien kausitzeko biderik ezta.

Halakoak balire Jainkoaren obrak, non gizonaren arrazoinak errazki endellega baileda, elizate erran behar miragarriak eta ezin erranezkoak direla.

IESUS MARIA IOSEPH

Bortz sensuak dira ikustea, dastatzea, enzutea, usnatzea, ukitzea. A.  
391

Mr. Pouvreau a S. Victor